

ЎЗБЕКИСТОН РЕСПУБЛИКАСИ
ҚОНУНЧИЛИК
ТЎПЛАМИ

17-сон
(1193)
2025 йил
апрель

Ўзбекистон Республикаси қонунчилик тўплами беш бўлимдан иборат:

биринчи бўлимда Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон ва қарорлари эълон қилинади;

учинчи бўлимда Вазирлар Маҳкамасининг қарорлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

бешинчи бўлимда вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Биринчи бўлим

177. «Кредиторларнинг гаров билан таъминланган талабларини қаноатлантириш тизими янада такомиллаштирилиши муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида» Ўзбекистон Республикасининг 2025 йил 22 апрелдаги ЎРҚ–1060-сон Қонуни

Иккинчи бўлим

178. «Фуқароларнинг виждон эркинлиги ҳуқуқи кафолатларини янада мустаҳкамлаш ҳамда диний-маърифий соҳадаги ислохотларни янги босқичга олиб чиқиш чора-тадбирлари тўғрисида» Ўзбекистон Республикаси Президентининг 2025 йил 21 апрелдаги ПФ–68-сон Фармони

179. «2025 йил учун хусусийлаштириш дастури тўғрисида» Ўзбекистон

Республикаси Президентининг 2025 йил 21 апрелдаги ПФ–70-сон Фармони [Кўчирма]

180. «Коррупцияга қарши курашиш тизимини янада такомиллаштириш бўйича белгиланган устувор вазифалар ижросини самарали ташкил этишга доир чора-тадбирлар тўғрисида» Ўзбекистон Республикаси Президентининг 2025 йил 21 апрелдаги ПФ–71-сон Фармони
181. «Давлат иштирокидаги йирик корхоналарни халқаро бозорларда хусусийлаштириш тўғрисида» Ўзбекистон Республикаси Президентининг 2025 йил 21 апрелдаги ПҚ–145-сон қарори
182. «Давлат органлари ва ташкилотларининг коррупцияга қарши ички назорат бўлинмалари мустақиллигини таъминлаш ҳамда фаолияти самарадорлигини ошириш чора-тадбирлари тўғрисида» Ўзбекистон Республикаси Президентининг 2025 йил 21 апрелдаги ПҚ–147-сон қарори
183. «Тиббиёт соҳасида кадрлар тайёрлаш тизимини тубдан такомиллаштириш чора-тадбирлари тўғрисида» Ўзбекистон Республикаси Президентининг 2025 йил 22 апрелдаги ПҚ–149-сон қарори

Учинчи бўлим

184. «Бўш турган давлат қўчмас мулк объектларини хатловдан ўтказиш ва улардан самарали фойдаланишни ташкил этиш чора-тадбирлари тўғрисида» Ўзбекистон Республикаси Вазирлар Маҳкамасининг 2025 йил 21 апрелдаги 247-сон қарори
185. «Атом энергияси бўйича халқаро агентликнинг техник ҳамкорлик миллий лойиҳаларини амалга ошириш самарадорлигини таъминлаш чора-тадбирлари тўғрисида» Ўзбекистон Республикаси Вазирлар Маҳкамасининг 2025 йил 21 апрелдаги 249-сон қарори
186. «Ўзбекистон Республикаси фуқароларини хорижда ташкиллаштирилган тартибда ишга жойлаштириш тизимини янада такомиллаштириш чора-тадбирлари тўғрисида» Ўзбекистон Республикаси Вазирлар Маҳкамасининг 2025 йил 22 апрелдаги 252-сон қарори
187. «Номоддий маданий мерос намуналарини рўйхатга киритиш ёки ундан чиқариш билан боғлиқ давлат хизматларини кўрсатишнинг маъмурий регламентини тасдиқлаш тўғрисида» Ўзбекистон Республикаси Вазирлар Маҳкамасининг 2025 йил 24 апрелдаги 256-сон қарори
188. «Саноат тармоқларида фаолият юритаётган йирик корхоналар учун сервис хизматларини кўрсатишда маҳаллий корхоналар иштирокини кенгайтириш ва мутахассислар малакасини оширишни қўллаб-қувватлаш чора-тадбирлари тўғрисида» Ўзбекистон Республикаси Вазирлар Маҳкамасининг 2025 йил 25 апрелдаги 259-сон қарори

Бешинчи бўлим

189. Ўзбекистон Республикаси қишлоқ хўжалиги вазирининг 2025 йил 16 апрелдаги 30-сон “Тупроқ бонитировкаси ишларини ўтказиш ва хужжатларини тасдиқлаш тартиби тўғрисидаги низомга ўзгартиришлар киритиш ҳақида”ги буйруғи (*Ўзбекистон Республикаси Адлия вазирлиги томонидан 2025 йил 21 апрелда рўйхатдан ўтказилди, рўйхат рақами 2521-4*)
190. О‘zbekiston Respublikasi Markaziy banki boshqaruvining 2025-yil 1-apreldagi 7/6-son “Tijorat banklari kapitalining monandligiga qo‘yiladigan talablar to‘g‘risidagi nizomga o‘zgartirish va qo‘shimchalar kiritish haqida”gi qarori (*O‘zbekiston Respublikasi Adliya vazirligi tomonidan 2025-yil 21-aprelda ro‘yxatdan o‘tkazildi, ro‘yxat raqami 2693-13*)
191. О‘zbekiston Respublikasi Markaziy banki boshqaruvining 2025-yil 1-apreldagi 7/5-son “Tijorat banklarining likvidiligini boshqarishga qo‘yiladigan talablar to‘g‘risidagi nizomga qo‘shimcha va o‘zgartirishlar kiritish haqida”gi qarori (*O‘zbekiston Respublikasi Adliya vazirligi tomonidan 2025-yil 21-aprelda ro‘yxatdan o‘tkazildi, ro‘yxat raqami 2709-7*)
192. О‘zbekiston Respublikasi Markaziy banki boshqaruvining 2025-yil 8-apreldagi 7/4-son “Qarz oluvchi jismoniy shaxslarning qarz yukini tartibga solish to‘g‘risidagi nizomni tasdiqlash haqida”gi qarorga o‘zgartirish va qo‘shimchalar kiritish to‘g‘risida”gi qarori (*O‘zbekiston Respublikasi Adliya vazirligi tomonidan 2025-yil 21-aprelda ro‘yxatdan o‘tkazildi, ro‘yxat raqami 3205-4*)
193. О‘zbekiston Respublikasi maktabgacha va maktab ta’limi vazirining 2025-yil 9-apreldagi 2-mh-son “Umumiy o‘rta ta’lim oluvchilarning yakuniy davlat attestatsiyasi to‘g‘risidagi nizomga o‘zgartirishlar va qo‘shimcha kiritish haqida”gi buyrug‘i (*O‘zbekiston Respublikasi Adliya vazirligi tomonidan 2025-yil 22-aprelda ro‘yxatdan o‘tkazildi, ro‘yxat raqami 1778-4*)
194. О‘zbekiston Respublikasi Markaziy banki boshqaruvining 2025-yil 8-apreldagi 7/3-son “Banklarga o‘rnatiladigan makroprudensial normativlar hamda ular tomonidan beriladigan kreditlar (mikroqarzlar) bo‘yicha to‘lovlarning eng yuqori qiymatlariga doir talablar to‘g‘risidagi nizomni tasdiqlash haqida”gi qarori (*O‘zbekiston Respublikasi Adliya vazirligi tomonidan 2025-yil 22-aprelda ro‘yxatdan o‘tkazildi, ro‘yxat raqami 3618*)
195. О‘zbekiston Respublikasi Markaziy banki boshqaruvining 2025-yil 11-apreldagi 9/3-son “Kredit byurolarini ro‘yxatga olish va ularning faoliyatini litsenziyalash tartibi to‘g‘risidagi nizomga qo‘shimcha va o‘zgartirishlar kiritish haqida”gi qarori (*O‘zbekiston Respublikasi Adliya vazirligi tomonidan 2025-yil 23-aprelda ro‘yxatdan o‘tkazildi, ro‘yxat raqami 3042-5*)

196. Ўзбекистон Республикаси Коррупцияга қарши курашиш агентлиги директорининг 2025 йил 11 апрелдаги 69-сон “Ўзбекистон Республикаси Коррупцияга қарши курашиш агентлигининг айрим идоравий норматив-ҳуқуқий ҳужжатларига ўзгартиришлар киритиш ҳақида”ги буйруғи (*Ўзбекистон Республикаси Адлия вазирлиги томонидан 2025 йил 23 апрелда рўйхатдан ўтказилди, рўйхат рақами 3619*)
197. O‘zbekiston Respublikasi Markaziy banki boshqaruvining 2025-yil 11-apreldagi 9/1-son “Bank faoliyatiga ruxsat berish tartibi va shartlari to‘g‘risidagi nizomga o‘zgartirish va qo‘shimchalar kiritish haqida”gi qarori (*O‘zbekiston Respublikasi Adliya vazirligi tomonidan 2025-yil 24-aprelda ro‘yxatdan o‘tkazildi, ro‘yxat raqami 3252-5*)
198. Ўзбекистон Республикаси адлия вазирининг 2025 йил 24 апрелдаги 8-мх-сон “Норматив-ҳуқуқий ҳужжатлар лойиҳаларини илмий экспертизадан ўтказиш бўйича намунавий услубиётни тасдиқлаш тўғрисида”-ги буйруғи (*Ўзбекистон Республикаси Адлия вазирлиги томонидан 2025 йил 25 апрелда рўйхатдан ўтказилди, рўйхат рақами 3620*)

Вазирликлар, давлат қўмиталари ва идораларнинг норматив-ҳуқуқий ҳужжатларини давлат рўйхатидан ўтказиш ҳолати тўғрисидаги маълумот

БИРИНЧИ БЎЛИМ**ЎЗБЕКИСТОН РЕСПУБЛИКАСИНИНГ
ҚОНУНИ****177 Кредиторларнинг гаров билан таъминланган талаблари-
ни қаноатлантириш тизими янада такомиллаштирилиши
муносабати билан Ўзбекистон Республикасининг айрим қонун ҳуж-
жатларига ўзгартириш ва қўшимчалар киритиш тўғрисида***

Қонунчилик палатаси томонидан 2025 йил
11 февралда қабул қилинган

Сенат томонидан 2025 йил 17 мартда
маъқулланган

Кейинги йилларда мажбуриятлар бажарилишининг таъминоти сифатида берилган мол-мулкка нисбатан кредиторлар ҳуқуқларининг устуворлигини таъминлаш, гаровга қўйилган мол-мулкни аукцион орқали сотиш жараёнларини соддалаштириш, шунингдек гаров билан таъминланган мажбуриятларни суддан ташқари тартибда ундириш амалиётини такомиллаштириш борасида тизимли ишлар амалга оширилмоқда.

Шу билан бирга амалиётда кредит (ипотека) шартномаси бўйича мажбуриятларни қарздор томонидан ўз вақтида ва (ёки) лозим даражада бажарилишини, кредиторнинг гаров билан таъминланган талаблари қондирилишини, суд тартибида ва суддан ташқари тартибда ундирувни гаров нарсасига қаратишни, гаровга олувчининг гаров нарсасига бўлган ҳуқуқлари устуворлигини таъминлаш билан боғлиқ муаммолар мавжуд.

Кредиторларнинг гаров билан таъминланган талабларини қаноатлантириш тизими янада такомиллаштирилиши муносабати билан ушбу Қонун орқали Ўзбекистон Республикасининг Фуқаролик кодексига, Ўзбекистон Республикасининг Солиқ кодексига, «Гаров тўғрисида»ги, «Ипотека тўғрисида»ги, «Суд ҳужжатлари ва бошқа органлар ҳужжатларини ижро этиш тўғрисида»ги Ўзбекистон Республикаси қонунларига ўзгартириш ва қўшимчалар киритилмоқда.

Ушбу Қонун кредиторларнинг гаровга қўйилган мол-мулкка нисбатан ҳуқуқлари устуворлигини таъминлашга, гаров нарсасини суддан ташқари тартибда реализация қилиш тизимини такомиллаштиришга, мажбуриятларни гаровга қўйилган мол-мулк ҳисобидан ундириш жараёнларини соддалаштиришга ва кредит ташкилотларининг кредит портфелидаги муаммоли активлар улушини камайтиришга хизмат қилади.

* Ушбу Қонун «Қонунчилик маълумотлари миллий базаси»да 2025 йил 22 апрелда эълон қилинган.

1-модда. Ўзбекистон Республикасининг 1992 йил 9 декабрда қабул қилинган «Гаров тўғрисида»ги 736–XII-сонли Қонунига (Ўзбекистон Республикасининг 1998 йил 1 майда қабул қилинган 614–I-сонли Қонуни таҳририда) (Ўзбекистон Республикаси Олий Мажлисининг Ахборотномаси, 1998 йил, № 5-6, 96-модда; 2002 йил, № 1, 20-модда; Ўзбекистон Республикаси Олий Мажлиси палаталарининг Ахборотномаси, 2007 йил, № 4, 156-модда; 2009 йил, № 9, 337-модда; 2015 йил, № 8, 312-модда; 2018 йил, № 1, 4-модда, № 4, 224-модда; 2019 йил, № 10, 671-модда; 2020 йил, № 1, 3-модда; 2021 йил, 4-сонга илова; 2022 йил, № 11, 1062-модда; 2024 йил, № 10, 1079-модда) қуйидаги ўзгартириш ва қўшимчалар киритилсин:

1) **19-модданинг олтинчи қисмидаги** «26-моддасининг тўртинчи қисми» деган сўзлар «26-моддасининг бешинчи қисми» деган сўзлар билан алмаштирилсин;

2) **26-модда:**

қуйидаги мазмундаги **тўртинчи қисм** билан тўлдирилсин:

«Гаров билан таъминланган мажбуриятнинг бузилиши қуйидаги шартлар бир вақтнинг ўзида мавжуд бўлган тақдирда, жуда арзимас деб ҳисобланади:

1) агар гаров билан таъминланган, қарздор томонидан қопланмаган мажбуриятнинг суммаси гаров қийматининг ўн беш фоизидан камроқни ташкил қилса;

2) агар гаров билан таъминланган мажбурият бажарилишининг кечикиши кетма-кет уч ойдан ошмаган бўлса»;

тўртинчи ва бешинчи қисмлари тегишинча бешинчи ва олтинчи қисмлар деб ҳисоблансин;

3) **27-модда тўртинчи қисмининг 1-банди** қуйидаги таҳрирда баён этилсин:

«1) қонунда бошқа шахснинг ёки органнинг гаров тўғрисида шартнома тузиш учун розилиги ёхуд рухсати ҳақидаги талаб белгиланган бўлса, бундан мазкур мол-мулкни гаровга бериш чоғида зарур бўлган розилик ёки рухсат олинган ҳоллар мустасно»;

4) **28-модданинг иккинчи, учинчи ва тўртинчи қисмлари** қуйидаги таҳрирда баён этилсин:

«Агар мол-мулк бир нечта кредитор олдидаги мажбуриятларнинг бажарилишини таъминласа, гаровга қўйилган мол-мулкни реализация қилишдан тушган пул маблағлари мазкур мажбуриятларни қонунда белгиланган навбат бўйича бажаришга йўналтирилади.

Гаровга қўйилган, суддан ташқари тартибда ундирув қаратилган мол-мулк кимошди савдосида сотиш, бевосита сотиш, кредитга, лизингга, ижарага бериш, бўлиб-бўлиб сотиш йўли билан ёки қонунчиликда тақиқланмаган бошқа битимлар орқали реализация қилиниши мумкин.

Гаровга қўйилган мол-мулкнинг кимошди савдосидаги бошланғич сотиш нархи гаровга қўювчи ва гаровга олувчи ўртасидаги келишувга асосан белгиланади. Гаровга қўювчи ва гаровга олувчи ўртасида мол-мулк нархи бўйича келишмовчиликлар мавжуд бўлган тақдирда, мустақил баҳоловчи ташкилот жалб этилади ва гаровнинг дастлабки қиймати бозор қийматидан

келиб чиқиб белгиланади. Бунда баҳолаш билан боғлиқ барча харажатлар мустақил баҳоловчи ташкилотни жалб қилган тараф томонидан қопланади»;

5) 29-модда:

номининг ўзбекча матни қуйидаги таҳрирда баён этилсин:

«29-модда. Гаров билан таъминланган мажбуриятни суддан ташқари тартибда қоплаш учун гаровга қўйилган мол-мулкни қабул қилиш»;

иккинчи қисмидаги «ўн» деган сўз «йигирма беш» деган сўзлар билан алмаштирилсин;

6) 47-модда:

учинчи қисмидаги «ёхуд жиноят ёки бошқа ҳуқуқбузарлик содир этганлик учун» деган сўзлар чиқариб ташлансин;

қуйидаги мазмундаги **тўртинчи қисм** билан тўлдирилсин:

«Гаров нарсаси бўлган мол-мулк гаровга қўювчидан жиноят ёки бошқа ҳуқуқбузарлик содир этганлик учун қонунда белгиланган тартибда олиб қўйилганда, гаровга олувчида ўз талабларини ушбу мол-мулк ҳисобидан устувор тарзда қаноатлантириш ҳуқуқи сақлаб қолинади».

2-модда. Ўзбекистон Республикасининг 1995 йил 21 декабрда қабул қилинган 163—I-сонли ва 1996 йил 29 августда қабул қилинган 256—I-сонли қонунлари билан тасдиқланган **Ўзбекистон Республикасининг Фуқаролик кодексига** (Ўзбекистон Республикаси Олий Мажлисининг Ахборотномаси, 1996 йил, 2-сонга илова, № 11-12; 1997 йил, № 2, 56-модда, № 9, 241-модда; 1998 йил, № 5-6, 102-модда; 1999 йил, № 1, 20-модда, № 9, 229-модда; 2001 йил, № 1-2, 23-модда, № 9-10, 182-модда; 2002 йил, № 1, 20-модда, № 9, 165-модда; 2003 йил, № 1, 8-модда, № 5, 67-модда; 2004 йил, № 1-2, 18-модда, № 5, 90-модда, № 9, 171-модда; Ўзбекистон Республикаси Олий Мажлиси палаталарининг Ахборотномаси, 2006 йил, № 4, 154-модда, № 9, 494, 498-моддалар; 2007 йил, № 1, 3, 5-моддалар, № 4, 156, 164-моддалар, № 8, 367-модда, № 9, 416-модда, № 12, 598, 608-моддалар; 2008 йил, № 4, 192-модда, № 12, 640-модда; 2009 йил, № 9, 337-модда; 2010 йил, № 9, 335, 337, 340-моддалар; 2011 йил, № 12/2, 363, 364, 365-моддалар; 2012 йил, № 4, 106, 109-моддалар, № 12, 336-модда; 2013 йил, № 10, 263-модда; 2014 йил, № 5, 130-модда, № 12, 343-модда; 2015 йил, № 8, 310, 312-моддалар; 2016 йил, № 4, 125-модда; 2017 йил, № 4, 137-модда, № 9, 510-модда, № 12, 773-модда; 2018 йил, № 1, 4-модда, № 4, 224-модда, № 7, 433-модда, № 10, 673-модда; 2019 йил, № 3, 161, 166-моддалар, № 5, 267-модда, № 10, 671-модда, № 12, 880, 886-моддалар; 2020 йил, № 1, 3, 4-моддалар, № 10, 593-модда; 2021 йил, 4-сонга илова, № 8, 801-модда, № 10, 968-модда; 2022 йил, № 2, 79-модда, № 3, 217, 218-моддалар, № 4, 340-модда, № 5, 464-модда, № 6, 570, 577-моддалар, № 11, 1061, 1062-моддалар; 2023 йил, № 10, 795-модда, № 11, 921-модда; 2024 йил, № 2, 111, 114-моддалар, № 6, 530-модда, № 9, 960-модда, № 11, 1193-модда) қуйидаги қўшимча ва ўзгартиришлар киритилсин:

1) **279-модда** қуйидаги мазмундаги **учинчи қисм** билан тўлдирилсин:

«Гаров билан таъминланган мажбуриятнинг бузилиши қуйидаги шартлар бир вақтнинг ўзида мавжуд бўлган тақдирда, жуда арзимас деб ҳисобланади:

1) агар гаров билан таъминланган, қарздор томонидан қопланмаган мажбуриятнинг суммаси гаров қийматининг ўн беш фоизидан камроқни ташкил қилса;

2) агар гаров билан таъминланган мажбурият бажарилишининг кечикиши кетма-кет уч ойдан ошмаган бўлса»;

2) **280-модда тўртинчи қисмининг 1-банди** қуйидаги таҳрирда баён этилсин:

«1) қонунда бошқа шахснинг ёки органнинг гаров тўғрисида шартнома тузиш учун розилиги ёхуд рухсати ҳақидаги талаб белгиланган бўлса, бундан мазкур мол-мулкни гаровга бериш чоғида зарур бўлган розилик ёки рухсат олинган ҳоллар мустасно»;

3) **281-модданинг:**

иккинчи ва учинчи қисмлари қуйидаги таҳрирда баён этилсин:

«Гаровга қўйилган, суддан ташқари тартибда ундирув қаратилган мол-мулк кимошди савдосида сотиш, бевосита сотиш, кредитга, лизингга, ижарага бериш, бўлиб-бўлиб сотиш йўли билан ёки қонунчиликда тақиқланмаган бошқа битимлар орқали реализация қилиниши мумкин.

Гаровга қўйилган мол-мулкнинг кимошди савдосидаги бошланғич сотиш нархи гаровга қўювчи ва гаровга олувчи ўртасидаги келишувга асосан белгиланади. Гаровга қўювчи ва гаровга олувчи ўртасида мол-мулк нархи бўйича келишмовчиликлар мавжуд бўлган тақдирда, мустақил баҳоловчи ташкилот жалб этилади ва гаровнинг дастлабки қиймати бозор қийматидан келиб чиқиб белгиланади. Бунда баҳолаш билан боғлиқ барча харажатлар мустақил баҳоловчи ташкилотни жалб қилган тараф томонидан қопланади»;

бешинчи қисмидаги «ўн» деган сўз «йигирма беш» деган сўзлар билан алмаштирилсин;

4) **285-модда** қуйидаги мазмундаги **тўртинчи қисм** билан тўлдирилсин:

«Гаров нарсаси бўлган мол-мулк гаровга қўювчидан жиноят ёки бошқа ҳуқуқбузарлик содир этганлик учун қонунда белгиланган тартибда олиб қўйилганда, гаровга олувчида ўз талабларини ушбу мол-мулк ҳисобидан устувор тарзда қаноатлантириш ҳуқуқи сақлаб қолинади»;

5) қуйидаги мазмундаги **746¹-модда** билан тўлдирилсин:

«746¹-модда. Кредитни муддатидан олдин қайтаришни талаб қилиш

Кредитни муддатидан олдин суд тартибда ундиришда, агар шартномада бошқача тартиб назарда тутилган бўлмаса, кредитор дастлаб қарзнинг белгиланган муддатда қайтарилмаган қисмини ундириш учун судга мурожаат қилади. Бунда агар қарз олувчи муддати ўтган қарзни тўлиқ тўламаган тақдирда, кредитор кредитнинг қолган барча суммасини муддатидан олдин қайтариш ҳақидаги талаб билан судга мурожаат қилишга ҳақли».

3-модда. Ўзбекистон Республикасининг 2001 йил 29 августда қабул қилинган «**Суд ҳужжатлари ва бошқа органлар ҳужжатларини ижро этиш тўғрисида**»ги 258–II-сонли Қонунига (Ўзбекистон Республикаси Олий Мажлисининг Ахборотномаси, 2001 йил, № 9-10, 169-модда; Ўзбекистон Республикаси Олий Мажлиси палаталарининг Ахборотномаси, 2007 йил, № 8, 367-модда, № 12, 598-модда; 2008 йил, № 4, 184, 187-моддалар; 2009 йил, № 1, 1-модда; 2010 йил, № 9, 337, 340-моддалар; 2012 йил, № 12, 336-модда; 2014 йил, № 5, 130-модда; 2015 йил, № 8, 312-модда, № 12, 452-модда; 2016 йил, № 9, 276-модда; 2017 йил, № 9, 510-модда; 2018 йил, № 1, 1, 4, 5-моддалар; 2019 йил, № 2, 47-модда, № 5, 267-модда, № 7, 389-модда, № 8, 469-модда, № 10, 671-модда, № 12, 880-модда; 2021 йил, 4-сонга илова, № 8, 800, 803-моддалар; 2022 йил, № 4, 337-модда, № 6, 570-модда; 2023 йил, № 4, 269-модда; 2024 йил, № 2, 111-модда, № 8, 827-модда, № 10, 1073-модда) қуйидаги ўзгартиришлар киритилсин:

1) **54-модданинг тўртинчи қисми** қуйидаги таҳрирда баён этилсин:

«Гаровга қўйилган мол-мулк билан таъминланган мажбуриятларни ижро этишда ундирув ушбу мол-мулкка қаратилган тақдирда, гаровга қўйилган мол-мулк суд томонидан мажбурий тарзда баҳолашдан ўтказилади ҳамда ушбу кимосди савдосидаги бошланғич реализация қилиш нархи суд қарори билан баҳолаш тўғрисидаги ҳисоботда аниқланган миқдорда белгиланади»;

2) **56-модда:**

еттинчи қисмининг иккинчи жумласи қуйидаги таҳрирда баён этилсин:

«Қарздорнинг мажбуриятлари бажарилишининг таъминоти сифатида турган мол-мулк ушбу мол-мулк билан таъминланган қарзни ундириш тўғрисидаги ижро ҳужжатлари бўйича реализация қилинмаган тақдирда, давлат ижро-чиси ундирувчига мол-мулкни такрорий аукцион савдоларидаги ёки савдо ташкилотлари томонидан қайта реализация қилиш чоғидаги бошланғич со-тиш нархидан 25 фоиз камроқ суммада баҳоланган ҳолда ўзида қолдиришни тақлиф қилади»;

тўққизинчи қисмидаги «беш кун» деган сўзлар «ўн иш куни» деган сўзлар билан алмаштирилсин;

3) **62-модда иккинчи қисмининг биринчи жумласи** қуйидаги таҳрирда баён этилсин:

«Иқтисодий суднинг қарздор юридик шахсни банкрот деб топиш ва тугатиш ишини юритишни очиш тўғрисидаги қарорининг кўчирма нусха-си олинганда давлат ижро-чиси ижро иши юритишни тамомлайди, бундан ундирувни гаров билан таъминланган мол-мулкка қаратиш ҳақидаги, мулк ҳуқуқини эътироф этиш тўғрисидаги, маънавий зиённи компенсация қилиш ҳақидаги, мол-мулкни ўзга шахснинг қонунсиз эгалигидан талаб қилиб олиш тўғрисидаги, асоссиз орттирилган бойликни қайтариш ҳақидаги, битимларни ҳақиқий эмас деб топиш ва уларнинг ҳақиқий эмаслиги оқибатларини қўл-лаш тўғрисидаги ижро иши юритишлар мустасно».

4-модда. Ўзбекистон Республикасининг 2006 йил 4 октябрда қабул

қилинган «Ипотека тўғрисида»ги ЎРҚ–58-сонли Қонунига (Ўзбекистон Республикаси Олий Мажлиси палаталарининг Ахборотномаси, 2006 йил, № 10, 535-модда; 2010 йил, № 9, 337, 340-моддалар; 2015 йил, № 8, 312-модда; 2017 йил, № 10, 605-модда; 2018 йил, № 1, 4-модда, № 4, 224-модда; 2019 йил, № 10, 671-модда; 2020 йил, № 1, 3-модда; 2021 йил, 4-сонга илова; 2022 йил, № 6, 570, 577-моддалар; 2023 йил, № 10, 795-модда) қуйидаги ўзгартиришлар ва қўшимча киритилсин:

1) **36-модданинг иккинчи қисми** қуйидаги таҳрирда баён этилсин:

«Агар ипотека тўғрисидаги шартномада бошқача тартиб назарда тутилмаган бўлса, даврий тўловлар билан бажариладиган мажбуриятни таъминлаш учун ундирувни гаровга қўйилган мол-мулкка қаратишга, ушбу тўловларни тўлаш муддатлари кетма-кет уч ойдан ортиқ муддатга бузилган тақдирда, йўл қўйилади»;

2) **37-модда:**

иккинчи қисми қуйидаги таҳрирда баён этилсин:

«Қарз тўланмаган тақдирда, ипотекага олувчининг қарздор томонидан асосий мажбуриятнинг бажарилишига доир талаби суддан ташқари тартибга солиш тугалланганидан кейин, қарздор мажбуриятининг қопланмаган қисмини қарздорнинг бошқа мол-мулки ҳисобидан қоплашга бўлган ҳуқуқ ипотека олувчида сақланиб қолади»;

учинчи қисмининг иккинчи хатбошиси қуйидаги таҳрирда баён этилсин:

«мол-мулк ипотекаси учун бошқа шахс ёки органнинг розилиги ёхуд рухсати талаб қилинса, бундан мазкур мол-мулкни гаровга бериш чоғида зарур бўлган розилик ёки рухсат олинган ҳоллар мустасно»;

3) **38-модда:**

иккинчи қисми қуйидаги таҳрирда баён этилсин:

«Агар ипотека билан таъминланган мажбуриятнинг қарздор томонидан бузилиши жуда арзимас бўлса ва шу туфайли ипотекага олувчи талабларининг миқдори гаровга қўйилган мол-мулкнинг қийматига аниқ мос келмаса, ундирувни ипотека тўғрисидаги шартнома бўйича гаровга қўйилган мол-мулкка қаратиш рад этилиши мумкин, бундан ушбу Қонун 36-моддасининг иккинчи қисмида назарда тутилган ҳол мустасно»;

қуйидаги мазмундаги **учинчи қисм** билан тўлдирилсин:

«Ипотека билан таъминланган мажбуриятнинг бузилиши қуйидаги шартлар бир вақтнинг ўзида мавжуд бўлган тақдирда, жуда арзимас деб ҳисобланади:

1) агар ипотека билан таъминланган, қарздор томонидан қопланмаган мажбуриятнинг суммаси ипотека қийматининг ўн беш фоизидан камроқни ташкил қилса;

2) агар ипотека билан таъминланган мажбурият бўйича даврий тўловларни тўлаш муддатларининг бузилиши кетма-кет уч ойдан ошмаган бўлса».

5-модда. Ўзбекистон Республикасининг 2019 йил 30 декабрда қабул қилинган ЎРҚ–599-сонли Қонуни билан янги таҳрирда тасдиқланган **Ўзбе-**

кистон Республикасининг Солиқ кодекси (Ўзбекистон Республикаси Олий Мажлиси палаталарининг Ахборотномаси, 2019 йил, 12-сонга 1-илова; 2020 йил, № 3, 198-модда, № 10, 593-модда, № 11, 652-модда, № 12, 690, 691-моддалар; 2021 йил, № 1, 6-модда, № 4, 294-модда, 4-сонга илова, № 8, 800-модда, № 9, 901-модда, № 10, 968, 969, 972, 973-моддалар, № 12, 1199-модда; 2022 йил, № 2, 79-модда, № 3, 215, 216-моддалар, № 5, 461, 464, 467-моддалар, № 6, 570-модда, № 7, 664, 666-моддалар, № 12, 1190-модда; 2023 йил, № 6, 444, 446-моддалар, № 7, 540-модда, № 12, 1011-модда; 2024 йил, № 2, 106, 110, 111-моддалар, № 4, 346-модда, № 5, 458, 459-моддалар, № 8, 822, 831-моддалар, № 9, 958-модда, № 10, 1076-модда, № 11, 1190-модда, № 12, 1283, 1284, 1296, 1297-моддалар) **248-моддасига** қуйидаги қўшимча ва ўзгартириш киритилсин:

қуйидаги мазмундаги **ўн тўртинчи қисм** билан тўлдирилсин:

«Агар гаров билан таъминланган мажбуриятни бажариш учун кредитор томонидан олинган мол-мулк бўйича ушбу Кодекснинг 266-моддасига мувофиқ солиқ ҳисобга олинмаган бўлса, ушбу мол-мулк реализация қилинганда солиқ солинадиган база солиқ суммасини ўз ичига оладиган, мол-мулкни реализация қилиш нархи ва мазкур мол-мулкнинг мажбуриятни бажариш учун кредит ташкилоти балансига олиш чоғидаги қиймати ўртасидаги ижобий фарқ сифатида аниқланади»;

ўн тўртинчи қисм ўн бешинчи қисм деб ҳисоблансин.

6-модда. Ўзбекистон Республикаси Марказий банки ҳамда бошқа манфаатдор ташкилотлар ушбу Қонуннинг ижросини, ижрочиларга етказилишини ҳамда моҳияти ва аҳамияти аҳоли ўртасида тушунтирилишини таъминласин.

7-модда. Ўзбекистон Республикаси Вазирлар Маҳкамаси:

ҳукумат қарорларини ушбу Қонунга мувофиқлаштирсин;

республика ижро этувчи ҳокимият органлари ушбу Қонунга зид бўлган ўз норматив-ҳуқуқий ҳужжатларини қайта кўриб чиқишлари ва бекор қилишларини таъминласин.

8-модда. Ушбу Қонун расмий эълон қилинган кундан эътиборан кучга киради.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2025 йил 22 апрель,
ЎРҚ–1060-сон

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

178 **Фуқароларнинг виждон эркинлиги ҳуқуқи кафолатлари- ни янада мустаҳкамлаш ҳамда диний-маърифий соҳадаги ислоҳотларни янги босқичга олиб чиқиш чора-тадбирлари тўғрисида***

Ўзбекистон тараққиётининг янги босқичида жамиятда диний бағрикенглик, миллатлараро тотувлик ва ижтимоий барқарорликни таъминлаш, жаҳон илм-фани ва маданияти ривожига беқиёс ҳисса қўшган буюк аллома ва мутафаккирларимизнинг бой илмий-маънавий меросини чуқур ўрганиш, униб-ўсиб келаётган ёш авлодни она Ватанга садоқат, миллий-диний қадриятларга ҳурмат руҳида тарбиялаш, юртимизнинг жаҳон цивилизацияси бешиги сифатидаги тарихий мақоми ва нуфузини тиклаш бўйича пухта ўйланган изчил ислоҳотлар амалга оширилмоқда.

Ўтган қисқа вақт ичида Ўзбекистондаги Ислом цивилизацияси маркази, Имом Бухорий, Имом Мотуридий, Имом Термизий халқаро илмий-тадқиқот марказлари, Ўзбекистон халқаро ислом академияси, Самарқандда Ҳадис илми мактаби, Бухорода Мир Араб олий мадрасаси ташкил этилди. Ушбу муассасалар «Жаҳолатга қарши маърифат» эзгу умуминсоний ғояси асосида жамиятда соғлом маънавий муҳитни таъминлашга, ёшларни замонавий фикрлайдиган ва буюк аждодларимизга ҳар жиҳатдан муносиб этиб тарбиялашга хизмат қилмоқда.

Шиддат билан ўзгариб бораётган бугунги мураккаб шароитда дунёда содир бўлаётган воқеа-ҳодисалар мамлакатимизда «Инсон манфаатлари ҳамма нарсадан устун» деган халқчил тамойилга асосланган ислоҳотлар тўғри эканлигидан далолат бермоқда.

Юқоридагиларни эътиборга олган ҳолда Ўзбекистон Республикасида фуқароларнинг виждон эркинлигини таъминлаш ва диний соҳадаги давлат сиёсати концепциясида белгиланган вазифаларни рўёбга чиқариш, диний-маърифий соҳадаги эзгу ғоя ва ташаббусларни халқ манфаатларидан келиб чиқиб изчил давом эттириш мақсадида **қарор қиламан:**

I. Диний-маърифий соҳа фаолиятини такомиллаштиришнинг устувор йўналишлари

1. Қуйидагилар фуқароларнинг виждон эркинлиги ҳуқуқини таъминлаш ҳамда диний-маърифий соҳадаги фаолиятни сифат жиҳатидан янги босқичга олиб чиқишнинг устувор йўналишлари этиб белгилансин:

* Ушбу Фармон «Қонунчилик маълумотлари миллий базаси»да 2025 йил 22 апрелда эълон қилинган.

(а) жамиятда диний бағрикенглик ва конфессиялараро тотувликни янада мустаҳкамлашга оид илғор механизмларни жорий этиш;

(б) илм-фан ва жаҳон цивилизацияси ривожига улкан ҳисса қўшган буюк аждодларнинг инсонпарварлик, эзгулик, тинчлик ва бағрикенглик каби умуминсоний ва олийжаноб ғояларга асосланган диний-фалсафий меросини чуқур ўрганиш ҳамда кенг тарғиб этиш;

(в) диний-маърифий соҳада кадрлар тайёрлаш тизимини тубдан такомиллаштириш орқали замон талабларига мос мутахассисларни етиштириш;

(г) аҳоли орасида бирдамлик, ўзаро ҳурмат ва меҳр-оқибат руҳини кучайтириш, ижтимоий-маънавий муҳит барқарорлигини таъминлашга қаратилган долзарб илмий тадқиқотларни қўллаб-қувватлаш;

(д) диний-маърифий соҳадаги халқаро ҳамкорлик муносабатларини янада ривожлантириш ҳамда самарадорлигини ошириш.

2. Диний-маърифий соҳа фаолияти ривожланишини қўллаб-қувватлаш бўйича чора-тадбирлар дастури 1-иловага* мувофиқ тасдиқлансин.

3. Жамиятда виждон эркинлигини кафолатлаш, диний бағрикенглик, фуқаролараро тотувлик ҳамда ижтимоий-маънавий муҳит барқарорлигини таъминлаш мақсадида «Бағрикенг жамият — барқарор давлат» тамойили асосида Дин ишлари бўйича қўмита билан (кейинги ўринларда — Қўмита) Ўзбекистон маҳаллалари уюшмаси, Ички ишлар вазирлиги, Ёшлар ишлари агентлиги ҳамда Оила ва хотин-қизлар қўмитасининг янги ҳамкорлик тизими йўлга қўйилсин.

Қуйидагилар ҳамкорлик тизимининг асосий вазифалари этиб белгилансин:

(а) диний соҳадаги давлат сиёсатининг мақсади, асосий вазифалари ва принципларини қатъий амалга оширишда давлат ва жамоат ташкилотларининг ўзаро ҳамкорлигини йўлга қўйиш;

(б) фуқароларнинг виждон эркинлигига бўлган ҳуқуқини таъминлаш, жамиятда турли диний конфессиялар вакилларининг ўзаро аҳил-иноқ ва ҳамжихат ҳаёт кечиришини қўллаб-қувватлаш;

(в) Ўзбекистон аҳолисининг дини, эътиқоди, миллий мансублиги, ижтимоий келиб чиқишидан қатъи назар ҳуқуқ ва қонуний манфаатларини тўлиқ рўёбга чиқара олишини таъминлаш;

(г) динга бўлган муносабатидан келиб чиқиб устунлик бериш, камситиш ва виждон эркинлиги кафолатлари бузилишининг бошқа ҳар қандай кўринишларининг олдини олиш.

Қўмита бир ой муддатда Ўзбекистон маҳаллалари уюшмаси, Ички ишлар вазирлиги, Ёшлар ишлари агентлиги ҳамда Оила ва хотин-қизлар қўмитаси билан биргаликда ҳамкорлик тизимининг механизмларини белгиловчи қўшма қарорни тасдиқласин.

II. Диний-маърифий соҳанинг институционал асосларини такомиллаштириш

4. Фуқароларнинг ибодатлар ва диний расм-русумларни амалга ошириши

* 1-илова «Қонунчилик маълумотлари миллий базаси»да эълон қилинган.

учун қўшимча қулайликлар яратиш, «Ҳаж» ва «Умра» зиёратларига бориши билан боғлиқ хизматларни кўрсатиш жараёнида ортиқча бюрократик тартиботларни бартараф этиш мақсадида Қўмита ва Рақамли технологиялар вазирлиги 2025 йил 1 сентябрга қадар «Ҳаж ва Умра ягона портали»ни (кейинги ўринларда — Портал) ҳамда унинг мобил иловасини ишлаб чиқсин.

Белгилансинки:

(а) Портал «Ҳаж» тадбирларига борувчи фуқароларнинг ягона электрон навбати ҳамда «Умра» тадбирларига юбориладиган зиёратчиларнинг электрон рўйхати шакллантириладиган тизим ҳисобланади;

(б) Порталда «Ҳаж» ва «Умра» фаолияти тўғрисидаги маълумотларни йиғиш ва расмийлаштириш билан боғлиқ жараёнлар рақамлаштирилади;

(в) вазирлик ва идоралар Қўмита сўровига кўра ўзининг ахборот тизимлари Порталга интеграция қилинишини таъминлайди;

(г) Қўмита Портал фаолиятини молиялаштиришга, техник жиҳатдан қўллаб-қувватлашга, алоқадор давлат ва нодавлат ташкилотлар учун фойдаланиш имкониятини яратишга масъул давлат органи ҳисобланади;

(д) Қўмита «Умра» тадбирларини ташкил этиш ва ўтказиш лицензиясига эга юридик шахслар ҳамда Ўзбекистон мусулмонлари идорасининг Порталдан фойдаланиш имкониятини таъминлайди.

5. Олий таълим, фан ва инновациялар вазирлиги ҳамда Қўмитанинг Ўзбекистон халқаро ислом академиясини Ўзбекистон халқаро исломшунослик академияси (кейинги ўринларда — Академия) этиб қайта номлаш тўғрисидаги таклифи маъқуллансин.

Академия исломшунослик ва диншунослик соҳаларида мутахассисларни ҳамда ўқув дастури, қўлланма ва дарсликларни тайёрлашга ихтисослашган таянч давлат олий таълим ва илмий-тадқиқот муассасаси этиб белгилансин.

6. Қуйидагилар Академиянинг асосий вазифалари ҳисобланади:

(а) исломшунослик, диншунослик, дин психологияси, ислом иқтисодиёти, манбашунослик, халқаро муносабатлар ва эҳтиёж мавжуд бўлган бошқа соҳалар бўйича кадрлар тайёрлаш;

(б) таълим жараёнига илғор педагогик технологияларни, илм-фан ва техниканинг сўнгги ютуқларини ҳамда етакчи хорижий олий таълим ташкилотлари тажрибаси асосида ишлаб чиқилган таълим дастурларини жорий этиш;

(в) виждон эркинлиги ва конфессиялараро бағрикенгликни таъминлаш, радикаллашув, экстремизм ва терроризмга қарши курашиш ҳамда диний соҳадаги давлат сиёсатининг асосларига оид илмий-тадқиқот ишларини амалга ошириш;

(г) диний-маърифий йўналишда илмий, илмий-оммабоп адабиётларни тайёрлаш ва нашр қилиш, шунингдек, интернет тармоғида таълим ресурсларини жойлаштириш ва мунтазам янгилаб бориш;

(д) талабаларда юксак маънавий ва ахлоқий фазилатларни ривожлантириш, Ватанга муҳаббат, унинг тақдирига дахлдорлик, касбга садоқат ҳиссини мустаҳкамлаш, таълим-тарбия жараёни ҳамда маънавий-маърифий ишлар самарадорлигини ошириш;

(е) мамлакатимизда ва хорижда диний соҳада фаолият олиб бораётган илмий-тадқиқот ва таълим муассасалари билан яқиндан ҳамкорлик қилиш.

7. Академияга қуйидаги ҳуқуқлар берилсин:

(а) ўқув-илмий жараёнларга жалб этилган юқори малакали хорижий мутахассислар меҳнатига ҳақ тўлаш миқдорларини бозор конъюнктурасидан келиб чиқиб белгилаш;

(б) Қўмита билан келишган ҳолда тўлов-контракт асосида ўқитиш қийматини тегишли йўналиш ва мутахассисликлар бўйича давлат олий таълим муассасаларида белгиланган базавий тўлов-контракт қийматидан уч барабардан ортиқ бўлмаган миқдорда белгилаш;

(в) талабаларнинг тўлов-контракт маблағларини тўлаш муддатларини белгилаш ва узайтириш;

(г) етук хорижий мутахассисларни жалб қилиш ҳамда Академия вакилларини хорижий илмий-тадқиқот ва таълим муассасаларига малака ошириш ва тажриба орттириш учун юбориш;

(д) ўз грифи асосида дарсликлар ҳамда бошқа ўқув ва илмий адабиётларни яратиш ва нашр этиш.

8. Белгилансинки, Академияга ўқитишнинг тўлов-контракт шаклидан тушадиган маблағларнинг етишмаган қисми давлат олий таълим муассасаларини сақлаш учун ажратилган маблағлар доирасида тасдиқланган бюджет параметрларига тегишли ўзгартириш киритиш орқали қопланади.

9. Қўмита, Ўзбекистон мусулмонлари идораси ҳамда Олий таълим, фан ва инновациялар вазирлигининг Ўзбекистон халқаро ислом академияси ҳузуридаги Малака ошириш марказини Дин ишлари бўйича қўмита ҳузуридаги Диний-маърифий соҳада малака ошириш ва қайта тайёрлаш институти (кейинги ўринларда — Институт) сифатида қайта ташкил этиш ҳақидаги таклифига розилик берилсин.

Белгилаб қўйилсинки:

(а) Институт исломшунослик, диншунослик, давлат ва дин муносабатлари асослари, шунингдек, радикаллашувнинг олдини олиш йўналишларида диний соҳада мутахассисларнинг малакасини ошириш ва қайта тайёрлашга масъул муассаса ҳисобланади;

(б) барча таълим ташкилотларининг исломшунослик ва диншунослик фанлари ўқитувчиларининг малакасини ошириш ҳамда уларни қайта тайёрлаш Институт томонидан амалга оширилади;

(в) таълим жараёни сифатини ошириш ҳамда таълим ва амалиёт уйғунлигини таъминлаш мақсадида Институт сўровига асосан дарсларга тегишли вазирлик, идора, илмий-тадқиқот ва таҳлил марказларининг раҳбар ходимлари ва мутахассислари жалб этилади;

(г) Институт қайта ташкил этилаётган Ўзбекистон халқаро ислом академияси ҳузуридаги Малака ошириш марказининг ҳуқуқ ва мажбуриятлари, шунингдек, тузилган шартномалари бўйича ҳуқуқий вориси ҳисобланади.

10. Академияга қарашли Тошкент шаҳри, Юнусобод тумани, Зарбулоқ кўчаси, 14-уй манзили бўйича жойлашган ётоқхона биноси оператив бошқарув ҳуқуқи асосида Институтга бепул ўтказилиши таъминлансин.

Иқтисодиёт ва молия вазирлиги ушбу бинони сақлаш учун Ўзбекистон халқаро ислом академиясига 2025 йил учун ажратилган бюджет маблағларининг қолдиқ қисмини Институтга ўтказиб берсин, 2026 йилдан бошлаб эса бинони сақлаш билан боғлиқ харажатларни Институтнинг харажатлар сметасида режалаштириб борсин.

11. Қўмита, Ўзбекистон мусулмонлари идораси ҳамда Бухоро вилояти ҳокимлигининг Баҳоуддин Нақшбанд ёдгорлик мажмуаси маркази муассислигида Баҳоуддин Нақшбанд илмий-тадқиқот марказини ташкил этиш ва қўйидагиларни унинг асосий вазифалари этиб белгилаш тўғрисидаги таклифлари маъқуллансин:

(а) буюк аждодимиз Баҳоуддин Нақшбанд ва нақшбандийлик тариқати алломаларининг юксак инсонпарварлик ғояларини илмий асосда ўрганиш, ёш авлодни бағрикенглик ҳамда ўзаро ҳурмат руҳида тарбиялаш мақсадида тарғибот ишларини олиб бориш;

(б) тасаввуф таълимоти тарихи ва унинг бугунги кундаги аҳамиятини илмий тадқиқ этиш, «Етти пир» алломалари ва азиз авлиёларнинг бой илмий-маънавий меросини халқаро майдонда кенг тарғиб қилиш;

(в) нақшбандийлик таълимотининг эзгу ғояларини тадқиқ этиш учун илмий-назарий ва услубий масалаларга бағишланган анжуман, конференция, кўргазма, семинар-тренинг, танловлар ҳамда бошқа маданий-маърифий тадбирларни ташкил этиш;

(г) тасаввуф таълимотининг илмий асосланган ғояларини тарғиб қилиш, сохта тариқатчиликнинг олдини олиш бўйича тавсиялар ишлаб чиқиш.

12. Қўмита ва Академиянинг Ўзбекистон халқаро ислом академияси ҳузуридаги Имом Мотуридий халқаро илмий-тадқиқот марказини Вазирлар Маҳкамаси бўйсунувига ўтказиш тўғрисидаги таклифи маъқуллансин.

Вазирлар Маҳкамаси ҳузуридаги Имом Мотуридий халқаро илмий-тадқиқот маркази исломшунослик йўналишидаги илмий тадқиқотларни ҳамда дин билан боғлиқ жараёнлар бўйича таҳлилларни амалга оширувчи илмий-тадқиқот муассасаси этиб белгилансин.

13. Қўйидагилар Вазирлар Маҳкамаси ҳузуридаги Имом Мотуридий халқаро илмий-тадқиқот марказининг қўшимча вазифалари этиб белгилансин:

(а) Имом Мотуридий, Абу Муин Насафий каби буюк аллома аждодларимиз қолдирган бой маънавий меросни ўрганиш, жаҳон илм-фани ривожига қўшган бекиёс ҳиссасини халқимиз, айниқса, ёшларга етказиш, улар яратган асарларнинг илмий-изоҳли таржима ва қиёсий матнларини нашр этиш, мамлакатимиз ҳудудида рўй берган Биринчи ва Иккинчи Ренессанснинг илмий-назарий асосларини тадқиқ этиш ҳамда Янги Ўзбекистон тараққиётининг маънавий пойдеворини яратишда иштирок этиш;

(б) ислом динининг инсонпарварлик моҳияти, маърифий-маданий роли ва ривожланиш йўналишларини илмий асосда ўрганиш ва кенг оммага, жумладан, халқаро жамоатчиликка етказиш;

(в) диний таълим муассасаларига илмий-тадқиқот ва ўқув-услубий масалаларда ҳамда педагог кадрлар ва диний ходимларнинг малакасини ошириб боришда амалий ёрдам кўрсатиш;

(г) ижтимоий-маънавий муҳит барқарорлигини сақлаш, ёшларни ёт ғоялар таъсиридан асрашга қаратилган стратегик аҳамиятга эга лойиҳа ва ташаббусларни ишлаб чиқиш.

14. Диний-маърифий соҳадаги ташкилотлар фаолиятининг самарадорлигини ошириб бориш мақсадида доимий асосда фаолият кўрсатувчи Диний-маърифий соҳада таълим, фан ва илмий-тадқиқотга оид фаолиятни мувофиқлаштирувчи кенгаш (кейинги ўринларда — Мувофиқлаштирувчи кенгаш) ташкил этилсин ва унинг таркиби 2-иловага* мувофиқ тасдиқлансин.

Белгилансинки:

(а) Мувофиқлаштирувчи кенгаш диний-маърифий соҳада таълим, фан ва илмий-тадқиқот ишларининг барча жараёнларини мувофиқлаштириш масалаларига масъул бўлган маслаҳат органи ҳисобланади;

(б) Мувофиқлаштирувчи кенгашнинг ишчи органи вазифасини Қўмита амалга оширади;

(в) Мувофиқлаштирувчи кенгаш томонидан Ўзбекистондаги Ислом цивилизацияси маркази, Имом Бухорий халқаро илмий-тадқиқот маркази, Имом Мотуридий халқаро илмий-тадқиқот маркази, Академия ва бошқа диний-маърифий муассасаларнинг таълим ва илмий-тадқиқотга оид фаолияти мувофиқлаштирилади;

(г) Мувофиқлаштирувчи кенгаш мажлислари ҳар чоракда камида бир маротаба ўтказилади.

15. Қуйидагилар Мувофиқлаштирувчи кенгашнинг асосий вазифалари этиб белгилансин:

(а) «Учинчи ренессанс — Янги Ўзбекистон» ғояси асосида буюк аجدодларимиз илмий меросида улуғланган ватанпарварлик, бағрикенглик каби умуминсоний ғояларни аҳоли орасида кенг тарғиб этиш йўналишларини белгилаш;

(б) диний-маърифий соҳадаги муассасалар фаолиятини чуқур ўрганиб бориш, ўқув-тарбия жараёнига илғор ахборот-коммуникация ва педагогик технологиялар, инновацион ишланмаларни татбиқ этиш ҳамда илмий ва услубий фаолиятини мувофиқлаштириш;

(в) соҳа ташкилотларида тўпланган илмий-услубий ишланмалар ва тажрибаларни таҳлил этиш асосида улардаги таълим мазмунини такомиллаштириш ва мувофиқлаштириш, ўқув режа ва фан дастурларини ишлаб чиқишда узвийлик тамойилларини таъминлаш;

(г) республиканинг барча таълим ва илмий-тадқиқот муассасаларида бажариладиган диний мавзудаги тадқиқотлар (диссертациялар)нинг мавзу ва йўналишларининг аҳамияти, долзарблиги юзасидан тегишли тавсияларни бериш.

III. Диний бағрикенгликни янада мустаҳкамлаш

16. Республикада истиқомат қилувчи турли дин вакилларининг Янги Ўзбекистон тараққиётига дахлдорлик ҳиссини ошириш, жамиятда конфессия-

* 2-илова «Қонунчилик маълумотлари миллий базаси»да эълон қилинган.

лараро тотувлик ва диний бағрикенгликни янада мустаҳкамлаш мақсадида Қўмитанинг Конфессиялар ишлари бўйича кенгаш (кейинги ўринларда — Кенгаш) фаолиятини такомиллаштириш ҳақидаги таклифига розилик берилсин. Бунда қуйидагилар инобатга олинсин:

(а) Кенгаш таркибига сиёсий арбоблар, жамоатчилик фаоллари, диншунос олим ва мутахассисларни кузатувчи сифатида киритиш;

(б) Кенгашга диний конфессияларнинг муаммолари бўйича давлат ва нодавлат ташкилотларга сўров, мурожаат ва тавсиялар юбориш ҳуқуқини бериш;

(в) Тошкент, Самарқанд, Бухоро ва Фарғона вилоятларида ҳудудий кенгашлар ташкил этиш;

(г) Кенгаш томонидан турли конфессияларга оид диний ташкилотларнинг профессионал хизматчилари ўртасида спорт мусобақалари, интеллектуал ўйинлар, маданий-маърифий тадбирлар ўтказиш.

Кенгашнинг янгиланган таркиби 3-иловага* мувофиқ тасдиқлансин.

IV. Фармон ижросини ташкил этиш ва назорат қилиш

17. Қўмита манфаатдор вазирлик ва идоралар билан биргаликда икки ой муддатда қонунчилик ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

18. Мазкур Фармоннинг ижросини самарали ташкил қилишга масъул ва шахсий жавобгар этиб Дин ишлари бўйича қўмита раиси С.Д. Тошбоев белгилансин.

Фармон ижросини назорат қилиш ва ижро учун масъул идоралар фаолиятини мувофиқлаштириш Ўзбекистон Республикаси Бош вазири А.Н. Арипов ҳамда Ўзбекистон Республикаси Президентининг маслаҳатчиси Р.Қ. Давлетов зиммасига юклансин.

**Ўзбекистон Республикаси
Президенти**

Ш. МИРЗИЁЕВ

Тошкент ш.,
2025 йил 21 апрель,
ПФ–68-сон

* 3-илова «Қонунчилик маълумотлари миллий базаси»да эълон қилинган.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ФАРМОНИ

179 **2025 йил учун хусусийлаштириш дастури тўғрисида***

[Кўчирма]

«Ўзбекистон — 2030» стратегиясига мувофиқ 2030 йилгача нодавлат сектор улушини 85 фоизга етказиш ва давлат иштирокидаги корхоналарни 6 бараварга қисқартириш бўйича вазифалар ижросини таъминлаш, давлат иштирокидаги йирик корхоналар ва тижорат банкларини трансформация қилиш, улар таркибидаги рақобат муҳити шаклланган соҳалардаги корхоналар сонини камайтириш ҳамда хусусийлаштириш жараёнларини янада жадаллаштириш мақсадида **қарор қиламан:**

I. Мақсадлар

1. Қуйидагилар 2025 йилда хусусийлаштиришнинг асосий мақсадли кўрсаткичлари этиб белгилансин:

(а) 30 триллион сўмлик давлат активлари ва ер участкаларини сотиш ва камида 10 триллион сўм тушумни таъминлаш;

(б) давлат ва давлат иштирокидаги корхоналарга тегишли 115 та жамият устав капиталидаги улушларни, 659 та кўчмас мулк объектини ва 6,1 минг гектар ер участкаларини савдога чиқариш;

(в) дастлабки босқичда камида 30 та фойдали қазилма кон ва участкаларидан фойдаланиш ҳуқуқини савдога чиқариш.

II. Давлатнинг иқтисодиётдаги иштирокини қисқартириш

2. Иқтисодиётда давлат иштирокини қисқартириш ва хусусий сектор улушини ошириш мақсадида 2030 йил 1 январга қадар давлат иштирокидаги корхоналарни (мудофаа ва хавфсизлик билан боғлиқ корхоналар ҳамда Ўзбекистон Республикаси Президенти қарорларида назарда тутилган ҳоллар бундан мустасно) ташкил этишга мораторий жорий қилинсин.

3. Белгилансинки:

(а) республика ва маҳаллий ижро этувчи ҳокимият органлари томонидан кўчмас мулк сотиб олиш, давлат функциясига ва давлат мулкига эғалик қилиш мезонларига мос бўлмаган корхоналарни ташкил этиш ташаббуси билан чиқишга йўл қўйилмайди;

(б) давлат иштирокидаги корхоналарда акциядор (иштирокчи, муассис) функциясини амалга оширувчи республика ва маҳаллий ижро этувчи ҳокимият органлари ҳамда ушбу корхоналар кузатув кенгашининг давлат улуши бўйича сайланган аъзолари Фармоннинг мазкур банди талаблари ижросини таъминлашга масъул ва жавобгар ҳисобланади.

4. Вазирлар Маҳкамаси 2025 йил 1 майга қадар:

* Ушбу Фармон «Қонунчилик маълумотлари миллий базаси»да 2025 йил 22 апрелда эълон қилинган.

(а) вазирлик ва идоралар раҳбарларининг хусусийлаштириш ва давлат-хусусий шериклик масалалари билан шахсан шуғулланадиган ўринбосарлари рўйхатини тасдиқласин;

(б) давлат иштирокидаги йирик корхоналарда трансформация бўйича ўринбосар лавозимини молия, трансформация ва хусусийлаштириш бўйича биринчи ўринбосар лавозимига ўзгартириш чораларини кўрсин.

5. Қуйидагилар:

(а) Оммавий савдоларга чиқариладиган акция пакетлари (улушлар) рўйхати 1-иловага* мувофиқ;

(б) Оммавий савдоларга чиқариладиган давлат ва давлат иштирокидаги корхоналарнинг кўчмас мулк объектлари рўйхати 2-иловага* мувофиқ;

(в) Тадбиркорлик ва шаҳарсозлик фаолиятини ташкил этиш учун 2025 йилда устувор равишда мулк ҳуқуқи асосида ер участкаларини электрон онлайн аукцион савдоларига чиқариш режаси 3-иловага* мувофиқ;

(г) 2025 йилда фойдали қазилмаларни қазиб олиш учун фойдаланиш ҳуқуқи электрон онлайн аукцион савдоларига чиқариладиган асосий турдаги фойдали қазилма кон ва участкалари рўйхати 4-иловага* мувофиқ;

(д) Вазирлик ва идоралар, давлат иштирокидаги йирик корхоналарда хусусийлаштириш ва давлат-хусусий шериклик масалаларига масъул ўринбосарларнинг асосий вазифалари 5-иловага мувофиқ тасдиқлансин.

III. Хусусийлаштириш ва давлат мулкни ижарага олишдаги имтиёзлар

6. Белгилаб қўйилсинки, давлат активларини хусусийлаштиришни жадаллаштириш мақсадида:

(а) майдони 10 минг метр квадратгача бўлган давлат мулки объектлари Вазирлар Маҳкамаси томонидан белгиланадиган тартиб асосида юқори технологияли маҳсулот ишлаб чиқарадиган тадбиркорлик субъектларига 5 йил муддатга тўғридан-тўғри текин фойдаланишга берилади ҳамда шартнома шартлари бажарилган тақдирда ушбу тадбиркорлик субъектларига баҳоланган қийматда тўғридан-тўғри сотилади;

(б) бошланғич нархини босқичма-босқич пасайтириш механизми қўллангандан кейин ҳам бир йилдан ортиқ муддатда сотилмаган ва харидорлар учун жозибador бўлмаган кўчмас мулк объектлари бошқа юридик шахсларнинг устав капиталига улуш сифатида киритилади;

(в) тугатилаётган «Ўзпахтасаноат» АЖ ва унинг таркибидаги корхоналар активлари уч ой давомида сотилмаган тақдирда, уларнинг бошланғич баҳоси 50 фоизгача босқичма-босқич 10 фоиздан пасайтирилган ҳолда сотиб олиш тўловларини уч йилгача бўлиб-бўлиб тўлаш шарти билан савдоларга чиқарилади;

(г) бозорлар ва савдо мажмуалари устав капиталида маҳаллий давлат ҳокимияти органларининг мажбурий иштирок этиши тўғрисидаги талаб бекор қилинади.

* 1 — 4-иловалар «Қонунчилик маълумотлари миллий базаси»да эълон қилинган.

7. Белгилансинки, ер участкалари сотилишини жадаллаштириш мақсадида:

(а) очик электрон онлайн аукцион савдолари орқали ижара ҳуқуқи асо-сида сотиб олинган қишлоқ хўжалигига мўлжалланмаган ер участкалари, агар улар ер участкаси реализация қилинганидан кейин тасдиқланган бош режа, аҳоли пунктлари қисмларини батафсил режалаштириш лойиҳалари ёки ҳудудларни комплекс ривожлантириш ва режалаштириш бўйича бошқа ҳужжатларга (кейинги ўринларда — шаҳарсозлик ҳужжатлари) мувофиқ бўлса ва ер ижара шартномасида бошқа шартлар назарда тутилмаган бўлса, ер участкаси учун тўловлар тўлиқ тўланганидан кейин Ўзбекистон Республикаси фуқаролари ва (ёки) юридик шахслари томонидан хусусийлаштирилишига йўл қўйилади;

(б) маҳаллий ижро этувчи ҳокимият органлари томонидан электрон онлайн аукцион савдоларига чиқариладиган ер участкалари, устувор равишда, фаолиятини кенгайтириш истагида ва тайёр лойиҳаси бўлган тадбиркорлик субъектлари таклиф билдирган жойлардан танланади;

(в) электрон онлайн аукцион савдоларида турган майдони кичик бўлган ёнма-ён турган ер участкалари шаҳарсозлик нормаларидан келиб чиққан ҳолда бирлаштирилиб, қўшимча келишувларсиз қайта аукцион савдоларига чиқарилади.

8. Белгилаб қўйилсинки, давлат мулкани ижарага бериш тартибини такомиллаштириш мақсадида:

(а) ижара шартномаси тузилган кундан бошлаб ижарага олувчи томонидан йиллик ижара тўловлари бир ой давомида тўланган тақдирда, унга йиллик ижара суммасидан мазкур шартнома тузилган санадаги Марказий банкнинг асосий ставкаси миқдорида чегирма берилади, бундан чегирма қўлламаслик шarti билан ижарага берилган ҳамда бир йилдан кам муддатга тузилган ва бошқа имтиёзлар қўлланган ижара шартномалари мустасно;

(б) олти ой давомида электрон онлайн аукцион савдоларида ижарага берилмаган объектларнинг бошланғич нархи 50 фоиз пасайтирилган қийматда белгиланади. Бунда бошланғич нарх пасайтирилганда ҳам ижарага берилмаса, ушбу аукцион унда бир иштирокчи қатнашган тақдирда ҳам, истисно тариқасида, ўтказилган деб ҳисобланади.

9. Тадбиркорлик субъектларини қўллаб-қувватлаш мақсадида давлат активларини хусусийлаштириш ва давлат мулкани ижарага бериш йўналишларидаги имтиёз ва қўллаб-қувватлаш чоралари 6-иловага мувофиқ тасдиқлансин.

IV. Давлат мулкани бошқариш ва сотишнинг янги механизмлари

10. Белгилансинки:

(а) Тошкент ва Нукус шаҳарлари, вилоятлар, туман ва шаҳар марказларидаги давлат ташкилотлари ва давлат иштирокидаги корхоналар маъмурий

биноларининг биринчи қавати бўшатилиб, электрон онлайн аукцион орқали тадбиркорлик субъектларига савдо ва сервис объектларини ташкил этиш учун ижарага берилади (бундан тўлиқ сотиладиган ва алоҳида аҳамиятга эга маъмурий бинолар мустасно);

(б) 2025 йил 1 июлдан бошлаб Савдо-саноат палатасининг ҳудудий бўлинмаларига «Давлат мулки» ахборот тизими орқали давлат ва давлат иштирокидаги корхоналар кўчмас мулк объектларини сотиш учун тўғридан-тўғри электрон онлайн аукцион савдоларига чиқариш бўйича ариза бериш ҳуқуқи берилади;

(в) Савдо-саноат палатасининг ҳудудий бўлинмалари ҳамда маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокимларининг ёрдамчилари (кейинги ўринларда — ҳоким ёрдамчилари) аризаси асосида сотилган бўш турган давлат кўчмас мулк объектларини сотишдан тушган маблағларнинг бошланғич нархидан ошган қисмининг 10 фоизи тегишлича Савдо-саноат палатасига ёки ҳоким ёрдамчиларини рағбатлантириш учун Камбағалликни қисқартириш ва бандлик вазирлигининг Ҳоким ёрдамчилари фаолиятини қўллаб-қувватлаш жамғармаси ва объект жойлашган маҳалла фуқаролар йиғинига тенг улушларда ўтказиб берилади;

(г) оммавий савдоларда икки ойдан ортиқ муддатда сотилмаган давлат кўчмас мулк объектларини (Тошкент ва Нукус шаҳарлари, вилоятлар марказларидаги объектлар бундан мустасно) сотишни жадаллаштириш мақсадида «E-auksion» электрон савдо платформасида аккредитациядан ўтган риэлторлик ташкилотлари Давлат активларини бошқариш агентлиги (кейинги ўринларда — Давлат активлари агентлиги) томонидан хизмат кўрсатиш шартномаси асосида жалб этилади;

(д) давлат улушлари хусусийлаштиришнинг камида 2 та усулидан фойдаланганда ҳам олти ой муддат давомида сотилмаган тақдирда хусусийлаштириш соҳасидаги ваколатли давлат органининг қарорига кўра акциядорлар (иштирокчилар) рўйхатидан чиқиш ёки тугатиш ташаббуси билан чиқишга рухсат этилади;

(е) давлат мулкни хусусийлаштириш дастури қабул қилинган кундан эътиборан хусусийлаштириладиган давлат мулкни бошқа шахсга ўтказиш, ҳисобдан чиқариш, гаровга қўйиш ёки бошқача тарзда тасарруф этиш, уларни хатлаш ва мажбурий реализация қилиш тақиқланади;

(ж) Давлат активлари агентлигига давлат активларини сотиш бўйича олди-сотди шартномалари ва давлат кўчмас мулк объектларини ижарага бериш шартномалари бўйича тадбиркорлик субъектлари тан олган қарздорликларни инкассо топшириқномалари асосида ундириш ҳуқуқи берилади;

(з) тадбиркорлик субъектларини (жумладан, давлат иштирокидаги корхоналарни) тугатиш тўғрисида рўйхатдан ўтказувчи орган хабардор қилинган санадан бошлаб уларнинг молия-хўжалик фаолияти тўхтатилади ҳамда ер солиғи, мол-мулк солиғи, сув ресурсларидан фойдаланганлик учун солиқ, шунингдек, барча турдаги солиқлар ва йиғимлар бўйича пеняларни ҳисоблаб ёзиш, дивидендлар ҳисоблаш тақиқланади;

(и) хўжалик жамияти ёки нодавлат нотижорат ташкилотига давлат мулки сифатида бириктирилган республика мулки бўлган кўчмас мулк объектлари (қонунчилик ҳужжатларига мувофиқ хусусийлаштирилмайдиган объектлар бундан мустасно) Давлат активлари агентлиги қарори асосида давлат ташкилотига унинг юқори турувчи органининг розилигига мувофиқ оператив бошқарув ҳуқуқи асосида текин берилади;

(к) вазирлик ва идоралар ҳамда уларнинг тизим ташкилотларига тегишли республика мулки бўлган маъмурий бинолар (суд, қуроли кучлар, ҳуқуқни муҳофаза қилувчи органлар ва уларнинг тизимидаги ташкилотлар бинолари бундан мустасно) Кадастр агентлиги билан биргаликда Давлат активлари агентлигига давлат мулки сифатида қайта расмийлаштирилади ва кейинчалик улар ҳар бир ходим учун бино майдонлари бўйича тасдиқланган меъёрлар асосида текин фойдаланиш ҳуқуқи асосида жойлаштирилади;

(л) республика бюджетининг ва давлат мақсадли жамғармалари бюджетларининг маблағлари ёки давлатнинг бошқа маблағлари ҳисобидан яратилган ёки сотиб олинган мулклар республика мулки объектлари жумласига, Қорақалпоғистон Республикасининг республика бюджети, маҳаллий бюджет маблағлари ёки маҳаллий давлат ҳокимияти органларининг бошқа маблағлари ҳисобидан яратилган ёки сотиб олинган мулклар муниципал мулк объектлари жумласига киритилади;

(м) давлат мулки — ҳам республика мулки ҳам муниципал мулк объектларининг вужудга келиш манбалари ҳисобига яратилган тақдирда, мазкур мулкнинг балансда сақловчиси мансублигига кўра мулкнинг тоифаси аниқланади;

(н) хусусийлаштириш дастурларига киритилган активлар (кўчмас мулк, улуш, акция пакетлари) икки ой муддатда ваколатли давлат органига топширилмаганда Давлат активлари агентлигининг буюртмаси асосида бир томонлама топшириш-қабул қилиш далолатномаси (депо топшириқнома) асосида Давлат активлари агентлигига расмийлаштирилади;

(о) 2025 йил 1 октябрдан бошлаб эгасиз кўчмас мулк объектларини давлат мулки объекти сифатида давлат рўйхатига олиш бўйича мурожаатлар тегишли судга Давлат активлари агентлиги томонидан киритилади.

V. Хусусийлаштириш соҳасидаги кафолатлар

11. Белгилансинки:

(а) хусусийлаштирилган ер участкалари бўйича солиқ тўлаш тизими такомиллаштирилади;

(б) давлат мулкани хусусийлаштириш жараёнида вужудга келган хусусий мулк дахлсиздир;

(в) давлат мулкани хусусийлаштириш натижалари қайта кўриб чиқилмайди ҳамда бекор қилинмайди.

12. Давлат мулкани бошқариш соҳасида қонун ҳужжатларини такомиллаштириш ва хусусийлаштириш жараёнларини жадаллаштириш бўйича чора-тадбирлар 7-иловага* мувофиқ тасдиқлансин.

* 7-илова «Қонунчилик маълумотлари миллий базаси»да эълон қилинган.

VI. Фармон ижросини ташкил этиш, таъминлаш ва назорат

13. Белгилансинки, вазирлик ва идоралар раҳбарлари, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари:

(а) бир ой муддатда мазкур Фармонга мувофиқ савдога чиқарилиши белгиланган активларни Давлат активлари агентлигига ўтказиб бериш масаласини ўзлари акциядор (иштирокчи, муассис) бўлган давлат иштирокидаги корхоналарнинг бошқарув органлари йиғилишларида кўриб чиқиб, ўтказиб берилишига;

(б) давлат иштирокидаги корхоналар билан биргаликда хусусийлаштирилиши белгиланган давлат активларининг улар сотилгунга қадар бутлигини таъминлаш ва бегоналаштирмасликка (сотиш, сотиладиган улуш миқдорини камайтириш, гаровга қўйиш, бузиш ва бошқалар) шахсан жавобгар ва масъул ҳисобланади.

14. Қорақалпоғистон Республикаси Вазирлар Кенгаши Раиси, вилоятлар, Тошкент шаҳар, туман ва шаҳарлар ҳокимликлари Қурилиш ва уй-жой коммунал хўжалиги вазирлиги, Кадастр агентлиги ва Давлат активлари агентлиги билан биргаликда тадбиркорлик ва шаҳарсозлик фаолиятини ташкил этиш учун мазкур Фармонга 3-иловадаги режага мувофиқ ер участкаларининг устувор равишда мулк ҳуқуқи асосида электрон онлайн аукцион савдоларига 2025 йилда чиқарилишини таъминласин. Бунда шаҳарсозлик ҳужжатлари ишлаб чиқилмаган ер участкаларини ижара ҳуқуқи асосида савдога чиқаришни давом эттирсин.

15. Вазирликлар ва идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ўзлари таъсисчи (муассис) бўлган:

(а) давлат корхоналари ва муассасаларини тугатишда уларнинг мажбуриятларини тегишлилигича ўзларининг бюджетдан ташқари жамғармалари маблағлари ва маҳаллий бюджетнинг қўшимча манбалари ҳисобидан қоплалишини;

(б) давлат иштирокидаги корхоналарда харажатлар, шу жумладан, иш ҳақи ва унга тенглаштирилган тўловлар тасдиқланган бизнес-режа кўрсаткичларига қатъи риоя қилган ҳолда амалга оширилишига уларнинг биринчи раҳбарлари шахсан жавобгарлиги белгиланишини таъминласин.

16. Ахборот ва оммавий коммуникациялар агентлиги, Ўзбекистон Миллий телерадиокомпанияси, Ўзбекистон Миллий ахборот агентлиги, Давлат активлари агентлиги:

(а) мазкур Фармоннинг мазмун-моҳияти, мақсад ва вазифалари оммавий ахборот воситаларида кенг ёритилишини таъминласин;

(б) Рақамли технологиялар вазирлиги билан биргаликда мазкур Фармон ҳақида аҳоли ва тадбиркорларни интернет ва ижтимоий тармоқлар ва мобил алоқа операторлари орқали тезкор равишда хабардор қилиш чораларини кўрсин.

17. Давлат активлари агентлиги Адлия вазирлиги ҳамда манфаатдор ва-

зирлик ва идоралар билан биргаликда икки ой муддатда қонунчилик ҳужжатларига мазкур Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

18. Ўзбекистон Республикаси Президентининг айрим ҳужжатларига 8-иловага* мувофиқ ўзгартириш ва қўшимчалар киритилсин.

19. Ўзбекистон Республикаси Президентининг айрим ҳужжатлари 9-иловага мувофиқ ўз кучини йўқотган деб ҳисоблансин.

20. Мазкур Фармоннинг ижросини самарали ташкил қилишга масъул этиб Бош вазир ўринбосари — иқтисодиёт ва молия вазири Ж.А. Қўчқоров ҳамда Давлат активларини бошқариш агентлиги директори А.Ж. Ортиков белгилансин.

21. Фармон ижросини ҳар чоракда муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазири А.Н. Арипов зиммасига юклансин.

**Ўзбекистон Республикаси
Президенти**

Ш. МИРЗИЁЕВ

Тошкент ш.,
2025 йил 21 апрель,
ПФ–70-сон

* 8-иловалар «Қонунчилик маълумотлари миллий базаси»да эълон қилинган.

Ўзбекистон Республикаси
Президентининг 2025 йил 21 апрелдаги
ПФ–70-сон Фармонига
5-ИЛОВА

**Вазирлик ва идоралар, давлат иштирокидаги йирик
корхоналарда хусусийлаштириш ва давлат-хусусий шериклик
масалаларига масъул ўринбосарларнинг
АСОСИЙ ВАЗИФАЛАРИ**

1. Рақобат ривожланган ва хусусий сектор кириб келган соҳалардаги давлат мулкани сотиш, шу жумладан, активлардан давлат-хусусий шерикчилик механизмини кенг қўллаш орқали самарали фойдаланиш юзасидан таклифлар ишлаб чиқиш.

2. Тизимдаги активлардан, хусусан, носоҳавий ва бўш турган активларни сотишга тайёрлаш.

3. Меҳнат унумдорлигини ошириш ва кўрсатиладиган давлат хизматлари сифатини ошириш мақсадида соҳани рақамлаштириш ҳамда вазирлик ва идора фаолиятига хусусий секторни кенг жалб этиш.

4. Давлат иштирокидаги корхоналарнинг акцияларини халқаро ва миллий капитал бозорида бирламчи (IPO) ва (ёки) иккиламчи (SPO) оммавий таклиф этишга тайёрлаш ва жараёни ташкил этиш.

5. Хусусийлаштириш дастурларига асосан оммавий савдоларга чиқарилган давлат активларини салоҳиятли инвесторларга сотиш учун доимий равишда тарғибот ишларини олиб бориш.

Ўзбекистон Республикаси
Президентининг 2025 йил 21 апрелдаги
ПФ–70-сон Фармонида
6-ИЛОВА

**Тадбиркорлик субъектларини қўллаб-қувватлаш мақсадида
давлат активларини хусусийлаштириш ва давлат мулкани
ижарага бериш йўналишларидаги имтиёз ва қўллаб-
қувватлаш чоралари**

I. Давлат активларини хусусийлаштиришда:

1. Сотиб олиш тўловига чегирма қўллаш йўналишида:

а) давлат активи харидорининг чегирма бериш тўғрисидаги ёзма (электрон) аризасига мувофиқ, сотиб олиш тўловлари бир ой муддатда тўланишини назарда тутувчи олди-сотди шартномаси (биржа битими) тузилган кундан бошлаб сотиб олиш тўловлари бир ой давомида тўланган тақдирда, харидорга харид суммасидан мазкур шартнома тузилган санада амалда бўлган Марказий банкнинг асосий ставкаси миқдорида чегирма қўлланади, бундан чегирма қўлламаслик шарти билан сотилган, шунингдек, бошланғич нархи пасайтирилган ҳолда сотилган давлат активлари мустасно. Бунда харидорга сотиб олиш тўловларини мазкур чегирмани қўллаган ҳолда тўлаш имкони берилади;

б) 2027 йил 1 январга қадар Қорақалпоғистон Республикаси ҳудудида жойлашган аукцион савдоларида сотилган давлат кўчмас мулк объектлари бўйича тузилган олди-сотди шартномаларига мувофиқ тўловлар уч ой ичида тўлиқ тўланганда шартнома қийматининг 25 фоизига тенг миқдорда чегирмалар берилади;

в) Хоразм вилоятида жойлашган давлат кўчмас мулк объектларини сотиб олган харидор олди-сотди шартномаси тузилган кундан бошлаб уч ой ичида сотиб олиш тўловларини тўлиқ амалга оширса, сотиб олиш тўловлари суммасидан 25 фоиз миқдорида чегирма берилади.

2. Сотиб олиш тўловларини бўлиб-бўлиб тўлаш йўналишида:

а) давлат кўчмас мулк объектлари ва давлат улушлари учун сотиб олиш тўловларини савдолар ўтказилган санадаги белгиланган базавий ҳисоблаш миқдори (кейинги ўринларда — БХМ) баравари миқдорида ҳисобланадиган сотиб олиш тўловлари (БХМнинг 3 000 бараваридан бошлаб, 20 000 бараваридан юқори) миқдоридан келиб чиққан ҳолда 3 йилгача бўлган муддатда бўлиб-бўлиб тўлаш имконияти берилади, жумладан:

БХМнинг уч минг бараваригача — олди-сотди шартномаси тузилган кундан эътиборан уч ойдан кўп бўлмаган муддатда;

БХМнинг уч минг бараваридан юқори, бироқ БХМнинг олти минг бараваридан кўп бўлмаганда — олди-сотди шартномаси тузилган кундан эътиборан олти ойдан кўп бўлмаган муддатда;

БХМнинг олти минг бараваридан юқори, бироқ БХМнинг ўн икки минг бараваридан кўп бўлмаганда — олди-сотди шартномаси тузилган кундан эътиборан ўн икки ойдан кўп бўлмаган муддатда;

БХМнинг ўн икки минг бараваридан юқори, бироқ БХМнинг ўн беш минг бараваридан кўп бўлмаганда — олди-сотди шартномаси тузилган кундан эътиборан ўн саккиз ойдан кўп бўлмаган муддатда;

БХМнинг ўн беш минг бараваридан юқори, бироқ БХМнинг ўн саккиз минг бараваридан кўп бўлмаганда — олди-сотди шартномаси тузилган кундан эътиборан йигирма тўрт ойдан кўп бўлмаган муддатда;

БХМнинг ўн саккиз минг бараваридан юқори, бироқ БХМнинг йигирма минг бараваридан кўп бўлмаганда — олди-сотди шартномаси тузилган кундан эътиборан ўттиз ойдан кўп бўлмаган муддатда;

БХМнинг йигирма минг бараваридан юқори бўлганда — олди-сотди шартномаси тузилган кундан эътиборан ўттиз олти ойдан кўп бўлмаган муддатда;

б) 2027 йил 1 январга қадар Қорақалпоғистон Республикаси ҳудудида жойлашган:

аукцион савдоларида сотилган давлат кўчмас мулк объектларининг сотиб олиш нархидан қатъи назар барча харидорларга харид тўловларини етти йил муддатда бўлиб-бўлиб тўлаш имконияти берилади;

туман ҳокимликлари балансидаги бўш турган кўчмас мулк объектларини хусусий мактабгача таълим ташкилоти ташкил этиш учун давлат-хусусий шериклик асосида тадбиркорлик субъектларига берилган, уч йилдан сўнг хусусий шерикка давлат-хусусий шериклик тўғрисидаги битимни имзолаш пайтида баҳоланган қийматнинг 50 фоизи миқдорида ҳақ тўлаш ҳисобига беш йил давомида тўлаш шарти билан хусусийлаштириш имкони берилади;

в) Хоразм вилоятида жойлашган хусусийлаштирилаётган давлат мулки бўйича тўловларни, уларнинг миқдоридан қатъи назар, беш йил ичида тенг улушларда бўлиб-бўлиб тўлаш имконияти берилади;

г) меҳмонхона ва туризм хизматларини кўрсатиш бўйича давлат мулкани савдога чиқаришда харид тўловлари миқдоридан қатъи назар уларни беш йилгача бўлиб-бўлиб тўлаш имконияти берилади;

д) «20 минг тадбиркор — 500 минг малакали мутахассис» дастурида иштирок этаётганлигини тасдиқловчи сертификатга эга бўлган тадбиркорлик субъектлари аукционда давлат кўчмас мулк объектларини сотиб олганда тадбиркорлик субъектлари (Дастурга киритилган Тошкент шаҳридан рўйхатдан ўтган тадбиркорлик субъектлари бундан мустасно) томонидан яратиладиган янги иш ўринлари сонига қараб уч йилдан беш йилгача тўловларни фоизсиз тўлаш имконияти берилади;

е) ихтисослашуви ҳамда кичик бизнес учун мавжуд шароитдан келиб чиқиб тоифаларга ажратилган Ўзбекистон Республикасининг 4- ва 5-тоифадаги:

туман ва шаҳарларида давлат активлари (ер участкалари бундан мустасно) бўлиб-бўлиб тўлаш шарти билан сотилганда, дастлабки тўлов суммаси 35 фоиздан кам бўлган ҳолатларда қолган суммага сотиб олиш тўловидан қатъи назар 60 ой давомида тенг улушларда тўловларни амалга ошириш имконияти берилади;

туманларида фаолият юритаётган «АА» ва ундан юқори тоифадаги тадбиркорлик субъектларига давлат мулкани сотиб олиш тўловларини бўлиб-бў-

либ тўлаш муддати, сотиб олиш тўловлари миқдоридан қатъи назар, етти йил ичида тенг улушларда тўлаш имконияти берилади;

ж) электротехника соҳасида инвестиция лойиҳаларини амалга ошириш учун электротехника саноати корхоналари томонидан оммавий савдолар орқали сотиб олинadиган давлат кўчмас мулк объектлари бўйича тўловларни 10 йилгача муддатда бўлиб-бўлиб тўлаш имконияти берилади;

з) хусусийлаштириш дастурига кирган автотранспорт воситаларини сақлаш ва техник хизмат кўрсатиш учун мўлжалланган давлат мулки объектлари (автокорхоналар) ўз профилини сақлаб қолган ҳолда оммавий савдоларга чиқарилади (шаҳар марказида жойлашганлари бундан мустасно).

Бунда объектларни савдога чиқаришда харид тўловларини уларнинг миқдоридан қатъи назар, 5 йилгача бўлиб-бўлиб тўлаш имконияти назарда тутилади ҳамда олти ойдан ортиқ муддатда сотилмасдан турган объектларнинг бошланғич баҳоси 30 фоизгача пасайтирилади;

и) бўлиб-бўлиб тўлаш шarti билан сотилган давлат активлари бўйича камида 35 фоиз миқдоридаги дастлабки тўловни бирийўла амалга оширган харидорларга мазкур давлат активлари Давлат активлари ва қишлоқ хўжалигига мўлжалланмаган ер участкаларини кредит таъминоти сифатида гаровга қўйиш тартиби тўғрисидаги низом талабларига мувофиқ кредит таъминоти сифатида гаровга қўйиш ҳуқуқи берилади;

к) тиббиёт ва таълим ташкилотини ташкил этиш учун аукцион савдоларида сотилган давлат кўчмас мулк объектларининг сотиб олиш нархидан қатъи назар барча харидорларга харид тўловларини беш йил муддатда бўлиб-бўлиб тўлаш имконияти берилади.

3. Бўлиб-бўлиб тўлаш шarti билан сотилган давлат мулкига Марказий банкнинг асосий ставкаси миқдоридаги йиллик фоизлар қуйидаги ҳолларда ҳисобланмайди:

а) давлат мулки бўлиб-бўлиб тўлаш шarti билан сотилганда дастлабки бирийўла тўлов суммаси бир ой муддат ичида 35 фоиздан юқори бўлганда;

б) ихтисослашуви ва кичик бизнес учун мавжуд шароитдан келиб чиқиб тоифаларга ажратилган Ўзбекистон Республикасининг 4- ва 5-тоифадаги:

туман ва шаҳарларида давлат мулкини бўлиб-бўлиб тўлаш шarti билан сотилганда дастлабки тўлов суммаси 35 фоиздан кам бўлган ҳолларда;

туманларда фаолият юритаётган «АА» ва ундан юқори тоифадаги тадбиркорлик субъектларига бўлиб-бўлиб тўлаш шarti билан сотилган давлат мулки бўйича дастлабки тўлов суммаси 35 фоиздан кам бўлган ҳолларда.

4. Ихтисослашуви ҳамда кичик бизнес учун мавжуд шароитдан келиб чиқиб тоифаларга ажратилган Ўзбекистон Республикасининг 4- ва 5-тоифадаги туман ва шаҳарлари учун давлат мулки объектларини электрон савдоларга чиқаришда лотнинг закалат миқдорини амалдаги ставкага нисбатан 50 фоиз қилиб белгилаш имконияти берилади.

5. Бошланғич нархни пасайтириш механизмини қўллаш йўналишида:

а) 2026 йил 1 январгача давлат активлари уч ой давомида сотилмаганда (Тошкент шаҳри ва вилоят марказлари бундан мустасно) уларнинг бошланғич нархи қолдиқ (баланс) қиймати ёки соф активлари миқдоридан қатъи назар

10 фоизгача босқичма-босқич 10 фоиздан пасайтирилади. Бунда давлат активларининг бошланғич нархи пасайтирилгандан кейин ҳам уч ой муддатда сотилмаган тақдирда хусусийлаштиришнинг бошқа усуллари қўлланади;

б) оммавий савдоларда давлат мулкани сотиб олишга икки ой мобайнида талабнома тушмаган тақдирда, Давлат активларини хусусийлаштириш ва хусусийлаштириш жараёнларини мувофиқлаштириш бўйича давлат комиссияси томонидан белгиланадиган механизмга асосан нарх қадам-бақадам пасайтириб борилиши мумкин.

6. Давлат мулкани сотишга уларни қисмларга ажратган ҳолда ва ортиқча ер участкаларини маҳаллий давлат ҳокимияти органларига кейинчалик бу ерларда қонунчиликда назарда тутилган мақсадлар учун топшириш орқали йўл қўйилади.

7. Ижарачиларга давлат кўчмас мулк объектларини тўғридан-тўғри сотиш йўналишида:

а) тадбиркорлик субъектлари томонидан «E-auksion» электрон савдо платформаси орқали ижара шартномалари бўйича ижарага олинганига камида беш йил бўлган давлат мулки объектини капитал таъмирлаш, модернизация қилиш, теварак-атрофини ободонлаштириш ҳамда бино ва иншоотларни турли даражада яхшилаш бўйича ишлар амалга оширилган ва ижара тўловлари ўз вақтида тўлаб келинган ҳамда ушбу объект хусусийлаштириш дастурига киритилган тақдирда, уларга ушбу давлат мулки объектининг ижарага олинган қисми баҳоланган қийматда тўғридан-тўғри сотиб олиш ҳуқуқи берилади;

б) майдони 10 минг метр квадратгача бўлган давлат мулки объектлари Вазирлар Маҳкамаси томонидан белгиланган тартиб асосида саноатни жадал ривожлантириш бўйича лойиҳа офислари тавсиясига асосан юқори технологияли маҳсулот яратадиган тадбиркорлик субъектларига 5 йил муддатга тўғридан-тўғри текин фойдаланишга берилади ҳамда шартнома шартлари бажарилган тақдирда, ушбу тадбиркорлик субъектларига баҳоланган қийматда тўғридан-тўғри сотилади;

в) 2025 йил 1 мартдан бошлаб ҳудуди 10 минг метр квадратдан, баҳоланган қиймати 5 минг БҲМдан ошмаган ҳамда 6 ой давомида сотилмаган маҳаллий давлат ҳокимияти органларига тегишли муниципал кўчмас мулк объектларини (Тошкент шаҳри ва вилоят марказлари бундан мустасно) икки йил ичида янги лойиҳани ишга тушириш ва иш ўринлари яратиш шарт билан тадбиркорлик субъектларига тўғридан-тўғри 10 йил муддатга ижарага берилади ҳамда давлат мулки учун 4 йил давомида узлуксиз ижара тўловларини амалга оширган ва ижара шартномаси шартларини бажарган тадбиркорга баҳоланган қийматда тўғридан-тўғри сотиб олиш имконияти берилади.

II. Ер участкаларини реализация қилишда:

1. Барча турдаги ер участкаларининг қиймати ўн беш иш кунда тўлиқ тўланган тақдирда, жами суммага нисбатан 20 фоиз чегирма берилади, бундан бошланғич нархи 50 фоиздан ортиққа пасайтирилган ҳолда реализация қилинган ер участкалари мустасно.

2. Сотиб олиш тўловларини бўлиб-бўлиб тўлаш йўналишида:

а) Савдо-саноат палатаси томонидан берилган «20 минг тадбиркор — 500 минг малакали мутахассис» дастурида иштирок этаётганлигини тасдиқловчи сертификатга эга тадбиркорлик субъектлари (Дастурга киритилган Тошкент шаҳридан рўйхатдан ўтган тадбиркорлик субъектлари бундан мустасно) аукционда давлат мулкидаги ерга бўлган ҳуқуқларни сотиб олганда тадбиркорлик субъектлари томонидан яратиладиган янги иш ўринлари сонига қараб 3 йилдан 5 йилгача тўловларни фоизсиз тўлаш имконияти берилади.

б) қишлоқ хўжалигига мўлжалланмаган ер участкаларини мулк ҳуқуқи ёки ижара ҳуқуқи асосида, қишлоқ хўжалигига мўлжалланган ер участкаларини ижара ҳуқуқи асосида сотиб олиш қийматини қуйидаги шартларда ҳар ойда тенг улушларда, қолдиқ суммага Марказий банкнинг асосий ставкасида фоиз ҳисоблаган ҳолда бўлиб-бўлиб тўлашга рухсат берилади:

Тошкент шаҳрида — 1 йил давомида ҳамда Нукус шаҳри ва вилоятлар марказларида — 3 йил давомида камида 35 фоиз миқдорида дастлабки тўловни ўн беш иш кунida амалга ошириш шarti билан;

бошқа аҳоли пунктларида — 5 йил давомида, ихтисослашуви ҳамда кичик бизнес учун мавжуд шароитдан келиб чиқиб тоифаларга ажратилган Ўзбекистон Республикасининг 4- ва 5-тоифалардаги туманларида эса 10 йил давомида камида 15 фоиз миқдорида дастлабки тўловни ўн беш иш кунida амалга ошириш шarti билан;

в) эркин иқтисодий, кичик ва ёшлар саноат зоналарида инвестиция лойиҳаларини амалга ошириш учун аукцион орқали ер ижарага олинганда ижара тўловлари лойиҳа ишга тушгунга қадар, бироқ 2 йилдан кўп бўлмаган муддатга тўлаш кечиктирилиши мумкин;

3. Ихтисослашуви ҳамда кичик бизнес учун мавжуд шароитдан келиб чиқиб тоифаларга ажратилган Ўзбекистон Республикасининг 4- ва 5-тоифадаги туман ва шаҳарларида давлат мулки ҳисобланган ер участкаларини электрон савдоларга чиқаришда преференциялар бериш мақсадида лотнинг бошланғич закат миқдори (амалдаги ставкага нисбатан) 50 фоиз миқдорида белгиланади.

4. Бўлиб-бўлиб тўлаш шarti билан сотилган қишлоқ хўжалигига мўлжалланмаган ер участкалари бўйича камида 35 фоиз миқдоридаги дастлабки тўловни бирийўла амалга оширган харидорларга мазкур ер участкаларини Давлат активлари ва қишлоқ хўжалигига мўлжалланмаган ер участкаларини кредит таъминоти сифатида гаровга қўйиш тартиби тўғрисидаги низом талабларига мувофиқ кредит таъминоти сифатида гаровга қўйиш ҳуқуқи берилади.

Бунда 4 ва 5-тоифаларга киритилган туманларда жойлашган мулк ҳуқуқи асосида сотиб олинган қишлоқ хўжалигига мўлжалланмаган ер участкаларини кредит таъминоти сифатида гаровга қўйиш дастлабки тўлов миқдори 15 фоиз миқдорида бўлганда амалга оширилади.

5. Аукцион савдоларига чиқарилган қишлоқ хўжалигига мўлжалланмаган ер участкалари (Тошкент шаҳри ва вилоят марказлари бундан мустасно) уч ой давомида сотилмаганда, уларнинг бошланғич нархи 30 фоизигача, олти

ой давомида сотилмаганда 10 фоизгача босқичма-босқич 10 фоиздан пасайтирилади.

III. Давлат мулки объектларини ижарага беришда:

1. Ижара тўловларига чегирма қўллаш йўналишида:

а) уч ойдан ортиқ муддатга ўттиз нафардан зиёд касаначиларни белгиланган тартибда жалб қилган ва касаначилик асосида ишлаб чиқарилган маҳсулотларни (кўрсатилган хизматларни) реализация қилишдан олган даромадлари жами даромадининг 60 фоизидан кўпроғини ташкил этган тадбиркорлик субъектларига ҳудудлар кесимида белгиланган шартлар асосида 2026 йил 1 январга қадар давлат мулки объектларидан фойдаланганлик учун ижара тўловлари 50 фоиз миқдорида белгиланади;

б) нодавлат спорт-таълим муассасаси томонидан жисмоний тарбия ва спорт хизматларини кўрсатиш учун фойдаланиладиган бино ва иншоотлар ижара тўлови харажатлари 2026 йил 1 январга қадар 50 фоизга камайтирилади;

в) спорт тўғаракларини ташкил этиш учун маҳаллада бўш турган давлат мулки ҳисобланган бино ва иншоотлар электрон савдолар ўтказмаган ҳолда ушбу объектга нисбатан белгиланган энг кам ижара тўлови ставкасининг 50 фоизи миқдорида ижарага берилади;

г) моддий маданий мерос объектларини инвестиция киритиш шарти билан ижарага олган тадбиркорлик субъектлари улар билан шартнома тузилган кундан бошлаб беш йил муддатга ижара тўловининг ҳисоблаб чиқилган қийматининг 80 фоизи миқдорида ижара тўловини тўлашдан озод этилади;

д) ҳудудларда бўш турган ва бир йилдан буён аукцион савдоларида сотилмасдан турган давлат мулки бўлган бино ва иншоотлар, шунингдек, касб-ҳунар коллежларининг фойдаланилмасдан бўш турган бинолари «20 минг тадбиркор — 500 минг малакали мутахассис» дастури иштирокчиларига (Дастурга киритилган Тошкент шаҳридан рўйхатдан ўтган тадбиркорлик субъектлари бундан мустасно) ўз ходимларини ўқитиш ва малакасини ошириш ҳамда амалий мономарказ ташкил қилиш учун фойдаланишга танлов (талабгор ягона бўлганда — тўғридан-тўғри шартнома) асосида ижара ставкасининг минимал миқдори бўйича ижарага берилади;

е) Олимпия ва Паралимпия ҳамда Осиё ва Параосиё ўйинлари, жаҳон, Осиё ва республика чемпионатларида охириги 5 йилда голиб ва совриндор (1 — 3 ўрин) бўлган спортчи-тренерларга, шунингдек, олис ва чекка ҳудудларда фаолият юритувчи спортчи-тренерларга спорт тўғаракларини ташкил этиш учун туман ва шаҳарларда бўш турган давлат мулки ҳисобланган бино ва иншоотлар электрон савдолар ўтказмаган ҳолда ушбу объектга нисбатан белгиланган энг кам ижара тўлови ставкасининг 50 фоизи миқдорида ижарага берилади;

ж) маҳаллий ижро ҳокимияти органлари томонидан давлатнинг кўчмас мулкидан фойдаланганлик учун ижара ҳақининг минимал ставкасини ҳар йили белгилаш чоғида соғлиқни сақлаш ташкилотлари томонидан давлат мулки учун ижара ҳақининг минимал ставкаси 20 фоизга камайтирилади;

з) «Аёллар дафтари»га киритилган камида 5 нафар ишсиз хотин-қизларни касаначилик асосида ишга қабул қилган тадбиркорлик субъектлари томонидан давлат мулкидаги бино ва иншоотларни ижарага олишда имтиёз бериш шартларига мос бўлганда ижара ҳақи 50 фоиз миқдорда ундирилади;

и) «Ёшлар дафтари»га киритилган ишсиз ёшларни ишга қабул қилган тадбиркорлик субъектларига давлат мулкини ижарага олишда ижара тўловларидан тақдим этиладиган имтиёзлар рўйхатида белгиланган мезонларга мувофиқ «Ёшлар дафтари»га киритилган ишсиз ёшларни ишга қабул қилганда умумий ижара майдонига нисбатан ижара тўловларидан 50 фоиз миқдорда имтиёз берилади;

к) давлат мулкини ижарага олган алоҳида тоифадаги (2018 йил 1 августдан бошлаб имтиёзлар ва преференциялар бериладиган алоҳида тоифадаги тадбиркорлик субъектлари рўйхатидаги) тадбиркорлик субъектларига ижара тўлови ушбу объектга нисбатан аукцион савдолари натижалари бўйича шаклланган ижара тўловининг 50 фоизи миқдорида белгиланади;

л) ижара шартномаси тузилган кундан бошлаб ижарага олувчи томонидан йиллик ижара тўловлари бир ой давомида тўланган тақдирда, унга йиллик ижара суммасидан мазкур шартнома тузилган санадаги Марказий банкнинг асосий ставкаси миқдорида чегирма берилади, бундан чегирма қўлламаслик шарти билан ижарага берилган ҳамда бир йилдан кам муддатга тузилган ва бошқа имтиёзлар қўлланган ижара шартномалари мустасно.

2. Аукционга чиқариладиган объектларнинг бошланғич нархини белгилаш йўналишида:

а) маданий мерос объектларини хунармандларга ижарага беришда аукционга чиқариладиган бошланғич нарх амалдаги ставкага нисбатан 50 фоиз миқдорида белгиланади;

б) ихтисослашуви ҳамда кичик бизнес учун мавжуд шароитдан келиб чиқиб тоифаларга ажратилган Ўзбекистон Республикасининг 4- ва 5-тоифадаги шаҳар ва туманларидаги тадбиркорлик субъектларига давлат мулки объектларини ижарага беришда аукционга чиқариладиган бошланғич нарх (амалдаги ставкага нисбатан) 50 фоиз ставкада белгиланади;

в) олти ой давомида электрон онлайн аукцион савдоларида ижарага берилмаган объектларнинг бошланғич нархи 50 фоиз пасайтирилган қийматда белгиланади. Бунда бошланғич нарх пасайтирилганда ҳам ижарага берилмаса, ушбу аукцион унда бир иштирокчи қатнашган тақдирда ҳам, истисно тариқасида, ўтказилган деб ҳисобланади.

3. Саноат зоналарида бино ва иншоотларни электрон онлайн аукцион орқали ижарага беришда тўловларни йигирма тўрт ой муддатда бўлиб-бўлиб тўлашга рухсат берилади.

4. Текин фойдаланишга бериш йўналишида:

а) Касбий кўникмалар марказларининг бино ва иншоотлари ёки уларнинг бир қисми жиҳозлари билан бирга уларда касб-хунар ва хорижий тилларга ўқитиш курсларини ташкил қилиш учун хорижий иш берувчилар ва таълим ташкилотларига тўғридан-тўғри шартномалар бўйича текин фойдаланишга ёки узоқ муддатли ижарага берилади;

б) IT паркнинг тавсияномасига асосан бўш турган давлат кўчмас мулк объектлари, Рақамли технологиялар вазирлиги тизимидаги ташкилотлари ҳамда IT парк филиалларининг давлат мулки бўлган бўш бинолари ва майдонлари (хоналари) бир йилгача муддатга текин фойдаланиш ҳуқуқи асосида берилади.

Бунда, бир йил муддат тугагандан сўнг IT-хизматлар экспорт қилувчи корхоналарни кенг жалб қилишга қаратилган дастурда иштирок этувчи корхоналар билан уларга текин фойдаланиш ҳуқуқи асосида берилган бино ва майдонлар (хоналар) юзасидан «E-auksion» электрон савдо платформасида бир метр квадрат майдон учун тегишли ҳудуд бўйича охириги ҳисобот даврида шаклланган ўртача ижара ҳақи миқдорида тўғридан-тўғри шартнома тузилади;

в) давлат мактабгача таълим ташкилотида овқатлантириш аутсорсинг усулида ташкил этилганда ижара шартномаси доирасида аутсорсерга вақтинча фойдаланишга бериладиган ошхонанинг ишлаб чиқариш хоналари, асбоб-ускуналари, идиш-товоқлари ва мебелли текин фойдаланиш ҳуқуқи билан берилади;

г) Ўзбекистон ёшлар иттифоқи аъзоси бўлган ёш тадбиркорларга Ёшлар тадбиркорлик кластерлари ҳудудида жойлашган ишлаб чиқариш майдонлари корхона ташкил топгунига қадар, аммо 5 йилдан кўп бўлмаган муддатга текин фойдаланиш ҳуқуқи билан берилади;

д) Ўзбекистон ёшлар иттифоқи аъзоси бўлган ёш тадбиркорларга эркин иқтисодий ва кичик саноат зоналари ҳудудида жойлашган давлат мулки Ўзбекистон ёшлар иттифоқининг шаҳар ҳамда туман кенгашларининг илтимосига кўра 5 йилдан кўп бўлмаган муддатга текин фойдаланиш ҳуқуқи билан берилади;

е) Навоий вилоятининг Томди, Учқудуқ, Конимех, Нурота туманлари ва Зарафшон шаҳрида жойлашган фойдаланилмай бўш ётган давлат объектлари улар негизида тадбиркорлик фаолиятини йўлга қўйиш истагини билдирган тадбиркорлик субъектларига янги иш ўринлари яратиш шарти билан текин фойдаланиш ҳуқуқи билан ўн йил муддатгача берилади;

ж) «Яшил энергия» компанияси ўз ҳисобидан давлат органлари ва ташкилотлари бино ва иншоотларида қайта тикланувчи энергия манбалари қурилмаларини ўрнатганда ушбу бино ва иншоотларнинг тегишли қисмларидан ижара ҳуқуқи асосида бепул фойдаланади. Бунда ижара шартномалари белгиланган тартибда солиқ органларида рўйхатдан ўтказилади;

з) хусусий шахмат клубларига улар томонидан шахмат тўғарақларини ташкил этиш ва аҳолига хизмат кўрсатиш учун давлат мулки объектлари ва ҳудудлардаги Ёшлар марказларидан ижара тўловларисиз (коммунал тўловлар бундан мустасно) жой ажратилади;

и) ишлаб чиқариш соҳасида фаолият юритаётган ва ходимлар умумий сонининг камида 70 фоизи «Ёшлар дафтари»га киритилган ёшлар бўлган ва давлат мулкини ижарага олган тадбиркорлик субъектлари имтиёз бериш шартларига мос бўлганда ижара ҳақи тўловидан 5 йил муддатга озод этилади;

к) ишлаб чиқариш соҳасида фаолият юритаётган ва ходимлар умумий

сонининг камида 70 фоизи «Аёллар дафтари»га киритилган хотин-қизлар бўлган касаначиликни ташкил этган ва имтиёз берилган даврда уларнинг бандлигини сақлаб қолган тадбиркорлик субъектлари давлат мулкидаги бино ва иншоотлар учун ижара ҳақи тўловидан 2027 йил 1 октябрга қадар озод этилади.

Изоҳ:

1. Имтиёз ва қўллаб-қувватлаш чораларидан бир вақтнинг ўзида бир ёки бир нечтаси қўлланади.

2. Имтиёз ва қўллаб-қувватлаш чоралари бир-бирига зид келган тақдирда, давлат активлари ва ер участкаларини реализация қилиш жараёнида иштирок этувчи шахслар учун энг манфаатлиси қўлланади.

Ўзбекистон Республикаси
Президентининг 2025 йил 21 апрелдаги
ПФ–70-сон Фармони
9-ИЛОВА

**Ўзбекистон Республикаси Президентининг ўз кучини йўқотган
деб эътироф этилаётган айрим ҳужжатлари
РЎЙХАТИ**

1. Ўзбекистон Республикаси Президентининг 2000 йил 23 июндаги «Ўзбекистон сув ҳўжалиги қурилиши давлат концерни («Ўзсувқурилиш»)ни туғатиш тўғрисида»ги ПФ–2645-сон Фармонининг 2-банди.

2. Ўзбекистон Республикаси Президентининг 2013 йил 28 августдаги «Ўзбекистон Республикаси Президентининг айрим ҳужжатларига қўшимча ва ўзгартишлар киритиш, шунингдек айримларини ўз кучини йўқотган деб ҳисоблаш тўғрисида»ги ПФ–4561-сон Фармонига 2-илованинг 5-банди.

3. Ўзбекистон Республикаси Президентининг 2018 йил 11 октябрдаги «Давлат мулки объектларини ва ер участкаларига бўлган ҳуқуқларни тадбиркорлик субъектларига сотиш тартибини соддалаштириш бўйича қўшимча чора-тадбирлар тўғрисида»ги ПФ–5552-сон Фармони.

4. Ўзбекистон Республикаси Президентининг 2020 йил 18 мартдаги «Ўзбекистон Республикаси Президентининг айрим ҳужжатларига ўзгартиришлар киритиш, шунингдек, баъзиларини ўз кучини йўқотган деб ҳисоблаш тўғрисида»ги ПФ–5968-сон Фармонига 2-илованинг 11-банди.

5. Ўзбекистон Республикаси Президентининг 2005 йил 14 мартдаги «2005-2006 йилларда корхоналарни давлат тасарруфидан чиқариш ва хусусийлаштириш дастури тўғрисида»ги ПҚ–29-сон қарорининг 3, 4, 5 ва 7-бандлари.

6. Ўзбекистон Республикаси Президентининг 2005 йил 27 декабрдаги «Ўзбекистон Республикасининг 2006 йилги асосий макроиқтисодий кўрсаткичлари прогнози ва Давлат бюджети параметрлари тўғрисида»ги ПҚ–244-сон қарорининг 12-банди ва 31-илованинг 2-банди.

7. Ўзбекистон Республикаси Президентининг 2006 йил 26 апрелдаги «Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар тўғрисида»ги ПҚ–335-сон қарори.

8. Ўзбекистон Республикаси Президентининг 2012 йил 4 июндаги «Давлат мулкани хорижий инвесторларга сотишда тендер савдоларини ўтказиш бўйича давлат комиссияси тўғрисидаги низомга ўзгартиш ва қўшимчалар киритиш ҳақида»ги ПҚ–1768-сон қарори.

9. Ўзбекистон Республикаси Президентининг 2014 йил 3 июлдаги «Давлат мулки объектларини кичик бизнес ва хусусий тадбиркорлик субъектларига сотиш борасидаги қўшимча чора-тадбирлар тўғрисида»ги ПҚ–2200-сон қарорининг 9-банди ва 6-илоvasи.

10. Ўзбекистон Республикаси Президентининг 2017 йил 1 апрелдаги «Соғлиқни сақлаш соҳасида хусусий секторни янада ривожлантириш чора-тадбирлари тўғрисида»ги ПҚ–2863-сон қарорининг 6-банди.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ФАРМОНИ**180** Коррупцияга қарши курашиш тизимини янада такомиллаштириш бўйича белгиланган устувор вазифалар ижросини самарали ташкил этишга доир чора-тадбирлар тўғрисида*

Жорий йилнинг 5 март куни Коррупцияга қарши курашиш бўйича миллий кенгашнинг кенгайтирилган йиғилишида белгиланган устувор вазифалар ижросини таъминлаш, шунингдек, коррупцияга қарши курашиш бўйича янги тизимни жорий этиб, ушбу масалага жамоатчилик, парламент ва фуқаролик жамияти институтларини кенг сафарбар этиш мақсадида **қарор қиламан:**

1. Коррупцияга қарши курашиш бўйича миллий кенгашнинг 2025 йил 5 мартда ўтказилган кенгайтирилган йиғилишида белгиланган топшириқлар ижросини таъминлаш бўйича ишлаб чиқиладиган норматив-ҳуқуқий ҳужжатлар рўйхати ва амалий чора-тадбирлар дастури 1 ва 2-иловаларга** мувофиқ тасдиқлансин.

Вазирлик ва идоралар раҳбарларига мазкур Фармон ва унинг иловаларида белгиланган вазифаларни сифатли, ўз вақтида ва сўзсиз бажарилиши юзасидан шахсий жавобгарлик юклансин.

2. Коррупцияга қарши курашиш бўйича миллий кенгаш ҳар йили ҳудудлар кесимида Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари, прокурорлар ва ички ишлар органлари бошлиқлари билан биргаликда коррупциянинг олдини олиш, унга қарши курашиш, шу жумладан, маиший коррупцияга барҳам бериш, коррупцияга нисбатан мурасасиз муносабатда бўлиш муҳитини шакллантириш бўйича «йўл харита»сини тасдиқлаб, ижроси устидан назоратни таъминласин.

3. Коррупция ва жиноятчиликка қарши курашишда парламентнинг ролини тубдан ошириш мақсадида Олий Мажлис палаталарига қуйидагилар тавсия этилсин:

(а) ҳар йили бюджетдан энг кўп маблағ оладиган учта вазирлик ва идорада коррупциявий омилларни аниқлаб, уларни бартараф этиш бўйича таклифлар киритиш;

(б) вазир ва ҳокимлар лавозимига номзодлар тегишлича Олий Мажлис Қонунчилик палатаси ва халқ депутатлари кенгашларида кўриб чиқиладиганда улар томонидан коррупциянинг олдини олиш бўйича аниқ режа ҳимоя қилинишига оид тартибни қонун ҳужжатларида белгилаш;

(в) халқаро тажрибани ўрганиб, кибермаконда коррупцияга қарши самарали курашиш бўйича мустаҳкам ҳуқуқий база яратиш юзасидан таклифларни ишлаб чиқиш;

(г) масъул идоралар вакилларида иборат ишчи гуруҳлар тузган ҳолда «жиноятчиликка қарши курашиш ҳафталиги» давомида ҳар ойнинг 1 — 5 саналарида режа асосида «қизил» тоифадаги маҳаллаларга тушиб, жиноят-

* Ушбу Фармон «Қонунчилик маълумотлари миллий базаси»да 2025 йил 22 апрелда эълон қилинган.

** 1-2-иловалар «Қонунчилик маълумотлари миллий базаси»да эълон қилинган.

ларнинг келиб чиқиш сабабларини чуқур таҳлил қилиш, туман (шаҳар), Қорақалпоғистон Республикаси, вилоятлар ва Тошкент шаҳар прокурорлари ва ички ишлар органлари бошлиқлари фаолияти самарадорлигини ошириш бўйича тавсиялар бериш ҳамда туман (шаҳар) ва маҳаллаларда илгари сурилган халқчил ташаббуслар асосида қонунларни такомиллаштириш бўйича таклифлар ишлаб чиқиш.

4. Худудларни комплекс ижтимоий-иқтисодий ривожлантириш бўйича секторлар фаолияти қуйидагича янги тартиб асосида йўлга қўйилсин:

(а) прокурор, ички ишлар ва солиқ органлари раҳбарлари секторлар фаолияти бўйича юклатилган вазифалардан озод этилади;

(б) секторлар ишига Бош вазир ўринбосарлари ва Ўзбекистон маҳаллалари уюшмаси ҳамда унинг ҳудудий бўлинмалари масъул этиб белгиланади.

Вазирлар Маҳкамаси икки ой муддатда секторларнинг янги тартиб асосида фаолият юритиши бўйича Ўзбекистон Республикаси Президенти қарори лойиҳасини киритсин.

5. Иқтисодиётда коррупциявий омилларнинг олдини олиш мақсадида белгилансинки:

(а) давлат харидларида сотиб олинadиган товар ва хизматлар нархи ҳамда унинг ўртача бозор нархи ўртасидаги тафовутнинг энг кўп йўл қўйиладиган чегарасидан четга чиққан ҳолда харидларни амалга оширган мансабдор шахслар жавобгарликка тортилади;

(б) 2025 йилнинг 1 июлидан йирик инвестиция лойиҳаларида коррупцияга қарши халқаро стандартлар ҳамда йирик аукцион шартларини рақобатбардошлик экспертизасидан ўтказиш тартиби жорий этилади;

(в) «Шаффоф қурилиш» миллий ахборот тизими (кейинги ўринларда — «Шаффоф қурилиш» тизими) қамрови янада оширилиб, босқичма-босқич халқаро ташкилотлар иштирокидаги лойиҳаларга жорий қилинади.

6. Мазкур Фармоннинг 5-бандида белгиланган топшириқлар ижросини самарали ташкил этиш мақсадида:

(а) Иқтисодиёт ва молия вазирлиги икки ой муддатда:

(i) давлат харидларида сотиб олинadиган товар ва хизматлар нархи бўйича белгиланган талабларни бузганлик учун жавобгарликни назарда тутувчи қонун лойиҳасини ишлаб чиқиб, киритсин;

(ii) Ҳисоб палатаси, Бош прокуратура ҳузуридаги Иқтисодий жиноятларга қарши курашиш департаменти билан биргаликда бюджет ва бюджетдан ташқари маблағлар ҳисобидан асосий воситаларни харид қилиш бўйича талабларни кучайтирсин;

(iii) Ҳисоб палатаси билан биргаликда давлат буюртмачилари томонидан тўғридан-тўғри шартномалар бўйича харид қилинадиган товарлар (ишлар, хизматлар) турларини камида икки карра қисқартириш бўйича Ўзбекистон Республикаси Президенти қарори лойиҳасини киритсин;

(б) Инвестициялар, саноат ва савдо вазирлиги, Рақобатни ривожлантириш ва истеъмолчилар ҳуқуқларини ҳимоя қилиш қўмитаси Коррупцияга қарши курашиш агентлиги билан биргаликда уч ой муддатда йирик инвестиция лойиҳаларини коррупцияга қарши халқаро стандартлар асосида баҳолаш

ҳамда йирик аукцион шартларини рақобатбардошлик экспертизасидан ўтказиш тартиб-таомилларини белгилловчи Ҳукумат қарори лойиҳасини Вазирлар Маҳкамасига киритсин;

(в) 2025 йил якунига қадар Иқтисодиёт ва молия вазирлиги ҳамда Инвестиция, саноат ва савдо вазирлиги халқаро молия ташкилотлар билан биргаликда халқаро тендер объектлари бўйича субпудратчиларни «Шаффоф қурилиш» тизими орқали жалб қилиш, қиймати 2 млн АҚШ доллариғача бўлган халқаро молия ташкилотлар ҳисобидан молиялаштириладиган маҳаллий тендерларни «Шаффоф қурилиш» тизимида ўтказиш ҳамда халқаро тендерлар бўйича жалб қилинган чет эл пудрат ташкилотлари шартнома қийматининг камида 60 фоизини ўз кучи билан бажариш тартибини жорий этиш чораларини кўрсин;

(г) Қурилиш ва уй-жой коммунал хўжалиги вазирлиги «Шаффоф қурилиш» тизимини халқаро ташкилотлар иштирокидаги лойиҳаларга жорий этиш учун ушбу тизимда тегишли имкониятларни яратсин.

7. Вазирлар Маҳкамаси 2026 йил 1 январга қадар вазирлик ва идоралар, маҳаллий ҳокимликлар томонидан кўрсатиладиган барча давлат хизматларини туман (шаҳар) кесимида аҳолининг ўзи баҳолайдиган тизимни жорий этсин.

Бунда аҳоли томонидан «қониқарсиз» деб баҳоланган давлат хизматларини кўрсатувчи вазирлик, идора раҳбарлари ҳамда туман (шаҳар) ҳокимларининг шахсий жавобгарлиги белгилансин.

8. Адлия вазирлиги:

(а) бир ой муддатда Рақамли технологиялар вазирлиги билан биргаликда сунъий интеллект асосида аҳолининг кундалик ҳаётида учрайдиган саволларига мобиль телефон орқали содда ва қулай шаклда жавоб олиш имкониятини берадиган онлайн платформани ишга туширсин;

(б) Рақамли технологиялар вазирлиги билан биргаликда уч ой муддатда вазирлик ва идоралар, маҳаллий ҳокимликлар томонидан кўрсатиладиган барча давлат хизматларини туман (шаҳар) кесимида аҳолининг ўзи баҳолайдиган янги тизимни жорий этишни назарда тутувчи Ҳукумат қарори лойиҳасини ишлаб чиқсин ва Вазирлар Маҳкамасига киритсин;

(в) уч ой муддатда Адвокатлар палатаси билан биргаликда фуқароларга сифатли юридик ёрдам кўрсатилишида адвокатлар фаолиятига тўсқинлик қилаётган омилларни бартараф этишга қаратилган қонун лойиҳасини Вазирлар Маҳкамасига киритсин.

9. Мазкур Фармонда белгиланган вазифаларнинг ўз вақтида ва тўлиқ бажарилишини таъминлаш Ўзбекистон Республикаси Бош вазири А.Н. Арипов ҳамда Ўзбекистон Республикаси Президентининг маслаҳатчилари Д.Б. Кадиоров ва Р.Қ. Давлетовлар зиммасига юклансин.

**Ўзбекистон Республикаси
Президенти**

Ш. МИРЗИЁЕВ

Тошкент ш.,
2025 йил 21 апрель,
ПФ–71-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ

181 Давлат иштирокидаги йирик корхоналарни халқаро бозорларда хусусийлаштириш тўғрисида*

Давлат иштирокидаги йирик корхоналар ва тижорат банкларининг (кейинги ўринларда — давлат иштирокидаги йирик корхоналар) фаолияти самардорлигини ошириш ва уларни хусусийлаштириш орқали хорижий инвестициялар жалб этилишини жадаллаштириш мақсадида **қарор қиламан:**

I. Мақсадлар

1. Қуйидагилар давлат иштирокидаги йирик корхоналарни халқаро ва маҳаллий бозорларда сотишнинг асосий мақсадли кўрсаткичлари этиб белгилансин:

(а) 29 та давлат иштирокидаги йирик корхона устав капиталидаги акциялар пакетини (улушларни) нуфузли халқаро профессионал консультантларни жалб қилган ҳолда оммавий савдоларга чиқариш;

(б) 12 та давлат иштирокидаги йирик корхона устав капиталидаги акциялар пакетининг халқаро ва маҳаллий фонд бозорларида бирламчи (IPO) ва (ёки) иккиламчи (SPO) оммавий таклифини ўтказиш.

II. Давлат активларини халқаро бозорларда сотиш

2. Қуйидагилар:

(а) Профессионал консультантларни жалб қилган ҳолда халқаро ва маҳаллий бозорларда оммавий савдоларга чиқариладиган акциялар пакетлари (улушлар) рўйхати 1-иловага** мувофиқ;

(б) Халқаро ва маҳаллий фонд бозорларида акцияларининг бирламчи (IPO) ва (ёки) иккиламчи (SPO) оммавий таклифи ўтказиладиган давлат иштирокидаги йирик корхоналар рўйхати 2-иловага** мувофиқ;

(в) Давлат иштирокидаги айрим йирик корхоналарни сотиш механизми 3-иловага** мувофиқ;

(г) Давлат иштирокидаги йирик корхоналар устав капиталидаги акция пакетларини (улушларни) хусусийлаштириш олди тайёргарлик ишларини мувофиқлаштириш бўйича ишчи гуруҳи таркиби 4-иловага** ва унинг асосий вазифалари 5-иловага мувофиқ тасдиқлансин.

3. Давлат активларини хусусийлаштириш ва хусусийлаштириш жараёнларини мувофиқлаштириш бўйича давлат комиссияси (А. Арипов) (кейинги ўринларда — Хусусийлаштириш давлат комиссияси) ўн кун муддатда давлат иштирокидаги йирик корхоналар устав капиталидаги акциялар пакетларини (улушларини) савдога чиқаришнинг алоҳида корхоналар бўйича «йўл хари-

* Ушбу қарор «Қонунчилик маълумотлари миллий базаси»да 2025 йил 22 апрелда эълон қилинган.

** 1 — 4-иловалар «Қонунчилик маълумотлари миллий базаси»да эълон қилинган.

талари»ни амалга ошириладиган чора-тадбирларнинг аниқ механизми ва масъулларини назарда тутган ҳолда тасдиқласин.

4. Давлат активларини бошқариш агентлиги (кейинги ўринларда — Давлат активлари агентлиги):

(а) 2025 йил 1 июлга қадар жалб қилинган профессионал консультантнинг таклифини инобатга олган ҳолда ва Энергетика вазирлигининг ёқилги етказиб беришнинг энг кам миқдори бўйича кафолати асосида халқаро бозорда иссиқлик электр станцияларининг очиқ оммавий савдоларини эълон қилсин;

(б) тасдиқланган чора-тадбирлар ижроси якуни бўйича «Ўзметкомбинат» АЖнинг устав капиталидаги давлат улушини савдога чиқарсин.

III. Давлат активларини халқаро бозорларда сотиш механизми

5. Шундай тартиб ўрнатилсинки, унга мувофиқ мазкур қарор доирасида давлат активларини оммавий савдоларга чиқариш ва уларни сотиш жараёнларини ташкил этишда:

(а) Иқтисодиёт ва молия вазирлиги халқаро молия бозорлари конъюнктураси, ишлаб чиқариш қувватлари ҳамда стратегик инвесторлар талабларидан келиб чиқиб давлат активларини хусусийлаштириш модели ва графигини ишлаб чиқади ва тасдиқлаш учун Хусусийлаштириш давлат комиссиясига тақдим этади;

(б) Давлат активлари агентлиги халқаро очиқ оммавий савдолар жараёнини амалга ошириш учун нуфузли халқаро профессионал ташкилотлар ва юридик консультантларни жалб этади;

(в) Давлат активлари агентлиги ёки «UzAssets» инвестиция компанияси» АЖ «катта тўртлик» туркумига кирувчи баҳоловчи ташкилотларни энг яхши таклифларни танлаб олиш асосида улар билан тузиладиган шартномаларни экспертизадан ўтказмасдан жалб этади;

(г) халқаро профессионал ташкилотлар томонидан давлат активларини сотиш мақсадида аниқланган қиймат ёки қийматлар оралиғи (баҳолаш фаолиятининг миллий стандарти талабларидан қатъи назар) савдо жараёнида мўлжал сифатида ҳисобга олинади;

(д) жалб этилган баҳоловчи ташкилотларнинг баҳолаш тўғрисидаги ҳисоботи экспертизадан ўтказилиши талаб этилмайди ва ҳисоботда аниқланган нархдан давлат активининг бошланғич нархини белгилашда мўлжал сифатида фойдаланилади;

(е) Хусусийлаштириш давлат комиссияси давлат активларининг хусусийлаштириш моделини ва графикларини тасдиқлаб, сотиш жараёнларини мувофиқлаштириб боради.

IV. Қарор ижросини ташкил этиш, таъминлаш ва назорат

6. Давлат активлари агентлиги Иқтисодиёт ва молия вазирлиги билан биргаликда 2025 йил 1 декабрга қадар профессионал консультантлар, халқ-

аро молия ташкилотларининг экспертларини жалб этган ҳолда 2030 йилгача давлат корхоналарини ислоҳ қилиш ва хусусийлаштириш стратегияси ишлаб чиқилиши ва Вазирлар Маҳкамасига киритилишини таъминласин.

7. Давлат активлари агентлиги Ташқи ишлар вазирлиги, Инвестициялар, саноат ва савдо вазирлиги, Иқтисодиёт ва молия вазирлиги, Ахборот ва оммавий коммуникациялар агентлиги билан биргаликда мазкур қарорга асосан хусусийлаштирилиши белгиланган активларнинг халқаро бозорларда савдоларини ташкил қилиш ва салоҳиятли инвесторларни жалб қилиш мақсадида хорижий оммавий ахборот воситалари ҳамда PR-консалтинг компаниялари ҳамкорлигида кенг қамровли тарғибот-ташвиқот ишларини ташкиллаштириш, шунингдек, халқаро форумларда тақдимотлар («Road Show») ўтказиш чораларини кўрсин.

8. Мазкур қарорнинг ижросини самарали ташкил қилишга масъул этиб Бош вазир ўринбосари Ж.А. Қўчқоров ҳамда Давлат активларини бошқариш агентлиги директори А.Ж. Ортиков белгилансин.

9. Қарор ижросини ҳар чоракда муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазири А.Н. Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2025 йил 21 апрель,
ПҚ-145-сон

Ўзбекистон Республикаси
Президентининг 2025 йил 21 апрелдаги
ПҚ-145-сон қарорига
5-ИЛОВА

**Давлат иштирокидаги йирик корхоналар
устав капиталидаги акция пакетларини (улушларни)
хусусийлаштириш олди тайёргарлик ишларини
мувофиқлаштириш бўйича ишчи гуруҳининг
АСОСИЙ ВАЗИФАЛАРИ**

1. Давлат иштирокидаги йирик корхоналарнинг молиявий ҳисоботлари халқаро стандартлар асосида тайёрланишини ва халқаро аудитдан ўтказилишини таъминлаш.

2. Савдо жараёнларини ташкил этиш учун нуфузли халқаро консультантларни жалб этиш ва давлат иштирокидаги йирик корхоналар томонидан халқаро рейтинг ташкилотларининг барқарор кўрсаткичларига эришиш жараёнларини мувофиқлаштириб бориш.

3. Хорижий давлатлардаги капитал бозорини тартибга солувчи органлар ва фонд биржалари билан ўзаро ҳамкорлик қилинишини таъминлаш, тегишли меморандум ва шартномаларни тузиш учун музокаралар олиб бориш.

4. Нуфузли халқаро консультантлар ва андеррайтерлар фаолиятини мувофиқлаштириб бориш ва маркетинг материаллари тайёрланишини ташкил қилиш.

5. Амалга оширилаётган ишлар юзасидан ҳар чоракда Давлат активларини хусусийлаштириш ва хусусийлаштириш жараёнларини мувофиқлаштириш бўйича давлат комиссиясига ахборот киритиб бориш.

6. Оммавий савдоларга чиқарилган давлат иштирокидаги йирик корхоналарни салоҳиятли инвесторларга сотиш учун доимий равишда хорижий оммавий ахборот воситалари, халқаро молия институтлари ва инвестиция банклари орқали тарғибот ишларини олиб бориш.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ

182 Давлат органлари ва ташкилотларининг коррупцияга қарши ички назорат бўлинмалари мустақиллигини таъминлаш ҳамда фаолияти самарадорлигини ошириш чора-тадбирлари тўғрисида*

2025 йил 5 март куни Коррупцияга қарши курашиш бўйича миллий кенгашнинг кенгайтирилган йиғилишида давлат органлари ва ташкилотларининг коррупцияга қарши ички назорат бўлинмалари ишини янгича тизим асосида ташкил этиш юзасидан белгиланган асосий вазифаларни самарали амалга ошириш, шунингдек, давлат органлари ва ташкилотларида «ҳалоллик вакцинаси» тамойили асосида коррупцияга мурасиз муносабатни шакллантириш мақсадида **қарор қиламан:**

I. Устувор вазифалар

1. Давлат органлари ва ташкилотлари, устав фондида (устав капиталида) давлат улуши 50 фоиз ва ундан ортиқ бўлган хўжалик жамиятларидаги (кейинги ўринларда — давлат органлари ва ташкилотлари) коррупцияга қарши ички назорат бўлинмаларининг устувор вазифалари этиб қуйидагилар белгилансин:

(а) коррупция ҳолатларини барвақт аниқлаш ва уларнинг олдини олиш, уларга имкон берувчи сабаб ва шарт-шароитларни бартараф этиш;

(б) давлат хизматларини кўрсатишда коррупциявий омилларни бартараф этиш, маиший коррупциянинг олдини олиш, шу жумладан, рақамлаштириш, бюрократияни қисқартириш бўйича таклифлар ишлаб чиқиш;

(в) идоровий норматив-ҳуқуқий ҳужжатларни коррупцияга қарши экспертизадан ўтказиш ва яқунлари бўйича аниқланган коррупциявий нормаларни бекор қилиш бўйича таклиф киритиш;

(г) давлат харидларини амалга оширишда манфаатлар тўқнашувига йўл қўймаслик чораларини кўриш, давлат харидлари бўйича превентив ўрганишларни амалга ошириш;

(д) коррупцияга қарши курашиш бўйича амалга оширилган ишлар юзасидан мунтазам равишда Коррупцияга қарши курашиш агентлигига (кейинги ўринларда — Агентлик) электрон ҳисобот тақдим этиб бориш;

(е) тегишли соҳа ва тармоқда коррупциявий хавф-хатарлар рўйхатини шакллантириш, уларни бартараф этишга қаратилган чора-тадбирлар ишлаб чиқиб, тасдиқланишини таъминлаш;

(ж) давлат органлари ва ташкилотларида коррупцияга қарши ички назоратни амалга ошириш ва коррупциявий хавф-хатарларни аниқлаш имконини берувчи ситуацион марказлар фаолиятини йўлга қўйиш бўйича таклифлар киритиш;

* Ушбу қарор «Қонунчилик маълумотлари миллий базаси»да 2025 йил 22 апрелда эълон қилинган.

(з) меҳнат жамоасида коррупцияга нисбатан муросасиз муносабатни шакллантириш, манфаатлар тўқнашувига йўл қўймаслик ва одоб-ахлоқ қоидаларига риоя қилиш бўйича тарғибот ва ташвиқот ишларини олиб бориш;

(и) коррупцияга қарши курашиш бўйича ижобий тажрибаларни оммалаштириш ва жорий этиш юзасидан таклифлар киритиш.

II. Коррупцияга қарши ички назорат тизимини такомиллаштириш бўйича чора-тадбирлар

2. Белгилансинки:

(а) коррупцияга қарши ички назорат бўлинмалари ўз фаолиятида бевожита ташкилотнинг биринчи раҳбарига, устав фондида (устав капиталида) давлат улуши 50 фоиз ва ундан ортиқ бўлган хўжалик жамиятларида эса кузатув кенгашига (кузатув кенгаши мавжуд бўлмаган ҳолларда корхона раҳбарига) бўйсунди ва унинг олдида ҳисобдор бўлади;

(б) давлат органлари ва ташкилотлари ҳудудий бўлинмалари ва таркибий ташкилотларининг коррупцияга қарши ички назорат бўлинмалари раҳбарлари ва ходимлари республика даражасидаги давлат органлари ва ташкилотларининг биринчи раҳбарлари томонидан тайинланади ҳамда фаолияти улар томонидан мувофиқлаштирилади;

(в) коррупцияга қарши ички назорат бўлинмалари ходимларини моддий рағбатлантириш тўғрисидаги Агентликнинг тақдимномалари улар фаолият олиб бораётган ташкилотлар томонидан кўриб чиқилиши мажбурий ҳисобланади.

3. Давлат органлари ва ташкилотлари, устав фондида (устав капиталида) давлат улуши 50 фоиз ва ундан ортиқ бўлган хўжалик жамиятларида коррупцияга қарши ички назорат бўлинмаларини ташкил этишнинг минимал мезонлари 1-иловага* мувофиқ тасдиқлансин.

Агентлик Ҳисоб палатаси, Давлат активларини бошқариш агентлиги ҳамда бошқа масъул вазирлик ва идоралар билан биргаликда ҳар йили давлат органлари ва ташкилотларида мазкур минимал мезонларга асосан коррупцияга қарши ички назорат бўлинмалари ташкил этилишини мониторинг қилиб, натижалари бўйича Коррупцияга қарши курашиш бўйича миллий кенгашга ахборот киритиб борсин.

III. Коррупцияга қарши ички назорат тизими самарадорлигини ошириш бўйича ҳуқуқий эксперимент

4. 2027 йил 1 январгача ҳуқуқий эксперимент тариқасида қуйидагиларни назарда тутувчи тизим жорий этилсин:

(а) Соғлиқни сақлаш вазирлиги, Қурилиш ва уй-жой коммунал хўжалиги вазирлиги, Сув хўжалиги вазирлиги, «Ўзбекнефтегаз» АЖ ҳамда «Ўзсувтаъминот» АЖнинг (кейинги ўринларда — эксперимент ўтказиладиган ташкилотлар) коррупцияга қарши ички назорат бўлинмалари раҳбари лавозимига Агентлик ходимлари тайинланади;

* 1-илова «Қонунчилик маълумотлари миллий базаси»да эълон қилинган.

(б) эксперимент ўтказиладиган ташкилотларнинг коррупцияга қарши ички назорат бўлинмалари раҳбарлари бевосита Агентликка бўйсунди;

(в) эксперимент ўтказиладиган ташкилотларнинг коррупцияга қарши ички назорат бўлинмалари фаолиятини ташкил этиш, мувофиқлаштириш ва мониторинг қилиш Агентлик ҳамда эксперимент ўтказиладиган ташкилотлар томонидан биргаликда амалга оширилади.

5. Ҳуқуқий эксперимент доирасида белгиланган вазифалар ижросини самарали таъминлаш мақсадида:

(а) эксперимент ўтказиладиган ташкилотларнинг коррупцияга қарши ички назорат бўлинмалари раҳбарлари штат бирликлари ҳуқуқий эксперимент даврида Агентликка ўтказилади;

(б) мазкур штат бирликлари учун Агентликнинг бўлим бошлиғига белгиланган меҳнатга ҳақ тўлаш, моддий рағбатлантириш ва ижтимоий ҳимоя қилиш шартлари қўлланади. Бунда ушбу лавозим учун меҳнатга ҳақ тўлаш харажатлари, шунингдек, Агентликда ва эксперимент ўтказиладиган ташкилотларда ушбу лавозим учун тўланадиган иш ҳақи ўртасидаги тафовут:

(i) Соғлиқни сақлаш вазирлиги, Қурилиш ва уй-жой коммунал хўжалиги вазирлиги ва Сув хўжалиги вазирликларида фаолият юритувчи Агентлик ходимлари учун — Давлат бюджети маблағлари ҳисобидан;

(ii) «Ўзбекнефтегаз» АЖ ва «Ўзсувтаъминот» АЖда фаолият юритувчи Агентлик ходимлари учун — Агентликнинг бюджетдан ташқари шахсий ғазна ҳисобварағига акциядорлик жамиятлари томонидан ўтказиб бериладиган маблағлар ҳисобидан қопланади.

6. Агентлик (А. Бурханов) эксперимент ўтказиладиган ташкилотлар билан биргаликда:

(а) бир ой муддатда эксперимент ўтказиладиган ташкилотларнинг коррупцияга қарши ички назорат бўлинмаси ходимлари фаолиятининг ҳуқуқий эксперимент давомидаги энг муҳим самарадорлик кўрсаткичларини (КРІ) белгиласин;

(б) ҳуқуқий экспериментнинг амалга оширилиши ҳақида ҳар ярим йилда Коррупцияга қарши курашиш бўйича миллий кенгашга ахборот киритиб борсин;

(в) икки ой муддатда ҳуқуқий экспериментни амалга ошириш жараёнини тартибга солиш бўйича қўшма қарор қабул қилсин;

(г) ҳуқуқий экспериментнинг натижаларини таҳлил қилиш асосида 2027 йил 1 январга қадар ушбу тизимни бошқа давлат органлари ва ташкилотларига ҳам татбиқ этиш юзасидан асослантирилган таклифларни киритсин.

IV. Коррупцияга қарши ички назорат бўлинмалари ходимлари малакасини ошириш ва улар фаолиятининг самарадорлигини баҳолаш

7. Агентлик давлат органлари ва ташкилотларининг коррупцияга қарши ички назорат бўлинмалари фаолиятини мувофиқлаштириш ва услубий таъ-

минлаш, уларнинг ходимларини стажировка ва аттестациядан ўтказиш ҳамда малакасини ошириш бўйича махсус ваколатли орган этиб белгилансин.

8. Давлат органлари ва ташкилотлари коррупцияга қарши ички назорат бўлинмаларининг илк марта лавозимга тайинланган масъул ходимлари қуйидаги тартибда икки ҳафталик стажировкадан ўтиши белгилансин:

(а) давлат органлари ва ташкилотларининг марказий аппаратидаги коррупцияга қарши ички назорат бўлинмаларининг раҳбарлари ва ходимлари — Агентликда;

(б) ҳудудий бўлинма ва таркибий ташкилотларнинг коррупцияга қарши курашишга масъул ходимлари — давлат органлари ва ташкилотларининг марказий аппаратидаги коррупцияга қарши ички назорат бўлинмаларида.

9. Агентлик:

(а) давлат органлари ва ташкилотлари билан биргаликда уларнинг коррупцияга қарши ички назорат бўлинмалари раҳбарлари ва ходимлари учун ҳар йили коррупцияга қарши курашиш ва комплаенс назорат бўйича қисқа муддатли малака ошириш курсларини ҳамда уларнинг қонунчиликда белгиланган тартибда ҳар уч йилда аттестациядан ўтказилишини ташкил этиб борсин;

(б) уч ой муддатда қуйидагиларни назарда тутувчи Ҳукумат қарори лойиҳасини ишлаб чиқсин ва белгиланган тартибда Вазирлар Маҳкамасига киритсин:

(i) Давлат органлари ва ташкилотларининг коррупцияга қарши ички назорат бўлинмалари тўғрисидаги намунавий низомни тасдиқлаш;

(ii) коррупцияга қарши ички назорат бўлинмалари раҳбарлари ва ходимларини лавозимга тайинлаш ва озод этишни Агентлик билан келишиш тартибини белгилаш;

(iii) коррупцияга қарши ички назорат бўлинмалари ходимлари фаолиятининг энг муҳим самарадорлик кўрсаткичларини (KPI) тасдиқлаш ва баҳолаш тартибини белгилаш;

(iv) коррупцияга қарши ички назорат бўлинмалари ходимларининг малакасини ошириш, уларни стажировка ва аттестациядан ўтказиш тартибини белгилаш;

(в) уч ой муддатда коррупцияга қарши ички назорат бўлинмалари ходимларининг касбий стандартлари ишлаб чиқилиши ва белгиланган тартибда тасдиқланишини таъминласин;

(г) 2025 йил 1 июлга қадар «E-anticor.uz» электрон платформасида коррупцияга қарши ички назорат бўлинмалари раҳбарлари ва ходимларининг электрон реестрини юритиш, коррупцияга қарши курашиш бўйича қилинган ишлар ҳақидаги ҳисоботни электрон шаклда тақдим этиш, аноним сўровномалар ўтказиб, натижаларини жамоатчиликка эълон қилиш имконини берувчи электрон модулни ишга туширсин;

(д) коррупцияга қарши ички назорат бўлинмалари ходимлари фаолиятини энг муҳим самарадорлик кўрсаткичлари (KPI) асосида баҳолаш натижалари бўйича ҳар ярим йилда Коррупцияга қарши курашиш бўйича миллий кенгашга ахборот киритиб борсин.

V. Молиявий ресурслар

10. «E-anticor.uz» электрон платформасини функционал кенгайтиришга қаратилган модулни яратиш билан боғлиқ харажатлар Агентликнинг бюджетдан ташқари маблағлари, халқаро ва миллий донорлар томонидан ажратилган маблағлар ва қонунчиликда тақиқланмаган бошқа манбалар ҳисобидан молиялаштирилиши белгилансин.

VI. Қарор ижросини ташкил этиш, таъминлаш ва назорат

11. Агентлик Ўзбекистон Миллий ахборот агентлиги, Ўзбекистон Миллий телерадиокомпанияси, Ахборот ва оммавий коммуникациялар агентлиги билан биргаликда ушбу қарорнинг мақсад, вазифалари, ундан кутилаётган натижаларни оммавий ахборот воситаларида ва Интернет тармоғида кенг ёритиш ишларини ташкил қилсин.

12. Ўзбекистон Республикаси Президентининг айрим қарорларига 2-иловага* мувофиқ ўзгартириш ва қўшимчалар киритилсин.

13. Агентлик (А. Бурханов) икки ой муддатда манфаатдор вазирлик ва идоралар билан биргаликда қонунчилик ҳужжатларига мазкур қарордан келиб чиқадиган ўзгартириш ҳамда қўшимчалар тўғрисида Вазирлар Маҳкамасига таклифлар киритсин.

14. Мазкур қарорда белгиланган вазифаларнинг ўз вақтида ва тўлиқ бажарилишини таъминлаш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазири А.Н. Арипов ҳамда Ўзбекистон Республикаси Президентининг маслаҳатчиси Д.Б. Кадиров зиммасига юклансин.

**Ўзбекистон Республикаси
Президенти**

Ш. МИРЗИЁЕВ

Тошкент ш.,
2025 йил 21 апрель,
ПҚ-147-сон

* 2-илова «Қонунчилик маълумотлари миллий базаси»да эълон қилинган.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ

**183 Тиббиёт соҳасида кадрлар тайёрлаш тизимини тубдан та-
комиллаштириш чора-тадбирлари тўғрисида***

Мамлакатимизда тиббиёт соҳаси учун олий маълумотли кадрлар тайёрлаш тизимини такомиллаштириш, аҳоли саломатлигини муҳофаза қилишнинг долзарб муаммолари бўйича комплекс илмий тадқиқотлар олиб бориш, олий таълим ташкилотларининг мавжуд ресурсларидан самарали фойдаланиш ҳамда моддий-техника базасини мустаҳкамлаш мақсадида **қарор қиламан:**

I. Мақсадлар

1. Турдош йўналишдаги олий таълим муассасаларини уларнинг қуввати, илмий салоҳияти ва бошқа кўрсаткичларидан келиб чиқиб йириклаштириш ҳамда тиббий таълим тизимида кадрлар тайёрлашни самарали ташкил этиш ушбу қарорни қабул қилишдан кўзланган асосий мақсад этиб белгилансин.

II. Тиббиёт олий таълим муассасаларини қайта ташкил этиш

2. Соғлиқни сақлаш вазирлиги, Олий таълим, фан ва инновациялар вазирлиги ҳамда Иқтисодиёт ва молия вазирлигининг қуйидаги таклифлари маъқуллансин:

(а) Тошкент тиббиёт академияси, Тошкент педиатрия тиббиёт институти ва Тошкент давлат стоматология институти негизида Тошкент давлат тиббиёт университетини (кейинги ўринларда — Университет) ташкил этиш;

(б) Тошкент тиббиёт академиясининг марказий илмий-текшириш лабораторияси негизида Тиббиёт илмий-инновацион тадқиқот институти фаолиятини йўлга қўйиш;

(в) Тошкент тиббиёт академиясининг Урганч филиалини Урганч давлат тиббиёт институти этиб қайта ташкил этиш;

(г) Тошкент тиббиёт академиясининг кўп тармоқли клиникаси, Тошкент педиатрия тиббиёт институти клиникаси ва Тошкент давлат стоматология институти клиникасини Тошкент давлат тиббиёт университети клиникалари (кейинги ўринларда — Университет клиникалари) этиб қайта номлаш;

(д) Тошкент тиббиёт академиясининг Термиз ва Чирчиқ филиалларини Тошкент давлат тиббиёт университетининг Термиз ва Чирчиқ филиаллари этиб қайта номлаш;

(е) Тошкент тиббиёт академияси академик лицейи, Тошкент педиатрия тиббиёт институти академик лицейи ва Тошкент давлат стоматология институти академик лицейини Тошкент давлат тиббиёт университетининг 1-, 2- ва 3-сон академик лицейлари этиб қайта номлаш.

* Ушбу қарор «Қонунчилик маълумотлари миллий базаси»да 2025 йил 23 апрелда эълон қилинган.

3. Қуйидагилар Университетнинг асосий вазифалари ва фаолияти йўналишлари этиб белгилансин:

(а) тиббий-касбий таълим тизимида юқори малакали тиббиёт кадрларини тайёрлаш, қайта тайёрлаш ва уларнинг малакасини ошириш;

(б) таълим дастурларини халқаро тиббий таълим стандартларига мувофиқлаштириб, компетенцияларга асосланган тиббий таълим дастурларини жорий этиш;

(в) ўқув жараёнини амалий кўникмаларни шакллантиришга йўналтириш, халқаро таълим стандартларига асосланган илғор педагогик технологиялар, ўқув дастурлари ва инновацион ўқув-методик материалларни кенг жорий этиш, клиникалар ва ўқув базалари фаолиятида назарий билим ҳамда амалиётнинг уйғунлигини таъминлаш учун зарур шароитлар яратиш;

(г) фундаментал, амалий ва инновацион илмий тадқиқот ишларини тиббиёт амалиётидаги мавжуд муаммоларнинг ечимига қаратиш, тиббий таълим, фан, инновация ва илмий тадқиқотлар натижаларининг узвий боғлиқлигини таъминлаш;

(д) илмий салоҳиятни мунтазам равишда ошириб бориш;

(е) Университет ва унинг тизимида кирувчи таълим муассасалари моддий-техника базасини модернизация қилиш ва мустаҳкамлаш, симуляцион марказ, ўқув ва илмий-тадқиқот лабораторияларини ташкил этиш, замонавий асбоб-ускуналар билан жиҳозлаш ҳамда фаолиятини мувофиқлаштириш.

4. Белгилансинки:

а) Университет:

(i) тиббиёт соҳаси учун олий маълумотли мутахассислар ва илмий кадрлар тайёрлаш, қайта тайёрлаш ва уларнинг малакасини ошириш бўйича етакчи олий таълим муассасаси ҳисобланади;

(ii) 2025/2026 ўқув йилидан бошлаб магистратурада босқичма-босқич хорижий тил(лар)да ўқитиладиган алоҳида гуруҳлар ташкил этади;

(iii) тиббиёт соҳаси учун кадрлар тайёрловчи олий таълим муассасаларига ўқув жараёнларини ташкил этишда услубий ёрдам кўрсатади;

(iv) Тошкент тиббиёт академияси, Тошкент педиатрия тиббиёт институти ва Тошкент давлат стоматология институтининг барча ҳуқуқ ва мажбуриятлари бўйича ҳуқуқий вориси ҳисобланади;

(v) Ўзбекистон Республикаси Давлат герби тасвири туширилган ва ўз номи давлат тилида ёзилган муҳрга ва бланкларга, мустақил балансга ҳамда шахсий ғазна ҳисобварақларига эга бўлади;

(vi) Соғлиқни сақлаш вазирлигига идоравий жиҳатдан бўйсунди. Бунда Соғлиқни сақлаш вазирлиги Университет битирувчиларининг малака талабларини ишлаб чиқиш, Университет моддий-техника базасини янада мустаҳкамлаш ҳамда талабаларга амалиёт базаларида зарур шарт-шароит яратишда кадрлар буюртмачиси сифатида кўмаклашади;

б) ихтисослаштирилган тиббиёт марказлари ва Тошкент шаҳридаги тиббиёт муассасалари Университет талабалари учун клиник амалиёт базалари этиб белгиланади;

в) Университетга талабаларни ўқишга қабул қилиш 2025/2026 ўқув йи-

лидан бошланади. Бунда Университетга давлат гранти асосида ўқишга қабул қилиш давлат олий таълим муассасаларига ўқишга қабул қилишнинг давлат буюртмаси параметрлари доирасида белгиланади;

(г) 2025/2026 ўқув йилидан бошлаб Тошкент тиббиёт академияси, Тошкент педиатрия тиббиёт институти ва Тошкент давлат стоматология институтида таҳсил олаётган барча талабалар ўқишини Университетда давом эттиradi ҳамда битирувчи курс талабаларига белгиланган тартибда Университет дипломи берилади;

(д) Университет кенгашига Университет ҳузурида тиббиёт ихтисосликлари бўйича илмий даражалар берувчи илмий кенгаш тузиш ва унинг таркибини тасдиқлаш ҳамда мазкур илмий кенгашга талабгорларни илмий даражаларда мустақил тасдиқлаш бўйича қарорлар қабул қилиш ваколати берилади.

5. Университет клиникалари юридик мақомини сақлаб қолган ҳолда маъмурий ва ташкилий-бошқарув жиҳатдан Университет ректорига бўйсунди. Бунда:

(а) Университет клиникаларини амалдаги молиялаштириш тартиби сақлаб қолинади;

(б) Университет кузатув кенгашининг қарорларига мувофиқ, Университетнинг бюджетдан ташқари маблағлари ҳисобидан унинг клиникалари ва клиник базалари таъмирланиши ҳамда янги тиббий ускуналар ва анжомлар билан жиҳозланиши мумкин.

6. Қўйидагилар:

(а) Тошкент давлат тиббиёт университети кузатув кенгашининг таркиби 1-иловага* мувофиқ;

(б) 2025 — 2027 йилларда Тошкент давлат тиббиёт университетиди кадрлар тайёрлаш тизимини самарали йўлга қўйиш, илмий салоҳиятни ошириш ва моддий-техник базани мустаҳкамлаш бўйича «йўл харитаси» 2-иловага* мувофиқ;

(в) Тошкент давлат тиббиёт университетига оператив бошқарув ҳуқуқи асосида бепул бериладиган объектлар рўйхати 3-иловага* мувофиқ тасдиқлансин..

7. Соғлиқни сақлаш вазирлиги Иқтисодиёт ва молия вазирлиги билан биргаликда Университетнинг Тошкент шаҳри Олмазор тумани Фаробий кўчаси 2-уй манзилида жойлашган ҳудудида замонавий ўқув биноси, ахборот-ресурс маркази, виварий, экспериментал лаборатория, замонавий медиамарказ, нашриёт ҳамда IT марказни ўз ичига олган 5 000 ўринли ўқув биносини қуриш, замонавий ташхислаш ва даволаш ускуналари билан жиҳозлаш учун Корея Республикасининг Иқтисодий ривожланиш ва ҳамкорлик жамғармасининг (EDCF) кредит маблағларини жалб қилиш чораларини кўрсин. Бунда:

(а) ушбу ўқув биносини қуриш ва жиҳозлаш учун жалб қилинган кредитларнинг 75 фоизи Давлат бюджети ҳисобидан;

(б) 25 фоизи — Университетнинг бюджетдан ташқари маблағлари ҳисобидан қайтарилади.

8. Университет кузатув кенгаши Соғлиқни сақлаш вазирлиги ҳамда

* 1 — 3-иловалар «Қонунчилик маълумотлари миллий базаси»да эълон қилинган.

Иқтисодиёт ва молия вазирлиги билан биргаликда хорижий консултант жалб қилган ҳолда 2025 йил якунига қадар Университет тизимидаги барча ташкилотларга марказлашган тартибда молия-бухгалтерия хизмати, моддий-техника таъминоти хизмати, бино ва иншоотлардан фойдаланиш хизмати кўрсатувчи ягона марказ ташкил этсин.

9. Университет тўзилмасида ҳомийлик хайриялари ҳисобидан тўлдириладиган Тошкент давлат тиббиёт университетини ривожлантириш жамғармаси ташкил этилсин. Бунда белгилансинки:

(а) Университетга тўлов-контракт асосида ўқитишдан тушган маблағларнинг сақлаш ва жорий харажатлардан ортган қисми Университетни ривожлантириш жамғармасига йўналтирилади;

(б) ушбу банднинг «а» кичик бандида кўрсатилган маблағлар Университет кузатув кенгашининг қарорига мувофиқ таълим жараёнини яхшилаш, моддий-техник базани ривожлантириш учун ишлатилади.

10. Соғлиқни сақлаш вазирлиги «Соғлиқни сақлаш лойиҳалари маркази» лойиҳа офиси билан биргаликда:

(а) 2025 йил 1 сентябрга қадар тўғридан-тўғри музокаралар ўтказиш асосида шартнома тузиш орқали Университетнинг бошқарув кадрлари лавозимларига етакчи хорижий олий таълим муассасаларида иш тажрибасига эга бўлган мутахассисларни Университетнинг бюджетдан ташқари маблағлари ҳисобидан жалб қилиш чорасини кўрсин;

(б) Университет фаолиятини такомиллаштириш ва таълим сифатини таъминлаш мақсадида уч ой муддатда Университетнинг бюджетдан ташқари маблағлари ҳисобидан хорижий экспертларни жалб қилган ҳолда Университет ҳузурида Трансформация офисини ташкил этсин.

11. Трансформация офиси қуйидагилар учун масъул этиб белгилансин:

(а) Университетни 2030 йилга қадар халқаро эътироф этилган ташкилотлар рейтингининг биринчи 1000 та ўриндаги олий таълим муассасалари рўйхатига киритиш, шунингдек, Университет таълим дастурлари халқаро аккредитациядан ўтказилишини таъминлаш юзасидан стратегияни ишлаб чиқиш;

(б) 2025 — 2028 йилларда хорижий олий таълим ташкилотларида камида 120 нафар етакчи профессор-ўқитувчининг стажировкасини ташкил этиш;

(в) Университетда умумтаълим фанларини қисқартириш ҳисобидан мутахассислик фанлари ва амалий машғулотлар улушини ошириш орқали амалий билим ва кўникмаларга эга бўлган кадрларни тайёрлаш;

(г) талабаларнинг барча ёзма иш ва диссертацияларини кўчирмачиликка қарши текшириш (антиплагиат) механизмини жорий этиш;

(д) Университетда ўқув ва иш жараёнларини (ҳужжат айланмаси, ахборот-кутубхона ресурси, талаба ва ходимлар маълумотлари) тўлиқ рақамлаштириш, шунингдек, талабаларнинг ўзлаштириши, дарс жадвали, маъруза материаллари ва бошқалар акс эттирилган талабаларнинг «шахсий кабинети»ни юритиш.

12. Университетга академик, ташкилий ва молиявий мустақиллик берилсин. Бунда:

(а) Университетга нисбатан Ўзбекистон Республикаси Президентининг 2021 йил 24 декабрдаги «Давлат олий таълим муассасаларининг академик ва ташкилий-бошқарув мустақиллигини таъминлаш бўйича қўшимча чора-тадбирлар тўғрисида»ги ПҚ–60-сон ҳамда 2021 йил 24 декабрдаги «Давлат олий таълим муассасаларига молиявий мустақиллик бериш чора-тадбирлари тўғрисида»ги ПҚ–61-сон қарорларида белгиланган қоидалар татбиқ этилади;

(б) Университетга хорижий ўқув ва илмий адабиётларни ҳамда уларни таржима қилиш ва тарқатиш ҳуқуқини харид қилишда, хорижий мутахассисларни жалб қилиш учун рекрутинг компаниялари билан ҳамкорликда ишлашда ҳамда хорижий мутахассислар учун уй-жой ижарасини расмийлаштиришда тўғридан-тўғри шартномалар тузишга рухсат берилади;

(в) янги авлод тиббий таълим адабиётлари ва ўқув ресурсларини яратиш, харид қилиш, таржима қилиш ва нашр этиш харажатлари Давлат бюджети ва Университетнинг бюджетдан ташқари маблағлари ҳисобидан молиялаштирилади.

13. Соғлиқни сақлаш вазирлиги Камбағалликни қисқартириш ва бандлик вазирлиги билан биргаликда мазкур қарорга мувофиқ Тошкент тиббиёт академияси, Тошкент педиатрия тиббиёт институти ва Тошкент давлат стоматология институти ҳамда уларнинг клиникалари штатлар сонини мақбуллаштириш натижасида ишдан бўшатиладиган ходимларни белгиланган тартибда иш билан таъминлаш ва ижтимоий муҳофаза қилиш чораларини кўрсин.

14. Белгилансинки:

(а) Университет фаолияти Давлат бюджети маблағлари, тўлов-контракт асосида ўқитишдан тушадиган маблағлар, хўжалик фаолияти ва шартнома асосида хизматлар кўрсатишдан тушадиган тушумлар, жисмоний ва юридик шахсларнинг ҳомийлик хайриялари, халқаро молия институтлари ва хорижий ҳукумат ташкилотлари грантлари ҳамда қонунчилик ҳужжатларида тақиқланмаган бошқа манбалар ҳисобидан молиялаштирилади;

(б) Университет фаолиятини Давлат бюджети маблағлари ҳисобидан молиялаштириш 2025 йилда Ўзбекистон Республикаси республика бюджетидан биринчи даражали бюджет маблағларини тақсимловчи сифатида Соғлиқни сақлаш вазирлигига ажратиладиган маблағлар доирасида, 2026 йилдан бошлаб эса Давлат бюджети параметрларида назарда тутилади.

III. Қарор ижросини ташкил этиш ва назорат қилиш

15. Соғлиқни сақлаш вазирлиги:

(а) бир ой муддатда Урганч давлат тиббиёт институти фаолиятини ташкил этишга оид қарор лойиҳасини Вазирлар Маҳкамасига киритсин;

(б) уч ой муддатда манфаатдор вазирлик ва идоралар билан биргаликда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

16. Мазкур қарорнинг ижросини самарали ташкил қилишга масъул ва шахсий жавобгар этиб соғлиқни сақлаш вазири А.А. Худаяров ҳамда олий таълим, фан ва инновациялар вазири К.А. Шарипов белгилансин.

17. Қарор ижросини назорат қилиш Ўзбекистон Республикаси Бош вазири А.Н. Арипов ва Ўзбекистон Республикаси Президенти Администрацияси Ижтимоий ривожланиш департаменти раҳбари О.Қ. Абдурахманов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2025 йил 22 апрель,
ПҚ-149-сон

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

184 Бўш турган давлат кўчмас мулк объектларини хатловдан ўтказиш ва улардан самарали фойдаланишни ташкил этиш чора-тадбирлари тўғрисида*

Давлат кўчмас мулк объектларидан самарали фойдаланишни ташкил этишда уларни хатловдан ўтказиш ҳамда хатлов ишларини ташкил этишда ахборот-коммуникация технологияларини жорий этиш мақсадида Вазирлар Маҳкамаси **қарор қилади:**

1. Қуйидагилар:

а) Ўзбекистон Республикасининг «Давлат мулкни бошқариш тўғрисида»ги Қонунининг 22-моддасига асосан Ўзбекистон Республикаси Давлат активларини бошқариш агентлиги (кейинги ўринларда — Давлат активлари агентлиги):

давлат мулкни бошқариш соҳасида ягона давлат сиёсатини амалга ошириши;

давлат муассасаларининг, шу жумладан давлат органларининг ва маҳаллий давлат ҳокимияти органларининг давлат мулкни бошқариш соҳасидаги фаолиятини мувофиқлаштириши;

давлат муассасаларига оператив бошқарув ҳуқуқи асосида берилган давлат мулкнинг ортиқча қисмини, шунингдек, фойдаланилмаётган ёки лозим даражада фойдаланилмаётган давлат мулкни олиб қўйиш тўғрисида қарор қабул қилиши;

б) республика ва маҳаллий ижро этувчи ҳокимият органларининг, давлат улуши 50 фоиз ва ундан юқори бўлган хўжалик жамиятларининг маъмурий биноларида ходимларни жойлаштириш меъёрлари тасдиқланганлиги;

в) маъмурий биноларда ходимларни жойлаштириш меъёрларидан келиб чиққан ҳолда, Давлат активлари агентлигига республика ва маҳаллий ижро этувчи ҳокимият органларини самарали жойлаштириш бўйича қарорлар қабул қилиш ваколати берилганлиги маълумот учун қабул қилинсин.

2. Қуйидагиларни назарда тутувчи Бўш турган давлат кўчмас мулк объектларини хатловдан ўтказиш ва улардан самарали фойдаланишни ташкил этиш тартиби тўғрисидаги низом 1-иловага мувофиқ тасдиқлансин:

хатловни ўтказишнинг бирламчи маълумотларини шакллантириш учун тегишли давлат органлари ва ташкилотларининг ахборот тизимларидан он-лайн ахборот алмашинуви орқали реал вақт режимида маълумотларни олган ҳолда таҳлил қилиш;

* Ушбу қарор «Қонунчилик маълумотлари миллий базаси»да 2025 йил 23 апрелда эълон қилинган.

таҳлил натижасида шаклланган давлат кўчмас мулк объектлари асосида Давлат активлари агентлиги ҳузуридаги Давлат мулки объектларидан самарали фойдаланиш маркази томонидан объектни жойига чиққан ҳолда хатловдан ўтказиш;

бўш турган давлат кўчмас мулк объектлари (кейинги ўринларда — бўш турган бино) тўғрисидаги маълумотларни «Инвентаризация» мобил илова-си орқали реал вақт режимида «Давлат мулки» ахборот тизимига (кейинги ўринларда — «Давлат мулки» АТ) киритиш;

«Давлат мулки» АТ орқали бўш турган биноларнинг ҳисобини юритиш; бўш турган бинолардан самарали фойдаланиш мезонларини белгилаш.

3. Белгилансинки:

бўш турган бинолар биринчи навбатда оммавий савдоларга чиқарилиши учун хусусийлаштириш дастурига киритилади. Бунда давлат ташкилотлари бўш турган бинони ўзида «сот ёки тушунтир» тамойили бўйича сақлаб қолади;

уч ойдан ортиқ бўш турган бинолар балансда сақловчилар билан келишилмаган ҳолда (ижтимоий соҳа объектлари ушбу йўналиш бўйича) ижарага бериш учун «E-auction» электрон савдо платформасидаги электрон онлайн-аукцион савдоларига чиқарилади, махфийликнинг алоҳида тартиби татбиқ этиладиган давлат мулкининг, шу жумладан, ҳарбий ва махсус мақсадлар учун мўлжалланган алоҳида тартибга ва алоҳида муҳим, муайян тартибга бўйсунувчи ҳамда давлат сири билан боғлиқ, шунингдек, фойдаланишга яроқсиз ҳисобланган, давлат-хусусий шериклик асосида берилиши белгиланган ҳамда қурилиши тугалланмаган объектлар бундан мустасно;

республика ва маҳаллий ижро этувчи ҳокимият органлари ҳамда давлат кўчмас мулк объектларидан текин фойдаланиш ҳуқуқи асосида фойдаланаётган нодавлат нотижорат ташкилотларининг ходимлари маъмурий биноларда ходимларни жойлаштириш меъёрларига асосан жойлаштирилади;

давлат кўчмас мулк объектларини текин фойдаланишга бериш бўйича шартномалар, шунингдек, уларни ижарага ёки текин фойдаланишга бериш бўйича тузилган шартномаларга ўзгартириш ва қўшимчалар киритиш ёки уларни бекор қилиш фақатгина «online-ijaga.uz» ахборот тизими орқали амалга оширилади, бунда тузилган текин фойдаланиш шартномалари «online-ijaga.uz» ахборот тизимида рўйхатдан ўтказилади.

4. Республика ва маҳаллий ижро этувчи ҳокимият органлари:

бир ой муддатда давлат кўчмас мулк объектларидан текин фойдаланиш бўйича расмийлаштирилган шартномалар «online-ijaga.uz» ахборот тизимида қайта рўйхатдан ўтказилишини;

маъмурий биноларга ходимларни жойлаштириш меъёрларидан келиб чиққан ҳолда, тизимидаги ташкилотларнинг маъмурий биноларини ўрганиш, таҳлил қилиш ва улардан самарали фойдаланиш чоралари кўрилишини таъминласин.

5. Нодавлат нотижорат ташкилотларига бир ой муддатда давлат мулкидан текин фойдаланиш бўйича расмийлаштирилган шартномаларни «online-ijaga.uz» ахборот тизимида қайта рўйхатдан ўтказиш тавсия этилсин.

6. Давлат активлари агентлиги манфаатдор вазирлик ва идоралар билан биргаликда уч ой муддатда:

«online-ijara.uz» ахборот тизимини «property.davaktiv.uz» ахборот тизими билан интеграция қилинишини таъминласин;

қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

7. Ўзбекистон Республикаси Ҳукуматининг 2-иловага мувофиқ айрим ҳужжатларига қуйидагиларни назарда тутувчи ўзгартириш ва қўшимчалар киритилсин:

давлат мулкани хусусийлаштириш бўйича савдоларни ошкора ва шаффоф механизмлар орқали ташкил этишни янада такомиллаштириш;

электрон онлайн-аукцион савдоларида иштирок этиш учун давлат мулкнинг бошланғич нархларига боғлиқ равишда закат миқдорини белгилаш;

электрон онлайн-аукцион савдоларида турган майдони кичик бўлган ён-ма-ён турган ер участкалари шаҳарсозлик нормаларидан келиб чиққан ҳолда бирлаштирилиб қўшимча келишувларсиз қайта аукцион савдоларига чиқариш;

хусусийлаштириш соҳасидаги қонунчилик ҳужжатларини тизимлаштириш.

8. Ўзбекистон Республикаси Ҳукуматининг 3-иловага мувофиқ айрим қарорлари ўз кучини йўқотган деб ҳисоблансин.

9. Мазкур қарорнинг бажарилишини назорат қилиш Ўзбекистон Республикаси Давлат активларини бошқариш агентлиги директори А.Ж. Ортиқов зиммасига юклансин.

Ўзбекистон Республикасининг

Бош вазири

А. АРИПОВ

Тошкент ш.,
2025 йил 21 апрель,
247-сон

Вазирлар Маҳкамасининг
2025 йил 21 апрелдаги 247-сон қарорига
1-ИЛОВА

**Бўш турган давлат кўчмас мулк объектларини хатловдан
ўтказиш ва улардан самарали фойдаланишни ташкил
этиш тартиби тўғрисидаги
НИЗОМ**

1-боб. Умумий қоидалар

1. Ушбу Низом нотурар бўлган бўш турган давлат кўчмас мулк объектларини аниқлаш ва хатловдан ўтказиш, хатлов натижаларини расмийлаштириш, бўш турган давлат кўчмас мулк объектларидан самарали фойдаланиш мезонлари ва улардан самарали фойдаланишни ташкил этиш тартибини белгилайди.

Ушбу Низом Ўзбекистон Республикасининг чет элда жойлашган давлат кўчмас мулк объектларига, ўта муҳим ва тоифаланган объектларга нисбатан татбиқ этилмайди.

2. Мазкур Низомда қуйидаги асосий тушунчалардан фойдаланилади:

ижтимоий соҳа объекти — давлат мактабгача таълим, умумий ўрта ва ўрта махсус таълим, профессионал ва олий таълим, театр ва концерт-томоша муассасаларининг оммавий-маданий ҳамда концерт-томоша тадбирлари ўтказиладиган объектлари, соғлиқни сақлаш, спорт, маданият ва кинолаштириш муассасаларининг давлат кўчмас мулк объектлари (ушбу соҳадаги давлат ташкилотларининг маъмурий бинолари бундан мустасно);

давлат ташкилоти — давлат органи ёки давлат муассасаси.

3. Бўш турган давлат кўчмас мулк объектларини хатловдан ўтказиш ва улардан самарали фойдаланиш ушбу Низомга иловага* мувофиқ схемага асосан ташкил этилади.

2-боб. Давлат кўчмас мулк объектини хатловдан ўтказиш

4. Ўзбекистон Республикаси Давлат активларини бошқариш агентлиги ҳузуридаги Давлат мулки объектларидан самарали фойдаланиш маркази (кейинги ўринларда — Марказ) хатловни ўтказишнинг бирламчи маълумотларини шакллантириш учун онлайн ахборот алмашинуви орқали реал вақт режимида қуйидаги давлат органларининг ахборот тизимларидан маълумотларни олади:

Адлия вазирлигидан — давлат рўйхатидан ўтган юридик шахсларнинг ҳамда тугатилган давлат ташкилотларнинг номи ва расмий юридик манзили;

Камбағалликни қисқартириш ва бандлик вазирлигидан — давлат ташкилотларининг лавозим бўйича штат жадвали ҳамда уларнинг амалдаги маъмурий-бошқарув ходимлари ва техник ходимлари сони;

* Илова «Қонунчилик маълумотлари миллий базаси»да эълон қилинган.

Иқтисодиёт ва молия вазирлигидан — бюджетдан молиялаштирила-
ган давлат ташкилотларининг лавозим бўйича штат жадвали, ҳудудларни
ривожлантириш ҳамда давлат-хусусий шериклик дастурларига киритилган
объектлар номи, манзили ва балансда сақловчилари;

Кадастр агентлигидан — давлат кўчмас мулк объектларининг ўлчамлари,
тоифаси, тури (литер) ва геолокацияси;

Маданий мерос агентлигидан — давлат кўчмас мулк объекти ҳисоб-
ланган моддий маданий мерос объектларининг номи, манзили ва балансда
сақловчилари;

Қурилиш ва уй-жой коммунал хўжалиги вазирлигидан — қурилиш ишла-
ри тугалланмаган давлат объектларининг номи, манзили ҳамда қурилишга
рухсат берилган санаси ва яқунлаш муддати;

Солиқ қўмитасидан — ижара шартномасига асосан ижарага берилган
давлат кўчмас мулк объектлари номи, манзили ва балансда сақловчилари;

Саноат, радиация ва ядро хавфсизлиги қўмитасидан — давлат мулкида
бўлган хавфли ишлаб чиқариш кўчмас мулк объектларининг номи, манзили
ва балансда сақловчилари;

Фавқулодда вазиятлар вазирлигидан — давлат мулкида бўлган фуқаро
муҳофазаси объектларининг номи, манзили ва балансда сақловчилари;

Мажбурий ижро бюросидан — давлат кўчмас мулк объектларига нисба-
тан тақиқнинг (чеклов)нинг мавжудлиги.

5. Бўш турган давлат кўчмас мулк объектини таҳлил қилиш жараёнида
тегишли давлат ташкилотлари Марказга маълумотларни реал вақт режимида
бепул тақдим этади.

Марказ бўш турган давлат кўчмас мулк объектларини таҳлил қилиш
жараёнида тегишли давлат ташкилотларидан қўшимча маълумотларни сўраб
олиши мумкин, бунда давлат ташкилотлари сўралган маълумотларни реал
вақт режимида тақдим этиши шарт.

6. Марказ ва унинг ҳудудий бошқармалари томонидан Давлат актив-
ларини бошқариш агентлигининг (кейинги ўринларда — Давлат активлари
агентлиги) «property.davaktiv.uz» ахборот тизими (кейинги ўринларда —
«property.davaktiv.uz» АТ) киритилган давлат кўчмас мулк объектлари бў-
йича масъулиятлар ушбу Низомнинг 4-бандида келтирилган ташкилотлардан
олинган маълумотлар асосида таҳлил қилинади.

7. Таҳлил натижасида Марказ ва унинг ҳудудий бошқармалари Давлат
активлари агентлигининг «Давлат мулки» ахборот тизимида (кейинги ўрин-
ларда — «Давлат мулки» АТ) қуйидагиларни аниқлайди:

ходимларнинг белгиланган меъёрларга мувофиқ жойлаштирилганлиги ва
меъёрга асосан ортиқча майдонларнинг ўлчамини;

давлат кўчмас мулк объектларидан фойдаланишда ижара ёки текин фой-
даланиш шартномаларининг мавжудлиги ҳамда уларнинг белгиланган тар-
тибда тузилганлигини;

объектнинг тоифаси ва турлари (литерлари)нинг номма-ном таҳлилини;
ижтимоий соҳа, ўта муҳим ва тоифаланган объектлар жумласига кири-
шини;

битта манзилда давлат рўйхатидан ўтган юридик шахсларнинг мавжудлигини.

8. Давлат кўчмас мулк объектлари Марказ ва унинг ҳудудий бошқармалари томонидан хатловдан ўтказиш бўйича рўйхат шакллантирилгандан сўнг бир ой муддатда ушбу рўйхат асосида жойига чиққан ҳолда «Давлат мулки» АТга тегишли маълумотларни киритиш орқали хатловдан ўтказилади.

Бунда мазкур Низомнинг 4-банди бўйича қўшимча давлат кўчмас мулк объектлари аниқланиб, хатловдан ўтказиш зарурати мавжуд бўлганда, объект жойига чиққан ҳолда хатловдан ўтказилади.

9. Марказ ва унинг ҳудудий бошқармалари хатлов натижасида аниқланган бўш турган давлат кўчмас мулк объектлари тўғрисида қуйидаги маълумотларни «Инвентаризация» мобил иловаси орқали «Давлат мулки» АТга реал вақт режимида киритади:

а) объект бўйича:

балансда сақловчи;

кадастр рақами;

манзили;

умумий ер майдони;

объектнинг умумий (қурилиш ости) майдони, шундан бўш турган майдони;

бўш турган объектнинг номи (литерлари);

ижтимоий соҳа объекти тоифасига кириши ёки кирмаслиги;

фотосуратлари;

геолокацияси;

сервитут мавжудлиги;

бўш турганлиги бўйича онлайн далолатнома, бунда балансда сақловчи келишишдан бош тортганда, бош тортганлиги тўғрисида белги киритилади;

б) объектдан самарали фойдаланиш бўйича:

бўш турган давлат кўчмас мулк объектининг Ўзбекистон Республикаси Президенти, Вазирлар Маҳкамаси, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари томонидан тасдиқланган ҳудудларни ёки тармоқларни ривожлантириш бўйича дастур ёки қарорларда (тармоқ жадвалида), давлат-хусусий шериклик дастурида мавжуд ёки мавжуд эмаслиги;

Ўзбекистон Республикаси Президенти, Вазирлар Маҳкамаси, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари ҳамда Давлат активларини хусусийлаштириш ва хусусийлаштириш жараёнларини мувофиқлаштириш давлат комиссиясининг бўш турган давлат кўчмас мулк объектларини хусусийлаштириш ёки келгусида улардан самарали фойдаланиш бўйича қарорларида мавжуд ёки мавжуд эмаслиги;

бўш турган давлат кўчмас мулк объекти хусусийлаштирилмайдиган объектлар тоифасига кириши ёки кирмаслиги;

бўш турган давлат кўчмас мулк объектига нисбатан тақиқ (чеклов)нинг мавжуд ёки мавжуд эмаслиги.

10. Марказ ва унинг ҳудудий бошқармалари «Давлат мулки» АТда бўш турган давлат кўчмас мулк объектларининг ҳисобини юритиш соҳасида қуйидагиларни амалга оширади:

а) тоифаларга ажратиш бўйича:

бўш турган;

меъёрга асосан ортиқча майдон аниқланган;

қурилиши тугалланмаган (бир йилдан ортиқ муддатда);

б) самарали фойдаланиш чоралари кўрилганлиги бўйича:

ривожлантириш дастурларига киритилган;

оммавий савдолар орқали сотилиши белгиланган;

давлат-хусусий шериклик дастурига киритилган;

ижарага бериш учун оммавий савдоларга чиқарилиши белгиланган.

11. Марказ аниқланган бўш турган давлат кўчмас мулк объектлари (объект номи, манзили, майдони ва балансда сақловчиси) тўғрисидаги маълумотларни хатлов якунлангандан сўнг ўн кун муддатда ўзининг расмий веб-сайтида эълон қилади.

3-боб. Бўш турган давлат кўчмас мулк объектидан самарали фойдаланишни ташкил этиш мезонлари

12. Бўш турган давлат кўчмас мулк объектларидан самарали фойдаланиш қуйидаги тартибда ташкил этилади:

а) биринчи навбатда объект оммавий савдоларга чиқарилиши учун хусусийлаштириш дастурига киритилади. Бунда:

давлат ташкилотлари бўш турган давлат кўчмас мулк объектларини «сот ёки тушунтир» тамойили бўйича сақлаб қолади;

қуйидаги талабларнинг бирига ёки бир нечасига мос келганда бўш турган давлат кўчмас мулк объектлари хусусийлаштириш дастурларига киритилмаслиги мумкин:

давлат мулкини бошқариш тўғрисидаги қонунчиликда назарда тутилган хусусийлаштирилмайдиган давлат кўчмас мулки объекти бўлганда;

объектни яхлит ҳолда ажратиб олиш имконияти мавжуд бўлмаганда;

ҳудудларни ёки тармоқларни ривожлантириш бўйича дастур ёки қарорларга киритилган тақдирда;

б) қуйидаги ҳолатларда объектлар балансда сақловчилар билан келишилмаган ҳолда, ижарага бериш учун «E-auksion» электрон савдо платформасидаги электрон онлайн-аукцион савдоларига (ушбу кичик банднинг тўртинчи-бешинчи хатбошиларидаги ҳолатларда ижтимоий соҳа объектлари бўлганда ушбу йўналиш бўйича) чиқарилади:

амалда хусусийлаштириш дастурларига киритилиб, уч ойдан ортиқ муддатда сотилмасдан турганда;

ҳудудларни ёки тармоқларни ривожлантириш бўйича дастур ёки қарорларга киритилган тақдирда;

маҳаллаларда тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокимининг ёрдамчилари ҳамда жисмоний шахсларнинг объектни ижарага

бериш учун электрон онлайн-аукцион савдоларига чиқариш тўғрисидаги буюртманомалари берилганда;

балансда сақловчи бўш турганлиги аниқланган объектдан уч ой муддатда самарали фойдаланиш чораларини кўрмаган тақдирда.

Бунда:

Марказ ва унинг ҳудудий бошқармалари томонидан ушбу кичик банднинг иккинчи ва учинчи хатбошисидаги ҳолатларда хусусийлаштирилгунга ёки таъмирлаш бошлангунга қадар ижарага бериш муддатлари белгиланади;

қолган ҳолатларда ижарага бериш муддатлари балансда сақловчининг таклифига асосан Марказ ва унинг ҳудудий бошқармалари томонидан белгиланади, Марказнинг сўровига асосан беш кун ичида жавоб берилмаган тақдирда, Марказ ва унинг ҳудудий бошқармалари уч йил муддатгача ижарага бериш муддатини мустақил белгилайди;

мазкур кичик банднинг бешинчи хатбошисидаги ҳолатда давлат кўчмас мулк объекти бўш турганлиги тўғрисида далолатнома расмийлаштирилган бўлиши ҳамда бўш турган давлат кўчмас мулк объекти тўғрисидаги маълумот Марказнинг веб-сайтида эълон қилинган кундан бошлаб, балансда сақловчи томонидан уч ой ичида объектдан самарали фойдаланилгани тўғрисида тасдиқловчи ҳужжатларни фотосуратлари билан бирга Марказ ва (ёки) унинг ҳудудий бошқармаларига тақдим этмаган бўлиши лозим.

13. Қуйидаги ҳолларда бўш турган давлат кўчмас мулк объектлари ижарага бериш учун «Е-auction» электрон савдо платформасида электрон онлайн-аукцион савдоларига чиқарилмайди:

давлат-хусусий шериклик асосида берилиши белгиланганда, давлат шериги томонидан ижарага бериш ташаббусини билдирган ҳоллар бундан мустасно;

махфийликнинг алоҳида тартиби татбиқ этиладиган давлат мулкнинг, шу жумладан, ҳарбий ва махсус мақсадлар учун мўлжалланган алоҳида тартибга ва алоҳида муҳим, муайян тартибга бўйсунувчи ҳамда давлат сири билан боғлиқ давлат кўчмас мулк объектлари бўлганда;

Марказ ва унинг ҳудудий бошқармалари томонидан визуал кўриқдан ўтказиш жараёнида объект фойдаланишга яроқсиз ҳолатда бўлганда, бунда Марказнинг ҳудудий бошқармалари бўш турган давлат кўчмас мулк объектининг фойдаланишга яроқсизлиги тўғрисидаги ваколатли органнинг хулосаси белгиланган тартибда олинади;

қурилиши тугалланмаган объект бўлганда.

14. Давлат ташкилотларининг ходимлари маъмурий биноларга ходимларни жойлаштириш меъёрларига асосан жойлаштирилади, суд, Қуролли Кучлар, ҳуқуқни муҳофаза қилувчи органлар ва уларнинг тизимидаги ташкилотлар ва ижтимоий соҳа ташкилотларининг бинолари бундан мустасно.

Давлат активлари агентлиги томонидан белгиланган меъёрлардан ортиқча майдонга эга бўлган давлат ташкилотларига ўн кун муддатда ходимларни белгиланган меъёрлар бўйича жойлаштириш ҳамда бўшаган майдонларни (литерлар ёки хоналар кесимида рўйхат) тақдим этиш бўйича огоҳлантириш юборилади.

Белгиланган муддатда огоҳлантириш ижроси тўлиқ таъминланмаган тақдирда, Давлат активлари агентлиги давлат ташкилотларининг маъмурий биноларига ходимларни жойлаштириш меъёрларига асосан самарали жойлаштириш бўйича қарор қабул қилади.

Тегишли давлат ташкилотлари Давлат активлари агентлиги томонидан қабул қилинган қарор ижросини ўн иш куни ичида таъминлаши шарт.

15. Жисмоний ва нодавлат юридик шахсларнинг мурожаатларига асосан бўш турган давлат кўчмас мулк объекти қонунчиликда белгиланган тартибда ишончли бошқарувга ёки давлат-хусусий шерикликка берилиши мумкин.

16. Балансда сақловчи ва унинг юқори турувчи ташкилоти Марказ ва унинг ҳудудий бошқармалари, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларига бўш турган давлат кўчмас мулк объектини бузиш тўғрисида Қурилиш ва уй-жой коммунал хўжалиги вазирлиги ҳузуридаги Қурилиш ва уй-жой коммунал хўжалиги соҳасида ҳудудий назорат қилиш инспекцияси, қурилиш соҳасидаги лойиҳалаштириш ташкилоти, махсус лицензияга эга бўлган ташкилот ёки илмий-тадқиқот муассасасининг бўш турган давлат кўчмас мулк объекти фойдаланиш учун яроқсизлиги тўғрисидаги хулосаси илова қилинган ҳолда мурожаат қилишлари мумкин.

Бунда объект бузилиши натижасида аниқланган фойдаланиш учун яроқли қурилиш ва бошқа материаллар балансда сақловчи томонидан тузиладиган комиссиянинг далолатномасига асосан электрон онлайн-аукцион савдоларига чиқарилиши мумкин.

4-боб. Яқунловчи қоидалар

17. Мазкур Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

18. Ушбу Низом қоидалари қўлланилиши билан боғлиқ низолар қонунчилик ҳужжатларида белгиланган тартибда ҳал этилади.

Вазирлар Маҳкамасининг
2025 йил 21 апрелдаги 247-сон қарорига
2-ИЛОВА

**Ўзбекистон Республикаси Ҳукуматининг айрим ҳужжатларига
киритилаётган ўзгартириш ва қўшимчалар**

1. Вазирлар Маҳкамасининг «Ташгорплодоовошчпром» бирлашмасини ташкил этиш тўғрисида» 1992 йил 29 январдаги 37-сон қарорининг 3-банди тўртинчи хатбошиси қуйидаги таҳрирда баён қилинсин:

«пайдо бўлаётган эркин нархларда кенг ассортиментда йил давомида картошка ва мева-сабзавот маҳсулотларини сотишни ташкил этиш».

2. Вазирлар Маҳкамасининг «Ўзбекистон Республикасида давлат уй-жой фондини хусусийлаштиришни давом эттириш тўғрисида» 1993 йил 1 мартдаги 114-сон қарорининг 5 ва 6-бандлари қуйидаги таҳрирда баён қилинсин:

«5. Давлат уй-жой фондини хусусийлаштиришни ўтказиш учун масъулият Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига юклатилсин.

6. Ўзбекистон Республикаси Қурилиш ва уй-жой коммунал хўжалиги вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда давлат уй-жой фондини хусусийлаштиришни ўтказиш бўйича аниқ ташкилий-техникавий тадбирларни ишлаб чиқсин, аниқланган камчиликларни бартараф этиш учун дарҳол чора-тадбирлар кўрсин ҳамда ҳуқуқни муҳофаза қилиш органлари билан биргаликда ўз хизмат мавқеини суиистеъмол қилаётган ва давлат уй-жой фондини хусусийлаштириш тартибини бузишда айбдор бўлган шахсларни қаттиқ жавобгарликка тортсин».

3. Вазирлар Маҳкамасининг «Кимё саноатини бошқариш тузилмасини такомиллаштириш чора-тадбирлари тўғрисида» 2001 йил 13 мартдаги 124-сон қарорида:

а) 6-банддаги «Давлат мулки қўмитаси ва «Ўзкимёсаноат» давлат-акциядорлик компаниясига» сўзлари «Давлат активларини бошқариш агентлиги ва «Ўзкимёсаноат» акциядорлик жамиятига» сўзлари билан алмаштирилсин;

б) 8-банднинг учинчи хатбошисидаги «давлат мулкни хусусийлаштиришдан ва» сўзлари чиқариб ташлансин;

в) 10-банддаги учинчи хатбошиси қуйидаги таҳрирда баён этилсин:

«Ўзкимёсаноат» акциядорлик жамияти даромадлари (фойдаси) компания акцияларини сотиш, мол-мулки компаниянинг устав фондига тўлиқ кирган ташкилотларнинг ажратмалари (улар соф фойдасининг 50 фоизигача миқдорда), шунингдек, амалдаги қонунчиликка мувофиқ бошқа даромадлардан шакллантирилади».

4. Вазирлар Маҳкамасининг «Давлат мулки объектларини хусусийлаштириш тартиби тўғрисидаги низомларни тасдиқлаш ҳақида» 2014 йил 6 октябрдаги 279-сон қарорида:

а) 3-иловада:

2-бандда:

ўн иккинчи хатбоши қуйидаги таҳрирда баён қилинсин:

«**танлов** — танлов ҳужжатлари мезонлари ва шартларига мувофиқ (ҳар қандай нодавлат юридик ва жисмоний шахс қатнашиши мумкин бўлган) қатнашчилар томонидан тақдим этилган энг яхши таклифларни танлаш орқали харидорни аниқлаш бўйича савдо шакли»;

ўн учинчи ва ўн тўртинчи хатбошилар чиқариб ташлансин;

ўн бешинчи — йигирма бешинчи хатбошилар тегишлича ўн учинчи — йигирма учинчи хатбошилар деб ҳисоблансин;

йигирманчи хатбоши қуйидаги таҳрирда баён этилсин:

«**аукцион** — мусобақалашиш асосида (ҳар қандай нодавлат юридик ва жисмоний шахс қатнашиши мумкин бўлган) харидорни аниқлаш шакли, бунда энг катта нархни таклиф қилган қатнашчи олди-сотди шартномасини тузиш ҳуқуқига эга бўлади»;

йигирма биринчи хатбоши чиқариб ташлансин;

йигирма иккинчи ва йигирма учинчи хатбошилар тегишлича йигирма биринчи ва йигирма иккинчи хатбошилар деб ҳисоблансин;

йигирма биринчи хатбошидаги «ёпиқ» сўзи «танлов асосидаги» сўзлари билан алмаштирилсин;

26-бандда:

учинчи хатбошидаги «(очиқ ёки ёпиқ)» сўзлари чиқариб ташлансин;

тўртинчи хатбоши қуйидаги таҳрирда баён этилсин:

«ўзининг расмий веб-сайтида аукцион ўтказилиши тўғрисидаги хабарномани (бундан буён матнда аукцион тўғрисидаги хабарнома деб юритилади) чоп этади (танлов асосидаги аукционлар ўтказиш ҳолларидан ташқари)»;

27-бандда:

учинчи хатбоши қуйидаги таҳрирда баён этилсин:

«аукцион ўтказилишидан камида ўттиз кун олдин ўзининг ва сотувчининг расмий веб-сайтида аукцион тўғрисидаги хабарномани эълон қилади, бунда байрам ва дам олиш кунларида савдолар ўтказилмайди, савдо байрам ва дам олиш кунларига тўғри келган тақдирда, навбатдаги иш кунида ўтказилади»;

олтинчи хатбоши қуйидаги таҳрирда баён этилсин:

«танлов асосидаги аукцион ўтказилиши тўғрисидаги хабарномаларни (бундан буён матнда танлов асосидаги аукцион тўғрисидаги хабарнома деб юритилади) юборади ва мазкур хабарномада кўрсатилган нодавлат юридик ва жисмоний шахслардан буюртманомалар олади»;

ўнинчи ва ўн биринчи хатбошилардаги «очиқ» сўзи чиқариб ташлансин;

28-банднинг биринчи хатбошиси қуйидаги таҳрирда баён этилсин:

«28. Аукцион тўғрисидаги (танлов асосидаги аукцион тўғрисидаги) хабарнома қуйидаги маълумотларни ўз ичига олиши лозим»;

29-банд қуйидаги таҳрирда баён этилсин:

«29. Танлов асосидаги аукционни ўтказишда сотувчи унинг талабларига мос келадиган нодавлат юридик ва жисмоний шахслар рўйхатини олдиндан аниқлайди, ихтисослаштирилган ташкилот уларга танлов асосидаги аукцион тўғрисидаги хабарномани аукцион бошланишидан камида ўттиз кун олдин юборади. Танлов асосидаги аукцион тўғрисидаги хабарнома оммавий ахборот

воситаларида чоп этилмайди ва аукцион таклиф этилган нодавлат юридик ва жисмоний шахслар ўртасида ўтказилади»;

47-банднинг тўртинчи хатбошиси қуйидаги таҳрирда баён этилсин:

«ўзининг расмий веб-сайтида танлов ўтказилиши тўғрисидаги хабарномани (бундан буён матнда танлов тўғрисидаги хабарнома деб юритилади) чоп этади»;

49-банднинг учинчи хатбошиси қуйидаги таҳрирда баён этилсин:

«илгари танлов тўғрисидаги хабарнома чоп этилган айнан ўша оммавий ахборот воситаларида танлов якунлари ҳақидаги ахборотни танлов ўтказилган кундан бошлаб ўттиз кун ичида чоп этади»;

50-банднинг биринчи хатбошиси қуйидаги таҳрирда баён этилсин:

«50. Танлов тўғрисидаги хабарнома қуйидаги маълумотларни ўз ичига олиши лозим»;

51-банд ўз кучини йўқотган деб ҳисоблансин;

1-илованинг 4-босқичи «Тадбирлар» устунининг иккинчи хатбошисидаги «очик» сўзи чиқариб ташлансин;

б) 4-иловада:

2-бандда:

ўн биринчи — йигирма бешинчи хатбошилар қуйидаги таҳрирдаги ўн биринчи — йигирма иккинчи хатбошилар билан алмаштирилсин:

«танлов — танлов ҳужжатлари мезонлари ва шартларига мувофиқ (ҳар қандай нодавлат юридик ва жисмоний шахс қатнашиши мумкин бўлган) қатнашчилар томонидан тақдим этилган энг яхши таклифларни танлаш орқали харидорни аниқлаш бўйича савдо шакли;

танлов шартлари — танловни ўтказиш тартиби, ўтказиш жойи, таклифнинг нархи, давлат кўчмас мулк объектларининг сони ва миқдори, қўшимча юкламалар, қатнашчиларга қўйиладиган инвестициявий мажбуриятлар ва ижтимоий мажбуриятлар ва талаблар бўйича сотувчи томонидан белгиланадиган шартлар;

танлов ҳужжатлари — давлат кўчмас мулк объектининг техник, тижорат, ташкилий ва бошқа тавсифлари тўғрисидаги, шунингдек танлов шартлари ва тартиб-таомили тўғрисидаги дастлабки ахборотдан иборат танлов ташкилотчиси томонидан талабгорларга тақдим этиладиган танлов ўтказиш қоидалари, танлов таклифлари шакллари ва ўз ичига олувчи ҳужжатлар тўплами;

танлов таклифи — танлов ҳужжатларида белгиланадиган шартларда шартнома тузиш таклифи;

савдоларни ўтказиш санаси — аукцион ўтказиш ёки танлов якунлари юзасидан хулоса чиқариш санаси ва вақти;

сотиб олиш тўлови — сотиб олинаётган давлат кўчмас мулк объекти учун харидор томонидан миллий ва (ёки) эркин айирбошланадиган валютада (кейинги ўринларда ЭАВ деб аталади) Давлат активларини бошқариш, трансформация ва хусусийлаштириш жамғармасига бир йўла ёки бўлиб-бўлиб тўланадиган пул маблағлари;

инвестициявий мажбуриятлар — давлат кўчмас мулк объектини со-

тиб олишда харидор томонидан давлат кўчмас мулк объектига инвестицияларни амалга ошириш бўйича қабул қилинадиган пул баҳосига эга бўлган ва қонун ҳужжатларига зид бўлмаган шаклларда амалга ошириладиган мажбуриятлар;

ижтимоий мажбуриятлар — давлат кўчмас мулк объектини сотишда харидор томонидан қабул қилинадиган пул баҳосига эга бўлмаган ва қонун ҳужжатларига зид бўлмаган шаклларда амалга ошириладиган мажбуриятлар;

аукцион — мусобақалашиш асосида (ҳар қандай нодавлат юридик ва жисмоний шахс қатнашиши мумкин бўлган) харидорни аниқлаш бўйича савдо шакли, бунда энг катта нархни таклиф қилган қатнашчи давлат кўчмас мулк объектининг олди-сотди шартномасини тузиш ҳуқуқига эга бўлади;

танлов асосидаги аукцион — аукционнинг сотувчи томонидан белгиланган мезонлар бўйича олдиндан танланган махсус таклиф қилинган шахслар қатнашиши мумкин бўлган тури;

балансда сақловчи — сотилаётган давлат кўчмас мулк объекти бириктирилган юридик шахс;

бошланғич нарх — давлат кўчмас мулк объектини савдоларга қўйиш учун сотувчи томонидан белгиланган нарх»;

30-бандда:

учинчи хатбошидаги «(очик ёки ёпиқ)» сўзлари чиқариб ташлансин;

тўртинчи хатбоши қуйидаги таҳрирда баён этилсин:

«ўзининг расмий веб-сайтида аукцион ўтказилиши тўғрисидаги хабарномани (бундан буён матнда аукцион тўғрисидаги хабарнома деб юритилади) эълон қилади, танлов асосидаги аукционлар ўтказиш ҳоллари бундан мустасно»;

31-бандда:

учинчи хатбоши қуйидаги таҳрирда баён этилсин:

«аукцион ўтказилишидан камида ўттиз кун олдин ўзининг ва сотувчининг расмий веб-сайтида аукцион тўғрисидаги хабарномани чоп этади, бунда байрам ва дам олиш кунларида савдолар ўтказилмайди, савдо байрам ва дам олиш кунларига тўғри келган тақдирда, навбатдаги иш кунида ўтказилади»;

олтинчи хатбоши қуйидаги таҳрирда баён этилсин:

«танлов асосидаги аукцион ўтказилиши тўғрисидаги хабарномани (бундан буён матнда танлов асосидаги аукцион тўғрисидаги хабарнома деб юритилади) юборади ва мазкур хабарномада кўрсатилган нодавлат юридик ва жисмоний шахслардан буюртманомалар олади»;

тўққизинчи ва ўнинчи хатбошилардаги «очик» сўзи чиқариб ташлансин;

32-банднинг биринчи хатбошиси қуйидаги таҳрирда баён этилсин:

«32. Аукцион (танлов асосидаги аукцион) тўғрисидаги хабарнома қуйидаги маълумотларни ўз ичига олиши лозим»;

33-банд қуйидаги таҳрирда баён этилсин:

«33. Танлов асосидаги аукционни ўтказишда сотувчи унинг талабларига мос келадиган нодавлат юридик ва жисмоний шахслар рўйхатини олдиндан аниқлайди, савдолар ташкилотчиси уларга ёпиқ аукцион тўғрисидаги хабарномани аукцион бошланишидан камида ўттиз кун олдин юборади. Танлов

асосидаги аукцион тўғрисидаги хабарнома оммавий ахборот воситаларида чоп этилмайди ҳамда аукцион таклиф этилган нодавлат юридик ва жисмоний шахслар ўртасида ўтказилади»;

35-банд қўйидаги таҳрирда баён этилсин:

«35. Аукционда қатнашиш учун буюртманомалар очиқ аукцион (танлов асосидаги аукцион) тўғрисидаги хабарномада кўрсатилган муддатларда қабул қилинади»;

36-бандда:

биринчи хатбоши қўйидаги таҳрирда баён этилсин:

«36. Аукционда қатнашиш учун талабгор ёки унинг ваколатли вакили савдолар ташкилотчисига шахсан ёки почта орқали аукцион (танлов асосидаги аукцион) тўғрисидаги хабарномада белгиланган муддатларда қўйидаги ҳужжатларни илова қилган ҳолда аукционда қатнашиш учун буюртманомани икки нусхада тақдим этади»;

тўртинчи хатбоши қўйидаги таҳрирда баён этилсин:

«аукцион (танлов асосидаги аукцион) тўғрисидаги хабарномада кўрсатилган банк ҳисобварағига закатат тўланганлигини тасдиқлайдиган тўлов ҳужжатининг нусхаси»;

38-банднинг биринчи хатбошисидаги «Очиқ танлов (ёпиқ танлов)» сўзлари «Танлов» сўзи билан алмаштирилсин;

50-банднинг тўртинчи хатбошиси қўйидаги таҳрирда баён этилсин:

«ўзининг расмий веб-сайтида танлов ўтказилиши тўғрисидаги хабарномани (бундан буён матнда танлов тўғрисидаги хабарнома деб юритилади) эълон қилади»;

52-бандда:

олтинчи хатбоши қўйидаги таҳрирда баён этилсин:

«танлов таклифлари солинган конвертларни очиш белгиланган санадан камида ўттиз кун олдин ўзининг ва сотувчининг расмий веб-сайтида танлов ўтказилиши тўғрисидаги хабарномани (бундан буён матнда танлов тўғрисидаги хабарнома деб юритилади) эълон қилади, бунда байрам ва дам олиш кунларида савдолар ўтказилмайди, савдо байрам ва дам олиш кунларига тўғри келган тақдирда, навбатдаги иш кунига ўтказилади»

тўққизинчи — ўн учинчи хатбошилар қўйидаги таҳрирдаги тўққизинчи — ўн биринчи хатбошилар билан алмаштирилсин:

«талабгорларни тақдим этиладиган ҳужжатларнинг намуналари билан таъминлайди ва уларни расмийлаштиришда ёрдам беради;

танлов якунлари тўғрисидаги ахборотни чоп этади, у танлов ўтказилган кундан бошлаб ўттиз кун ичида илгари танлов тўғрисидаги хабарнома чоп этилган айнан ўша оммавий ахборот воситаларида чоп этилади;

тузилган шартномага мувофиқ бошқа функцияларни бажаради»;

53-банднинг биринчи хатбошиси қўйидаги таҳрирда баён этилсин:

«53. Танлов тўғрисидаги хабарнома қўйидаги маълумотларни ўз ичига олиши лозим»;

54-банд ўз кучини йўқотган деб ҳисоблансин;

56-банднинг биринчи хатбошиси қўйидаги таҳрирда баён этилсин:

«56. Танловда қатнашиш учун талабгор ёки унинг ваколатли вакили савдолар ташкилотчисига танлов тўғрисидаги хабарномада белгиланган муддатларда шахсан ёки почта орқали қуйидаги ҳужжатларни илова қилган ҳолда буюртманомани икки нусхада тақдим этади»;

58-банддаги «Очиқ танлов (ёпиқ танлов)» сўзлари «Танлов» сўзи билан алмаштирилсин;

62-банднинг биринчи хатбошиси қуйидаги таҳрирда баён этилсин:

«62. Танловда қатнашишга буюртманомаларни қабул қилиш танлов тўғрисидаги хабарнома чоп этилган кундан бошланади ва хабарномада белгиланган конвертларни очиш санасидан уч соат олдин тўхтатилади»;

70-банднинг бешинчи ва олтинчи хатбошилари қуйидаги таҳрирда баён этилсин:

«танлов ўтказиш санасини, илгари танлов тўғрисидаги хабарнома чоп этилган айнан ўша оммавий ахборот воситаларида тегишли ахборотни чоп этиш орқали ёзма равишда хабардор қилган ҳолда, танлов тўғрисидаги хабарномада белгиланган муддатдан икки ойдан ортиқ бўлмаган муддатга кўчириш;

аукцион ўтказиш санасини илгари аукцион (танлов асосидаги аукцион) тўғрисидаги хабарнома чоп этилган айнан ўша оммавий ахборот воситаларида тегишли ахборотни чоп этиш орқали (илгари танлов асосидаги аукцион тўғрисидаги хабарнома юборилган нодавлат юридик ва жисмоний шахсларга тегишли ахборотни юборган ҳолда) ёзма равишда хабардор қилган ҳолда, аукцион (танлов асосидаги аукцион) тўғрисидаги хабарномада белгиланган муддатдан икки ойдан ортиқ бўлмаган муддатга кўчириш»;

1-илованинг 4-босқичи «Тадбирлар» устунининг иккинчи хатбошисидаги «очиқ» сўзи чиқариб ташлансин;

в) 6-иловада:

2-бандда:

ўнинчи хатбоши қуйидаги таҳрирда баён этилсин:

«**танлов** — танлов ҳужжатлари мезонлари ва шартларига мувофиқ (ҳар қандай нодавлат юридик ва жисмоний шахс қатнашиши мумкин бўлган) қатнашчилар томонидан тақдим этилган энг яхши таклифларни танлаш орқали давлат мулки харидорини аниқлаш бўйича савдолар шакли»;

ўн биринчи ва ўн иккинчи хатбошилар чиқариб ташлансин;

ўн учинчи — ўн тўққизинчи хатбошилар тегишинча ўн биринчи — ўн еттинчи хатбошилар деб ҳисоблансин;

6-бандда:

биринчи хатбоши қуйидаги таҳрирда баён этилсин:

«6. Танловни ўтказишда танлов таклифлари солинган конвертлар очиладиган санадан камида ўттиз кун олдин ўзининг расмий веб-сайтида ишчи орган томонидан очиқ танлов ўтказилиши тўғрисида хабарномани (кейинги ўринларда танлов тўғрисидаги хабарнома деб аталади) эълон қилинади, бунда, байрам ва дам олиш кунларида савдолар ўтказилмайди, савдо байрам ва дам олиш кунларига тўғри келган тақдирда, навбатдаги иш кунда ўтказилади»;

иккинчи хатбошидаги «Очиқ танлов» сўзлари «Танлов» сўзи билан алмаштирилсин;

7-банд ўз кучини йўқотган деб ҳисоблансин;

8-банднинг биринчи хатбошиси қуйидаги таҳрирда баён этилсин:

«8. Танловда қатнашиш учун сотувчига талабгор ёки унинг ваколатли вакили танлов тўғрисидаги хабарномада белгиланган танловда қатнашиш учун буюртманоманинг муддатларини икки нусхада қуйидаги ҳужжатларни илова қилган ҳолда, белгиланган муддатларда шахсан ёки почта орқали тақдим этади»;

10-банд қуйидаги таҳрирда баён этилсин:

«10. Танлов тўғрисидаги хабарномада сотувчи томонидан белгиланган муддатдан кейин тушган танлов таклифлари қабул қилинмайди. Почта орқали жўнатилган ҳужжатларнинг тушган санаси сотувчининг рўйхатдан ўтказиши бўйича белгиланади»;

14-банднинг биринчи хатбошиси қуйидаги таҳрирда баён этилсин:

«14. Танловда қатнашиш учун буюртманомаларни қабул қилиш танлов тўғрисидаги хабарнома эълон қилинган кунда бошланади ва конвертларни очишнинг эълонда кўрсатилган санасидан уч соат олдин тўхтатилади»;

16-банд қуйидаги таҳрирда баён этилсин:

«16. Давлат комиссияси ёки унинг топшириғига кўра ишчи орган танлов ўтказиладиган санани танлов тўғрисидаги хабарномада белгиланган муддатни кечиктириши мумкин, бу ҳолда илгари танлов тўғрисидаги хабарнома эълон қилинган айнан ўша оммавий ахборот воситаларида тегишли ахборот чоп этилади ҳамда қатнашчилар мавжуд бўлганда улар ёзма равишда хабардор қилинади»;

17-банднинг биринчи хатбошиси қуйидаги таҳрирда баён этилсин:

«17. Агар конвертларни очишнинг танлов тўғрисидаги хабарномада белгиланган санасигача бирорта ҳам буюртманомана тушмаса ёки фақат битта буюртманомана тушса, танлов ўтмаган деб эътироф этилади»;

илованинг 1-босқичи «Бажариш муддатлари» устунининг иккинчи хатбошисидаги «Очиқ савдо» сўзлари «Савдо» сўзи билан алмаштирилсин;

г) 7-илова 2-бандининг учинчи хатбошиси қуйидаги таҳрирда баён этилсин:

«**танлов** — танлов ҳужжатлари мезонлари ва шартларига мувофиқ (ҳар қандай нодавлат юридик ва жисмоний шахс қатнашиши мумкин бўлган) қатнашчилар томонидан тақдим этилган энг яхши таклифларни танлаш орқали харидорни аниқлаш бўйича савдолар шакли».

5. Вазирлар Маҳкамасининг «Биржа ва кўргазма-ярмарка савдоларини тартибга солишга доир қўшимча чора-тадбирлар тўғрисида» 2018 йил 17 январдаги 33-сон қарорининг 3-бандидаги «Хусусийлаштирилган корхоналарга кўмаклашиш ва рақобатни ривожлантириш давлат қўмитаси» сўзлари «Рақобатни ривожлантириш ва истеъмолчилар ҳуқуқларини ҳимоя қилиш қўмитаси» сўзлари билан алмаштирилсин.

6. Вазирлар Маҳкамасининг 2018 йил 3 майдаги 322-сон қарори билан тасдиқланган Маъмурий ҳуқуқбузарлик содир этган шахслар ва маъмурий

хуқуқбузарлик йўли билан маънавий, жисмоний ёки мулкый зарар етказилган шахсларни марказлаштирилган ҳисобга олиш тартиби тўғрисида низомга 8-иловада

а) 340-сатри қуйидаги таҳрирда баён этилсин:

«

340	Ўзбекистон Республикаси Давлат активларини бошқариш агентлиги ва унинг худудий бошқармалари
-----	---

»;

б) қуйидаги таҳрирдаги 340¹-сатри билан тўлдирилсин:

«

340 ¹	Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси
------------------	---

».

7. Вазирлар Маҳкамасининг 2018 йил 14 сентябрдаги 733-сон қарори билан тасдиқланган Хусусийлаштирилган турар жойни бошқа шахсга ўтказиш шартномасини нотариал тасдиқлашда хусусийлаштиришга розилик берган шахслар ҳақида маълумотлар олишнинг маъмурий регламенти 1-бандидаги «Ўзбекистон Республикаси Давлат активларини бошқариш агентлигининг худудий бошқармалари (Тошкент шаҳрида — «Тошкент шаҳрида уй-жойга давлат ордерлари ва маълумотлар бериш маркази» давлат унитар корхонаси)» сўзлари «туман (шаҳар) ҳокимликлари» сўзлари билан алмаштирилсин.

8. Вазирлар Маҳкамасининг «Тошкент шаҳрининг Олмазор тумани маҳаллаларида «Тадбиркорлик марказлари»ни ташкил этиш чора-тадбирлари тўғрисида» 2018 йил 18 сентябрдаги 740-сон қарорида:

а) 4-банднинг бешинчи хатбошисидаги «мулки объектларини «ноль» қийматида харид қилиш» сўзлари «мулкни хусусийлаштириш» сўзлари билан алмаштирилсин;

б) 5-банддаги «Хусусийлаштирилган корхоналарга қўмаклашиш ва рақобатни ривожлантириш давлат қўмитаси Савдо-саноат палатаси билан биргаликда» сўзлари «Савдо-саноат палатаси» сўзлари билан алмаштирилсин.

9. Вазирлар Маҳкамасининг 2019 йил 15 майдаги 404-сон қарори билан тасдиқланган Ўзбекистон Республикаси Давлат активларини бошқариш агентлиги ҳузуридаги бюджетдан ташқари Давлат активларини бошқариш, трансформация ва хусусийлаштириш жамғармаси маблағларини шакллантириш ва улардан фойдаланиш тартиби тўғрисидаги низом 11-бандининг саккинчи хатбошиси қуйидаги таҳрирда баён этилсин:

«хўжалик жамиятлари устав капиталидаги акцияларни (улушларни, пайларни), шунингдек, бошқа активларни давлат манфаатларини кўзлаб сотиб олиш ҳамда хўжалик жамияти томонидан алоқа мавжуд бўлмаган акциядорлар (иштирокчилар)нинг улуши қийматини нотариал идоранинг депозитига қўйиш натижасида уларга ўтган акциялар (улушлар)ни сотиб олиш билан боғлиқ харажатлар».

10. Вазирлар Маҳкамасининг «Хоразм вилояти ҳудудида бўш турган дав-

лат мулки объектларидан самарали фойдаланиш чора-тадбирлари тўғрисида» 2020 йил 7 апрелдаги 205-сон қарорида:

а) 1-банд қуйидаги таҳрирда баён этилсин:

«1. Хоразм вилояти ҳокимлигининг Урганч шаҳри Амударё кўчасидаги 1/4-уй манзилида жойлашган умумий майдони 2,58 гектар, шундан бино ва иншоотлар эгаллаган майдон 4 152,23 квадрат метр бўлган «Хоразм троллейбус бошқармаси» давлат корхонаси биносининг бир қисмида (кейинги ўринларда — объект) йиллик 15 000 тонна синтетик полипропилен ва полиэтилен толалар геотекстил материаллари ишлаб чиқариш фаолиятини ташкил этиш учун «Khorezm Orient Ceramic» масъулияти чекланган жамиятига (кейинги ўринларда — инвестор) инвестиция ва ижтимоий мажбуриятларни бажариш шарти билан сотиш тўғрисидаги таклифи маъқуллансин»;

б) 2-банднинг учинчи хатбошиси қуйидаги таҳрирда баён этилсин:

«2025 йил 31 декабрга қадар 3,0 млн АҚШ доллари миқдоридagi инвестиция киритиш орқали объект негизда йиллик 15 000 тонна синтетик полипропилен ва полиэтилен толалардан геотекстил материаллари ишлаб чиқаришни ташкил этиш».

11. Вазирлар Маҳкамасининг 2020 йил 15 майдаги 287-сон қарори билан тасдиқланган Касбий малакалар, билим ва кўникмаларни ривожлантириш миллий тизими тўғрисидаги низом 159-бандининг олтинчи хатбошиси қуйидаги таҳрирда баён этилсин:

«инвестиция лойиҳалари ва хусусийлаштирилган корхоналарни ривожлантириш «йўл хариталари»ни амалга ошириш, фойдаланилмаётган хоналар ва биноларни ишлаб чиқариш фаолиятини ташкил этиш учун инвестиция ва ижтимоий мажбуриятлар олиш шарти билан сотиш, шунингдек, давлат мулки объектларини ижарага бериш муносабати билан зарур иш ўринлари сонини аниқлаш асосида ҳисобланади».

12. Вазирлар Маҳкамасининг 2022 йил 12 январдаги 18-сон қарори билан тасдиқланган «E-auction» электрон савдо платформасида электрон онлайн-аукцион ва танловларни ташкил этиш ҳамда ўтказиш тартиби тўғрисидаги низомда:

а) 2-банднинг еттинчи, ўн иккинчи ва йигирма иккинчи хатбошилари, 32-банднинг биринчи — тўртинчи хатбошилари, 33-банднинг тўртинчи — олтинчи ва саккизинчи хатбошилари, 37-банднинг «г» кичик банди биринчи хатбошиси, 48-банднинг иккинчи хатбошиси, 81-банднинг тўртинчи — олтинчи хатбошилари, 83-банднинг «в» ва «г» кичик бандлари, 90-банднинг иккинчи хатбошисидаги «салоҳиятли» сўзи тегишлича «захирадаги» сўзи билан алмаштирилсин;

б) 3-банд қуйидаги таҳрирда баён этилсин:

«3. Ўзбекистон Республикаси Президентининг фармонлари, қарорлари, фармойишлари ҳамда Вазирлар Маҳкамасининг қарорлари ва фармойишлари асосида ҳудудларни ижтимоий-иқтисодий ривожлантириш аҳамиятига эга бўлган лойиҳалар ёки бошқа вазифаларни амалга ошириш учун давлатга ва устав фондида давлат улуши 50 фоиз ва ундан ортиқ бўлган юридик шахслар, шунингдек, устав фондининг 50 фоизи ва ундан ортиғи 50 фоиз ва

ундан ортиқ миқдорда давлат улушига эга юридик шахсга тегишли бўлган мол-мулк, ер участкалари ҳамда уларга тегишли бўлган ҳуқуқлар бўйича танлов асосидаги аукцион буюртмачи томонидан тақдим этиладиган юридик ва жисмоний шахслар ўртасида ўтказилиши мумкин.

Буюртмачи томонидан юридик ва жисмоний шахсларнинг маълумотлари (уларнинг рўйхати, шахсий маълумотлари, яшаш ҳудуди ва бошқалар) олдиндан буюртмада кўрсатилади ёки операторга тақдим этилади.

Ушбу тартибда ўтказиладиган танлов асосидаги аукцион тўғрисида савдо ўтказилишидан беш календарь кун, такрорий савдода бир календарь кун олдин иштирокчиларнинг шахсий кабинетига хабарнома юборилади.

Таклиф этилган шахслар белгиланган тартибда рўйхатдан ўтмагани ёхуд танлов асосидаги аукцион савдоларига оид маълумотлар билан танишиб чиқмаганлиги учун оператор жавобгар ҳисобланмайди.

Мазкур танлов асосидаги аукцион ҳам ушбу Низомда белгиланган тартиб-таомилларга асосан ўтказилади»;

в) 5-банднинг олтинчи хатбошисидаги «, ёпиқ аукцион ва танлов бундан мустасно» сўзлари чиқариб ташлансин;

г) 14-банд қуйидаги мазмундаги ўн бешинчи — ўн тўққизинчи хатбошилар билан тўлдирилсин:

«Давлат мулкани хусусийлаштириш бўйича аукцион савдоларида иштирок этиш учун давлат мулкining бошланғич нархларига боғлиқ равишда закат миқдори қуйидагича белгиланади:

аукцион объектининг бошланғич нархи БҲМнинг 100 бараваригача бўлганда — бошланғич нархнинг 15 фоизи миқдорида;

аукцион объектининг бошланғич нархи БҲМнинг 100 бараваридан юқори, лекин БҲМнинг кўпи билан 1000 бараваригача бўлганда — бошланғич нархнинг 10 фоизи миқдорида;

аукцион объектининг бошланғич нархи БҲМнинг 1000 бараваридан юқори, лекин БҲМнинг кўпи билан 10 000 бараваригача бўлганда — бошланғич нархнинг 5 фоизи миқдорида;

аукцион объектининг бошланғич нархи БҲМнинг 10 000 бараваридан юқори бўлганда — бошланғич нархнинг 3 фоизи миқдорида»;

ўн бешинчи — ўн еттинчи хатбошилар тегишлича йигирма — йигирма иккинчи хатбошилар деб ҳисоблансин;

д) 33-банд қуйидаги мазмундаги еттинчи хатбоши билан тўлдирилсин:

«Бунда, давлат мулкани хусусийлаштириш бўйича ўтказилган савдоларда аукцион ғолиби олди-сотди шартномасини аукцион натижалари бўйича баённома расмийлаштирилгандан сўнг ўн иш куни ичида имзолашдан бош тортса, оператор захирадаги ғолибга олди-сотди шартномасини тузишни таклиф қилади. Агар захирадаги ғолиб ҳам олди-сотди шартномасини ўн иш куни ичида имзолашдан бош тортса, давлат мулкани сотиш бўйича аукцион бўлиб ўтмаган деб ҳисобланади ҳамда мазкур давлат мулки такрорий аукционга қўйилади»;

еттинчи — тўққизинчи хатбошилар тегишлича саккизинчи — ўнинчи хатбошилар деб ҳисоблансин;

е) 34-банддаги «(ушбу Низомнинг 24-бандида белгиланган ҳолатлар бундан мустасно)» сўзлари «ижро ҳужжатлари бўйича такрорий ўтказиладиган аукционлар ҳамда ушбу Низомнинг 24-бандида белгиланган ҳолатлар бундан мустасно» сўзлари билан алмаштирилсин;

ж) 41-банднинг тўртинчи хатбошисидаги «тақдирда» сўзидан кейин «ижро ҳужжатлари бўйича ўтказиладиган такрорий аукционлар бундан мустасно» сўзлари билан тўлдирилсин;

з) 42-банд қуйидаги таҳрирда баён этилсин:

«42. Такрорий аукцион алоҳида шартларсиз, умумий тартибда ўтказилади, ижро ҳужжатлари бўйича ўтказиладиган такрорий аукционлар бундан мустасно.

Бунда ижро ҳужжатлари бўйича такрорий аукционлар мазкур Низомнинг 2-боби 5-параграфида келтирилган ижро ҳужжатлари бўйича объектларни электрон онлайн-аукционга чиқариш ва сотишнинг ўзига хос хусусиятларини инобатга олган ҳолда ўтказилади»;

и) 50-банднинг иккинчи хатбошиси қуйидаги таҳрирда баён этилсин:

«Ижро ҳужжатлари бўйича мол-мулкни сотиш учун ўтказилган электрон онлайн-аукцион натижалари ҳақидаги баённома уни тақикдан ечиш, шунингдек, аукцион ғолиби номига мулкни, мулк ҳуқуқини ва бошқа мулкӣ ҳуқуқларни рўйхатдан ўтказиш (ҳисобга қўйиш) учун асос ҳисобланади. Бунда мажбурий тартибда ундириш учун юборилмаган маъмурий жарималарни тўлаш мажбурияти мол-мулкнинг собиқ эгаси зиммасида қолади».

13. Вазирлар Маҳкамасининг 2022 йил 14 февралдаги 71-сон қарори билан тасдиқланган Тадбиркорлик ва шаҳарсозлик фаолиятини амалга ошириш учун ер участкаларини мулк ҳуқуқи ва ижара ҳуқуқи асосида электрон онлайн-аукцион орқали реализация қилиш тартиби тўғрисида низомда:

а) 3-банднинг ўнинчи хатбошисидаги «Электрон онлайн-аукционларни ташкил этиш маркази» давлат унитар корхонаси» сўзлари ««Электрон онлайн-аукционларни ташкил этиш» акциядорлик жамияти» сўзлари билан алмаштирилсин;

б) 16-банд қуйидаги мазмундаги ўнинчи ва ўн биринчи хатбошилар билан тўлдирилсин:

«Туман (шаҳар) ҳокимликлари ҳамда жисмонӣ ва юридик шахсларни тақлифларига асосан ёнма-ён турган ер участкалари майдонини бирлаштирган ва/ёки лотларга бўлган ҳолда аукцион савдоларига чиқарилади.

Бунда Кадастр агентлиги томонидан «YERELEKTRON» ААТда қўшимча келишувларсиз ер участкалари майдонини бирлаштирган ва/ёки лотларга бўлган ҳолда (ер участкасининг майдони, бошланғич нархи ва фаолият турларини мувофиқлаштирган) ҳолда қайта аукционга чиқариш имконияти яратилади».

14. Вазирлар Маҳкамасининг «Ер қаъри участкаларидан фойдаланиш ҳуқуқи учун рухсатномалар бериш тартибини янада такомиллаштириш чора-тадбирлари тўғрисида» 2022 йил 25 мартдаги 133-сон қарорида:

а) 1-илова билан тасдиқланган Стратегик турдаги (асосий) фойдали қа-

зилмаларни ўз ичига олган ер қаъри участкаларидан фойдаланиш ҳуқуқи учун рухсатномаларни электрон онлайн-аукцион орқали бериш схемасининг 3-босқичи «Тадбирлар» устунидаги «салоҳиятли» сўзи «захирадаги» сўзи билан алмаштирилсин;

б) 2-илова билан тасдиқланган Норуда фойдали қазилмаларни ўз ичига олган ер қаъри участкаларидан фойдаланиш ҳуқуқини электрон онлайн-аукцион орқали бериш схемасининг 3-босқичи «Тадбирлар» устунидаги «салоҳиятли» сўзи билан алмаштирилсин;

в) 3-илова билан тасдиқланган Қимматбаҳо металлари олтин изловчилар усулида қазиб олиш учун берилаётган ер қаъри участкаларидан фойдаланиш ҳуқуқи электрон онлайн-аукцион орқали бериш схемасининг 3-босқичи «Тадбирлар» устунидаги «салоҳиятли» сўзи «захирадаги» сўзи билан алмаштирилсин.

15. Вазирлар Маҳкамасининг «Давлат даромадига олинган мол-мулкларни соддалаштирилган аукцион тамойиллари асосида «E-auksion shop» электрон савдо дўкони орқали сотиш тартиби тўғрисида» 2023 йил 4 октябрдаги 526-сон қарорида:

а) 2-банднинг бешинчи хатбошисидаги «салоҳиятли» сўзи «захирадаги» сўзи билан алмаштирилсин;

б) иловада:

32 — 34-бандлар, 36-банднинг бешинчи хатбошиси, 38-банднинг иккинчи хатбошиси, 39-банднинг биринчи хатбошиси, 43-банднинг иккинчи хатбошисидаги «салоҳиятли» сўзи «захирадаги» сўзи билан алмаштирилсин.

16. Вазирлар Маҳкамасининг 2023 йил 16 октябрдаги 540-сон қарори билан тасдиқланган Хусусий мулкдорлар буюртмаси асосида уларнинг мулкларини соддалаштирилган тартиб ва муддатларда «E-auksion shop» электрон савдо дўкони орқали сотиш ва ижарага бериш бўйича савдолар ўтказиш тартиби тўғрисидаги низомнинг 35 — 37-бандлари, 39-банднинг тўртинчи хатбошиси, 42-банднинг иккинчи хатбошиси, 43-банднинг биринчи хатбошиси, 47-банднинг иккинчи хатбошисидаги «салоҳиятли» сўзи тегишлича «захирадаги» сўзи билан алмаштирилсин.

17. Вазирлар Маҳкамасининг «Алоҳида уй-жойни (квартира, уй, квартиранинг ёки уйнинг бир қисмини) хусусийлаштиришга розилик берган шахслар тўғрисида маълумотнома ҳамда давлат мулки объектини хусусийлаштириш учун буюртманомга бериш бўйича давлат хизматларини кўрсатишнинг маъмурий регламентларини тасдиқлаш ҳақида» 2023 йил 27 ноябрдаги 627-сон қарорида:

а) 2-банд «туман (шаҳар) ҳокимликлари» сўзларидан кейин «(Тошкент шаҳрида — «Тошкент шаҳар уй-жойларга давлат ордерлари ва маълумотномалар бериш маркази» ДУК)» сўзлари билан тўлдирилсин;

б) 3-банднинг учинчи хатбошисидаги иккинчи жумла чиқариб ташлансин;

в) 1-иловада:

3-банднинг тўртинчи хатбошиси «туман (шаҳар) ҳокимлиги» сўзларидан кейин «(Тошкент шаҳрида — «Тошкент шаҳар уй-жойларга давлат ордерлари

ва маълумотномалар бериш маркази» ДУК (кейинги ўринларда — Марказ))» сўзлари билан тўлдирилсин;

1-илова билан тасдиқланган Алоҳида уй-жойни (квартира, уй, квартирининг ёки уйнинг бир қисмини) хусусийлаштиришга розилик берган шахслар тўғрисида маълумотнома бериш схемасининг 2-босқичнинг «Тадбирлар» устуни 1 ва 2-бандлардаги ҳамда 3-босқичнинг «Субъектлар» устунидаги тегишли келишиқдаги «туман (шаҳар) ҳокимлиги» сўзларидан кейин тегишли келишиқдаги «Марказ» сўзи билан тўлдирилсин.

18. Вазирлар Маҳкамасининг 2023 йил 21 декабрдаги 674-сон қарори билан тасдиқланган Ўрмон фонди ер участкаларини электрон онлайн-аукцион орқали ижарага беришнинг маъмурий регламентида:

а) 26-банддаги «салоҳиятли» сўзи «захирадаги» сўзи билан алмаштирилсин;

б) 2-илованинг 6-босқичи «Тадбирлар» ва «Муддатлар» устунларидаги «салоҳиятли» сўзи «захирадаги» сўзи билан алмаштирилсин.

19. Вазирлар Маҳкамасининг «Тошкент шаҳрида «Тошкент Инвест компанияси» акциядорлик жамияти ва тадбиркорлик субъектлари ўртасида ўзаро манфаатли ҳамкорлик асосида инвестиция лойиҳаларини амалга оширишни такомиллаштириш чора-тадбирлари тўғрисида» 2024 йил 25 мартдаги 149-сон қарори 2-бандининг:

биринчи хатбошисидаги «ҳудудидаги» сўзи «ҳудудидаги, шунингдек, бўш турган ер участкасини аниқлаш ва танлаш материаллари Давлат активларини бошқариш агентлиги томонидан тайёрланган» сўзлари билан алмаштирилсин;

учинчи хатбошидаги «харажатларни чегирган ҳолда,» сўзларидан кейин «Тошкент шаҳрининг шаҳар бюджетида очилган алоҳида даромад ҳисобварағига ўтказилгандан сўнг, тўлиқлигича» сўзлари билан тўлдирилсин.

Вазирлар Маҳкамасининг
2025 йил 21 апрелдаги 247-сон қарорига
3-ИЛОВА

**Ўзбекистон Республикаси Ҳукуматининг ўз кучини йўқотган
деб ҳисобланаётган айрим қарорлари
РЎЙХАТИ**

1. Вазирлар Маҳкамасининг «Маҳаллий саноат, аҳолига маиший хизмат кўрсатиш, давлат савдоси ҳамда умумий овқатланиш корхоналари ва ташкилотларини давлат тасарруфидан чиқариш ва хусусийлаштиришни ташкил этиш чора-тадбирлари тўғрисида» 1992 йил 23 сентябрдаги 443-сон қарори.

2. Вазирлар Маҳкамасининг «Давлат тасарруфидан чиқариш ва хусусийлаштириш жараёнининг самарали ташкил этилишини таъминлаш бўйича қўшимча чора-тадбирлар тўғрисида» 1993 йил 11 августдаги 402-сон қарори.

3. Вазирлар Маҳкамасининг «Тошкент шаҳридаги аҳолига автомобиль ёнилғисини нақд пулга сотувчи айрим автомобиль ёнилғиси қуйиш шохобчаларини эксперимент тариқасида хусусийлаштириш тўғрисида» 1994 йил 9 июндаги 290-сон қарори.

4. Вазирлар Маҳкамасининг «Вазирлар Маҳкамасининг 1992 йил 23 сентябрдаги 443-сон қарорига ўзгартиришлар киритиш тўғрисида» 1994 йил 13 сентябрдаги 462-сон қарори.

5. Вазирлар Маҳкамасининг «Айрим корхоналар ва мол-мулкни давлат тасарруфидан чиқариш ва хусусийлаштиришнинг баъзи масалалари тўғрисида» 1995 йил 4 декабрдаги 448-сон қарори.

6. Вазирлар Маҳкамасининг «Аҳолига нақд пулга автомобиль ёнилғиси сотувчи республика автомобиль ёнилғиси қуйиш шохобчаларини хусусийлаштириш тўғрисида» 1996 йил 20 мартдаги 107-сон қарори.

7. Вазирлар Маҳкамасининг «Хусусийлаштириш ва тадбиркорликни қўллаб-қувватлаш жараёнларини янада ривожлантириш тўғрисида» 1996 йил 27 декабрдаги 460-сон қарори.

8. Вазирлар Маҳкамасининг «Давлат тасарруфидан чиқариш ва хусусийлаштириш жараёнида ташкил этилган акциядорлик жамиятлари устав жамғармасидаги давлат улуши тўғрисида» 1998 йил 30 июндаги 272-сон қарорининг 4 ва 5-бандлари.

9. Вазирлар Маҳкамасининг «Автомобиль ёнилғиси қуйиш шохобчаларининг ишини такомиллаштириш ва республика истеъмолчиларини нефть маҳсулотлари билан таъминлашни яхшилаш чора-тадбирлари тўғрисида» 1998 йил 18 сентябрдаги 397-сон қарорининг 7 ва 8-бандлари.

10. Вазирлар Маҳкамасининг «Аҳолига коммунал хизмат кўрсатиш тизимида иқтисодий ислохотларни чуқурлаштириш концепциясини тасдиқлаш тўғрисида» 1998 йил 18 ноябрдаги 477-сон қарорининг 7-банди.

11. Вазирлар Маҳкамасининг «Қимматли қоғозларнинг марказий депозитарийсини ташкил этиш ва унинг фаолияти масалалари тўғрисида» 1999 йил 21 майдаги 263-сон қарори.

12. Вазирлар Маҳкамасининг «Улгуржи ва биржа савдосини ташкил

этиш тизимини такомиллаштириш тўғрисида» 2001 йил 1 майдаги 198-сон қарори 8-бандининг учинчи ва тўртинчи хатбошилари.

13. Вазирлар Маҳкамасининг «Иқтисодий ночор корхоналарни тугатиш ва уларнинг таркибини ўзгартиришга доир қўшимча чора-тадбирлар тўғрисида» 2002 йил 8 октябрдаги 347-сон қарори.

14. Вазирлар Маҳкамасининг «Хусусийлаштиришдан тушадиган маблағларни тақсимлаш тартибини такомиллаштириш тўғрисида» 2003 йил 14 ноябрдаги 512-сон қарори.

15. Вазирлар Маҳкамасининг «Ўзбектелеком» акциядорлик компаниясини хусусийлаштиришга доир қўшимча чора-тадбирлар тўғрисида» 2004 йил 29 сентябрдаги 453-сон қарорининг 1-банди.

16. Вазирлар Маҳкамасининг «Ўзбекистон Республикаси Президентининг «Юридик шахслар ва фуқароларнинг бинолари ҳамда иншоотлари билан банд бўлган ер участкаларини хусусийлаштириш тўғрисида» 2006 йил 24 июлдаги ПФ–3780-сон Фармони аналга ошириш ҳақида» 2006 йил 26 июлдаги 147-сон қарори.

17. Вазирлар Маҳкамасининг «Давлат активларини очик савдоларда сотишга доир қўшимча чора-тадбирлар тўғрисида» 2011 йил 18 июлдаги 207-сон қарори.

18. Вазирлар Маҳкамасининг «Акциядорлик жамиятларида корпоратив бошқарув тизимини янада такомиллаштириш чора-тадбирлари тўғрисида»ги 2014 йил 2 июлдаги 176-сон қарорига 2-илованинг 1-бандидаги «б» кичик банди.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

185 Атом энергияси бўйича халқаро агентликнинг техник ҳамкорлик миллий лойиҳаларини амалга ошириш самарадорлигини таъминлаш чора-тадбирлари тўғрисида*

Атом энергияси бўйича халқаро агентликнинг техник ҳамкорлик миллий лойиҳаларининг амалга оширилишини тартибга солиш, уларни мувофиқлаштириш, шунингдек, амалга оширилаётган техник ҳамкорлик миллий лойиҳаларини амалга оширувчи вазирлик ва идораларнинг масъулиятини янада ошириш мақсадида Вазирлар Маҳкамаси **қарор қилади:**

1. Техник ҳамкорлик миллий лойиҳаларини (кейинги ўринларда — миллий лойиҳалар) ишлаб чиқиш, амалга ошириш тартиби, улар бўйича ҳисобдорлик, шунингдек, миллий лойиҳаларнинг амалга оширилишини мувофиқлаштиришни назарда тутувчи Ўзбекистон Республикасида Атом энергияси бўйича халқаро агентликнинг техник ҳамкорлик миллий лойиҳаларини амалга ошириш тартиби тўғрисидаги низом иловага мувофиқ тасдиқлансин.

2. Вазирлар Маҳкамаси ҳузуридаги Саноат, радиация ва ядро хавфсизлиги қўмитаси миллий лойиҳаларнинг амалга оширилишини мувофиқлаштирувчи ваколатли орган этиб белгилансин.

3. Белгилансинки:

миллий лойиҳаларнинг ташаббускори бўлган вазирлик ва идораларнинг раҳбарлари ушбу лойиҳаларнинг самарали ва ўз вақтида амалга оширилиши, миллий лойиҳани амалга ошириш ҳолатини баҳолаш ҳисоботини ўз вақтида Атом энергияси бўйича халқаро агентликнинг махсус электрон тизимига киритилишига ҳамда миллий лойиҳаларда иштирок бўйича харажатларнинг қопланишига шахсан масъул ва жавобгардирлар;

вазирлик ва идораларнинг миллий лойиҳаларда иштирок этиши билан боғлиқ харажатлари, шу жумладан, миллий лойиҳаларни амалга ошириш учун аввалги миллий лойиҳалар бўйича қарздорликлари Атом энергияси бўйича халқаро агентлик томонидан қарздорликларни тўлаш бўйича сўров юборилгандан сўнг бир ой муддат ичида уларнинг бюджетдан ташқари маблағлари ҳисобидан қопланади.

4. Ушбу қарорнинг бажарилишини назорат қилиш Ўзбекистон Республикаси Бош вазирининг ўринбосари Ж.А. Ходжаев зиммасига юклансин.

Ўзбекистон Республикасининг

Бош вазири

А. АРИПОВ

Тошкент ш.,
2025 йил 21 апрель,
249-сон

* Ушбу қарор «Қонунчилик маълумотлари миллий базаси»да 2025 йил 22 апрелда эълон қилинган.

Вазирлар Маҳкамасининг
2025 йил 21 апрелдаги 249-сон қарорига
ИЛОВА

**Ўзбекистон Республикасида Атом энергияси бўйича халқаро
агентликнинг техник ҳамкорлик миллий лойиҳаларини амалга
ошириш тартиби тўғрисида
НИЗОМ**

1-боб. Умумий қоидалар

1. Ушбу Низом Атом энергияси бўйича халқаро агентликнинг (кейинги ўринларда — АЭХА) техник ҳамкорлик миллий лойиҳаларини (кейинги ўринларда — миллий лойиҳалар) манфаатдор вазирлик ва идоралар томонидан ишлаб чиқиш, амалга ошириш тартиби, шунингдек, уларни амалга оширувчи вазирлик ва идораларнинг масъулияти ҳамда жавобгарлигини белгилайди. Миллий лойиҳалар АЭХА томонидан молиялаштирилади.

2. Ушбу Низомда қуйидаги асосий тушунчалардан фойдаланилади:

АЭХАнинг махсус электрон тизими — миллий лойиҳаларнинг ҳолатини баҳолаш, уларни амалга ошириш ва миллий лойиҳалар бўйича ҳисоботларни киритиш тизими;

ваколатли орган — Вазирлар Маҳкамаси ҳузуридаги Саноат, радиация ва ядро хавфсизлиги қўмитаси;

вербал нота — АЭХА томонидан юбориладиган миллий лойиҳаларни амалга ошириш учун режалаштирилган янги давр учун миллий лойиҳалар концепцияларини ишлаб чиқиш ва тақдим қилиш муддатлари кўрсатилган хабарнома;

миллий лойиҳа бўйича масъул шахс — миллий лойиҳаларни амалга оширувчи вазирлик ва идоралар томонидан лойиҳани режалаштириш, амалга ошириш, мониторинг қилиш ва кўриб чиқиш жараёнлари учун тайинланган масъул вакил;

мамлакатнинг ҳадли дастури — техник ҳамкорлик фаолияти орқали АЭХАга аъзо давлатнинг устувор ривожланиш эҳтиёжлари ва манфаатларини ҳисобга олиш имконини берувчи стратегик режалаштириш воситаси;

мамлакат дастур хабарномаси — режалаштирилган давр учун техник ҳамкорлик дастури доирасида кўриб чиқиладиган АЭХАга аъзо давлатнинг ривожланиш устуворликлари ҳақида умумий маълумотни ўз ичига олган ҳужжат;

мантиқий матрица — миллий лойиҳанинг асосий элементлари (умумий мақсад, якуний натижалар ва лойиҳа бўйича амалга ошириладиган тадбирлар), кўрсаткичлар, уларни текшириш воситалари ва муваффақият ёки муваффақиятсизликка таъсир қилиши мумкин бўлган тахминлар ёки хатарлар тўғрисида тизимлаштирилган маълумотлар;

миллий лойиҳалар даври — миллий лойиҳаларни амалга оширишнинг 2 йилдан ортиқ бўлмаган даври;

миллий лойиҳалар ҳолатини баҳолаш ҳисоботи — миллий лойи-

ҳалар бўйича масъул шахсларга улар томонидан режалаштирилган натижаларга эришиш нуқтаи назаридан лойиҳанинг ҳолатини таҳлил қилиш ва ҳисобот бериш имконини берувчи восита;

миллий лойиҳалар концепцияси — миллий лойиҳаларни асослан-тириш, уларни амалга ошириш мақсади ҳамда кутилаётган натижаларини таснифловчи тамойиллар тизими;

миллий лойиҳаларда иштирок этиш бўйича харажатлар — тасдиқланган янги миллий лойиҳалар учун миллий лойиҳалар ташаббускори бўлган вазирлик ва идоралар томонидан тўланиши лозим бўлган миллий лойиҳа умумий бюджетининг 5 фоизи миқдоридаги маблағ;

техник ҳамкорлик дастурини бошқариш тизими — АЭХАнинг миллий лойиҳаларни ишлаб чиқиш ва бошқариш имконини берувчи платформа.

3. Миллий лойиҳаларнинг амалга оширилишини мувофиқлаштириш мақсадида ваколатли орган раҳбари томонидан миллий лойиҳа даврида миллий лойиҳаларни мувофиқлаштирувчи масъул шахс ҳамда унинг ёрдамчиси тайинланади ва бу ҳақида бир иш кунида АЭХАга хабарнома юборилади.

2-боб. Миллий лойиҳаларни ишлаб чиқиш

4. Миллий лойиҳаларни ишлаб чиқиш АЭХА томонидан ваколатли органга вербал нота келиб тушганидан кейин бошланади ҳамда ушбу Низомга 1-иловада* келтирилган Миллий лойиҳаларни ишлаб чиқиш схемаси бўйича амалга оширилади.

5. Ваколатли орган АЭХА вербал нотаси келиб тушган кундан бошлаб 5 иш куни ичида мамлакатнинг ҳадли дастурига асосан манфаатдор вазирлик ва идораларга ушбу Низомга 2-иловада* келтирилган ишлаб чиқилиши таклиф этилаётган Атом энергияси бўйича халқаро агентликнинг техник ҳамкорлик миллий лойиҳаси тўғрисидаги маълумотнома шаклига мувофиқ маълумотларни тақдим қилиш ҳақида мурожаат хати тайёрлайди ва юборади.

6. Миллий лойиҳаларни амалга оширувчи вазирлик ва идоралар миллий лойиҳаларни амалга оширишдан манфаатдор бўлган тақдирда, ваколатли орган томонидан мурожаат хати олган кунидан бошлаб 15 иш кунида миллий лойиҳалар бўйича маълумотларни тайёрлайди ва ўрнатилган тартибда ваколатли органга тақдим қилади. Маълумотлар давлат ва инглиз тилларида тайёрланади.

Тақдим этилган маълумотлар талаб этилган шаклда бўлмаса ёки белгиланган муддатдан кечиктириб тақдим этилган бўлса, ваколатли орган ушбу маълумотларнинг кўриб чиқилиши ва АЭХАга юборилишини рад этади.

7. Ваколатли орган 10 иш кунидан ортиқ бўлмаган муддатда миллий лойиҳалар бўйича маълумотларни кўриб чиқади, таҳлил қилади, мамлакат учун дастур хабарномасини тайёрлайди ҳамда АЭХА вербал нотасида белгиланган муддатдан кечиктирмаган ҳолда техник ҳамкорлик дастурини бошқариш тизимида жойлаштиради.

Тақдим қилинган миллий лойиҳалар бўйича АЭХАдан таклиф ва эътирозлар келиб тушган тақдирда, ваколатли орган миллий лойиҳаларни амалга

* 1-2-илвалар «Қонунчилик маълумотлари миллий базаси»да эълон қилинган.

оширувчи вазирлик ва идораларга миллий лойиҳалар бўйича қўшимча маълумотлар олиш учун 3 иш кунидан ортиқ бўлмаган муддатда сўров юборади.

8. Мамлакат учун дастур хабарномаси техник ҳамкорлик дастурини бошқариш тизимига жойлаштирилганидан сўнг миллий лойиҳалар бўйича АЭХА томонидан эътирозлар бўлмаган тақдирда, уч ойлик муддатда вазирлик ва идораларнинг миллий лойиҳалари бўйича масъул шахслари мантикий матрица жадвали ва лойиҳа иш режасини ўз ичига оладиган миллий лойиҳалар концепциясини Дастур даврининг бошқариш тизими орқали юборади.

9. Миллий лойиҳа бўйича масъул шахслар миллий лойиҳа концепцияларини АЭХА масъул ходими билан бирга қайта ишлаш ва тасдиқлашга тайёрлашда доимий ҳамкорлик қилади.

10. АЭХА томонидан тасдиқлашга тайёрланган барча миллий лойиҳалар концепцияларининг якуний таҳрири тайёрлиги ҳақидаги хабарнома келиб тушган тақдирда ваколатли орган 5 иш куни мобайнида концепцияларни кўриб чиқади ва Дастур даврини бошқариш тизими орқали тасдиқлайди.

3-боб. Миллий лойиҳаларни амалга ошириш ва улар бўйича ҳисобдорлик

11. Миллий лойиҳаларни амалга ошириш ва ҳисобдорлик ушбу Низомга 3-иловада* келтирилган Миллий лойиҳаларни амалга ошириш ва улар бўйича ҳисобдорлик схемасига мувофиқ амалга оширилади.

12. АЭХА томонидан миллий лойиҳалар тасдиқланганлиги тўғрисида хабарнома олинганидан сўнг ваколатли орган миллий лойиҳаларни амалга оширувчи вазирлик ва идораларга 5 иш куни мобайнида қуйидаги маълумотлар акс этган хабарномани юборади:

миллий лойиҳанинг номи;

тасдиқланган умумий бюджети;

миллий лойиҳаларда иштирок этиш бўйича харажатлар суммаси ва тўловни амалга ошириш муддати.

13. Миллий лойиҳалар амалга оширилиши ва унинг иш режасида бажарилиши кўзда тутилган тадбирларнинг ўз вақтида бошланиши учун вазирлик ва идоралар миллий лойиҳаларда иштирок этиш бўйича харажатлар суммасини ўз муддатида АЭХАга тўланишини таъминлаши шарт.

14. Миллий лойиҳаларни амалга ошириш бошланганидан сўнг миллий лойиҳа бўйича масъул шахслар йил якуни бўйича лойиҳалар ҳолатини баҳолаш ҳисоботини тайёрлайди ва ҳар йили 31 декабрь кунига қадар АЭХАнинг махсус электрон тизимига жойлаштириб боради.

15. Ваколатли орган АЭХАнинг махсус электрон тизими орқали келиб тушган лойиҳа ҳолатини баҳолаш ҳисоботи 5 иш кунидан ортиқ бўлмаган муддатда кўриб чиқади ва ушбу тизимга маълумотлар тўлиқ киритилган тақдирда ҳисоботни тасдиқлайди.

Ҳисоботлар бўйича камчиликлар аниқланган тақдирда, ваколатли орган лойиҳалар ҳолатини баҳолаш ҳисоботини тегишли таклиф ва эътирозлар

* 3-илова «Қонунчилик маълумотлари миллий базаси»да эълон қилинган.

билан АЭХАнинг махсус электрон тизими орқали вазирлик ва идораларнинг миллий лойиҳа бўйича масъул шахсларига қайта ишлашга юборади.

16. Вазирлик ва идораларнинг миллий лойиҳалар бўйича масъул шахслари қайта ишланган лойиҳа ҳолатининг баҳолаш ҳисоботини АЭХАнинг махсус электрон тизимига уч иш кунидан ортиқ бўлмаган муддатда қайтадан жойлаштиради.

17. Миллий лойиҳаларни амалга оширишни назорат қилиш мақсадида вазирлик ва идоралар миллий лойиҳалар доирасида олинган жиҳоз ва ускуналардан мақсадли фойдаланиши ва уларнинг ҳолати ҳамда миллий лойиҳалар билан кўзда тутилган йўналишлар бўйича малакасини оширган мутахассисларнинг олган билимларини амалиётга татбиқ этилиши ҳақидаги ҳисоботларни ҳар чорак якуни бўйича кейинги ойнинг 5-санасига қадар ваколатли органга киритиб боради.

4-боб. Миллий лойиҳаларнинг амалга оширилишини мувофиқлаштириш

18. Миллий лойиҳаларнинг амалга оширилишини мувофиқлаштириш ваколатли орган томонидан амалга оширилади ва қуйидагиларни ўз ичига олади:

миллий лойиҳалар концепцияларини тайёрлаш ва АЭХАга тақдим этиш бўйича тегишли вазирлик ва идоралар билан ҳамкорлик қилиш;

тақдим этилган лойиҳа концепцияларини миллий лойиҳалар ташаббускори бўлган вазирлик ва идоралар билан кўриб чиқиш;

миллий лойиҳалар концепцияларини келишиш ва уларни АЭХАга кўриб чиқиш учун тақдим этиш;

зарур ҳолларда вазирлик ва идораларга миллий лойиҳаларни амалга оширишда кўмаклашиш;

миллий лойиҳаларнинг ўз вақтида бажарилишини ва баҳолаш тартиб-таомилларининг амалга оширилишини таъминлаш;

вазирликлар ва идораларнинг техник ҳамкорлик сиёсати ва жараёнларини тушуниши ва уларга риоя қилинишини таъминлаш;

вазирлик ва идоралар билан ҳамкорликда миллий лойиҳалар бўйича ишларнинг бориши, юзага келаётган муаммолар ва кўрилаётган чора-тадбирларни таҳлил қилиш;

миллий лойиҳалар бўйича масъул шахсларнинг миллий лойиҳаларни ишлаб чиқиш, уларни амалга ошириш ва ҳисобдорлик юзасидан белгиланган тартиб ва қоидалар бўйича АЭХА томонидан ташкиллаштириладиган тадбирларда иштирокини таъминлаш.

5-боб. Миллий лойиҳаларни ишлаб чиқишда ва амалга оширишда вазирлик ва идораларнинг раҳбарлари ҳамда миллий лойиҳалар бўйича масъул шахсларининг ҳуқуқлари, масъулияти ва жавобгарлиги

19. Миллий лойиҳаларини ишлаб чиқишда ва амалга оширишда вазирлик ва идораларнинг раҳбарлари:

ушбу Низомнинг 2-бобида белгиланган тартибда миллий лойиҳаларни ишлаб чиқиш бўйича ваколатли органга ташаббус билан чиқиш;

зарур ҳолларда бошқа вазирлик ва идораларнинг мутахассисларидан иборат ишчи гуруҳлар тузиш;

миллий лойиҳаларнинг самарали ва ўз вақтида амалга оширилишини назорат қилиш;

миллий лойиҳаларни амалга оширишда вазирлик ва идораларнинг эҳтиёжидан келиб чиқиб, миллий лойиҳа бўйича масъул шахс АЭХАга, лойиҳага ажратилган бюджет доирасида, лойиҳанинг иш режасига ўзгартиришлар киритиш ташаббуси билан чиқиш ҳуқуқига эга.

20. Вазирлик ва идораларнинг раҳбарлари:

миллий лойиҳалар бўйича маълумотлар ва концепцияларнинг тайёрланишини ҳамда белгиланган муддатларда АЭХАга тақдим этилишини ташкиллаштиришга;

тасдиқланган миллий лойиҳаларининг миллий лойиҳаларда иштирок этиш бўйича харажатлар суммаси ўз вақтида ва тўлиқ тўланишига;

АЭХА масъул ходимлари кўрсатмаларига мувофиқ миллий лойиҳалар концепцияларини қайта ишлаш ва тасдиқлашга;

миллий лойиҳаларни амалга оширишни баҳолаш ҳисоботини ўз вақтида АЭХАга юборишга;

миллий лойиҳалар доирасида олинган жиҳоз ва ускуналардан мақсадли фойдаланиш ва соз ҳолатда бўлишини таъминлашга масъул ва жавобгардирлар.

21. Миллий лойиҳа бўйича масъул шахслар:

миллий лойиҳаларни ишлаб чиқиш, амалга ошириш юзасидан АЭХА масъул ходимлари билан маслаҳатлашувлар ўтказиш;

АЭХА масъул ходимлари кўрсатмаларига мувофиқ миллий лойиҳалар концепцияларини қайта ишлаш ва тасдиқлашга тайёрлашда иштирок этиш;

миллий лойиҳалар доирасида ташкиллаштириладиган тадбирларда иштирок этиш учун номзодларни тасдиқлаш ҳуқуқига эга.

22. Миллий лойиҳа бўйича масъул шахслар миллий лойиҳалар бўйича маълумотлар, мантикий матрица жадвали ва лойиҳа иш режасини ўз ичига оладиган миллий лойиҳа концепцияларининг пухта ва сифатли тайёрланишига ҳамда уларнинг ўз муддатида АЭХАга юборишга масъул ва жавобгардирлар.

6-боб. Яқунловчи қоида

23. Ушбу Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

186 Ўзбекистон Республикаси фуқароларини хорижда ташкиллаштирилган тартибда ишга жойлаштириш тизимини янада такомиллаштириш чора-тадбирлари тўғрисида*

Ўзбекистон Республикаси Президентининг «Миграция жараёнларини бошқариш тизимини ислоҳ қилиш бўйича биринчи навбатдаги чора-тадбирлар тўғрисида» 2024 йил 17 октябрдаги ПФ–162-сон Фармони ижросини таъминлаш мақсадида Вазирлар Маҳкамаси **қарор қилади:**

1. Ўзбекистон Республикаси Президентининг «Миграция жараёнларини бошқариш тизимини ислоҳ қилиш бўйича биринчи навбатдаги чора-тадбирлар тўғрисида» 2024 йил 17 октябрдаги ПФ–162-сон Фармонига мувофиқ:

Камбағалликни қисқартириш ва бандлик вазирлиги ҳузуридаги Ташқи меҳнат миграцияси агентлиги фаолияти тугатилганлиги ҳамда Вазирлар Маҳкамаси ҳузурида Миграция агентлиги (кейинги ўринларда — Агентлик) ташкил этилганлиги;

Хорижда меҳнат фаолиятини амалга оширувчи шахсларни қўллаб-қувватлаш ҳамда уларнинг ҳуқуқ ва манфаатларини ҳимоя қилиш жамғармаси негизда юридик шахс мақомига эга бўлмаган Миграция жамғармаси ташкил этилганлиги маълумот учун қабул қилинсин.

2. Қўйидагилар:

Ўзбекистон Республикаси Вазирлар Маҳкамаси ҳузуридаги Миграция агентлиги тўғрисидаги низом 1-иловага мувофиқ;

Ўзбекистон Республикаси фуқароларини хорижда меҳнат фаолиятини амалга ошириш учун ташкиллаштирилган ҳолда юбориш тартиби тўғрисидаги низом 2-иловага мувофиқ;

Ўзбекистон Республикаси Вазирлар Маҳкамаси ҳузуридаги Миграция агентлигининг хориждаги ваколатхоналари ходимларининг лавозим маошлари миқдори 3-иловага** мувофиқ;

Хорижда меҳнат фаолиятини амалга ошириш учун кетаётган ҳамда меҳнат миграциясида бўлган фуқароларга субсидия, компенсация ва кредитлар ажратиш тартиби тўғрисидаги низом 4-иловага мувофиқ;

Касбий таълим ташкилотлари ва касбий кўникмалар марказларида фаолият юритаётган чет тили фани ўқитувчиларининг рейтингини аниқлаш ва субсидия бериш тартиби тўғрисидаги низом 5-иловага мувофиқ;

Миграция жамғармаси тўғрисидаги низом 6-иловага мувофиқ тасдиқлансин.

3. Белгилансинки, Агентлик ваколатхоналари мавжуд бўлмаган хорижий давлатларда меҳнат фаолиятини амалга ошираётган фуқароларга ёрдам кўрсатиш билан боғлиқ харажатлар Миграция жамғармаси маблағлари ҳисоби-

* Ушбу қарор «Қонунчилик маълумотлари миллий базаси»да 2025 йил 22 апрелда эълон қилинган.

** 3-илова «Қонунчилик маълумотлари миллий базаси»да эълон қилинган.

дан Ўзбекистон Республикасининг хориждаги дипломатик ваколатхоналари ва консуллик муассасалари орқали молиялаштирилади.

4. Фуқароларга миграция соҳасида кўрсатиладиган хизматларни содда-лаштириш, қўшимча қулайликлар яратиш, хорижий иш берувчилар билан танловларни, тест ва кўниктириш жараёнларини ўтказиш мақсадида Агентлик, Ўзбекистон Республикаси Олий таълим, фан ва инновациялар вазирлиги, Камбағалликни қисқартириш ва бандлик вазирлиги, Давлат активларини бошқариш агентлигининг қўйидаги таклифларига розилик берилсин:

Тошкент шаҳрининг Учтепа тумани Кўкча Оқтепа кўчасида жойлашган Тошкент шаҳридаги Касбий кўникмалар марказининг Учтепа филиали биносида «Хорижга ишга тайёрлаш маркази»ни ташкил этиш ва унда «Ягона дарча» тамойили асосида меҳнат миграциясига доир хизматларни кўрсатиш;

Камбағалликни қисқартириш ва бандлик вазирлигининг Қорақалпоғистон Республикаси, вилоятлар марказлари ва Тошкент шаҳридаги касбий кўникмалар марказлари биноларида алоҳида хоналар ажратган ҳолда Агентлик ҳудудий филиалларини жойлаштириш;

хорижий ҳамда нодавлат таълим ташкилотлари томонидан хорижга вақтинча меҳнат фаолиятини амалга ошириш учун кетаётган фуқароларни касб-хунар ва чет тилларига ўқитиш учун Камбағалликни қисқартириш ва бандлик вазирлигига тегишли Тошкент шаҳрининг Чилонзор тумани Лутфий кўчасидаги 47-уйнинг «Б» ва «Е» корпусларини Агентликка фойдаланиш учун бериш.

Белгилансинки, мазкур банднинг учинчи ва тўртинчи хатбошиларида назарда тутилган касбий кўникмалар марказлари ва корпуслар Агентликка текин фойдаланиш ҳуқуқи асосида берилади, уларни таъмирлаш ва сақлаш харажатлари Миграция жамғармаси маблағлари ҳисобидан амалга оширилади.

5. Ўзбекистон Республикаси Транспорт вазирлиги ва Ички ишлар вазирлиги Агентлик билан биргаликда:

йўловчи автобуслар сонини кўпайтириш орқали хорижга вақтинча меҳнат фаолиятини амалга ошириш учун кетаётган ва қайтаётган фуқароларни ташишда арзон ва тартибли транспорт қатновини йўлга қўйсин;

мамлакатдан ташқарига чиқадиган Ўзбекистон Республикаси фуқаролари билан йўловчи автомобиль транспортида (микроавтобуслар ва автобуслар) ҳаракатланишда хавфсизлик қоидалари ҳамда хорижда бўлиш қоидаларига риоя этиш тўғрисида тушунтириш ишларини (инструктаж) ўтказиб борсин;

Ўзбекистон Республикаси фуқароларининг хавфсизлигини таъминлаш мақсадида Давлат чегараси орқали ўтказиш пунктларида ҳайдовчиларнинг меҳнат ва дам олиш тартибига, йўловчилар ва юklarни ташиш қоидаларига, оғир ва ҳажми катта ўлчамдаги автомобиль ташувлари хавфсизлигини таъминлаш бўйича талабларга риоя этишлари устидан қатъий назоратни ўрнатсин.

6. Ўзбекистон Республикаси Ҳукуматининг 7-иловага мувофиқ айрим қарорларига ўзгартириш ва қўшимчалар киритилсин.

7. Ўзбекистон Республикаси Ҳукуматининг 8-иловага мувофиқ айрим қарорлари ўз кучини йўқотган деб ҳисоблансин.

8. Ушбу қарорнинг бажарилишини назорат қилиш Вазирлар Маҳкамаси ҳузуридаги Миграция агентлиги директори Б.А. Мусаев зиммасига юклансин.

**Ўзбекистон Республикасининг
Бош вазири**

А. АРИПОВ

Тошкент ш.,
2025 йил 22 апрель,
252-сон

Вазирлар Маҳкамасининг
2025 йил 22 апрелдаги 252-сон қарори
1-ИЛОВА

**Ўзбекистон Республикаси Вазирлар Маҳкамаси ҳузуридаги
Миграция агентлиги тўғрисида
НИЗОМ**

1-боб. Умумий қоидалар

1. Ушбу Низом Ўзбекистон Республикаси Вазирлар Маҳкамаси ҳузуридаги Миграция агентлигининг (кейинги ўринларда — Агентлик) мақоми, асосий вазифалари, функциялари, ҳуқуқлари ва жавобгарлигини, фаолиятини ташкил этиш тартибини белгилайди.

2. Агентлик ташқи меҳнат миграцияси соҳасида давлат сиёсатини амалга оширувчи, давлат органларининг ушбу йўналишдаги фаолиятини мувофиқлаштирувчи ва мазкур соҳада давлат хизматларини кўрсатувчи ваколатли республика ижро этувчи ҳокимият органи ҳисобланади.

3. Агентлик республика миллий манфаатларини инобатга олган ҳолда, Ўзбекистон Республикаси фуқароларининг меҳнат миграцияси жараёнларини тартибга солиш ва уларни хорижга ташкиллаштирилган ҳолда юбориш тартиби тўғрисидаги халқаро ҳуқуқ нормалари ва қоидаларига асосланган фаолиятни амалга оширади.

4. Агентлик ўз фаолиятида Ўзбекистон Республикаси Конституцияси-га, Ўзбекистон Республикаси қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президентининг фармонлари, фармойишлари ва қарорларига, Ўзбекистон Республикаси Вазирлар Маҳкамаси қарорлари ва фармойишларига, шунингдек, ушбу Низомга амал қилади.

5. Агентлик бевосита Вазирлар Маҳкамасига бўйсунди ва фаолияти юзасидан ҳисобот беради.

6. Агентлик Ўзбекистон Республикаси Давлат герби тасвири туширилган ва ўз номи давлат тилида ёзилган муҳрга ва бланкаларга, штамп ҳамда ўз фаолияти учун зарур бўлган рамзларга, мустақил балансга, Ўзбекистон Республикаси Иқтисодиёт ва молия вазирлиги ҳузуридаги Ҳазначилик хизмати

қўмитасида ғазна ҳисобварақларига, банк ҳисобварақларига, шу жумладан, хорижий валютадаги ҳисобварақларига эга бўлади.

7. Агентликнинг ваколатхоналари Ўзбекистон Республикаси Давлат герби тасвири туширилган ва ўз номи давлат тилида ёзилган муҳрга, ўз номи ёзилган штамплар, бланкларга эга бўлади.

8. Агентлик Тошкент шаҳрининг Қамарнисо кўчасидаги 1-уйда жойлашган. Почта индекси: 100179.

9. Агентликнинг расмий номи:

а) давлат тилида:

тўлиқ — Ўзбекистон Республикаси Вазирлар Маҳкамаси ҳузуридаги Миграция агентлиги;

қисқартмаси — Миграция агентлиги;

б) инглиз тилида:

тўлиқ — Migration Agency under the Cabinet of Ministers of the Republic of Uzbekistan;

қисқартмаси — Migration Agency;

в) рус тилида:

тўлиқ — Агентство миграции при Кабинете Министров Республики Узбекистан;

қисқартмаси — Агентство миграции.

2-боб. Агентликнинг асосий вазифалари ва функциялари

10. Қуйидагилар Агентликнинг асосий вазифалари ҳисобланади:

ташқи меҳнат миграцияси жараёнларини комплекс тартибга солиш, фуқароларни хорижда меҳнат фаолиятини амалга ошириш учун ташкил-лаштирилган ҳолда юбориш ишларини назорат қилиш ҳамда ушбу фуқароларнинг ҳисобини юритиш;

хусусий бандлик агентликларининг Ўзбекистон Республикасидан ташқарида иш қидираётган шахсларни ишга жойлаштириш бўйича фаолиятини лицензиялаш, улар томонидан лицензия талаблари ва шарт-шароитларига риоя этилишини назорат қилиш;

миграция соҳасида халқаро лойиҳаларни ишлаб чиқиш ва амалга ошириш, фуқароларни хорижда ишга жойлаштириш ва уларнинг меҳнат ҳуқуқларини таъминлаш масалалари бўйича чет давлатларнинг ваколатли органлари билан ҳамкорлик қилиш;

хорижий иш берувчиларнинг талабларидан келиб чиқиб, фуқароларни касб-ҳунар ва чет тилларига ўқитиш ишларини ташкил қилиш, ривожланган давлатларда тан олинадиган малакани баҳолаш ва сертификатлаш тизимларини жорий қилиш;

чет элда вақтинча меҳнат фаолиятини амалга ошириш вақтида ҳуқуқлари бузилган, мураккаб молиявий ва бошқа қийин аҳволда қолган фуқароларни қонунчиликда белгиланган тартибда ҳуқуқий ва ижтимоий ҳимоя қилиш, уларни Ўзбекистон Республикасига қайтаришга кўмаклашиш;

Ўзбекистоннинг хориждаги ва хорижий давлатларнинг республикамизда-

ги дипломатик муассасалари билан доимий ҳамкорлик қилиш, ўзбек диаспоралари ва ватандошлар билан алоқаларни кенгайтириш.

11. Агентлик ўзига юкланган асосий вазифаларга мувофиқ қуйидаги функцияларни амалга оширади:

а) ташқи меҳнат миграцияси жараёнларини комплекс тартибга солиш, фуқароларни хорижга меҳнат фаолиятини амалга ошириш учун ташкиллаштирилган ҳолда юбориш ишларини назорат қилиш ҳамда ушбу фуқароларнинг ҳисобини юритиш соҳасида:

ташқи меҳнат миграцияси соҳасидаги ягона давлат сиёсатини амалга оширади;

Ўзбекистон Республикаси фуқароларини меҳнат фаолиятини амалга ошириш учун хорижга юбориш мақсадида хорижий мамлакатларнинг меҳнат бозорини ўрганади, хорижий иш берувчиларни топади, Ўзбекистон Республикаси фуқароларини ташкиллаштирилган ҳолда танлаш тўғрисида хорижий иш берувчилар ва хусусий агентликлар билан шартномалар тузади ҳамда уларнинг амалга оширилишини таъминлайди;

хорижда ишлаш истаги бўлган Ўзбекистон Республикаси фуқароларини иш берувчилар томонидан танлаб олиш жараёнлари ташкил этилишини назорат қилади ва сайёр қабуллар, учрашувлар ҳамда давра суҳбатларида иштирок этади;

дастлабки мослаштириш тадбирлари ўтказилишини назорат қилади;

ташқи меҳнат миграцияси соҳасини ривожлантириш бўйича норматив-ҳуқуқий ҳужжатлар ва бошқа ҳужжатлар лойиҳаларини ишлаб чиқади ва ишлаб чиқишда қатнашади;

ташқи меҳнат миграция соҳасида халқаро шартномалар лойиҳаларини ишлаб чиқиш ва амалга оширишда қатнашади;

ҳуқуқни қўллаш амалиётини ўрганиш ва умумлаштириш, илғор хорижий ва миллий тажрибани Агентлик фаолиятига жорий этиш бўйича тавсиялар ишлаб чиқади;

меҳнат миграцияси соҳасидаги муаммоларни ўрганади, ушбу соҳани такомиллаштириш бўйича аниқ таклифларни ишлаб чиқади, қонунчиликдаги бўшлиқ ва камчиликларни аниқлаб, уни бартараф қилиш чораларини кўради;

ўз ваколати доирасида Ўзбекистон Республикаси фуқароларини хорижда ташкиллаштирилган ҳолда ишга жойлаштириш соҳасида халқаро ва минтақавий ташкилотлар, хорижий мамлакатларнинг ваколатли органлари билан музокаралар олиб боради, халқаро, давлатлараро ва идоралараро шартномалар, битимлар ва баённомалар лойиҳаларини тайёрлайди;

ўқув курслари ташкил этиладиган касбий таълим ташкилотларида кадрлар тайёрлаш жараёнларини мувофиқлаштириш юзасидан таклифлар тайёрлайди;

хорижда ишга жойлашиш билан боғлиқ, шу жумладан, «ишчи виза»га оид ҳужжатларини расмийлаштириш бўйича бепул консалтинг хизматларини кўрсатади;

хорижда вақтинча меҳнат фаолиятини амалга оширишдаги муаммоларни ҳал қилиш бўйича фуқароларнинг ва иш берувчиларнинг фикрлари,

таклифлари ва қонуний талабларини ўрганади ҳамда таҳлил қилади ва шу асосда уларни ҳал қилишга қаратилган амалий чора-тадбирлар юзасидан таклифлар ишлаб чиқилишини таъминлайди;

хорижда меҳнат фаолиятини амалга ошираётган Ўзбекистон Республикаси фуқароларининг ягона маълумотлар базасини шакллантиришда иштирок этади, шунингдек, хорижий иш берувчилар реестрини юритади;

вақтинча меҳнат фаолиятини амалга ошириш учун хорижга кетиш ис-тагида бўлган ва чет тилларига ўқитилган фуқаролар тўғрисидаги маълумотларни Агентликнинг ҳудудий филиаллари томонидан тегишли тартибда манзилли рўйхатларни шакллантириши ва «Хорижда иш» меҳнат миграцияси электрон дастурий мажмуасига киритилишини назорат қилади;

б) хусусий бандлик агентликларининг Ўзбекистон Республикасидан ташқарида иш қидираётган шахсларни ишга жойлаштириш бўйича фаолиятини лицензиялаш, улар томонидан лицензия талаблари ва шарт-шароитларига риоя этилишини назорат қилиш соҳасида:

хусусий бандлик агентликларининг Ўзбекистон Республикасидан ташқарида иш қидираётган шахсларни ишга жойлаштириш бўйича фаолиятини лицензиялаш учун талабгорларнинг мурожаатларини қабул қилади ва кўриб чиқади;

хусусий бандлик агентликларининг Ўзбекистон Республикасидан ташқарида иш қидираётган шахсларни ишга жойлаштириш бўйича фаолиятини амалга оширишга бўлган ҳуқуқини тасдиқловчи, чекланмаган муддатга бериладиган электрон ҳужжатни (кейинги — ўринларда лицензия) беради ёки беришни рад этади;

Ўзбекистон Республикасидан ташқарида иш қидираётган шахсларни ишга жойлаштириш бўйича фаолиятини амалга ошириш учун лицензияга эга бўлган юридик шахслар томонидан лицензия талаблари ва шартларига риоя этилишини назорат қилади;

лицензияларни қайта расмийлаштиради;

лицензияларнинг амал қилишини тўхтатиб туради, қайта тиклайди;

лицензияларни бекор қилади ёки лицензияларни бекор қилиш тўғрисидаги ариза билан судга мурожаат қилади;

лицензияларни ўзгартиради;

лицензиялар реестрини юритади;

Ўзбекистон Республикасининг «Хусусий бандлик агентликлари тўғрисида»ги Қонунига мувофиқ хусусий бандлик агентликлари томонидан қонунчилик ҳужжатлари талабларига риоя этилишини назорат қилади;

лицензияга эга бўлмаган юридик ва жисмоний шахслар томонидан фуқароларга Ўзбекистон Республикаси ҳудудидан ташқарида иш билан таъминлашни тарғиб қилиш ёки иш билан таъминлаш ҳолатларини текширади;

хусусий бандлик агентликлари ва хорижий иш берувчилар реестрларини юритишини ташкил этади;

хорижий иш берувчилар ва (ёки) рекрутинг агентликларидан жалб қилинган иш ўринларини лицензияга эга хусусий бандлик агентликлари ўртасида тақсимлайди;

в) миграция соҳасида халқаро лойиҳаларни ишлаб чиқиш ва амалга ошириш, фуқароларни хорижда вақтинча ишга жойлаштириш ва уларнинг меҳнат ҳуқуқларини таъминлаш масалалари бўйича чет давлатларнинг ваколатли органлари билан ҳамкорлик қилиш соҳасида:

фуқароларни хорижда меҳнат фаолиятини амалга ошириш учун ташкиллаштирилган ҳолда ишга жойлаштириш, Ўзбекистон Республикасидан ташқарида меҳнат фаолиятини амалга ошириш даврида фуқароларнинг ҳуқуқлари ва қонуний манфаатлари ҳимоя қилинишини таъминлаш масалалари бўйича Ўзбекистон Республикасининг халқаро шартномалари лойиҳаларини ишлаб чиқади ва уларни амалга оширишда иштирок этади ҳамда ушбу йўналишда чет давлатларнинг ваколатли органлари билан ҳамкорлик қилади;

меҳнат миграцияси соҳасида халқаро ташкилотлар ва хорижий давлатларнинг ваколатли ташкилотлари билан музокаралар олиб боради, ҳамкорлик келишувлари лойиҳаларини ишлаб чиқади ва имзоланишини таъминлайди;

хорижий давлатларда меҳнат фаолиятини амалга ошириш истагида бўлган фуқароларга хавфсиз, тартибли ва қонуний меҳнат миграциясини амалга оширишда қулай шарт-шароитлар яратиш мақсадида салоҳиятли хорижий давлат иш берувчиларини излаб топади ва улар билан ҳамкорлик қилиш учун музокаралар олиб боради;

Ўзбекистон Республикаси фуқароларини хорижда меҳнат фаолиятини амалга ошириш учун ташкиллаштирилган ҳолда ишга жойлаштириш масалалари бўйича Ўзбекистон Республикасининг хорижий давлатлар билан ҳамкорлиги тўғрисидаги шартномалар, битимлар, баённомалар ва бошқа ҳужжатлардан келиб чиқадиган тегишли қарорлар ва мажбуриятларнинг хорижий ҳамкорлар ва иш берувчилар томонидан бажарилишини мувофиқлаштиради;

г) хорижий иш берувчиларнинг талабларидан келиб чиқиб фуқароларни касб-ҳунар ва чет тилларига ўқитиш ишларини ташкил қилиш, ривожланган давлатларда тан олинadиган малакани баҳолаш ва сертификатлаш тизимларини жорий қилиш соҳасида:

вақтинча меҳнат фаолиятини амалга ошириш учун хорижга кетаётган Ўзбекистон Республикаси фуқароларини кетишдан олдин мослаштириш, ўқитиш, қайта ўқитиш ва малака ошириш марказлари, тил ўргатиш марказлари фаолиятини, жумладан, давлат-хусусий шериклик шартлари асосида ташкил этади ва бошқаради;

вақтинча меҳнат фаолиятини амалга ошириш учун хорижга кетаётган Ўзбекистон Республикаси фуқароларини касбий таълим ташкилотлари ва касб-ҳунар марказлари ёки нодавлат таълим ташкилотларида касбга ўқитади, кетишдан олдин мослаштиради, қайта тайёрлайди ва малакасини оширади, уларга чет тилларини, хавфсизлик техникаси ва ишлаб чиқаришда меҳнатни ҳимоя қилиш қоидаларини ўргатади;

хорижий ҳамкорлар томонидан ташкил этилган ўқув марказлардаги ўқув курсларида ўқиётган ва курсларни якунлаган фуқаролар электрон базасини шакллантиради;

ривожланган давлатларда тан олинadиган малакани баҳолаш ва сертифи-

катлаш тизимларини жорий қилиш юзасидан хорижий давлатларнинг ваколатли ташкилотлари билан музокаралар ўтказди;

малакани баҳолаш ва сертификатлаш ташкилотларини Ўзбекистон Республикаси ҳудудига жалб қилиш чораларини кўради ва белгиланган тартибда уларнинг фаолиятини расмийлаштиришда қўмаклашади;

д) чет элда вақтинча меҳнат фаолиятини амалга ошириш вақтида ҳуқуқлари бузилган, мураккаб молиявий ва бошқа қийин аҳволда қолган фуқароларни қонунчиликда белгиланган тартибда ҳуқуқий ва ижтимоий ҳимоя қилиш, уларни Ўзбекистон Республикасига қайтаришга қўмаклашиш соҳасида:

Ўзбекистон Республикасининг хориждаги дипломатик ваколатхоналари ва консуллик муассасалари, шунингдек, Агентликнинг хориждаги ваколатхоналари ва вакиллари орқали хорижда ишлаётган Ўзбекистон Республикаси фуқароларининг меҳнат фаолиятининг мониторингини юритади;

хорижда меҳнат фаолиятини амалга ошириш вақтида тазйикқа учраган, мажбурий меҳнатга мажбур қилинган ва таҳқирланган, меҳнат ва бошқа ҳуқуқлари бузилган, мураккаб молиявий аҳволда қолган ва шахсини тасдиқловчи ҳужжатларсиз, тирикчилик учун маблағсиз қолган фуқароларни ҳуқуқий ва ижтимоий ҳимоя қилади, шунингдек, уларни Миграция жамғармаси маблағлари ҳисобидан Ўзбекистон Республикасига қайтаришга қўмаклашади;

ж) Ўзбекистоннинг хориждаги ва хорижий давлатларнинг республика-миздаги дипломатик муассасалари билан доимий ҳамкорлик қилиш, ўзбек диаспоралари ва ватандошлар билан алоқаларни кенгайтириш соҳасида:

салоҳиятли хорижий иш берувчилар билан яқин алоқалар ўрнатиш, уларнинг Ўзбекистон Республикаси фуқароларига нисбатан муносабати ва тасаввурини яхшилаш чораларини кўради;

Ўзбекистон Республикаси фуқароларининг ҳуқуқлари ва қонуний манфаатларини ҳимоя қилиш, миграция соҳасидаги механизмларни такомиллаштириш, қийин ҳаётий вазиятга тушиб қолган мигрантларга юридик, психологик, моддий ва бошқа ёрдам кўрсатишга қаратилган ижтимоий лойиҳаларни амалга оширади;

хорижда вақтинча меҳнат фаолиятини амалга ошираётган фуқароларнинг меҳнат ва маиший шароитларини яхшилайти;

хорижда вақтинча меҳнат фаолиятини амалга ошираётган фуқаролар зич яшайдиган ҳудудларда маданий-маърифий тадбирлар ташкил этади.

Агентлик қонунчилик ҳужжатларига мувофиқ бошқа функцияларни ҳам амалга ошириши мумкин.

3-боб. Агентликнинг ҳуқуқлари ва жавобгарлиги

12. Агентлик ўзига юкланган вазифалар ва функцияларни амалга ошириш учун қуйидаги ҳуқуқларга эга:

хорижга кетаётган Ўзбекистон Республикаси фуқароларини кетишдан олдин тайёрлаш, чет тилига ўқитиш ва имтиҳонга тайёрлашга ихтисослашган марказларни ташкил этиш;

Миграция бўйича республика комиссиясига Агентликнинг хориждаги ваколатхоналарини ташкил этиш ва тугатиш, Агентлик вакиллари учун штат бирликларини очиш ва қисқартириш юзасидан таклифлар киритиш;

хорижда меҳнат фаолиятини амалга ошириш истагида бўлган Ўзбекистон Республикаси фуқароларини касбий таълим ташкилотлари, касб-хунар марказлари ёки нодавлат таълим ташкилотларида чет тилларига ўқитиш ва касб-хунарга ўргатиш ҳамда ўқув дастури якунлари бўйича имтихондан муваффақиятли ўтганларга давлат намунасидаги ҳужжат беришга тавсия этиш;

тузилган шартномаларга мувофиқ хорижда ишлаш учун кадрларни танлаб олиш, уларнинг чет тилларни билишини ва касбга лойиқлигини текшириш, шунингдек, ишга жойлашадиган мамлакатнинг асосий қонунларини тушунтириш;

хорижий ҳамкорлар билан тузилган битимларни (шартномаларни) ҳисобга олган ҳолда, дастлабки саралашдан ўтган Ўзбекистон Республикаси фуқаролари билан уларни хорижда ишга жойлаштиришда хизматлар кўрсатиш бўйича шартномалар тузиш;

хорижий ҳамкорлар билан меҳнат миграцияси соҳасида ҳамкорлик тўғрисида тузилган шартномаларга мувофиқ хорижда ишга юбориладиган номзодлар ҳақида ахборот олиш учун ваколатли органларга мурожаат қилиш;

Миграция бўйича республика комиссияси билан келишган ҳолда, Ўзбекистон Республикаси ҳудудида ва хорижда меҳнат миграциясига оид тадбирлар ўтказиш, улар доирасида меҳмонларни кутиб олиш, кузатиш, овқатланиш, транспорт, совғалар ва халқаро ҳамкорлик доирасидаги масалаларига тааллуқли бошқа тадбирлар харажатларини ўз маблағлари ҳисобидан молиялаштириш;

хорижий ишчи кучини ёлловчи ёки бунга кўмаклашувчи хорижий ташкилотлар билан ўз ваколати доирасида бевосита ўзаро ҳамкорлик қилиш;

Агентликка юкланган вазифаларни бажариш доирасида Агентликнинг ўз маблағлари ҳисобидан вазирлик ва идораларнинг мутахассисларини, бошқа юридик ва жисмоний шахсларни, шу жумладан, шартномавий-ҳуқуқий асосда жалб қилиш;

Агентликнинг хориждаги вакилларини чекланган штатлари сони доирасида бошқа ҳудудларга бириктириш ёки тугатиш;

ваколатига кирадиган масалалар ҳамда унга юкланган вазифалар ва функцияларни бажариш билан боғлиқ бўлган қарорлар, буйруқлар, кўрсатмалар қабул қилиш, зарур бўлганда бошқа давлат ташкилотлари билан биргаликда тегишли қарорлар қабул қилиш;

қонунчилик ҳужжатларида назарда тутилган ҳолларда ваколатига кирадиган масалаларда давлат органлари ва тегишли ташкилотлар билан ҳамкорлик қилиш;

Агентлик ваколатига кирадиган масалаларда белгиланган тартибда судларга аризалар ва даъволар киритиш;

агар қонунчилик ҳужжатларида белгиланган бўлса, маъмурий ҳуқуқбузарликлар тўғрисидаги ишларни белгиланган тартибда кўриб чиқиш ва жарималар солиш;

қонунчиликда белгиланган тартибда бюджетдан ташқари жамғармаларга эга бўлиш;

бўш турган маблағларни банклар депозит ҳисобрақамларига жойлаштириш;

Агентлик номидан белгиланган тартибда шартномалар тузиш;
давлат органлари ва манфаатдор шахслардан ўз ваколати доирасида зарур ахборотларни сўраш ва олиш;

қонунчилик ҳужжатларига мувофиқ бошқа ҳуқуқларга ҳам эга бўлиши мумкин.

13. Агентлик:

ўзига юкланган вазифа ва функцияларни самарали бажариши;
ўзи қабул қилган қарорлар ҳамда буйруқларни ўз вақтида, сифатли ва тўлиқ бажариши;

фаолиятини ривожлантириш бўйича тасдиқланган дастурлар, чора-тадбирлар режаси, «йўл хариталари» ва бошқа дастурий ҳужжатлар ижросини самарали ташкил этиши ва бажариши;

балансидаги мулклар, шу жумладан, кўчмас мулклардан мақсадли фойдаланишга қатъий риоя этиш;

ўзига юкланган вазифа ва функциялар доирасида фуқаролар ҳамда тадбиркорлик субъектларининг ҳуқуқлари ва қонуний манфаатларини ҳимоя қилиши шарт.

Агентликка қонунчилик ҳужжатларига мувофиқ бошқа мажбуриятлар ҳам юкланиши мумкин.

14. Агентлик ўз мажбуриятлари бўйича ихтиёридаги маблағлар билан жавоб беради. Бу маблағлар етарли бўлмаса, муассис давлат муассасасининг мажбуриятлари юзасидан субсидиар жавобгар бўлади.

Агентлик муассиснинг мажбуриятлари бўйича жавоб бермайди.

15. Агентликнинг ўз ваколатлари доирасида қабул қилинган қарорлари республика ва маҳаллий ижро этувчи ҳокимият органлари ҳамда бошқа ташкилотлар, шунингдек, фуқаролар томонидан бажарилиши мажбурийдир.

16. Агентлик ҳудудий филиаллари, хориждаги ваколатхона ва вакиллари мажбуриятлари бўйича қонунчиликда белгиланган тартибда жавоб беради.

17. Агентлик давлат активларини, шу жумладан, уларнинг товар-моддий бойликлари ва бошқа мол-мулкларининг бут сақланиши бўйича моддий жавобгар ҳисобланади.

4-боб. Агентлик мол-мулки ва молия-хўжалик фаолияти

18. Қуйидагилар Агентликнинг мулки ҳисобланади:

муассис томонидан Агентликка оператив бошқарув ҳуқуқи билан бириктирилган ҳамда қонунчилик ҳужжатларига асосан вужудга келган мулк;

қонунчилик ҳужжатларида назарда тутилган бюджет ва бюджетдан ташқари маблағлари ҳамда ўз маблағлари;

қонунчилик ҳужжатларига зид бўлмаган бошқа манбалар ҳисобидан шакллантирилган мулклар.

Агентликнинг даромад келтирувчи фаолият билан шуғулланиш ҳуқуқи мавжуд. Агентликнинг бу даромад ҳисобидан сотиб олинган мол-мулки Агентликнинг мустақил тасарруфига ўтади ва алоҳида балансда ҳисобга олинади.

19. Агентликнинг мулки Агентлик ходимлари ўртасида тақсимланиши мумкин эмас.

20. Агентликнинг мулки қуйидаги ҳолларда қонунчилик ҳужжатларига мувофиқ белгиланган тартибда муассис билан келишган ҳолда тасарруф этилади:

асосий воситаларни сотиш, ҳисобдан чиқариш (бинолари ва иншоотлари, шу жумладан, қурилиши тугалланмаган бинолари ва иншоотларидан ташқари);

Ўзбекистон Республикаси Қурилиш ва уй-жой коммунал хўжалиги вазирлиги ҳузуридаги Қурилиш ва уй-жой коммунал хўжалиги соҳасида назорат қилиш инспекциясининг ҳудудий бўлинмалари, қурилиш соҳасидаги лойиҳалаштириш ташкилотлари, махсус лицензияга эга бўлган ташкилотлар ҳамда илмий-тадқиқот муассасаларининг хулосасига мувофиқ яроқсиз деб топилган ҳамда ваколатли органлар томонидан бузиш тўғрисида қарор қабул қилинган кўчмас мулк объектларини бузиш;

автотранспорт воситаларини харид қилиш, бино ва иншоотларни сотиб олиш ва/ёки қуриш;

мулкни Агентлик фаолияти мақсадларига мувофиқ бўлмаган бошқача тарзда тасарруф этиш.

21. Агентлик даромад келтирадиган қуйидаги хизматларни кўрсатади:

вақтинча меҳнат фаолиятини амалга ошириш учун хорижга кетаётган Ўзбекистон Республикаси фуқароларига авиа, темир йўл ва автотранспорт чипталарини харид қилишда ва бошқа транспорт-логистика масалаларини ҳал қилишда кўмаклашиш;

хорижда ишга жойлашиш учун зарур ҳужжатларни расмийлаштиришда кўмаклашиш;

жисмоний ва юридик шахслар талабномалари бўйича иш жараёнига жалб этилмаган Агентлик транспорт воситаларини жалб қилиш орқали транспорт хизматларини кўрсатиш;

Ўзбекистон Республикаси фуқароларини ва чет эл фуқароларини меҳмонхоналарга жойлаштириш бўйича шартнома асосида хизматлар кўрсатиш;

қонунчилик ҳужжатларида тақиқланмаган бошқа хизматлар.

22. Даромад Агентлик молия-хўжалик фаолиятининг асосий умумлаштирувчи кўрсаткичи ҳисобланади.

23. Қуйидагилар Агентликнинг молиявий ресурсларини шакллантириш манбалари ҳисобланади:

даромад келтирадиган фаолият билан шуғулланишдан тушган фойда (даромад);

чет эл фуқароларига Ўзбекистон Республикаси ҳудудида меҳнат фаолиятини амалга ошириш ҳуқуқини берадиган тасдиқномалар учун йиғимларнинг бир қисми;

Ўзбекистон Республикаси фуқароларини ишга жойлаштириш, касбга

тайёрлаш, кетишдан олдин мослаштириш, қайта тайёрлаш ва уларнинг ма-лакасини ошириш, уларга чет тилларини, техника хавфсизлиги ва меҳнатни муҳофаза қилиш қоидаларини ўргатиш бўйича кўрсатиладиган хизматлардан олинган маблағлар;

қонунчилик ҳужжатларида тақиқланмаган бошқа манбалар.

24. Агентлик Ўзбекистон Республикаси қонунчилик ҳужжатларига муво-фиқ вазифалар ва функцияларни бажариш учун ташқи иқтисодий фаолиятни амалга ошириш ҳуқуқига эга.

25. Хўжалик фаолиятидан тушган валюта тушуми Агентликнинг валю-та ҳисобрақамига ўтказилади ва ундан қонунчиликда белгиланган тартибда фойдаланилади.

26. Агентлик ўз фаолиятининг оператив ва бухгалтерия ҳисобини, шу-нингдек, статистика ҳисоботини юритади.

27. Агентлик марказий аппарати ва ҳудудий филиаллари фаолияти Агентликнинг даромад келтирадиган фаолиятдан тушган маблағлар ҳамда қонунчилик ҳужжатларида тақиқланмаган бошқа маблағлар ҳисобидан мо-лиялаштирилади ва моддий-техник таъминланади.

Агентликнинг хориждаги ваколатхоналари ва вакиллари фаолияти Миг-рация жамғармаси маблағлари ҳисобидан молиялаштирилади.

28. Агентлик ходимларининг иш ҳақи лавозим маоши, мукофотлар, қў-шимча тўловлар, устамалар ва қонунчилик ҳужжатларида тақиқланмаган бошқа тўловлардан иборат.

5-боб. Агентликка раҳбарлик қилиш

29. Агентликка Ўзбекистон Республикаси Президенти томонидан лаво-зимга тайинладиган ва лавозимдан озод этиладиган директор раҳбарлик қилади.

Агентлик директори мақоми, тиббий ва маиший таъминот шароитлари бўйича вазирга тенглаштирилади.

30. Агентлик директори қуйидаги функцияларни бажаради:

Агентликка умумий раҳбарлик қилади, унинг жорий фаолиятини ташкил этади ва ўз зиммасига юкланган вазифалар бажарилиши учун жавоб беради; давлат органлари, юридик ва жисмоний шахслар, шу жумладан, хорижий давлатларнинг давлат органлари, юридик ва жисмоний шахслари, шунингдек, халқаро ташкилотлар билан муносабатларда Агентлик номидан иш юритади;

Агентлик ва Миграция жамғармаси фаолиятини, шу жумладан пул маб-лағларини сарфлаш самарадорлиги ва натижадорлигини назорат қилади;

Агентликнинг штатлар жадвали, бизнес режаси ва сметаларини тас-диқлайди;

Агентлик, унинг ҳудудий филиаллари ва хориждаги ваколатхоналари ту-зилмасини тасдиқлайди, ходимларини лавозимга тайинлайди ва лавозимдан озод қилади, шунингдек, белгиланган тартибда уларни рағбатлантиради;

Агентлик фаолиятининг самарадорлиги ва натижадорлигини баҳолаш ме-зонлари ҳамда индикаторларини тасдиқлайди;

кадрларнинг қайта тайёрланишини ва малакаси оширилишини ташкил этади;

жисмоний ва юридик шахслар муружаатларини кўриб чиқади, шунингдек, Агентлик ваколатига кирадиган масалалар юзасидан қонунчилик ҳужжатлари бузилишини бартараф этиш юзасидан зарур хатти-ҳаракатларни амалга оширади;

Агентлик марказий аппарати таркибий бўлинмалари, унинг ҳудудий филиаллари ва хориждаги ваколатхоналари бошлиқлари ва ходимлари ҳамда меҳнат миграцияси масалалари бўйича атташелар фаолияти самарадорлигини баҳолаш тартибини тасдиқлайди.

Агентликка юкланган вазифаларга мувофиқ бошқа функцияларни бажаради.

31. Агентлик директори қуйидаги ҳуқуқларга эга:

Агентлик фаолиятига умумий раҳбарлик қилиш;

Агентлик ходимлари билан қонунчилик ҳужжатларида белгиланган тартибда меҳнат шартномаларини тузиш ва бекор қилиш;

Агентлик ходимлари бажариши шарт бўлган буйруқларни қабул қилиш ҳамда кўрсатмалар бериш;

Агентлик номидан ишончномасиз фаолият кўрсатиш;

Агентликка юкланган вазифаларни бажариш доирасида давлат органлари, илмий-таълим муассасаларининг юқори малакали мутахассисларини, шу жумладан, хорижий мутахассис ва экспертларни шартнома асосида жалб этиш;

Агентликнинг марказий аппарати, ҳудудий филиаллари, хориждаги ваколатхоналари тузилмаларига бошқарув ходимларининг белгиланган умумий штатлар сони ва меҳнатга ҳақ тўлаш фонди доирасида ўзгартиришлар кириштиш;

меҳнатга ҳақ тўлаш фондидан тежаб қолинган маблағларни Агентлик, унинг ҳудудий филиаллари ва хориждаги ваколатхоналари ходимларини моддий рағбатлантиришга йўналтириш;

Агентлик директори қонунчилик ҳужжатларида назарда тутилган бошқа ҳуқуқларга ҳам эга бўлиши мумкин.

32. Агентлик директори:

Ўзбекистон Республикаси Конституцияси ва қонунлари, Ўзбекистон Республикаси Президентининг тегишли ҳужжатлари, Вазирлар Маҳкамасининг қарорлари ва бошқа қонунчилик ҳужжатлари билан Агентликка юкланган вазифа ва функциялар бажарилишини ташкил этиши;

Агентлик олдига қўйилган вазифаларнинг бажарилишини ташкил этиши ва назорат қилиши;

давлат сирлари ёки қонун билан қўриқланадиган бошқа сирни ташкил этувчи маълумотлар билан ишлашда қонунчилик ҳужжатларида белгиланган талабларга риоя қилиши;

ўз фаолияти билан боғлиқ прогноз кўрсаткичлари, даврий иш режалари ва фаолияти самарадорлигини баҳолаш кўрсаткичлари ҳамда мезонларига сўзсиз эришилишини таъминлаши;

фаолиятини ривожлантириш бўйича тасдиқланган дастурлар, чора-тадбирлар режаси, «йўл хариталари» ва бошқа дастурий ҳужжатларни самарали амалга ошириши;

жисмоний ва юридик шахсларнинг ҳуқуқлари ҳамда қонуний манфаатларини ҳимоя қилиши шарт.

Агентлик директори қонунчилик ҳужжатларида назарда тутилган бошқа мажбуриятларни ҳам бажаради.

33. Агентлик директори Вазирлар Маҳкамаси томонидан лавозимга тайинладиган ва лавозимдан озод этиладиган икки нафар ўринбосарга эга.

Агентлик директори ўринбосарлари мақоми, тиббий ва маиший таъминот шароитлари бўйича вазир ўринбосарларига тенглаштирилади.

Агентлик директори ва унинг ўринбосарларининг хорижий давлатларга хизмат сафарлари Вазирлар Маҳкамаси рухсати билан амалга оширилади.

6-боб. Ҳисобдорлик

34. Агентлик қонунчилик ҳужжатларида назарда тутилган ҳолларда ҳар йили ҳисобот даври тугагач, Вазирлар Маҳкамасига давлат муассасаси фаолияти тўғрисида ҳисобот тақдим этади.

Агентлик Вазирлар Маҳкамаси ва Миграция бўйича республика комиссиясига бевосита ҳисобдор бўлади.

35. Агентликда қонунчиликда белгиланган тартибда ташқи аудит ўтказилади.

36. Қонунчилик ҳужжатларида белгиланган тартибда ваколатли органлар Агентлик директори зиммасига юкланган вазифалар самарали бажарилиши юзасидан уларнинг фаолияти устидан мунтазам мониторинг юритади, мониторинг натижаларига кўра давлат муассасаси фаолияти самарадорлигига ҳолисона баҳо беради.

37. Ҳужжатларнинг сақланиши ва белгиланган тартибда сақлашга берилиши учун Агентлик директори шахсан жавобгар ҳисобланади.

38. Агентликда белгиланган тартибда ташкил этиладиган Жамоатчилик кенгаши фаолият юритади.

7-боб. Агентлик фаолиятининг самарадорлиги ва натижадорлигини баҳолаш мезонлари ҳамда кўрсаткичлари

39. Агентлик фаолиятининг самарадорлиги ва натижадорлиги мунтазам равишда баҳолаб борилади.

Агентлик директори ва унинг ўринбосарлари фаолиятининг энг муҳим самарадорлик кўрсаткичлари Вазирлар Маҳкамаси томонидан тасдиқланади.

40. Агентлик марказий аппарати таркибий бўлинмалари, унинг ҳудудий филиаллари ва хориждаги ваколатхоналари бошлиқлари ва ходимлари ҳамда меҳнат миграцияси масалалари бўйича атташелар фаолияти самарадорлиги Агентлиги директори томонидан тасдиқладиган фаолият самарадорлиги ва натижадорлигини баҳолаш мезонлари асосида баҳоланади.

41. Агентлик фаолиятининг самарадорлиги ва натижадорлиги баҳолаш якунлари бўйича:

Агентлик раҳбарлари ва ходимларини рағбатлантириш (мукофотлаш) ёки интизомий жавобгарлик чоралари;

Агентлик фаолиятида аниқланган камчиликларни бартараф этиш ва унинг фаолиятини янада такомиллаштириш чоралари кўрилади.

8-боб. Агентлик ходимларини моддий-техник таъминлаш ва рағбатлантириш чора-тадбирлари

42. Меҳнатга ҳақ тўлаш жамғармаси, бюджетдан ташқари жамғармалар маблағлари ва қонунчилик ҳужжатларида тақиқланмаган бошқа маблағлар Агентлик ходимларига иш ҳақи тўлаш ҳамда уларни моддий рағбатлантириш манбалари ҳисобланади.

43. Агентлик ходимларини, жумладан ваколатхона (вакиллик) ходимларини меҳнатига ҳақ тўлаш ва уларни моддий рағбатлантириш тартиби Иқтисодиёт ва молия вазирлиги билан келишилган ҳолда, Агентлик раҳбарияти томонидан тасдиқланади.

9-боб. Якунловчи қоида

44. Агентлик қонунчилик ҳужжатларида белгиланган тартибда қайта ташкил этилади ва тугатилади.

Вазирлар Маҳкамасининг
2025 йил 22 апрелдаги 252-сон қарорига
2-ИЛОВА

**Ўзбекистон Республикаси фуқароларини хорижда меҳнат
фаолиятини амалга ошириш учун ташкиллаштирилган ҳолда
юбориш тартиби тўғрисида
НИЗОМ**

1-боб. Умумий қоидалар

1. Ушбу Низом Ўзбекистон Республикаси фуқароларини чет элга меҳнат фаолиятини амалга ошириш учун ташкиллаштирилган ҳолда юбориш тартибини белгилайди.

2. Ушбу Низомда қуйидаги асосий тушунчалардан фойдаланилади:

ихтиёрий рўйхатдан ўтган фуқаро — хорижий давлатга вақтинча меҳнат фаолиятини амалга ошириш учун кетишдан олдин «Хорижда иш» меҳнат миграцияси электрон дастурий мажмуасида ихтиёрий рўйхатдан ўтган Ўзбекистон Республикаси фуқароси;

иш берувчилар реестри — ташкиллаштирилган ҳолда юбориш ва хорижда ишга жойлаштиришда иштирок этувчи хорижий иш берувчилар рўйхати;

ишга жойлаштириладиган давлат — меҳнат мигранти вақтинча меҳнат фаолиятини амалга оширадиган хорижий давлат;

иш изловчи шахс (талабгор) — мақбул келадиган иш жойини танлаш ва хорижда ишга жойлашишга кўмаклашиш хизматларидан фойдаланиш учун юбуровчи ташкилотга мурожаат қилган жисмоний шахс, Ўзбекистон Республикаси фуқароси;

лицензия — юридик шахсларга Ўзбекистон Республикасидан ташқарида иш қидираётган шахсларни ташкиллаштирилган ҳолда ишга жойлаштириш бўйича фаолиятни амалга ошириш ҳуқуқини берувчи рухсат этиш хусусиятига эга ҳужжат;

меҳнат мигрантлари — хорижда вақтинча меҳнат фаолиятини амалга оширувчи Ўзбекистон Республикаси фуқаролари, Ўзбекистон Республикасининг хориждаги ваколатхоналари ва дипломатик миссияларида ишловчи шахслар бундан мустасно;

мавсумий меҳнат миграцияси — мавсумий тусга эга бўлган ва фақат йилнинг бир қисмида вақтинча меҳнат фаолиятини амалга ошириш мақсадида бориш;

танлаш — хорижий иш берувчилар ва (ёки) уларнинг хорижий ишчиларни ишга жойлаштириш соҳасида фаолият кўрсатувчи ваколатли хорижий ташкилотларининг буюртманомалари бўйича Ўзбекистон Республикаси фуқароларини хорижда ишга жойлаштиришни таъминлаш мақсадида юбуровчи ташкилот томонидан амалга ошириладиган тадбирлар мажмуи;

хорижий иш берувчи — ишга жойлаштириладиган давлатнинг қонунчилик ҳужжатларида меҳнат мигрантларни ёллаш ҳуқуқи берилган хорижий давлатнинг жисмоний ёки юридик шахси;

«Хорижда иш» меҳнат миграцияси электрон дастурий мажмуаси — Ўзбекистон Республикаси Вазирлар Маҳкамаси ҳузуридаги Миграция агентлигининг (кейинги ўринларда — Агентлик) махсус электрон платформа рўйхатга олиш тизими бўлиб, унинг ёрдамида Ўзбекистон Республикаси фуқаролари, юбуровчи ташкилотлар ҳамда Камбағалликни қисқартириш ва бандлик вазирлигининг Камбағалликни қисқартириш ва бандликка кўмаклашиш бўлимлари (кейинги ўринларда — Бандликка кўмаклашиш бўлимлари) хорижда иш изловчиларнинг зарур маълумотларини киритиши мумкин;

юбуровчи ташкилот — Агентлик, шунингдек, Ўзбекистон Республикасидан ташқарида иш қидираётган шахсларни ишга жойлаштириш бўйича фаолиятни амалга ошириш учун лицензияга эга бўлган хусусий бандлик агентликлари.

3. Ўзбекистон Республикаси фуқаролари хорижда меҳнат фаолиятини амалга ошириш учун ташкиллаштирилган ҳолда юбуровчи ташкилотлар томонидан ушбу Низомда ва бошқа қонунчилик ҳужжатларида белгиланган тартибда юборилади.

4. Юбуровчи ташкилот Ўзбекистон Республикасидан ташқарида иш қидираётган шахсларни ишга жойлаштириш хизматларини кўрсатиш учун чет эллик иш берувчи ва (ёки) чет эллик шерик билан ҳамкорлик тўғрисида шартнома тузади.

5. Юбуровчи ташкилот томонидан Ўзбекистон Республикасидан ташқарида иш қидираётган шахсларни ишга жойлаштириш бўйича чет эллик иш берувчи ва (ёки) чет эллик шерик билан ҳамкорлиги тўғрисидаги шартноманинг давлат тилига таржима қилинган матни ушбу ташкилотнинг расмий веб-сайтида жойлаштирилади.

6. Юбуровчи ташкилот Ўзбекистон Республикасидан ташқарида иш қидираётган шахсларни ишга жойлаштириш бўйича чет эллик иш берувчи ва (ёки) чет эллик шерик билан ҳамкорлиги тўғрисида шартномани тузмасдан, Ўзбекистон Республикасидан ташқарида иш қидираётган шахсларни ишга жойлаштириш хизматларини кўрсатиши тақиқланади.

7. Агентликка Ўзбекистон Республикасидан ташқарида иш қидираётган шахсларни ташкиллаштирилган ҳолда ишга жойлаштириш бўйича фаолиятни амалга ошириш учун лицензия олиш талаб этилмайди.

8. Агентлик хорижий иш берувчилар ва (ёки) рекрутинг агентликларидан жалб қилинган иш ўринларини лицензияга эга хусусий бандлик агентликлари ўртасида тақсимлайди, Ўзбекистон Республикасининг халқаро шартнома-сида ва идоравий келишувларида назарда тутилган ҳоллар бундан мустасно.

2-боб. «Хорижда иш» меҳнат миграцияси электрон дастурий мажмуаси маълумотлар базасини шакллантириш тартиби

9. «Хорижда иш» меҳнат миграцияси электрон дастурий мажмуаси талабгорларнинг фамилияси, исми ва отасининг исми, паспорт маълумотлари, туғилган санаси ва йили, яшаш жойи, телефон рақамлари, маълумоти, мутахассислиги, иш тажрибаси, бошқа кўникмалари, фотосуратларини ўз ичига олади.

10. Қуйидаги маълумотлар «Хорijda ish» меҳнат миграцияси электрон дастурий мажмуаси маълумотлар базасига киритиладиган ахборот манбалари ҳисобланади:

талабгор томонидан мустақил киритилган ахборот;

талабгорнинг розилиги билан юбуровчи ташкилот томонидан киритилган ахборот;

талабгорнинг розилиги билан Бандликка кўмаклашиш бўлимлари томонидан киритилган ахборот.

11. «Хорijda ish» меҳнат миграцияси электрон дастурий мажмуасида рўйхатдан ўтказилган ҳар бир талабгорга рўйхатдан ўтказилган шахсий рақам берилади.

12. Талабгор «Хорijda ish» меҳнат миграцияси электрон дастурий мажмуасига киритилишидан олдин унга Ўзбекистон Республикаси фуқароларини тегишли лицензия асосида хорижий давлатга ташкиллаштирилган ҳолда ишга юборадиган юридик шахс томонидан ёзма шаклда билдиришнома берилади.

13. Билдиришномада Ўзбекистон Республикаси фуқароларини тегишли лицензия асосида хорижий давлатга ташкиллаштирилган ҳолда ишга юборадиган юридик шахс томонидан шартнома мажбуриятлари бажарилмаган ёки лозим даражада бажарилмаган тақдирда, мурожаат қилиш учун хусусий бандлик агентлигининг ҳамда Агентликнинг почта манзиллари ҳамда боғланиш учун телефон рақамлари кўрсатилади.

14. Шахсий маълумотлар ҳақидаги ахборот учинчи шахсларга берилмайди, қонунчилик ҳужжатларида белгиланган ҳолатлар бундан мустасно.

15. Талабгорнинг мурожаати ва тақдим этган маълумотлари асосида юбуровчи ташкилот «Хорijda ish» меҳнат миграцияси электрон дастурий мажмуасида унинг маълумотлар базасини мустақил равишда шакллантириш ҳуқуқига эга.

Маълумотларнинг ҳаққонийлиги юзасидан жавобгарлик талабгорга юкланади.

16. Бандликка кўмаклашиш бўлимлари талабгорларни Ўзбекистон Республикаси ҳудудида ишга жойлаштириш учун «Хорijda ish» меҳнат миграцияси электрон дастурий мажмуаси маълумотлар базасидан фойдаланиши мумкин.

17. «Хорijda ish» меҳнат миграцияси электрон дастурий мажмуасида тақдим этилган ахборотнинг ишончлилиги учун талабгор шахсан жавобгар.

3-боб. Хорижда иш берувчиларни излаш

18. Талабгор хорижда меҳнат фаолиятини амалга ошириш учун Иш берувчилар реестрига киритилган иш берувчилар билан биргаликда ташкиллаштирилган ҳолда юборилади.

19. Иш берувчилар реестрига хорижий иш берувчилар тўғрисидаги маълумотлар:

Агентлик маълумотлари;

Ўзбекистон Республикаси дипломатик ваколатхоналарининг Атташеси, Агентликнинг хориждаги ваколатхоналари раҳбарларидан (вакиллари) ва

юбуровчи ташкилотлардан ушбу Низомга 1-иловага* мувофиқ юборилган талабнома асосида киритилади.

20. Иш берувчилар реестри Агентлик томонидан юритилади ҳамда унинг расмий веб-сайтига жойлаштирилади.

21. Иш берувчилар реестри маълумотлари очиқ ҳисобланиб, улардан барча юбуровчи ташкилотлар фойдаланиши учун Агентлик веб-сайтида эълон қилинади.

22. Иш берувчилар реестрига киритилмаган, шунингдек, Ўзбекистон Республикасида ёки ишга жойлаштириладиган давлатларда ҳам аввал меҳнат тўғрисидаги ва бошқа қонунчилик ҳужжатларини бузган хорижий иш берувчилар талабгорларни хорижда ишга жойлаштириш учун танлаш ман этилади.

23. Агентликда ҳолис, очиқ ва ишончли ахборотни шакллантириш мақсадида Меҳнат миграцияси масалалари бўйича атташе, Агентликнинг хориждаги ваколатхоналари раҳбарлари (вакиллари) ва юбуровчи ташкилот доимий асосда:

меҳнат мигрантларини бошқа мамлакатларда ишга жойлаштириш имкониятлари тўғрисида ахборот тўплайди;

бўлажак иш берувчилар билан музокаралар ўтказди;

хорижий иш берувчи томонидан тақдим этилган меҳнат шартномаси шартларини, меҳнат қилиш ва яшаш шарт-шароитларини батафсил ўрганади.

24. Хорижий иш берувчи томонидан қоидабузарликлар тўғрисида ахборот олинган ҳолларда, Агентлик ходимлари ва/ёки Меҳнат миграцияси масалалари бўйича атташе фуқаролар ишга жойлаштирилган жойларга бориб ўрганади ва ўрганиш якунлари бўйича далолатнома тузилади.

25. Ўрганиш якунлари бўйича тузилган далолатнома қоидабузарлик мавжудлиги тасдиқланган тақдирда, Агентлик хорижий ишончсиз иш берувчини Иш берувчилар реестридан чиқариш бўйича тегишли чоралар кўради.

26. Иш берувчилар реестридан чиқарилган ташкилотларда аввал ишга жойлашган ва меҳнат фаолиятини давом эттиришни хоҳловчи меҳнат мигрантларига нисбатан талабгор ва юбуровчи ташкилот ўртасидаги барча келишилган шартлар тўлиқ бажарилгунга қадар сақлаб қолинади.

27. Агентлик томонидан хорижий иш берувчининг айби билан ишсиз қолган меҳнат мигрантларига нисбатан уларни такроран ишга жойлаштириш ёки ватанига қайтариш чоралари кўрилади.

4-боб. Талабгорларни танлаб олиш ва кетишдан олдин мослаштириш

28. Юбуровчи ташкилот талабгорларни «Хорижда иш» меҳнат миграцияси электрон дастурий мажмуаси маълумотлар базаси маълумотлари, ўз маркетинг ишланмалари асосида хорижий иш берувчи билан олдиндан келишув бўйича танлайди.

Ўзбекистон Республикаси фуқароларини хорижий давлатга ташкиллаштирилган ҳолда ишга юборадиган юридик шахс шартнома асосида та-

* 1-илова «Қонунчилик маълумотлари миллий базаси»да эълон қилинган.

лабгорга ишга жойлаштириш соҳасида ахборот ва маслаҳат хизматларини кўрсатади.

Ишга жойлаштириш соҳасида хизматлар кўрсатиш тўғрисидаги шартномалар асосида тақдим этиладиган ахборот ва маслаҳат хизматларининг қиймати қонунчилик ҳужжатларида белгиланади.

Юборовчи ташкилотлар томонидан кўрсатиладиган хизматлар қиймати улар томонидан мустақил белгиланади.

29. Ташкиллаштирилган ҳолда хорижга чиқиб кетаётган талабгорлар ишга юборилишидан олдин касбий таълим ташкилотлари, касб-хунар марказлари ёки нодавлат таълим ташкилотларида касб-хунарга ўқитилади, хорижий иш берувчининг малака талабларига жавоб берадиган талабгор бундан мустасно.

Юборовчи ташкилот талабгордан унинг малакасини ва чет тилини билиш даражасини тасдиқловчи ҳужжатни сўраш ҳуқуқига эга.

Агар талабгор малакасини тасдиқловчи ҳужжати бўлмаса, касбий таълим ташкилотлари, касб-хунар марказлари ёки нодавлат таълим ташкилотларида касб-хунарга ўқитилади.

30. Юборовчи ташкилот талабгорнинг чет тилини билишини ва касбга яроқлилигини текшириш ҳуқуқига эга.

31. Хорижий иш берувчи томонидан билдирилган малака ва тил билиш даражаси бўйича талабларга жавоб бермайдиган, шунингдек, чет элга чиқиши чекланган талабгорни ташкиллаштирилган ҳолда юбориш ман этилади.

32. Юборовчи ташкилот хорижий иш берувчи билан келишувларига мувофиқ ишга жойлаштириладиган давлатга талабгорларни юбориш учун гуруҳ тузади.

33. Гуруҳ тузиш якунлари бўйича юборовчи ташкилот хорижда ишга жойлаштириш юзасидан хизматлар кўрсатиш тўғрисида талабгор билан шартнома тузади.

Юборовчи ташкилот томонидан хизматлар кўрсатиш тўғрисидаги шартнома «Хорijda ish» меҳнат миграцияси электрон дастурий мажмуасида реал вақт режимида рўйхатдан ўтказилади.

34. Юборовчи ташкилот юборилаётган мамлакатларнинг ўзига хослигидан келиб чиқиб, хорижда вақтинча меҳнат фаолиятини амалга оширувчи фуқаронинг рақобатбардошлигини ошириш бўйича уларнинг ўқув-тайёргарлик, мослаштириш тадбирларидан дастлабки тарзда ўтказилишини таъминлайди, шу жумладан:

талабгорни хорижий иш берувчи билан тузиладиган меҳнат шартномаси лойиҳаси, яшаш ва меҳнат шароитлари билан таништириши;

талабгорни тиббий кўрикдан ўтказиши, шу жумладан, сил, руҳий, таносил касалликлари бор ёки йўқлиги ва гиёҳванд моддалар истеъмол қилиш ёки истеъмол қилмаслигини текшириши;

заруратга кўра чиқиш визасини олиш учун тегишли ҳужжатларни расмийлаштиришда талабгорга кўмаклашиши шарт.

35. Юборовчи ташкилот жўнатиш тадбирларидан олдин талабгор ишга жойлаштириладиган давлат тилини, анъаналари ва қонунчилигини ўргатиш, хавфсизлик техникаси, диний экстремизм ва терроризмнинг, таносил касал-

ликлари ва ОИВ-инфекцияси тарқалишининг олдини олиш бўйича Агентлик томонидан ташкил қилинадиган қисқа муддатли курсларга талабгорни йўналтириш, ўқишини, курс якуни бўйича имтиҳонларда иштирокини ҳамда сертификатга эга бўлишини таъминлаш мажбуриятини олади.

36. Юборовчи ташкилот талабгор ҳаёти ва соғлиғини ажратиладиган субсидия ҳисобидан суғурта қилиш жараёнини ташкил этади.

Талабгорда атрофдагиларга хавф туғдирадиган касалликлар ва вақтинча меҳнат фаолиятини амалга оширишга тўсқинлик қилувчи касалликлар аниқланса, талабгор тўлиқ соғайиб кетгунигача қадар кетишдан олдин мослаштиришдан четлатилади.

5-боб. Талабгорни жўнатиш

37. Талабгор учун қулай шарт-шароитлар ва қулайликлар яратиш мақсадида юборовчи ташкилот темир йўл, авиа ва автотранспортга йўл чипталарини банд қилади. Келишувга кўра йўл чипталари талабгор ёки иш берувчи томонидан харид қилинади.

38. Талабгорни республикадан ташқарида вақтинча меҳнат фаолиятини амалга ошириш жойига хавфсиз кузатиб қўйиш, йўлда йўл-транспорт ҳодисаларининг олдини олиш мақсадида талабгорлар тегишли лицензияга эга ташувчилар орқали юборилади.

39. Талабгор ишга жойлаштириладиган давлатга хорижий иш берувчи билан келишган ҳолда, юборовчи ташкилотнинг ходими ҳамроҳлигида гуруҳ бўлиб жўнатилади.

40. Ўтказилган тадбирлар якунлари бўйича ушбу Низомга 2-иловага* мувофиқ шакл бўйича талабгорни ишга жойлаштириш тўғрисида ҳужжат тузилади. Унга талабгор ва хорижий иш берувчи ўртасидаги меҳнат шартномаси нусхалари илова қилинади.

41. Хорижий иш берувчи талаб қилинган ижтимоий ва маиший шарт-шароитларни, меҳнатга ҳақ тўлаш шартларини таъминламаса ёки иш берувчи меҳнат мигрантини ишга жойлаштиришни рад этишига сабаб бўлган бошқа масалалар юзага келса, юборовчи ташкилот талабгорни бошқа хорижий иш берувчида ишга жойлаштириш бўйича шошилиш чоралар кўради.

42. Талабгорни аввал келишилган талабларга мувофиқ ишга жойлаштириш имкони бўлмаса, юборовчи ташкилот уни ўз ватанига қайтарилишини таъминлаши шарт.

Юборовчи ташкилот томонидан мазкур мажбурият бажарилмаган тақдирда, Агентлик талабгорни Миграция жамғармаси ҳисобидан ватанга қайтариш бўйича шошилиш чоралар кўради ва харажатлар юборовчи ташкилотнинг депозитга жойлаштирилган маблағлари ҳисобидан қопланади.

6-боб. Меҳнат мигрантлари фаолиятининг мониторинги

43. Хорижий давлатдаги меҳнат мигрантлари фаолиятининг мониторинги уларнинг ҳуқуқ ва манфаатларини ҳимоя қилиш:

* 2-илова «Қонунчилик маълумотлари миллий базаси»да эълон қилинган.

Меҳнат миграцияси масалалари бўйича атташе;
Агентликнинг хорижий ваколатхоналари;
Агентликнинг давлат ва нодавлат хорижий ҳамкорлари;
юбуровчи ташкилотлар;
нодавлат нотижорат ташкилотлари;
меҳнат мигрантларининг ҳуқуқ ва манфаатларини ҳимоя қилувчи бошқа ташкилотлар томонидан амалга оширилади.

44. Агентлик меҳнат мигрантларини ишончсиз иш берувчидан ҳимоя қилишда ва меҳнат мигрантлари томонидан ҳуқуқбузарликлар содир этилишининг олдини олишда мониторинг юритиш бўйича Ўзбекистон Республикасининг бош ваколатли органи ҳисобланади.

45. Мониторинг қуйидаги барча жиҳатларни инобатга олган ҳолда амалга оширилади:

вақтинча меҳнат фаолиятини амалга ошириш мақсадида меҳнат мигрантларини жалб қилиш учун ўз мамлакатининг ваколатли органларида расман рўйхатга олинган ёки аккредитациядан ўтказилган хорижий иш берувчилар билан битимлар тузилгани;

талабгорни танлаш бўйича хизматлар кўрсатиш учун юбуровчи ташкилотлар томонидан тузиладиган шартномаларнинг ва меҳнат мигрантлари томонидан хорижий иш берувчилар билан тузилган меҳнат шартномаларининг қонунчилик ҳужжатларига ҳамда халқаро ҳуқуқ ва бошқа қонунчилик ҳужжатлари нормаларига мувофиқлиги;

ишга жойлаштириладиган давлатда ходимларнинг тегишли тоифаси учун белгиланган иш ҳақидан кам бўлмаган даражада меҳнат мигрантларини иш ҳақи билан таъминлаш нормаларига риоя этилиши;

ишга жойлаштириладиган мамлакатда белгиланган муносиб яшаш ва ишлаш шарт-шароитларини таъминлаш нормаларига риоя қилиниши.

46. Заруратга кўра Агентлик ва унинг хориждаги ваколатхоналари турли масалалар юзасидан меҳнат мигрантлари, ваколатли ташкилотлар билан учрашувлар ўтказди, тиббий хизматлардан фойдаланишда кўмаклашади, меҳнат мигрантларининг ҳуқуқлари иш берувчи томонидан бузилишининг олдини олади.

47. Меҳнат мигрантлари ҳуқуқлари ва манфаатларини ҳимоя қилиш тартиб-таомиллари Миграция жамғармаси маблағлари ҳисобидан молиялаштирилади.

7-боб. Меҳнат мигрантларининг ҳисобини юритиш

48. Хорижда вақтинча меҳнат фаолиятини амалга ошириш учун юбуровчи ташкилотлар орқали юборилган ҳамда мамлакатдан чиқиб кетишда ихтиёрий равишда рўйхатдан ўтган фуқаролар тўғрисидаги маълумот «Хорижда иш» меҳнат миграцияси электрон дастурий мажмуасида шакллантирилади.

49. «Хорижда иш» электрон дастурий мажмуасида рўйхатдан ўтган фуқаролар хорижга юборилган меҳнат мигрантлари сифатида ҳисобга олинади ва уларга белгиланган тартибда ҳуқуқий ва моддий ёрдамлар кўрсатилади.

8-боб. Якунловчи қоида

50. Ушбу Низом талабларини бузишда айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 22 апрелдаги 252-сон қарорига
4-ИЛОВА

**Хорижда меҳнат фаолиятини амалга ошириш учун кетаётган
ҳамда меҳнат миграциясида бўлган фуқароларга субсидия,
компенсация ва кредитлар ажратиш тартиби тўғрисида
НИЗОМ**

1-боб. Умумий қоидалар

Ушбу Низом Вазирлар Маҳкамаси ҳузуридаги Миграция агентлигининг (кейинги ўринларда — Агентлик) вақтинча меҳнат фаолиятини амалга ошириш учун хорижга кетаётган, шунингдек, хорижда меҳнат фаолиятини амалга ошираётган Ўзбекистон Республикаси фуқароларига субсидия, компенсация, микрокредит ва таълим кредитларини ажратиш тартибини белгилайди.

**2-боб. Миграция жамғармаси томонидан субсидия ва
компенсациялар ажратиш тартиби**

1. Субсидия ва компенсациялар Ўзбекистон Республикаси фуқароларига Агентликнинг Миграция жамғармаси (кейинги ўринларда — Миграция жамғармаси) ҳисобидан ажратилади.

2. Субсидия ва компенсациялар «Хорижда иш» меҳнат миграцияси электрон дастурий мажмуасида (кейинги ўринларда — «Хорижда иш» дастурий мажмуаси) рўйхатдан ўтган ва ташкиллаштирилган ҳолда меҳнат миграциясига кетаётган фуқароларга қуйидаги харажатларни қоплаш бўйича ажратилади:

а) чет тиллари ва (ёки) касб бўйича малака имтиҳонларини топшириш билан боғлиқ харажатларни қоплаш учун, башарти улар муваффақиятли топширилганда ва сертификат олинганда — базавий ҳисоблаш миқдорининг уч бараваригача миқдорда;

б) хорижда меҳнат фаолиятини амалга оширишга «ишчи виза»ни расмийлаштириш билан боғлиқ харажатларни қоплаш учун — базавий ҳисоблаш миқдорининг беш бараваригача миқдорда;

в) йўл чиптасини харид қилиш билан боғлиқ харажатларни қоплаш учун — базавий ҳисоблаш миқдорининг икки бараваригача миқдорда;

г) «Камбағал оилалар реестри» ахборот тизими орқали камбағал деб топилган оилалар ёки «Ижтимоий ҳимоя ягона реестри» ахборот тизими орқали кам таъминланган оила сифатида эътироф этилган ёхуд «Темир даф-

тар», «Аёллар дафтари», «Ёшлар дафтари»дан бирига киритилган ҳамда ўзи мустақил равишда хорижга ишга кетаётган, шунингдек, ташкиллаштирилган ҳолда меҳнат миграциясига кетаётган фуқароларнинг соғлиғи ва ҳаёти ҳамда бошқа таваккалчиликларини суғурталаш бўйича суғурта мукофотини қоплаш мақсадида суғурта ташкилотларига ҳар бир суғурталанган фуқаро учун йилига бир марта уч юз минг сўмгача миқдорда;

д) немис, инглиз, япон ва корейс тиллари бўйича камида В1 ёки унга тенглаштирилган даражадаги халқаро сертификат олган битирувчилари энг кўп бўлган 50 нафаргача ўқитувчига 50 миллион сўм миқдорида.

3. Субсидия ва компенсациялар тўлаб берилишини сўраб фуқаро «Хорижда иш» дастурий мажмуаси орқали электрон шаклда ёки бевосита Агентликка ариза билан мурожаат қилади ва қуйидаги ҳужжатларни илова қилади:

а) чет тиллари ва (ёки) касб бўйича малака имтиҳонларини топшириш билан боғлиқ харажатларни қоплаш учун:

чет тиллари ва (ёки) касб бўйича малака имтиҳонларини муваффақиятли топширганлигини тасдиқловчи сертификат нусхаси;

тўлов қилинганлигини тасдиқловчи ҳужжат;

тасдиқланган меҳнат шартномаси нусхаси;

б) хорижда меҳнат фаолиятини амалга оширишга «ишчи виза»ни расмийлаштириш билан боғлиқ харажатларни қоплаш учун:

«ишчи виза» нусхаси;

тўлов тўланганлигини тасдиқловчи ҳужжат;

тасдиқланган меҳнат шартномаси нусхаси;

в) йўл чиптасини харид қилиш билан боғлиқ харажатларини қоплаш учун: йўл чиптаси нусхаси;

тўлов тўланганлигини тасдиқловчи ҳужжат;

тасдиқланган меҳнат шартномаси нусхаси.

4. Ариза Агентлик томонидан уч иш кунида кўриб чиқилади ва натижаси бўйича ариза берувчига «Хорижда иш» дастурий мажмуасидаги шахсий кабинети орқали хабарнома юборилади.

5. Ариза қуйидаги ҳолларда рад этилиши мумкин:

«Хорижда иш» дастурий мажмуасида «хорижда ишга жойлашган шахс» мақомида бўлмаганда;

Агентлик ёки Ўзбекистон Республикасидан ташқарида иш қидираётган шахсларни ишга жойлаштириш бўйича фаолиятни амалга ошириш учун лицензияга эга хусусий бандлик агентликлари орқали ташкиллаштирилган ҳолда меҳнат миграциясига кетмаганда;

асослантирувчи ҳужжатларнинг мавжуд эмаслиги ёки талабга мос эмаслиги аниқланганда.

6. Ариза маъқулланган тақдирда, компенсация суммаси Миграция жамғармаси маблағлари ҳисобидан фуқаро хорижда ишга жойлашганидан сўнг бир ойдан кечикмасдан, унинг аризасида кўрсатилган банк пластик картасига ўтказиб берилади ва фуқаро «Хорижда иш» дастурий мажмуаси орқали хабардор қилинади.

7. Ариза рад этилган тақдирда, фуқаро кўрсатилган камчиликларни бар-

тараф этган ҳолда уч иш кунда қайта мурожаат қилиши мумкин ва ариза Агентлик томонидан белгиланган тартибда ўрганиб чиқилади.

8. Агентлик меҳнат миграциясига кетаётган фуқароларнинг соғлиги ва ҳаёти, шунингдек, бошқа таваккалчиликларини суғурталаш бўйича суғурта мукофотини қоплаш учун суғурта ташкилотини танлаш юзасидан қонунчиликда белгиланган тартибда тендер ўтказади.

Ўтказилган тендер натижасида ғолибликни қўлга киритган суғурта ташкилоти (кейинги ўринларда — суғурта ташкилоти) билан шартнома тузилади.

Фуқароларга сифатли ва тезкор хизмат кўрсатишни йўлга қуйиш мақсадида суғурта ташкилотининг электрон платформаси «Хорижда иш» дастурий мажмуаси билан интеграция қилинади ва онлайн режимда суғурта шартномасини расмийлаштириш, бекор қилиш ва ахборот алмашиш ишлари амалга оширилади.

9. Меҳнат миграциясига кетаётган фуқароларнинг соғлиги ва ҳаёти, шунингдек, бошқа таваккалчиликларини суғурталаш бўйича суғурта мукофотини қоплаш юзасидан субсидия қуйидаги тартибда ажратилади:

Агентлик ва унинг ҳудудий филиаллари томондан суғурта ташкилоти билан тузилган шартнома доирасида хорижда вақтинча меҳнат фаолиятини амалга ошириш истагида бўлган фуқаролар «Хорижда иш» дастурий мажмуасида рўйхатдан ўтказади, уларнинг камбағал оила ёки кам таъминланган оила сифатида эътироф этилган ёхуд «Темир дафтар», «Аёллар дафтари», «Ёшлар дафтари»дан бирига киритилгани текширилади ҳамда суғурталаш учун тавсия берилади;

суғурта ташкилоти суғурталаш учун ариза йўллаган фуқароларга суғурта шартномасини расмийлаштиради;

суғурта ташкилоти ҳисобот оyiда расмийлаштирилган суғурта шартномаси билан бир қаторда Агентликка суғурта шартномаси бўйича тўловларни амалга ошириш бўйича талабнома киритади;

Агентлик томонидан уч иш кун ичида суғурта ташкилотининг талабномасида кўрсатилган реквизитлар бўйича субсидия ҳар бир суғурталанган фуқаро учун уч юз минг сўмгача миқдорда ўтказиб берилади.

10. Суғурта шартномаси фуқаролар билан суғурта ташкилоти ўртасида электрон шаклда расмийлаштирилади.

11. Суғурта ташкилоти талабномасида қуйидагилар кўрсатилиши лозим: суғурталанган фуқароларининг шахсий маълумотлари (Ф.И.О, паспорт серияси ва рақами, ЖШШИР, туғилган санаси);

суғурта шартномаси серияси ва рақами (нусхаси илова қилинади);

суғурта ташкилоти реквизитлари.

12. Суғурта шартномаси бўйича суғурта мукофотини қоплаш учун субсидия маблағлари тўлаб берилганидан сўнг суғурталовчи томонидан уч иш кун ичида қонунчиликда белгиланган тартибда шакллантирилган суғурта полиси «Хорижда иш» дастурий мажмуасига юборилади.

Агентлик ва суғурта ташкилоти томонидан ҳар ой якунлари бўйича расмийлаштирилган суғурта шартномасини ва амалга оширилган тўловлар бўйича ўзаро таққослаш далолатномаси расмийлаштириб борилади.

**3-боб. Хорижга ишлаш учун чиқиб кетаётган фуқароларга
ривожланган мамлакатларда ишга жойлашиш билан боғлиқ
харажатларни қоплаш учун микрокредитлар ажратиш тартиби**

13. Вақтинча меҳнат фаолиятини амалга ошириш учун ташкиллаштирилган ҳолда ривожланган мамлакатларга чиқиб кетаётган фуқароларга тижорат банклари томонидан Миграция жамғармаси маблағлари ҳисобидан 10 миллион сўмгача миқдорда Марказий банкнинг асосий ставкасидан тўрт фоиз бандга юқори ставкада икки йил муддатга микрокредитлар ажратилади.

Бунда ривожланган мамлакатлар рўйхати Бирлашган Миллатлар Ташкилоти томонидан эълон қилинган ҳисоботлар асосида шакллантирилиб, Агентликнинг расмий веб-сайтида ҳамда «Хorijda ish» дастурий мажмуасида барча учун очиқ эълон қилинади.

14. Микрокредитлар қайтарилиши, тўланиши, муддатлилиги ва улардан мақсадли фойдаланиш шартлари асосида Ўзбекистон Республикаси фуқароси бўлган ўн саккиз ёшга тўлган ва эллик ёшдан ошмаган шахсларга (кейинги ўринларда — кредит олувчи) ажратилади.

Бунда кредит олувчининг доимий даромад манбаига эга бўлган оила аъзолари (ота-онаси, ака-укаси, опа-синглиси, турмуш ўртоғи) ёки учинчи шахс биргаликда қарз олувчи сифатида микрокредит шартномасида кафил сифатида қатнашишлари мумкин.

15. Микрокредит бўйича фоизлар фуқарога маблағ ўтказилган кундан бошлаб ҳисобланади ва банк ҳамда қарз олувчи томонидан тасдиқланган жадвалга асосан тўлаб борилади.

16. Миграция жамғармаси томонидан микрокредит учун маблағларни ажратишда тижорат банкларига нисбатан қуйидаги мувофиқлик мезонлари белгиланади:

тижорат банкида микрокредитлар ажратиш юзасидан аниқ белгиланган ички тартибнинг мавжудлиги;

тижорат банки халқаро рейтинг агентликларининг «В» даражасидан паст бўлмаган даражада узоқ муддатли кредит рейтингига эга бўлиши;

охирги уч йиллик молиявий ҳисоботлар бўйича аудиторлик ташкилоти ижобий хулосасининг мавжудлиги. Агар тижорат банки уч йилдан кам муддат фаолият кўрсатган бўлса, тижорат банкининг фаолият юритган йиллар учун молиявий ҳисоботлари бўйича аудиторлик ташкилотининг хулосаси мавжуд бўлиши;

тижорат банкининг регулятив капитали 500 миллиард сўмдан кам бўлмаслиги;

тижорат банки Давлат бюджети маблағлари, шу жумладан, Ўзбекистон Республикаси Иқтисодиёт ва молия вазирлиги (кейинги ўринларда — Иқтисодиёт ва молия вазирлиги) томонидан жойлаштирилган кредит линиялари бўйича муддати ўтган қарздорликка эга бўлмаслиги;

Марказий банк томонидан белгиланган пруденциал нормативлар бузилганлиги сабабли унга нисбатан микрокредит берилишига тўсқинлик қилувчи амалдаги чора ва санкциялар мавжуд бўлмаслиги.

Агентлик мазкур банднинг иккинчи — олтинчи хатбошиларида назарда

тутилган ҳужжат ва маълумотларни мурожаат этувчи тижорат банкларидан, мазкур банднинг еттинчи хатбошисида келтирилган маълумотларни Марказий банкдан белгиланган тартибда сўраб олади.

17. Агентлик тижорат банкларининг мувофиқлик мезонларига мос келишини баҳолашда, Марказий банкдан уларнинг молиявий ҳолати тўғрисидаги қўшимча ахборотни сўраб олади.

Тақдим этилган ҳужжат ва маълумотлар Агентлик томонидан беш иш кунida ушбу Низомнинг 16-бандида кўрсатилган мезонларга мувофиқлиги юзасидан ўрганилади.

18. Белгиланган мезонларга мувофиқ деб топилган тижорат банклари ва Миграция жамғармаси ўртасида микрокредитлар ажратиш юзасидан икки йил муддатга Бош битим (кейинги ўринларда — Бош битим) тузилади.

Бунда ушбу муддат мобайнида томонларда Бош битимда кўзда тутилган шартлар бўйича эътирозлар юзага келмаган тақдирда, Бош битимнинг муддати автоматик тарзда келгуси молия йиллари учун узайтирилган деб ҳисобланади.

Миграция жамғармаси томонидан ажратилган маблағлар тижорат банкининг биринчи даражали регулятив капиталидан ошиб кетмаслиги лозим.

19. Тижорат банклари ушбу Низомнинг 16-бандида кўрсатилган мезонларга мувофиқ эмас деб топилганда, улар билан Бош битим тузишни рад этиш ҳақида тегишли тижорат банклари ёзма тарзда хабардор қилинади.

20. Агентлик доимий равишда ушбу Низом доирасида Агентлик билан Бош битим тузган тижорат банкларининг рўйхатини ўзининг расмий веб-сайтида эълон қилиб боради.

21. Ташкиллаштирилган ҳолда хорижга ишлаш учун чиқиб кетаётган фуқароларга ривожланган мамлакатларда ишга жойлашиш билан боғлиқ харажатларни қоплаш учун микрокредитлар мазкур Низомга иловадаги* схемага мувофиқ ажратилади.

Миграция жамғармасининг маблағларни тижорат банкларига Марказий банкнинг асосий ставкасида жойлаштиради.

22. Кредит олувчи микрокредитни олиш учун Агентликнинг расмий веб-сайтида эълон қилинган тижорат банкларига қуйидаги ҳужжатларни тақдим этади:

- а) шахсни тасдиқловчи ҳужжат;
- б) микрокредит олиш учун ариза;
- в) Миграция агентлигининг тавсияномаси;
- г) банк ички сиёсатидан келиб чиқиб, кредит ажратиш учун талаб қилинадиган ҳужжатлар.

23. Тижорат банки кредит олувчи томонидан микрокредит беришни сўраб тақдим қилинган ариза ва унга илова қилинган ҳужжатларни уч иш куни мобайнида кўриб чиқиб, микрокредит шартномасини имзолайди.

Кредит олувчи томонидан тақдим этилган ҳужжатлар мазкур Низом ва тижорат банкининг кредит сиёсати талабларига мувофиқ бўлмаган ҳолатларда, тижорат банки томонидан кредит беришни рад этиш тўғрисида қарор

* Илова «Қонунчилик маълумотлари миллий базаси»да эълон қилинган.

қабул қилинади ҳамда ариза берувчига кредит беришни рад этишнинг аниқ сабаблари кўрсатилган ҳолда жавоб хати юборилади.

24. Микрокредит шартномаси кредит олувчига аризада қайд этилган асосланган ҳужжат ёки бошқалардан келиб чиқиб, унга тенг миқдордаги суммага тузилади.

25. Тижорат банклари томонидан микрокредит кредит олувчининг номига расмийлаштирилган банк пластик карточкасига маблағ ўтказиш йўли билан ажратилади.

26. Микрокредитнинг асосий қарз ва фоиз тўловлари кредит олувчи томонидан микрокредит шартномасида кўрсатилган шартларда тўланади.

27. Кредит олувчи (кафил ёки бошқалар) микрокредит бўйича асосий қарзни микрокредит шартномасида белгиланган муддатлардан олдин қайтаришга ҳақлидир.

Бунда тижорат банки кредит олувчи (биргаликда кредит олувчи)дан микрокредит бўйича асосий қарзни шартномада белгиланган муддатлардан олдин қайтаргани учун комиссия ёки неустойка олиш тақиқланади.

28. Кредит олувчи микрокредит бўйича асосий қарзни микрокредит шартномасида белгиланган муддатларда қайтармаса, тижорат банки микрокредит бўйича муддати ўтган қарздорликларни ўзининг ички ҳужжатларига асосан қайтариш чораларини кўради.

29. Агентлик томонидан тижорат банкларига берилган маблағлар тижорат банклари ва Агентлик ўртасида тузилган Бош битимда белгиланган шарт, тартиб ва муддатларда қайтарилади.

**4-боб. Халқаро тан олинган дастурлар ва малака
сертификатларини жорий қилган таълим ташкилотларида
касб ўрганмоқчи бўлган фуқароларнинг таълим олиши учун
таълим кредитларини ажратиш тартиби**

30. Халқаро тан олинган дастурлар ва малака сертификатларини жорий қилган таълим ташкилотларида касб ўрганмоқчи бўлган фуқароларга таълим кредитлари Иқтисодиёт ва молия вазирлиги ҳузуридаги Таълим кредитини молиялаштириш жамғармаси (кейинги ўринларда — Таълим жамғармаси) ҳисобидан берилади.

31. Халқаро тан олинган дастурлар ва малака сертификатларини жорий қилган таълим ташкилотларида касб ўрганмоқчи бўлган фуқароларга тўлов-контракт асосида ўқиши учун Таълим жамғармаси ҳисобидан таълим кредитлари тижорат банклари томонидан уларнинг қайтарилиши, тўланиши, муддатлилиги ва мақсадли фойдаланиш шартлари асосида белгиланган талабларга мувофиқ ажратилади.

32. Таълим жамғармаси томонидан ҳар йили беш минг нафаргача халқаро тан олинган дастурлар ва малака сертификатларини жорий қилган таълим ташкилотларида касб ўрганмоқчи учун таълим кредитлари ажратиш учун тижорат банкларига маблағ ажратилади.

33. Таълим кредитлари тижорат банклари томонидан халқаро тан олинган дастурлар ва малака сертификатларини жорий қилган таълим ташкилот-

ларида ўқиш учун базавий ҳисоблаш миқдорининг олтимиш беш бараваригача миқдорда икки йил муддатгача берилади.

Бунда кредит олувчининг доимий даромад манбаига эга бўлган оила аъзолари (ота-онаси, ака-укаси, опа-синглиси, турмуш ўртоғи) ёки учинчи шахс биргаликда қарз олувчи сифатида таълим кредити шартномасида кафил сифатида қатнашишлари мумкин.

34. Таълим кредити икки йил муддатга олти ойлик имтиёзли давр билан ажратилади.

Таълим кредитининг фоизи кредит маблағи таълим ташкилотларига маблағ ўтказилган кундан бошлаб ҳисобланади ва банк ҳамда қарз олувчи томонидан тасдиқланган жадвалга асосан тўлови амалга оширилади.

35. Таълим жамғармаси томонидан таълим кредитлари учун маблағларни ажратишда тижорат банкларига нисбатан қуйидаги мувофиқлик мезонлари белгиланади:

тижорат банкида таълим кредитларини ажратиш юзасидан аниқ белгиланган ички тартибнинг мавжудлиги;

тижорат банки «Fitch Ratings» ёки «Standard & Poor's» рейтинг агентликларининг «В» даражасидан ёки «Moody's Investors Service» рейтинг агентлигининг «В2» рейтингидан паст бўлмаган даражада узоқ муддатли кредит рейтингига эга бўлиши;

охирги уч йиллик молиявий ҳисоботлар бўйича аудиторлик ташкилоти ижобий хулосасининг мавжудлиги. Агар тижорат банки уч йилдан кам муддат фаолият кўрсатган бўлса, тижорат банкининг фаолият юритган йиллар учун молиявий ҳисоботлари бўйича аудиторлик ташкилотининг ижобий хулосаси мавжуд бўлиши;

тижорат банкининг регулятив капитали 500 миллиард сўмдан кам бўлмаслиги;

тижорат банки Давлат бюджети маблағлари, шу жумладан, Иқтисодиёт ва молия вазирлиги томонидан жойлаштирилган кредит линиялари бўйича муддати ўтган қарздорликка эга бўлмаслиги;

Марказий банк томонидан белгиланган пруденциал нормативлар бузилганлиги сабабли унга нисбатан таълим кредити берилишига тўсқинлик қилувчи амалдаги чора ва санкциялар мавжуд бўлмаслиги.

Иқтисодиёт ва молия вазирлиги мазкур банднинг иккинчи-олтинчи хатбошиларида назарда тутилган ҳужжат ва маълумотларни мурожаат этувчи тижорат банкларидан, мазкур банднинг еттинчи хатбошисида келтирилган маълумотларни Марказий банкдан белгиланган тартибда сўраб олади.

Иқтисодиёт ва молия вазирлиги тижорат банкларининг мувофиқлик мезонларига мос келишини баҳолашда Марказий банкдан уларнинг молиявий ҳолати тўғрисидаги қўшимча ахборотни сўраб олиши мумкин.

36. Тижорат банклари ушбу Низомнинг 35-бандида кўрсатилган мезонларга мувофиқликни тасдиқловчи ҳужжат ва маълумотларни Таълим жамғармасига тақдим этади.

Тақдим этилган ҳужжат ва маълумотлар Таълим жамғармаси томонидан

беш иш кунда ушбу Низомнинг 35-бандида кўрсатилган мезонларга мувофиқлиги юзасидан ўрганилади.

37. Белгиланган мезонларга мувофиқ деб топилган тижорат банклари ва Таълим жамғармаси ўртасида таълим кредитлари учун маблағ ажратиш юзасидан икки йил муддатга Бош битим тузилади.

Бунда ушбу муддат мобайнида томонларда Бош битимда кўзда тутилган шартлар бўйича эътирозлар юзага келмаган тақдирда, Бош битимнинг муддати автоматик тарзда келгуси молия йиллари учун узайтирилган деб ҳисобланади.

Таълим жамғармаси томонидан ушбу Низом доирасида ажратилган маблағлар тижорат банкнинг биринчи даражали регулятив капиталидан ошиб кетмаслиги лозим.

38. Тижорат банклари ушбу Низомнинг 35-бандида кўрсатилган мезонларга мувофиқ эмас деб топилганда, улар билан Бош битим тузишни рад этиш ҳақида тегишли тижорат банклари ёзма тарзда хабардор қилинади.

39. Таълим жамғармаси ва Агентлик доимий равишда ушбу Низом доирасида Таълим жамғармаси билан Бош битим тузган тижорат банкларининг рўйхатини ўзининг расмий веб-сайтида эълон қилиб боради.

40. Кредит уни олувчилар тўғрисидаги маълумотлар Олий таълим, фан ва инновациялар вазирлигининг «Профессионал таълим жараёнларини бошқариш» (prof.edu.uz) ахборот тизимида мавжуд бўлганда ажратилади ҳамда тўлов-контракт шартномаси «kontrakt.edu.uz» ва «prof.edu.uz» ахборот тизимлари орқали шакллантирилади.

41. Таълим кредити тижорат банклари томонидан кредит олувчига Марказий банкнинг асосий ставкаси миқдорида ажратилади.

Таълим жамғармаси маблағларни тижорат банкларига Марказий банкнинг асосий ставкасидан тўрт фоиз бандга паст ставкада жойлаштиради.

Бунда Марказий банкнинг асосий ставкаси пасайтирилган тақдирда, Иқтисодиёт ва молия вазирлиги ва тижорат банклари ўртасида тузилган таълим кредити учун маблағларни ажратиш тўғрисидаги депозит шартномасига фоиз ставкасини тегишли давр учун мос равишдаги фоиз бандга тушириш бўйича тегишли ўзгартиришлар киритилади.

Марказий банкнинг асосий ставкаси кўтарилган тақдирда, таълим кредити учун маблағларни ажратиш бўйича фоиз ставкаси ўзгаришсиз қолдирилади.

42. Кредит олувчи таълим кредитини олиш учун тўғридан-тўғри тижорат банкларига мурожаат қилишда қуйидаги ҳужжатларни тақдим этади:

а) шахсни тасдиқловчи ҳужжат;

б) таълим кредити олиш учун ариза;

в) талаба ва таълим ташкилоти ўртасидаги тўлов-контракт асосида ўқиш ҳақида белгиланган тартибда расмийлаштирилган шартнома (контракт) ва унга илова қилинадиган ҳисоб варақаси/фактураси (мавжуд бўлганда). Шартнома (контракт)да ўқишни тамомлашнинг белгиланган муддати ва бир йил учун тўлов миқдори кўрсатилган бўлиши лозим;

г) банкнинг кредит сиёсати ва ички тартибига мувофиқ таълим кредити

қайтарилишининг таъминоти бўйича ҳужжат. Бунда «Ижтимоий ҳимоя ягона реестри»га киритилган оилаларнинг фарзандларига ажратиладиган таълим кредити бўйича гаров ва кафиллик талаб этилмайди;

д) «Ижтимоий ҳимоя ягона реестри»га киритилганлигини тасдиқловчи маълумотнома («Ижтимоий ҳимоя ягона реестри»га киритилган оилалар фарзандлари учун);

ж) банкнинг ички ҳужжатларида (сиёсатида) белгиланган бошқа ҳужжатлар, шу жумладан, биргаликда кредит олувчига тегишли маълумот ва ҳужжатлар.

43. Тижорат банки кредит олувчи томонидан таълим кредити беришни сўраб тақдим қилинган ариза ва унга илова қилинган ҳужжатларни беш иш куни мобайнида кўриб чиқиб, таълим кредити шартномасини имзолайди.

Кредит олувчи томонидан тақдим этилган ҳужжатлар мазкур Низом ва тижорат банкининг кредит сиёсати талабларига мувофиқ бўлмаган ҳолатларда тижорат банки кредит беришни рад этиш тўғрисида қарор қабул қилади ва ариза берувчига кредит беришни рад этишнинг аниқ сабаблари кўрсатилган ҳолда жавоб хати юборади.

44. Таълим кредити шартномаси кредит олувчи томонидан тақдим этилган халқаро тан олинган дастурлар ва малака сертификатларини жорий қилган таълим ташкилотлари ва касбга ўқимоқчи бўлган фуқаро ўртасидаги тўлов-контракт асосида ўқиш ҳақидаги шартнома (контракт)да кўрсатилган муддатга тўлов суммасидан келиб чиқиб, унга тенг миқдордаги суммага тўзилади.

45. Тижорат банклари томонидан таълим кредити кредит олувчининг ссуда ҳисобварағидан унинг шахсий ёзма топшириғи асосида кредит олувчи ва халқаро тан олинган дастурлар ва малака сертификатларини жорий қилган таълим ташкилотларининг ўқув курсларида ўқиш ҳақида белгиланган тартибда расмийлаштирилган шартнома (контракт) ёки ҳисоб варақаси/фактурада кўрсатиб ўтилган ҳисобварағига маблағ ўтказиш йўли билан ажратилади.

46. Таълим кредитининг асосий қарз ва фоиз тўловлари кредит олувчи томонидан таълим кредити шартномасида кўрсатилган шартларда тўланади.

47. Кредит олувчи (кафил ёки бошқалар) таълим кредити бўйича асосий қарзни таълим кредити шартномасида белгиланган муддатлардан олдин қайтаришга ҳақлидир.

Бунда тижорат банки кредит олувчи (биргаликда кредит олувчи)дан микрокредит бўйича асосий қарзни шартномада белгиланган муддатлардан олдин қайтаргани учун комиссия ёки неустойка олиш тақиқланади.

48. Кредит олувчи таълим кредити бўйича асосий қарзни таълим кредити шартномасида белгиланган муддатларда қайтармаса, тижорат банки таълим кредити бўйича муддати ўтган қарздорликларни ўзининг ички ҳужжатларига асосан қайтариш чораларини кўради.

49. Бош битимга мувофиқ тижорат банклари қарз олувчиларга ажратилган таълим кредитлари фоизларини қоплаш юзасидан талабномани шакллантириб, Таълим жамғармасига тақдим этади.

50. Таълим жамғармаси томонидан халқаро тан олинган дастурлар ва малака сертификатларини жорий қилган таълим ташкилотларида касб ўрганмоқчи бўлган фуқароларнинг таълим олиши учун таълим кредитларини ажратиш учун берилган маблағлар бўйича ҳисоб-китоб ишлари тижорат банклари ва Таълим жамғармаси ўртасида таълим кредитлари учун маблағ ажратиш юзасидан тузилган Бош битим асосида амалга оширилади.

51. Таълим жамғармаси томонидан тижорат банкларига берилган маблағлар тижорат банклари ва Жамғарма ўртасида тузилган Бош битим шартномасида белгиланган тартибда ва муддатларда қайтарилади.

5-боб. Компенсация, субсидия ва кредитларни муддатидан олдин қайтариш

52. Хорижда меҳнат фаолиятини амалга ошириш шартномаси шартларига фуқаролар томонидан асоссиз равишда риоя қилинмаган тақдирда, уларга ажратилган субсидия, компенсация ва кредитлар муддатидан аввал қайтарилади.

6-боб. Якунловчи қоидалар

53. Мазкур Низомни қўллашда юзага келадиган низолар қонунчилик ҳужжатларида белгиланган тартибда ҳал этилади.

54. Немис, инглиз, япон ва корейс тиллари бўйича камида В1 ёки унга тенглаштирилган даражадаги халқаро сертификат олган битирувчилари энг кўп бўлган 50 нафаргача ўқитувчига 50 миллион сўм миқдорида субсидия Касбий таълим ташкилотлари ва касбий кўникмалар марказларида фаолият юритаётган чет тили фани ўқитувчиларининг рейтингини аниқлаш ва рағбатлантириш тартиби тўғрисидаги низомда белгиланган тартибда тўлаб берилади.

55. Ушбу Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 22 апрелдаги 252-сон қарорига
5-ИЛОВА

**Касбий таълим ташкилотлари ва касбий кўникмалар
марказларида фаолият юритаётган чет тили фани
ўқитувчиларининг рейтингини аниқлаш ва субсидия
бериш тартиби тўғрисида
НИЗОМ**

1-боб. Умумий қоидалар

1. Ушбу Низом давлат касбий таълим ташкилотлари ва касбий кўникмалар марказларида фаолият юритаётган инглиз, корейс, немис ва япон тили фани ўқитувчиларининг фаолияти самарадорлиги бўйича рейтингини (кейинги ўринларда — рейтинг) аниқлаш ва уларга Ўзбекистон Республикаси Вазирлар Маҳкамаси ҳузуридаги Миграция агентлиги (кейинги ўринларда — Агентлик) томонидан субсидия тўлаш тартибини белгилайди.

2. Мазкур Низом талаблари нодавлат касбий таълим ташкилотлари ўқитувчиларига нисбатан татбиқ этилмайди.

2-боб. Рейтингни аниқлашнинг мақсад ва вазифалари

3. Касбий таълим ташкилотлари ва касбий кўникмалар марказлари ўрта-сида соғлом рақобат муҳитини шакллантириш, уларда фаолият юритаётган чет тили фани ўқитувчиларининг педагогик фаолияти даражаси ва сифатини оширишни рағбатлантириш, уларнинг салоҳиятидан самарали фойдаланиш, ўқитиш сифати бўйича халқаро мезон ва стандартларга мувофиқ юқори кўрсаткичларга эришиш, мамлакатимизда чет тилларни ўргатишни оммалаштириш рейтингни аниқлашнинг мақсади ҳисобланади.

4. Қуйидагилар рейтингни аниқлаш борасидаги асосий вазифалар ҳисобланади:

касбий таълим ташкилотлари ва касбий кўникмалар марказларида таълим бераётган чет тили фани ўқитувчиларининг профессионал билим даражасини аниқлаш;

касбий таълим ташкилотлари ва касбий кўникмалар марказларида таълимни мунтазам такомиллаштириб бориш асосида хорижий меҳнат бозорларида талаб юқори бўлган малакали кадрларни тайёрлаш;

касбий таълим ташкилотлари ва касбий кўникмалар марказларининг рейтингини юқори бўлган ва чет (инглиз, корейс, немис ва япон) тиллари бўйича камида В1 ёки унга тенглаштирилган даражадаги халқаро сертификат олган битирувчилари сони энг кўп бўлган чет тили фани ўқитувчиларини рағбатлантириш;

касбий таълим ташкилотлари ва касбий кўникмалар марказларида таълим бераётган чет тили фани ўқитувчиларининг рейтингини аниқлаш орқали уларнинг малакасини ошириш тадбирларини амалга ошириш;

касбий таълим ташкилотлари ва касбий кўникмалар марказларининг ушбу йўналишдаги фаолияти самарадорлигини ошириш мақсадида республикамиз ва халқаро миқёсда рейтинги юқори таълим муассасалари билан ҳамкорликни йўлга қўйиш ҳамда уларнинг халқаро стандартларга мувофиқ юқори кўрсаткичларга эришишига кўмаклашиш.

3-боб. Рейтинг баҳолаш кўрсаткичлари (индикаторлари)

5. Рейтинг қуйидаги кўрсаткич (индикатор)лар асосида баҳоланади:
- хисобот йилида ўқувчилар ва (ёки) битирувчиларнинг чет тили бўйича камида В1 ёки унга тенглаштирилган халқаро сертификатларни қўлга киритгани;
 - чет тили фани бўйича ўқитувчида ўқитаётган тили бўйича камида В1 ёки унга тенглаштирилган халқаро сертификатнинг мавжудлиги;
 - чет тили фани бўйича ўқитувчида халқаро тан олинган педагогик сертификатнинг мавжудлиги;
 - чет тили фани бўйича ўқитувчи томонидан дарс берилган гуруҳ битирувчиларининг ривожланган хорижий давлатларда меҳнат фаолиятини амалга ошираётгани;
 - чет тили фани бўйича ўқитувчининг таълим даражаси.

4-боб. Рейтингни аниқлашга оид маълумотлар базасини шакллантириш

6. Чет тили фани ўқитувчиларининг рейтинги Агентлик томонидан «Хорижда иш» меҳнат миграцияси электрон дастурий мажмуасига (кейинги ўринларда — «Хорижда иш» дастурий мажмуаси) киритилган маълумотлар ва асослантирувчи ҳужжатлар асосида аниқланади.

7. Касбий таълим ташкилотлари ва касбий кўникмалар марказлари томонидан рейтингни аниқлашга оид маълумотлар асослантирувчи ҳужжатлар билан биргаликда рейтинг аниқланаётган йилнинг 30 январига қадар «Хорижда иш» дастурий мажмуасига киритилади.

Рейтингни аниқлашга оид маълумотлар ва асослантирувчи ҳужжатлар ўқитувчи томонидан рейтинг аниқланаётган йилдан бир йил олдин эришилган натижалар асосида шакллантирилади.

«Хорижда иш» дастурий мажмуасига рейтинг аниқланаётган йилнинг 30 январидан сўнг қўшимча маълумот жойлаштиришга йўл қўйилмайди.

8. Рейтингни аниқлашга оид маълумотлар асослантирувчи ҳужжатлар билан бирга кўриб чиқилади.

Асослантирувчи ҳужжатлар тақдим этилмаган тақдирда, маълумотлар рейтингни ҳисоблашда инобатга олинмайди.

9. Рейтинг «Хорижда иш» дастурий мажмуасидаги маълумотлар асосида Агентлик томонидан ҳисобот йилидан кейинги йилнинг биринчи чораги якунига қадар шакллантирилади.

5-боб. Рейтингни аниқлашга оид баҳолаш ва натижаларни ҳисоблаш

10. Чет тили фани ўқитувчиларининг рейтинги ҳар йили февраль-март ойларида мазкур Низомга иловага* мувофиқ рейтингни аниқлаш мезонларидан келиб чиқиб, Агентлик директорининг буйруғи асосида тузиладиган комиссия томонидан баҳоланади.

Бунда:

комиссия таркибига Олий таълим, фан ва инновациялар вазирлиги ҳамда Камбағалликни қисқартириш ва бандлик вазирлигининг вакиллари киритилади;

рейтингни аниқлашда мазкур Низомга иловада кўрсатилган мезонларга мувофиқ камида 75 балл тўплаган чет тили фани ўқитувчиларининг натижалари инobatга олинади.

11. «Хorijda ish» дастурий мажмуасига юкланган рейтингни аниқлашга оид маълумотлар таҳлил қилиниб, рейтинг индикаторлари учун баллар қуйидагича ҳисобланади:

тегишли рейтинг индикатори бўйича ўқитувчиларнинг кўрсаткичлари аниқланади;

кўрсаткичларга асосан ўқитувчиларга шу индикатор учун белгиланган баллар берилади;

ҳар бир индикатор бўйича ҳисобланган баллар йиғиндисидан ўқитувчилар рейтинги белгиланади.

6-боб. Рейтингини эълон қилиш ва рағбатлантириш

12. Касбий таълим ташкилотлари ва касбий кўникмалар марказларида таълим бераётган чет тили фани ўқитувчиларининг аниқланган якуний рейтинги натижалари II чорак бошланишидан кечикмай, Агентликнинг расмий веб-сайти ва «Хorijda ish» дастурий мажмуасида эълон қилинади.

13. Рейтингни аниқлаш якуни бўйича энг юқори натижа кўрсатган 50 нафар чет тили фани ўқитувчиларига Миграция жамғармаси ҳисобидан 50 миллион сўмдан субсидия тўланади.

14. Голиб бўлган ўқитувчилар Агентликнинг «Хorijda ish» дастурий мажмуасидаги шахсий кабинетига голиб бўлганлиги тўғрисида хабардор қилинади.

Хабарномани олгандан сўнг голиб бўлган ўқитувчи томонидан белгиланган шаклдаги ариза тўлдиради.

Ариза келиб тушган кундан бошлаб 15 кун ичида Агентлик томонидан 50 миллион сўм миқдоридagi субсидия суммаси Миграция жамғармаси маблағлари ҳисобидан унинг аризасида кўрсатилган банк пластик картасига ўтказиб берилади ва фуқаро «Хorijda ish» дастурий мажмуаси орқали хабардор қилинади.

15. Рейтингни аниқлашга оид маълумотлар Агентликда 3 йил давомида сақланади.

* Илова «Қонунчилик маълумотлари миллий базаси»да эълон қилинган.

7-боб. Якунловчи қоидалар

16. Рейтинг натижаларидан норози бўлган ўқитувчилар Агентликка шикоят қилишлари мумкин.

Ўқитувчиларнинг шикоятлари Агентликда ташкил этилган Апелляция комиссияси томонидан кўриб чиқилади.

Апелляция комиссиясининг фаолият тартиби Агентлик директори томонидан белгиланади.

17. Ушбу Низомни қўллашда юзага келадиган низолар қонунчилик ҳужжатларида белгиланган тартибда ҳал этилади.

18. Ушбу Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Вазирлар Маҳкамасининг
2025 йил 22 апрелдаги 252-сон қарорига
6-ИЛОВА

**Миграция жамғармаси тўғрисида
НИЗОМ****1-боб. Умумий қоидалар**

1. Ушбу Низом Ўзбекистон Республикаси Вазирлар Маҳкамаси ҳузуридаги Миграция агентлигининг (кейинги ўринларда — Агентлик) Миграция жамғармаси (кейинги ўринларда — Жамғарма) маблағларини шакллантириш ва улардан фойдаланиш тартибини белгилайди.

Ушбу Низом Ўзбекистон Республикаси Вазирлар Маҳкамасининг «Хорижий давлатлар ҳудудида фавқулодда вазиятлар оқибатида жабрланган Ўзбекистон Республикаси фуқароларига ёрдам кўрсатиш тартиби тўғрисидаги низомни тасдиқлаш ҳақида» 2018 йил 18 мартдаги 206-сон қарорида назарда тутилган ҳолатлар ва қоидаларга татбиқ этилмайди.

2. Жамғарма юридик шахс ҳисобланмайди ва Агентлик таркибида бўлади.

Жамғарма маблағлари Ўзбекистон Республикаси Иқтисодиёт ва молия вазирлиги ҳузуридаги Ҳазначилик хизмати қўмитасида очилган Агентликнинг шахсий ғазна ҳисобварағида йиғилади.

3. Жамғарма маблағлари ҳисобидан хорижда вақтинча меҳнат фаолиятини амалга оширувчи фуқаролар ҳуқуқий, ижтимоий ҳимоя қилинади ва уларга моддий ёрдам кўрсатилади.

2-боб. Жамғарма маблағларини шакллантириш тартиби

4. Жамғарма маблағлари қуйидаги манбалар ҳисобидан шакллантирилади:

Давлат бюджетидан ажратиладиган беғараз молиявий ёрдам;

чет эл фуқароларига Ўзбекистон Республикаси ҳудудида меҳнат фаолиятини амалга ошириш ҳуқуқини берадиган тасдиқномалар учун йиғимларнинг бир қисми;

Жамғарманинг вақтинча бўш маблағларини тижорат банклари депозитларига жойлаштиришдан олинадиган даромадлар;

халқаро молия институтларининг имтиёзли кредитлари, ҳомийлик, грант маблағлари ва қонунчилик ҳужжатларида тақиқланмаган бошқа манбалар.

5. Халқаро молия институтлари ва бошқа хорижий донорларнинг грантлари, жисмоний ва юридик шахслар, хайрия жамғармалари, шу жумладан, Ўзбекистон Республикаси норезидентларининг ихтиёрий хайрия маблағлари қонунчилик ҳужжатларида белгиланган тартибда Жамғарма ҳисобрақамларига тушади, халқаро молия институтлари ва бошқа хорижий донорларнинг тартиб-таомилларида ёки хорижий грантларни тақдим этиш шартларида бошқа тартиб белгиланган ҳоллар бундан мустасно.

3-боб. Жамғарма маблағларидан фойдаланиш тартиби

6. Жамғарма маблағларидан қуйидаги харажатларни молиялаштириш учун фойдаланилади:

хорижда меҳнат фаолиятини амалга ошириш даврида зўравонликка, мажбурий меҳнатга ва таҳқирланишга дучор бўлган, меҳнат ва бошқа ҳуқуқлари бузилган, мураккаб молиявий аҳволга тушиб қолган ва шахсини тасдиқловчи ҳужжатларисиз, яшаш учун маблағларсиз қолган Ўзбекистон Республикаси фуқаролари ва уларнинг фарзандларига ҳуқуқий, ижтимоий ҳамда моддий ёрдам кўрсатиш;

меҳнат миграциясида бўлган вақтда жароҳат олган, бахтсиз ҳодисага учраган, оғир касалликка чалинган Ўзбекистон Республикаси фуқароларига тиббий ёрдам кўрсатиш, башарти ушбу хизматлар қийматини уларнинг ўз маблағлари ёки тиббий суғурта ҳисобидан тўлаш имкони бўлмаган тақдирда;

чет элда бўлган даврда вафот этган Ўзбекистон Республикаси фуқароларининг жасадларини, шунингдек, хорижда меҳнат фаолиятини амалга ошириш даврида майиб бўлган ёки оғир тан жароҳати олган фуқароларни олиб келиш;

аввал ташкиллаштирилган ҳолда танлаш доирасида хорижга ишга юборилган ва борган мамлакатнинг қонунчилик ҳужжатларини бузиши натижа-сида чиқариб юборилган (депортация қилинган) Ўзбекистон Республикаси фуқароларини қайтариш, кейинчалик тўланган маблағларни мазкур шахслар ҳисобидан қоплаш, шунингдек, хорижий иш берувчилар томонидан ишга жойлаштириш бўйича келишилган шароитлар билан таъминланмаган Ўзбекистон Республикаси фуқароларини қайтариш;

хорижда вақтинча меҳнат фаолиятини амалга оширган даврда фуқароларнинг ҳаёти, соғлиғи ва бошқа таваккалчиликларини суғурталаш бўйича суғурта мукофотининг ўрнини қоплаш учун суғурта компанияларига субсидиялар тўлаш;

фуқароларни (ёшларни) чет тилларига ўқитиш ва хорижий давлатларда ишлашга мақсадли тайёрлаш маркази, унинг филиаллари ҳамда кетиш

олдидан мослаштириш марказлари фаолиятини ташкил этиш ва фаолият юритишини таъминлаш, шунингдек, малакали чет эллик педагог кадрларни маҳаллий таълим ташкилотларига жалб қилиш билан боғлиқ харажатларни молиялаштириш;

вақтинча меҳнат фаолиятини амалга ошириш учун хорижга кетиш истагида бўлган Ўзбекистон Республикаси фуқароларини касб-хунарга тайёрлаш ва чет тилларига ўқитиш;

«Хорижда иш» меҳнат миграцияси электрон дастурий мажмуасида рўйхатдан ўтган ва хорижда меҳнат фаолиятини амалга ошириш учун ташкиллаштирилган ҳолда танлаш тартибида меҳнат миграциясига кетаётган фуқароларга хорижий тиллар ва (ёки) касб бўйича муваффақиятли топширилган малака имтиҳони харажатларини тўлаб бериш, хорижга кетиш учун йўл транспорт чиптасини харид қилишга компенсация тўлаш;

ривожланган давлатларга ташкиллаштирилган ҳолда танлаш тартибида меҳнат миграциясига кетаётган фуқароларга «ишчи виза»ни расмийлаштириш харажатларини қоплаб бериш;

Ўзбекистон Республикаси фуқароларини хорижда ташкиллаштирилган ҳолда ишга жойлаштиришни кенгайтириш, ноқонуний меҳнат миграциясининг олдини олиш масалаларига доир ахборот-маърифий тадбирлар ўтказиш;

Агентликнинг чет элдаги ваколатхоналарини ташкил этиш, жиҳозлаш ва сақлаб туриш;

хорижда вақтинча меҳнат фаолиятини амалга оширувчи Ўзбекистон Республикаси фуқароларининг иш билан таъминланганлик ҳолатини улар ишга жойлашган жойларга борган ҳолда мониторинг қилиб бориш;

Агентлик ходимларини хорижий давлатларга узоқ муддатли хизмат сифарига юбориш ва унинг хорижий давлатлардаги вакиллари сифатида жалб этилган шахслар фаолиятини молиялаштириш;

хорижда вақтинча меҳнат фаолиятини амалга ошираётган фуқароларга ёрдам кўрсатиш учун туну-кун ишлайдиган «Call марказ» фаолиятини техник қўллаб-қувватлаш харажатларини молиялаштириш;

меҳнат мигрантлари учун вақтинча бўлиб турган мамлакатлари ва у ердаги бўш иш ўринлари тўғрисида маълумотларни жойлаштириш, ватандошлар билан онлайн мулоқот қилиш ва пул ўтказмаларини амалга ошириш, қийин ҳаётий вазиятга тушиб қолган фуқароларга ёрдам кўрсатувчи ташкилотлар билан боғланиш имконини берувчи мобил илова яратиш ва уни келгусида техник қўллаб-қувватлаш харажатларини молиялаштириш;

Ўзбекистон ҳудудидан ташқарига чиқувчи ва мамлакатимиз ҳудудига кириб келувчи шахсларнинг аниқ ҳисобини юритиш имконини берувчи Ягона идоралараро электрон маълумотлар базасини яратиш ва уни келгусида техник қўллаб-қувватлаш харажатларини молиялаштириш;

ташкиллаштирилган ҳолда вақтинча меҳнат фаолиятини амалга ошириш учун ривожланган давлатларга чиқиб кетаётган фуқароларга 10 миллион сўмгача микрокредитлар ажратиш билан боғлиқ харажатларни молиялаштириш;

инглиз, корейс, немис ва япон тиллари бўйича камида В1 ёки унга тенг-

лаштирилган даражадаги халқаро сертификат олган битирувчилар сони энг кўп бўлган касбий таълим ташкилотлари ва касбий кўникмалар марказларининг 50 нафар чет тили фани ўқитувчиларига 50 миллион сўмдан субсидия тўлаш;

вақтинча меҳнат фаолиятини амалга ошириш учун хорижга кетаётган Ўзбекистон Республикаси фуқаролари учун дарсликлар ва бошқа тарқатма материалларни нашр қилишни молиялаштириш;

вақтинча меҳнат фаолиятини амалга ошириш учун хорижга кетаётган Ўзбекистон Республикаси фуқароларини тил ва касбга ўқитаётган ўқитувчиларни малака ошириш учун хорижий давлатларга юбориш ва уларнинг хизмат сафари харажатларни қоплаш;

қонунчилик ҳужжатларида назарда тутилган бошқа харажатларни молиялаштириш.

Жамғарманинг жорий йилда фойдаланилмаган маблағлари қолдиғи навбатдаги молия йилига ўтади ва олиб қўйилмайди.

7. Ушбу Низомнинг 6-бандида кўрсатилган харажатлар учун Жамғарма маблағларидан маблағлар сарфлашни ташкил этиш схемасига мувофиқ ушбу Низомга иловага* биноан тасдиқланган йўналишларга асосан фойдаланилади.

8. Жамғарма маблағларидан меҳнат фаолиятини амалга ошириш учун хорижга Ўзбекистон Республикаси фуқароларини юборган ташкилотлар айби билан юзага келган ва ушбу Низомнинг 6-банди иккинчи — бешинчи хатбошиларида кўрсатилган харажатлар учун фойдаланилса, Жамғарманинг фойдаланилган маблағлар юборувчи ташкилотларнинг захира қилинган маблағлар ҳисобидан қопланади.

Юборувчи ташкилот захира қилинган суммадан фойдаланилган маблағларни бир ҳафта муддатда қоплаши шарт.

9. Жорий йилда Жамғарманинг фойдаланилмаган маблағлари қолдиқлари кейинги молия йилига ўтади ва кейинги йилга мўлжалланган харажатлар сметасини тузишда ҳисобга олинади.

10. Хусусий бандлик агентликлари томонидан базавий ҳисоблаш миқдорининг тўрт минг баравари миқдоридаги маблағлар тегишли лицензия амал қилиш муддатига мутаносиб даврга Агентликнинг розилигисиз сарфламаслик ва маблағлар сарфланган тақдирда, белгиланган муддатларда ўрнини тўлдириш шарти билан тижорат банкларидаги депозитларга захирага жойлаштирилади.

Бунда захира маблағлари қўйиладиган тижорат банкларига нисбатан қуйидаги мувофиқлик мезонлари белгиланади:

тижорат банки халқаро рейтинг агентликларининг «В» даражасидан паст бўлмаган даражада узоқ муддатли кредит рейтингига эга бўлиши;

охирги уч йиллик молиявий ҳисоботлар бўйича аудиторлик ташкилоти ижобий хулосасининг мавжудлиги;

тижорат банкининг регулятив капитали 500 миллиард сўмдан кам бўлмаслиги;

тижорат банки Давлат бюджети маблағлари, шу жумладан, Ўзбекистон

* Илова «Қонунчилик маълумотлари миллий базаси»да эълон қилинган.

Республикаси Иқтисодиёт ва молия вазирлиги томонидан жойлаштирилган депозитлар бўйича муддати ўтган қарздорликка эга бўлмаслиги.

Захира маблағларини депозитга жойлаштириш, сарфлаш, қисман ечиш, қайта тўлдириш, фоиз даромадларини йўналтириш тартиби Агентлик, хусусий бандлик агентлиги ва тижорат банклари ўртасидаги шартнома билан тартибга солинади.

4-боб. Жамғарма маблағларини ҳисобга олиш, улар бўйича ҳисобот тузиш ва улардан фойдаланишни назорат қилиш

11. Агентлик директори кечиктириб бўлмайдиган ҳолатларда Миграция бўйича республика комиссияси билан келишилган ҳолда, Жамғарманинг маблағларидан фойдаланиш параметрларига тезкор ўзгартиришлар киритиш ёки Жамғарма маблағларини мазкур Низомнинг 6-бандида назарда тутилмаган харажатларни молиялаштиришга йўналтириш ҳуқуқига эга.

12. Агентлик директори ҳар олти ойда Жамғарма фаолияти, ташқи меҳнат миграцияси соҳасида амалга оширилган ишлар, тизимли муаммолар ва уларнинг ечими тўғрисида Миграция бўйича республика комиссиясига ҳисобот беради.

5-боб. Якунловчи қоидалар

13. Жамғарма маблағларидан фойдаланишда юзага келадиган низолар қонунчилик ҳужжатларида белгиланган тартибда ҳал этилади.

14. Мазкур Низом талабларини бузишда айбдор бўлган шахслар қонунчилик ҳужжатларида белгиланган тартибда жавоб берадилар.

15. Жамғарма қонунчилик ҳужжатларида белгиланган тартибда қайта ташкил этилади ва тугатилади.

Вазирлар Маҳкамасининг
2025 йил 22 апрелдаги 252-сон қарорига
7-ИЛОВА

**Ўзбекистон Республикаси Ҳукуматининг айрим қарорларига
киритилаётган ўзгартириш ва қўшимчалар**

1. Вазирлар Маҳкамасининг «Давлат ҳокимияти ва бошқаруви органлари, суд органлари ва нотариал идоралар ходимлари меҳнатига ҳақ тўлашнинг тариф сеткасини жорий этиш тўғрисида» 1996 йил 12 апрелдаги 147-сон қарорига рус тилида қабул қилинган 3-илованинг номи «Агентства по оборонной промышленности при Министерстве обороны Республики Узбекистан» сўзларидан кейин «, Агентство миграции при Кабинете Министров Республики Узбекистан» сўзлари билан тўлдирилсин.

2. Вазирлар Маҳкамасининг «Давлат бошқаруви ва маҳаллий давлат ҳокимияти органларида хизмат автотранспорт воситаларидан фойдаланиш тизимини тубдан такомиллаштириш чора-тадбирлари тўғрисида» 2021 йил 29 февралдаги 258-сон қарорига 1-иловада:

изоҳ қисми қуйидаги мазмундаги бешинчи хатбоши билан тўлдирилсин:

«Вазирлар Маҳкамаси ҳузуридаги Миграция агентлигининг хорижий делегациялар ва меҳмонларни кутиб олиш ҳамда ташиф даврида дипломатик этикет талаблари бўйича кузатиб бориш ва хорижда вақтинча меҳнат фаолиятини амалга ошириш учун кетаётган Ўзбекистон Республикаси фуқароларни ташиш хусусиятларидан келиб чиқиб навбатчи, шу жумладан, хорижий делегациялар ва меҳмонлар учун хизмат автотранспорт воситалари сони 6 та этиб белгиланади;»;

бешинчи — ўнинчи хатбошилар тегишинча олтинчи — ўн биринчи хатбошилар деб ҳисоблансин.

3. Вазирлар Маҳкамасининг 2022 йил 21 февралдаги 80-сон қарори билан тасдиқланган Махсус электрон тизим орқали айрим фаолият турларини лицензиялаш тартиби тўғрисидаги ягона низомга 17-иловада:

4-позициянинг учинчи устунидаги «Ўзбекистон Республикаси Камбағалликни қисқартириш ва бандлик вазирлиги» сўзлари «Ўзбекистон Республикаси Вазирлар Маҳкамаси ҳузуридаги Миграция агентлиги» сўзлари билан алмаштирилсин;

5-позициянинг учинчи устуни қуйидаги мазмундаги «в» кичик банд билан тўлдирилсин:

«в) юридик шахс уставининг тасдиқланган нусхаси.»

9-позициянинг учинчи устуни қуйидаги таҳрирда баён қилинсин:

«а) меҳнат ва меҳнат миграцияси тўғрисидаги қонунчилик ҳужжатларига риоя қилиш*;

б) лицензия даъвогари томонидан базавий ҳисоблаш миқдорининг тўрт минг баравари миқдоридаги маблағларни тегишли лицензия амал қилиш муддатига мутаносиб даврга Ўзбекистон Республикаси Вазирлар Маҳкамаси ҳузуридаги Миграция агентлиги розилигисиз сарфламаслик ва маблағлар

сарфланган тақдирда, белгиланган муддатларда ўрнини тўлдириш шarti билан тижорат банкларидаги депозитларга захирага жойлаштириш*;

в) «Хусусий бандлик агентликлари тўғрисида»ги Ўзбекистон Республикаси Қонунида назарда тутилган фаолиятни амалга ошириш;

г) штатда камида икки нафар ходимнинг, шу жумладан, олий маълумотга эга рахбарнинг бўлиши;

д) хусусий бандлик агентлиги таъсисчилари ва (ёки) рахбарлари таркибида фирибгарлик, одам савдоси, терроризм, экстремизм билан боғлиқ жиноятларни содир этганлик учун судланганлиги тугалланмаган ёки олиб ташланмаган шахслар мавжуд эмаслиги, шунингдек, хусусий бандлик агентликлари томонидан ушбу жиноятларни содир этганлик учун судланганлиги тугалланмаган ёки олиб ташланмаган шахслар билан меҳнат, фуқаролик-ҳуқуқий ва агентлик шартномалари тузилмаслиги;

е) юридик шахс ходимлари томонидан уч йилда камида бир марта лицензияловчи орган томонидан белгиланган тартибга мувофиқ малака сертификатини олиш;

ж) ушбу фаолиятни амалга ошириш учун зарур шарт-шароитлар яратиш, шу жумладан, хусусий ёки ижарага олинган бинога эга бўлиш ҳамда унинг ёнғин хавфсизлиги, санитария қоидалари, нормалари ва гигиена нормативларига мувофиқлигини таъминлаш, тегишли моддий-техник база ва бошқа воситалардан фойдаланиш;

з) хусусий бандлик агентликлари билан фуқаролар ўртасида тузилаётган ҳар бир шартномани махсус яратиладиган электрон ахборот тизимига кириштиш ва уни доимий янгилаб бориш*;

и) хизматлар кўрсатиш тўғрисида бажарилган шартномаларга оид архив материалларини шакллантириш ва сақлаш;

к) хусусий бандлик агентликларининг хизмат кўрсатиш тўғрисидаги шартномаларида белгиланган мажбуриятларини бажариш билан боғлиқ харажатларни ушбу депозитга жойлаштирилган маблағлар ҳисобидан Ўзбекистон Республикаси Вазирлар Маҳкамаси ҳузуридаги Миграция агентлиги кўрсатмасига асосан қоплаш*».

4. Вазирлар Маҳкамасининг «Ёшларни касбга (мутахассисликка) ва чет тилларига ўқитиш тизимини такомиллаштириш чора-тадбирлари тўғрисида» 2024 йил 17 апрелдаги 213-сон қарорида:

1-банднинг «а» кичик бандидаги «Камбағалликни қисқартириш ва бандлик вазирлиги ҳузуридаги Ташқи меҳнат миграцияси агентлиги» сўзлари «Вазирлар Маҳкамаси ҳузуридаги Миграция агентлиги» сўзлари билан алмаштирилсин;

1-банднинг «б» кичик банди, 2-банднинг иккинчи, тўртинчи, олтинчи — еттинчи хатбошилари, 3-банд, 5-банднинг «б» кичик банди учинчи хатбошиси, «г» кичик банди иккинчи хатбошиси, «д» кичик банди, 7-банди учинчи хатбошиси, 8-банднинг «а» — «д» кичик бандлари, 9-банд учинчи, бешинчи хатбошиси, 10-банд иккинчи-учинчи хатбошилари, 11-банднинг иккинчи хатбошиси, 12-банд, 1-илованинг номи ва изоҳ қисми, 2-илованинг номи, 1-позиция «Тадбирлар» устунининг 2-банди, 3-илова номи, 4 — 15-позицияларидаги

«профессионал таълим муассасалари» сўзлари тегишли келишидаги «касбий таълим ташкилотлари» сўзлари билан алмаштирилсин.

5-банднинг «б» кичик банди қуйидаги мазмундаги тўртинчи хатбоши билан тўлдирилсин:

«ташкиллаштирилган меҳнат миграцияси йўли билан хорижий мамлакатларда ишлаш учун кетиш истагида бўлган ва «Хорижда иш» меҳнат миграцияси электрон дастурий мажмуасида рўйхатга олинган фуқаролар Бандликка кўмаклашиш давлат жамғармаси ҳисобидан давлат гранти асосида ўқишга қабул қилинади».

5. Вазирлар Маҳкамасининг 2024 йил 31 июлдаги 463-сон қарори билан тасдиқланган Фаолияти энг муҳим самарадорлик кўрсаткичлари асосида баҳоланадиган республика ижро этувчи ҳокимият органлари ва хўжалик бирлашмалари рўйхати қуйидаги мазмундаги 32¹-банд билан тўлдирилсин:

«Ўзбекистон Республикаси Вазирлар Маҳкамаси ҳузуридаги Миграция агентлиги».

Вазирлар Маҳкамасининг
2025 йил 22 апрелдаги 252-сон қарорига
8-ИЛОВА

Ўзбекистон Республикаси Ҳукуматининг ўз кучини йўқотган деб ҳисобланаётган айрим қарорлари РЎЙХАТИ

1. Вазирлар Маҳкамасининг «Ўзбекистон Республикаси фуқароларини хорижда уюшган ҳолда ишга жойлаштириш тизимини янада такомиллаштириш ва тубдан қайта кўриб чиқиш чора-тадбирлари тўғрисида» 2018 йил 12 сентябрдаги 725-сон қарори.

2. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида (Ўзбекистон Республикаси Президентининг «Жаҳон банки ва Халқаро молия корпорациясининг «Бизнес юритиш» йиллик ҳисоботида Ўзбекистон Республикасининг рейтингини яхшилашга доир қўшимча чора-тадбирлар тўғрисида» 2019 йил 5 февралдаги ПҚ–4160-сон қарори)» 2019 йил 10 августдаги 661-сон қарорига илованинг 62-банди.

3. Вазирлар Маҳкамасининг «Хорижда вақтинчалик меҳнат фаолиятини амалга ошираётган Ўзбекистон Республикаси фуқароларининг ҳуқуқлари ва қонуний манфаатларини ҳимоя қилишга доир қўшимча чора-тадбирлар тўғрисида» 2019 йил 23 августдаги 713-сон қарори.

4. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида («Хусусий бандлик агентликлари тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида» 2020 йил 13 августдаги ЎРҚ–632-сон Ўзбекистон Республикаси Қонуни, Ўзбекистон Республикаси

Президентининг «Лицензиялаш ва рухсат бериш тартиб-таомилларини тубдан такомиллаштириш чора-тадбирлари тўғрисида» 2020 йил 24 августдаги ПФ–6044-сон Фармони ва Ўзбекистон Республикаси Президентининг «Хавфсиз, тартибли ва қонуний меҳнат миграцияси тизимини жорий қилиш чора-тадбирлари тўғрисида» 2020 йил 15 сентябрдаги ПҚ–4829-сон қарори)» 2020 йил 2 декабрдаги 764-сон қарори.

5. Вазирлар Маҳкамасининг «Камбағал ва ишсиз фуқароларни касб-хунарга ўқитиш тизимини такомиллаштириш ҳамда меҳнат органлари фаолияти самарадорлигини ошириш бўйича қўшимча чора-тадбирлар тўғрисида» 2021 йил 5 апрелдаги 183-сон қарорига 6-илованинг 20-банди.

6. Вазирлар Маҳкамасининг «Ўзбекистон Республикаси Адлия Вазирлиги тизимидаги таълим муассасалари фаолиятини янада такомиллаштириш чора-тадбирлари тўғрисида» 2021 йил 22 ноябрдаги 705-сон қарорига 3-илованинг 5-банди.

7. Вазирлар Маҳкамасининг «Аҳоли ва тадбиркорлик субъектларининг давлат хизматларидан фойдаланиш имкониятлари кенгайтирилиши муносабати билан Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш, шунингдек, баъзиларини ўз кучини йўқотган деб ҳисоблаш тўғрисида» 2021 йил 27 декабрдаги 774-сон қарорига 1-илованинг 40-банди.

8. Вазирлар Маҳкамасининг «Фаолиятни бошлаш ёки тугатиш учун ваколатли органни хабардор қилиш тартиби тўғрисидаги ягона низомни тасдиқлаш ҳақида» 2022 йил 25 февралдаги 88-сон қарорига 3-илованинг 17-банди.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

187 Номоддий маданий мерос намуналарини рўйхатга кири- тиш ёки ундан чиқариш билан боғлиқ давлат хизматла- рини кўрсатишнинг маъмурий регламентини тасдиқлаш тўғрисида

Ўзбекистон Республикаси Президентининг «Маъмурий ислохотлар дои-расида адлия органлари ва муассасаларининг масъулиятини янада ошириш ҳамда ихчам бошқарув тизимини шакллантириш тўғрисида» 2024 йил 25 майдаги ПФ–80-сон Фармони ижросини таъминлаш мақсадида Вазирлар Маҳка-маси **қарор қилади:**

1. Ўзбекистон Республикаси Президентининг «Маъмурий ислохотлар доирасида адлия органлари ва муассасаларининг масъулиятини янада оши-риш ҳамда ихчам бошқарув тизимини шакллантириш тўғрисида» 2024 йил 25 майдаги ПФ–80-сон Фармонига мувофиқ 2024 йилда қуйидаги хизмат-ларни Ўзбекистон Республикаси Ягона интерактив давлат хизматлари пор-тали (кейинги ўринларда — ЯИДХП) ҳамда Давлат хизматлари марказлари орқали кўрсатишни жорий қилиш белгиланганлиги маълумот учун қабул қилинсин:

номоддий маданий мерос объектларини Номоддий маданий мерос объект-ларининг рўйхатига киритиш;

номоддий маданий мерос объекти Номоддий маданий мерос объектла-рининг рўйхатига киритилганлиги ёки киритилмаганлиги ҳақида маълумот бериш.

2. Қуйидагиларни назарда тутувчи Номоддий маданий мерос намуналари-ни рўйхатга киритиш ёки ундан чиқариш билан боғлиқ давлат хизматларини кўрсатишнинг маъмурий регламенти 1-иловага мувофиқ тасдиқлансин:

номоддий маданий мерос намуналарини Номоддий маданий мерос наму-наларининг миллий ва маҳаллий рўйхатларига киритиш ҳамда улардан чиқа-риш бўйича давлат хизматларини ЯИДХП ҳамда Давлат хизматлари марказ-лари орқали кўрсатиш тартиби;

номоддий маданий мерос намунаси Номоддий маданий мерос намунала-рининг миллий ва маҳаллий рўйхатларига киритилган ёки киритилмаганлиги тўғрисида маълумот бериш тартиби.

3. Маданият вазирлиги икки ой муддатда:

а) Рақамли технологиялар вазирлиги ҳамда Адлия вазирлиги билан бир-галикда ушбу қарор билан тасдиқланган Регламентга мувофиқ давлат хизма-тининг ЯИДХП орқали кўрсатилишини таъминласин;

ЯИДХПда давлат хизмати кўрсатилишининг ҳар бир босқичида муро-жаатларнинг кўриб чиқирилишини кузатиб бориш тартибини жорий этсин;

б) манфаатдор вазирлик ва идоралар билан биргаликда ўзлари қабул қилган норматив-ҳуқуқий ҳужжатларни ушбу қарорга мувофиқлаштир-син.

4. Вазирлар Маҳкамасининг «Номоддий маданий мерос муҳофазасига

оид норматив-ҳуқуқий ҳужжатларни тасдиқлаш тўғрисида» 2011 йил 23 февралдаги 47-сон қарорига 2-иловага* мувофиқ ўзгартиришлар киритилсин.

5. Мазкур қарорнинг бажарилишини назорат қилиш Ўзбекистон Республикаси маданият вазири О.А. Назарбеков ва адлия вазири А.Ж. Ташқулов зиммасига юклансин.

**Ўзбекистон Республикасининг
Бош вазири**

А. АРИПОВ

Тошкент ш.,
2025 йил 24 апрель,
256-сон

Вазирлар Маҳкамасининг
2025 йил 24 апрелдаги 256-сон қарорига
1-ИЛОВА

**Номоддий маданий мерос намуналарини рўйхатга киритиш ёки
ундан чиқариш билан боғлиқ давлат хизматларини кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Мазкур Регламент жисмоний ва юридик шахсларга Ўзбекистон Республикаси Ягона интерактив давлат хизматлари портали (кейинги ўринларда — ЯИДХП) ва Давлат хизматлари марказлари орқали номоддий маданий мерос намуналарини Номоддий маданий мерос намуналарининг миллий ва маҳаллий рўйхатларига киритиш ҳамда улардан чиқариш, шунингдек, уларнинг ушбу рўйхатларга киритилган ёки киритилмаганлиги тўғрисида маълумотлар олиш билан боғлиқ давлат хизматларини кўрсатиш тартибини белгилайди.

2. Ушбу Регламентда қуйидаги асосий тушунчалардан фойдаланилади:

ариза берувчи — номоддий маданий мерос намуналари билан боғлиқ давлат хизматини кўрсатишни сўраб мурожаат қилган жисмоний ёки юридик шахс;

ваколатли орган — Ўзбекистон Республикаси Маданият вазирлиги ҳузуридаги Маданиятшунослик ва номоддий маданий мерос илмий-тадқиқот институти;

илмий-методик кенгаш (кейинги ўринларда — Кенгаш) — ваколатли орган ҳузурида номоддий маданий мерос намуналарини тарихий-маданий экспертизадан ўтказиш мақсадида ташкил этиладиган давлат органлари, илмий институт ва муассасалар, нодавлат нотижорат ташкилотларининг вакиллари, номоддий маданий меросни асраш ва ундан фойдаланиш йўналишида фаолият юритаётган ва тадқиқот ишларини амалга ошираётган алоҳида тадқиқотчилар ва мутахассислардан иборат кенгаш;

* 2-илова «Қонунчилик маълумотлари миллий базаси»да эълон қилинган.

номоддий маданий мерос намуналари — тарихий, илмий, бадийй ёки ўзгача маданий қимматга эга бўлган, урф-одатлар, халқ ижодиёти (сўз, ракс, мусиқа, томоша санъати), бадийй ҳунармандчилик ва амалий санъат билан боғлиқ билимлар, кўникмалар, артефактлар, маданий маконлар;

номоддий маданий мерос намуналарининг маҳаллий рўйхати (кейинги ўринларда — маҳаллий рўйхат) — Қорақалпоғистон Республикаси Маданият вазирлиги, вилоятлар ва Тошкент шаҳар маданият бошқармалари тасдиқлаган, номоддий маданий мерос масалалари бўйича ҳудудий экспертлар гуруҳи томонидан юритиладиган Номоддий маданий мерос намуналари рўйхати;

Номоддий маданий мерос намуналарининг миллий рўйхати (кейинги ўринларда — миллий рўйхат) — Ўзбекистон Республикаси Маданият вазирлиги тасдиқлаган, ваколатли орган томонидан юритиладиган Ўзбекистон Республикаси ҳудудида мавжуд бўлган номоддий маданий мерос намуналари рўйхати;

тарихий-маданий экспертиза (кейинги ўринларда — экспертиза) — номоддий маданий мерос намунасининг миллий рўйхатга киритилишини асослаш учун ташкил этиладиган ўрганиш ишлари;

ҳудудий орган — Қорақалпоғистон Республикаси Маданият вазирлиги, вилоятлар ва Тошкент шаҳар маданият бошқармалари;

ҳудудий экспертлар гуруҳи (кейинги ўринларда — экспертлар гуруҳи) — номоддий маданий мерос намуналарини излаб топиш ва улар тўғрисида маълумотлар йиғиш мақсадида ҳудудий орган ҳузурида ташкил этиладиган давлат органлари, илмий институт ва муассасалар, нодавлат нотижорат ташкилотларнинг вакиллари, номоддий маданий меросни асраш ва улардан фойдаланиш йўналишида фаолият юритаётган ва тадқиқот ишларини амалга ошираётган алоҳида тадқиқотчилар ва мутахассислардан иборат гуруҳ.

3. Давлат хизмати ваколатли орган ва ҳудудий органлар томонидан ЯИД-ХП ҳамда Давлат хизматлари марказлари орқали кўрсатилади.

4. Номоддий маданий мерос намуналарини:

миллий рўйхатга киритиш ёки ундан чиқариш масаласи Кенгаш томонидан;

маҳаллий рўйхатга киритиш ёки ундан чиқариш масаласи экспертлар гуруҳи томонидан кўриб чиқилади.

Бунда номоддий маданий мерос намуналари миллий рўйхатга киритилишидан (чиқарилишидан) олдин тегишли маҳаллий рўйхатга киритилиши (чиқарилиши) лозим.

5. Номоддий маданий мерос намуналарини миллий ва маҳаллий рўйхатларга киритиш ёки улардан чиқариш бўйича давлат хизматлари ушбу Регламентга 1 ва 2-иловалардаги* схемаларга мувофиқ кўрсатилади.

Номоддий маданий мерос намунасини номоддий маданий мерос намунаси тегишли рўйхатларга киритилганлиги ёки киритилмаганлиги ҳақида маълумот бериш бўйича давлат хизмати мазкур Регламентга 3-иловадаги* схемага мувофиқ кўрсатилади.

* 1 — 3-иловалар «Қонунчилик маълумотлари миллий базаси»да эълон қилинган.

6. Номоддий маданий мерос намуналарини Номоддий маданий мерос намуналарининг миллий ва маҳаллий рўйхатларига киритиш ёки улардан чиқариш, шунингдек, уларнинг ушбу рўйхатларга киритилганлиги ёки киритилмаганлиги тўғрисида мазкур Регламентга 4-иловага* мувофиқ шаклда маълумотнома (кейинги ўринларда — маълумотнома) берилади.

7. Давлат хизмати кўрсатилганлиги учун тўлов ундирилмайди.

2-боб. Номоддий маданий мерос намуналарини миллий ва маҳаллий рўйхатларга киритиш ёки улардан чиқариш бўйича давлат хизматларини кўрсатиш тартиби

1-§. Сўровнома юбориш тартиби

8. Ариза берувчи давлат хизматидан фойдаланиш учун Давлат хизматлари марказига ўзи келиб мурожаат этади ёки давлат хизматларидан электрон шаклда фойдаланиш учун ЯИДХПда рўйхатдан ўтади.

9. Ариза берувчи шахсан ёки унинг номидан мурожаат қилиш ҳуқуқига эга бўлган шахс ўзи келиб мурожаат этган тақдирда, Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса, мустақил равишда мазкур Регламентга 5-иловага* мувофиқ шаклда сўровномани электрон шаклда тўлдиради.

Ариза берувчи ЯИДХП орқали дам олиш ва байрам кунларидан қатъи назар, ҳар куни йигирма тўрт соат ичида сўровнома юбориши мумкин.

Бунда сўровномалар иш вақтидан кейин ёки дам олиш ва байрам кунларида юборилганда, календарь бўйича навбатдаги иш куни сўровномаларнинг ваколатли органга келиб тушган ва ваколатли орган томонидан қабул қилинган кун ҳисобланади.

10. Сўровнома тўлдирилганидан сўнг ариза берувчи маълумотлар тўғрисидаги текширади ва имзоларни идентификация қилишнинг замонавий воситалари (дактилоскопия, электрон имзо, Mobil-ID ва бошқалар) билан тасдиқлайди.

Ариза берувчи ЯИДХП орқали мурожаат этган тақдирда, унинг шахси тасдиқловчи ҳужжатни электрон рақамли имзо билан тасдиқлаш талаб этилмайди.

11. Ариза берувчи давлат хизматларидан фойдаланишдан хизмат кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматларидан фойдаланишдан бош тортганда, унинг сўровномаси кўрмасдан қолдирилади.

2-§. Номоддий маданий мерос намуналарини Номоддий маданий мерос намуналарининг миллий рўйхатига киритиш ва ундан чиқариш тартиби

12. Ариза берувчи ЯИДХП орқали мурожаат қилинганда, сўровнома автоматик тарзда ваколатли органга юборилади.

* 4-5-иловалар «Қонунчилик маълумотлари миллий базаси»да эълон қилинган.

13. Ариза берувчи Давлат хизматлари марказига шахсан келиб мурожаат этганда, сўровнома Давлат хизматлари маркази ходими томонидан тўлдирилиб, ариза берувчи томонидан тасдиқлангандан сўнг барча ҳужжатлар ўн дақиқа ичида ваколатли органга электрон шаклда юборилади.

14. Ваколатли орган сўровномани бир иш куни ичида тегишли ҳудудий органга кўриб чиқиш учун юборади.

15. Ҳудудий орган сўровномани бир иш куни ичида экспертлар гуруҳига юборади.

Экспертлар гуруҳи ўн иш куни ичида сўровномани кўриб чиқиб, қуйидаги хулосалардан бирини тайёрлайди:

номоддий маданий мерос намунасини маҳаллий рўйхатга киритиш (чиқариш) тўғрисида;

номоддий маданий мерос намунасини маҳаллий рўйхатга киритишни (чиқаришни) рад этиш тўғрисида.

16. Экспертлар гуруҳининг номоддий маданий мерос намунасини маҳаллий рўйхатга киритиш (чиқариш) тўғрисидаги хулосаси асосида ҳудудий орган:

бир иш куни ичида номоддий маданий мерос намунасини маҳаллий рўйхатга киритиш (чиқариш) бўйича буйруқ қабул қилади;

номоддий маданий мерос намунаси аввал маҳаллий рўйхатга киритилган (чиқарилган) бўлса, бир иш куни ичида ахборот хати ва тегишли тасдиқловчи ҳужжатларни ёзма равишда ваколатли органга тақдим этади.

17. Ваколатли орган маҳаллий рўйхатга киритилган (чиқарилган) номоддий маданий мерос намуналарини миллий рўйхатга киритиш (чиқариш) мақсадида бир иш куни ичида номоддий маданий мерос намуналарини экспертизадан ўтказиш учун кенгашга юборади.

Кенгаш ўн иш куни ичида номоддий маданий мерос намуналарини Вазирлар Маҳкамасининг 2011 йил 23 февралдаги 47-сон қарори билан тасдиқланган Номоддий маданий мерос намуналарининг тарихий-маданий экспертизадан ўтказиш тартиби тўғрисидаги низомга мувофиқ экспертизадан ўтказиш ҳамда қуйидаги хулосалардан бирини тайёрлайди ва уни ваколатли органга тақдим этади:

номоддий маданий мерос намунасини Номоддий маданий мерос намуналарининг миллий рўйхатига киритиш (чиқариш) тўғрисида;

номоддий маданий мерос намунасини Номоддий маданий мерос намуналарининг миллий рўйхатига киритишни (чиқаришни) рад этиш тўғрисида.

18. Кенгашнинг номоддий маданий мерос намуналарини миллий рўйхатга киритиш ёки ундан чиқариш тўғрисидаги хулосаси асосида ваколатли орган бир иш куни ичида номоддий маданий мерос намуналарини миллий рўйхатга киритиш (чиқариш) юзасидан Ўзбекистон Республикаси Маданият вазирлигига таклиф киритади.

19. Ўзбекистон Республикаси Маданият вазирлиги уч иш куни ичида Ўзбекистон Республикаси номоддий маданий меросининг янгиланган миллий рўйхатини тасдиқлайди ва ваколатли органга юборади.

20. Ваколатли орган бир иш куни ичида номоддий маданий мерос наму-

насини миллий рўйхатга киритилганлиги ёки ундан чиқарилганлиги бўйича маълумотномани (матрик штрихли код қўйилган) расмийлаштиради ҳамда уни ўз электрон рақамли имзоси билан тасдиқлаб, шу куннинг ўзида Давлат хизматлари марказига ёки ЯИДХП орқали автоматик тарзда ариза берувчига электрон шаклда юборади.

21. Давлат хизматлари маркази QR-код қўйилган маълумотномани олганидан сўнг ўн дақиқа ичида уни ариза берувчининг электрон манзилига юборади ва ариза берувчини бу ҳақида ахборот-коммуникация тизими орқали хабардор қилади. Давлат хизматлари маркази ариза берувчи шахсан келиб мурожаат қилган тақдирда, унга маълумотномани ариза берувчининг сўровига кўра электрон шаклда ёки қоғоз шаклда бериши шарт.

22. Қуйидагилар давлат хизматини кўрсатишни рад этиш учун асос бўлади: номоддий маданий мерос намуналарини миллий ва маҳаллий рўйхатга киритиш ёки ундан чиқариш бўйича сўровномада зарур маълумотлар ва ҳужжатлар тўлиқ тақдим этилмаганда ёки уларда хато ва нотўғри маълумотлар мавжуд бўлса;

аввал айтилиши шундай турдаги намуна номоддий маданий мерос намунаси сифатида миллий ёки маҳаллий рўйхатга киритилган ёки ундан чиқарилган бўлса;

берилган номоддий маданий мерос намуналари айтилиши омма учун хос ёки ҳар бир шахсда (объектларда) учрайдиган ёхуд ўзида бадий ва маданий қимматлик хусусиятини акс эттирмаса.

Давлат хизматини кўрсатиш бошқа асосларга кўра рад этилишига йўл қўйилмайди.

3-§. Номоддий маданий мерос намуналарини Номоддий маданий мерос намуналарининг маҳаллий рўйхатига киритиш ҳамда ундан чиқариш тартиби

23. Ариза берувчи ЯИДХП орқали мурожаат қилинганда, сўровнома автоматик тарзда тегишли ҳудудий органга юборилади.

24. Ариза берувчи Давлат хизматлари марказига шахсан келиб мурожаат этганда, сўровнома Давлат хизматлари маркази ходими томонидан тўлдирилиб, ариза берувчи томонидан тасдиқлангандан сўнг барча ҳужжатлар ўн дақиқа мобайнида тегишлилиги бўйича ҳудудий органга электрон шаклда юборилади.

25. Ҳудудий орган сўровномани бир иш куни ичида экспертлар гуруҳига юборади.

Экспертлар гуруҳи ўн иш куни ичида сўровномани кўриб чиқиб, қуйидаги хулосалардан бирини тайёрлайди:

номоддий маданий мерос намунасини маҳаллий рўйхатга киритиш (чиқариш) тўғрисида;

номоддий маданий мерос намунасини маҳаллий рўйхатга киритишни (чиқаришни) рад этиш тўғрисида.

26. Экспертлар гуруҳининг номоддий маданий мерос намунасини маҳаллий рўйхатга киритиш (чиқариш) тўғрисидаги хулосаси асосида ҳудудий орган бир иш куни ичида:

номоддий маданий мерос намунасини маҳаллий рўйхатга киритиш (чиқариш) бўйича буйруқ қабул қилади;

номоддий маданий мерос намунасини маҳаллий рўйхатга киритилганлиги (чиқарилганлиги) бўйича маълумотномани (матрик штрихли код қўйилган) расмийлаштиради.

Худудий орган маълумотномани ўз электрон рақамли имзоси билан тасдиқлаб, шу куннинг ўзида Давлат хизматлари марказига ёки ЯИДХП орқали автоматик тарзда ариза берувчига электрон шаклда юборади.

27. Номоддий маданий мерос намунаси мазкур Регламентнинг 22-бандидаги асосларга кўра уни маҳаллий рўйхатга киритиш ёки ундан чиқариш рад этилади.

3-боб. Номоддий маданий мерос намунасини Номоддий маданий мерос намуналарининг рўйхатига киритилганлиги ёки киритилмаганлиги ҳақида маълумот бериш бўйича давлат хизматини кўрсатиш тартиби

1-§. Сўровнома юбориш тартиби

28. Ариза берувчи номоддий маданий мерос намунасининг қуйидаги рўйхатларга киритилганлиги ёки киритилмаганлиги юзасидан маълумотнома олиш бўйича ЯИДХП ёки Давлат хизматлари маркази орқали ваколатли органга мурожаат қилиши мумкин:

Инсоният номоддий маданий меросининг Репрезентатив рўйхатига тавсия этилаётган намуналар рўйхати;

Зудлик билан муҳофаза остига олиниши лозим бўлган номоддий маданий мерос намуналари рўйхати;

Номоддий маданий мерос намуналарининг миллий рўйхати;

Номоддий маданий мерос намуналарининг маҳаллий рўйхати.

29. Ариза берувчи давлат хизматидан фойдаланиш учун Давлат хизматлари марказига ўзи келиб мурожаат этади ёки давлат хизматларидан электрон шаклда фойдаланиш учун ЯИДХПда рўйхатдан ўтади.

Ариза берувчи ЯИДХП орқали дам олиш ва байрам кунларидан қатъи назар, ҳар куни йигирма тўрт соат ичида мазкур Регламентга 6-иловага* мувофиқ шаклдаги сўровнома юбориши мумкин.

Бунда сўровномалар иш вақтидан кейин ёки дам олиш ва байрам кунларида юборилганда, календарь бўйича навбатдаги иш куни сўровномаларнинг ваколатли органга келиб тушган ва ваколатли орган томонидан қабул қилинган кун ҳисобланади.

30. Ариза берувчи шахсан ёки унинг номидан мурожаат қилиш ҳуқуқига эга бўлган шахс ўзи келиб мурожаат этган тақдирда, Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса, мустақил равишда сўровномани электрон шаклда тўлдиради.

Сўровнома тўлдирилганидан сўнг ариза берувчи маълумотлар тўғрилигини текширади ва имзоларни идентификация қилишнинг замонавий

* 6-илова «Қонунчилик маълумотлари миллий базаси»да эълон қилинган.

воситалари (дактилоскопия, электрон имзо, Mobil-ID ва бошқалар) билан тасдиқлайди.

Ариза берувчи ЯИДХП орқали мурожаат этган тақдирда, паспортни электрон рақамли имзо билан тасдиқлаш талаб этилмайди.

31. Ариза берувчи давлат хизматларидан фойдаланишдан хизмат кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматларидан фойдаланишдан бош тортганда, унинг сўровномаси кўрмасдан қолдирилади.

32. Ариза берувчи ЯИДХП орқали мурожаат қилинганда, сўровнома автоматик тарзда ваколатли органга юборилади.

33. Ариза берувчи Давлат хизматлари марказига шахсан келиб мурожаат этганда, сўровнома Давлат хизматлари маркази ходими томонидан тўлдирилиб, ариза берувчи томонидан тасдиқлангандан сўнг барча ҳужжатлар ўн дақиқа мобайнида ваколатли органга электрон шаклда юборилади.

2-§. Номоддий маданий мерос намунасини Номоддий маданий мерос намуналарининг рўйхатига киритилганлиги ёки киритилмаганлиги ҳақида маълумот бериш тартиби

34. Ваколатли орган уч иш куни ичида сўровномани кўриб чиқади ва маълумотномани (матрик штрихли код қўйилган) расмийлаштиради ҳамда уни ўз электрон рақамли имзоси билан тасдиқлаб, шу куннинг ўзида Давлат хизматлари марказига ёки ЯИДХП орқали автоматик тарзда ариза берувчига электрон шаклда юборади.

35. Давлат хизматлари маркази QR-код қўйилган маълумотномани олгандан сўнг ўн дақиқа ичида уни ариза берувчининг электрон манзилига юборади ва ариза берувчини бу ҳақида ахборот-коммуникация тизими орқали хабардор қилади. Давлат хизматлари маркази ариза берувчи шахсан келиб мурожаат қилган тақдирда, унга маълумотномани ариза берувчининг сўровига кўра электрон ёки қоғоз шаклда бериши шарт.

36. Сўровномада зарур маълумотлар ва ҳужжатлар тўлиқ тақдим этилмаганда ёки уларда хато ва нотўғри маълумотлар мавжуд бўлса давлат хизматини кўрсатиш рад этиш учун асос бўлади.

Давлат хизматини кўрсатиш бошқа асосларга кўра рад этилишига йўл қўйилмайди.

4-боб. Якунловчи қоидалар

37. Давлат хизматлари марказлари, ваколатли орган ва ҳудудий органлар ўз фаолиятини амалга ошириши натижасида олинган маълумотлар сир сақланишини таъминлайди.

38. Ўзбекистон Республикаси Адлия вазирлиги ва унинг ҳудудий бошқармалари ҳамда Давлат хизматлари марказлари ушбу Регламент талаблари бажарилиши бўйича давлат органлари ва бошқа ташкилотларнинг фаолиятини давлат хизматларини кўрсатиш давомида, шу жумладан, ЯИДХП орқали доимий назорат ва мониторинг қилиб боради.

39. Ариза берувчи давлат хизматини кўрсатувчи ходимларнинг хатти-ҳаракатларидан норози бўлган тақдирда, қонунчилик ҳужжатларида белгиланган тартибда шикоят қилиши мумкин.

40. Мазкур Регламент талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

188 Саноат тармоқларида фаолият юритаётган йирик корхоналар учун сервис хизматларини кўрсатишда маҳаллий корхоналар иштирокини кенгайтириш ва мутахассислар малакасини оширишни қўллаб-қувватлаш чора-тадбирлари тўғрисида

Ўзбекистон Республикаси Президентининг «Ўзбекистон Республикаси Президентининг тадбиркорлар билан тўртинчи очик мулоқотида белгиланган вазифаларни амалга ошириш чора-тадбирлари тўғрисида» 2024 йил 30 августдаги ПФ–132-сон Фармониға мувофиқ йирик корхоналарға сервис хизматларини кўрсатишда маҳаллий корхоналар иштирокини кенгайтириш ва маҳаллий мутахассислар малакасини ошириш учун қулай шароитлар яратиш мақсадида Вазирлар Маҳкамаси **қарор қилади:**

1. Қуйидагилар:

Саноат тармоқларида фаолият юритаётган йирик тадбиркорлик субъектлари томонидан хорижда ишлаб чиқарилган юқори технологияли ускуна ва жиҳозларни ўрнатиш, созлаш, ишға тушириш ҳамда таъмирлаш бўйича импорт ўрнини босувчи сервис хизматларини кўрсатишда маҳаллий корхоналар иштирокини кенгайтириш дастури 1-иловаға* мувофиқ;

Маҳаллий мутахассисларнинг хориждаги юқори технологияли ускуна ва жиҳозлар ишлаб чиқариш заводларида малака оширишини ташкил этиш ҳамда корхонанинг малака ошириш харажатларини қоплаб бериш тўғрисидаги низом 2-иловаға мувофиқ тасдиқлансин.

2. Ўзбекистон Республикаси Савдо-саноат палатаси ҳамда Ўзбекистон Республикаси Президентининг «Ташқи савдо ва ҳудудий саноатни ривожлантиришда тадбиркорлар бирлашмаларининг ролини янада ошириш чора-тадбирлари тўғрисида» 2024 йил 14 мартдаги ПҚ–126-сон қарорига 3-иловада белгиланган тармоқ уюшмаларининг (кейинги ўринларда — тармоқ уюшмалари) маҳаллий мутахассисларнинг хориждаги юқори технологияли ускуна ва жиҳозлар ишлаб чиқариш заводларида малака оширишини ташкил этишдаги асосий вазифалари этиб қуйидагилар белгилансин:

хизматлар импорти таҳлили асосида иқтисодиёт тармоқлари кесимида доимий талаб юқори бўлган хизматлар рўйхатини шакллантириб бориш;

хориждаги юқори технологияли ускуна ва жиҳозлар ишлаб чиқариш заводлари, уларнинг маҳсулотларига оид маълумотлар базасини яратиш;

корхоналарнинг буюртмасига асосан хориждаги юқори технологияли ускуна ва жиҳозлар ишлаб чиқариш заводи билан маҳаллий мутахассисларни импорт ўрнини босувчи хизматлар кўрсатишға тайёрлаш (ўқитиш, ўргатиш) ва малакасини оширишни ташкил этиш бўйича музокаралар ўтказиш;

маҳаллий корхоналарға хорижда ишлаб чиқарилган юқори технологияли ускуна ва жиҳозларни ўрнатиш, созлаш, ишға тушириш ҳамда таъмирлаш

* 1-илова «Қонунчилик маълумотлари миллий базаси»да эълон қилинган.

бўйича импорт ўрнини босувчи сервис хизматлари кўрсатишни ташкил этиш ва йўлга қўйишда қўмаклашиш;

корхоналарнинг талаблари ва эҳтиёжларидан келиб чиқиб, берилган буюртманомаларига асосан, хориждаги юқори технологияли ускуна ва жиҳозлар ишлаб чиқариш заводларида маҳаллий мутахассисларни тайёрлаш (ўқитиш, ўргатиш) ҳамда малакасини оширишни тизимли равишда ташкил этиб бориш;

хориждаги юқори технологияли ускуна ва жиҳозлар ишлаб чиқариш заводларида малака ошириб қайтган маҳаллий мутахассислар томонидан кўрсатиладиган импорт ўрнини босувчи хизматларнинг иқтисодий самарасини баҳолаб бориш.

3. Белгилансинки, маҳаллий мутахассисларнинг хориждаги юқори технологияли ускуна ва жиҳозлар ишлаб чиқариш заводларида малака ошириш билан боғлиқ харажатлари Савдога қўмаклашиш жамғармаси маблағлари ҳисобидан амалга оширилади.

4. Ўзбекистон Республикаси Савдо-саноат палатаси маҳаллий мутахассисларнинг хориждаги юқори технологияли ускуна ва жиҳозлар ишлаб чиқариш заводларида малака оширишига масъул этиб белгилансин.

5. Ушбу қарорнинг бажарилишини назорат қилиш Ўзбекистон Республикаси Бош вазирининг ўринбосари Ж.А. Ходжаев ва Савдо-саноат палатаси раиси Д.А. Вахабов зиммасига юклансин.

**Ўзбекистон Республикасининг
Бош вазири**

А. АРИПОВ

Тошкент ш.,
2025 йил 25 апрель,
259-сон

Вазирлар Маҳкамасининг
2025 йил 25 апрелдаги 259-сон қарорига
2-ИЛОВА

**Маҳаллий мутахассисларнинг хориждаги юқори технологияли
ускуна ва жиҳозлар ишлаб чиқариш заводларида малака
оширишини ташкил этиш ҳамда маҳаллий корхоналарнинг
малака ошириш харажатларини қоплаб бериш тўғрисида
НИЗОМ**

1-боб. Умумий қоидалар

1. Ушбу Низом маҳаллий корхоналар мутахассисларининг хориждаги юқори технологияли ускуна ва жиҳозлар ишлаб чиқариш заводларида малака оширишини ташкил этиш ҳамда малака ошириш харажатларини қоплаб бериш тартибини белгилайди.

2. Ушбу Низомда қуйидаги асосий тушунчалардан фойдаланилади:

импорт ўрнини босувчи хизматлар — маҳаллий корхона ёки маҳаллий мутахассис томонидан хорижда ишлаб чиқарилган юқори технологияли ускуна ва жиҳозларни ўрнатиш, созлаш, ишга тушириш ҳамда таъмирлаш бўйича кўрсатиладиган сервис хизматлари;

маҳаллий корхона — жами даромади календарь йил давомида 10 миллиард сўм ва ундан юқори бўлган ўрта ва йирик тадбиркорлик субъектлари;

малака ошириш дастури — маҳаллий корхона ва хориждаги юқори технологияли ускуна ва жиҳозлар ишлаб чиқариш заводи билан ҳамкорликда маҳаллий мутахассиснинг юқори технологияли ускуна ва жиҳозларни ўрнатиш, созлаш, ишга тушириш ҳамда таъмирлаш бўйича малакасини ошириш юзасидан амалга ошириладиган чора-тадбирлар;

малака ошириш харажати — маҳаллий корхона томонидан хориждаги юқори технологияли ускуна ва жиҳозлар ишлаб чиқариш заводи ўртасида маҳаллий мутахассисни юқори технологияли ускуна ва жиҳозларни ўрнатиш, созлаш, ишга тушириш ҳамда таъмирлаш бўйича малака ошириш дастурига мувофиқ тузилган шартномага кўра тўлаб берилган харажат;

маҳаллий мутахассис — маҳаллий корхона билан ходим сифатида амалдаги меҳнат шартномасига эга бўлган, хориждаги юқори технологияли ускуна ва жиҳозлар ишлаб чиқариш заводида малака оширишга юбориладиган Ўзбекистон Республикаси фуқароси.

3. Маҳаллий мутахассисларнинг хорижда малака оширишларини ташкил этиш ва маҳаллий корхонанинг малака ошириш харажатларини қоплаш Савдога кўмаклашиш жамғармаси (кейинги ўринларда — Жамғарма) маблағлари ҳисобидан белгиланган тартибда амалга оширилади.

Бунда ускуналарни харид қилиш шартномаларига мувофиқ уларни ишга тушириш, ходимларни ўқитиш ва ўргатиш хизматлари ускуналарни етказиб берувчи ҳамкор томонидан амалга оширилиши белгилаб қўйилган ҳолатлар бундан мустасно.

2-боб. Маҳаллий мутахассисларнинг хориждаги юқори технологияли ускуна ва жиҳозлар ишлаб чиқариш заводларида малака ошириш тартиби

4. Маҳаллий корхона томонидан ишлаб чиқариш талаб ва эҳтиёжларидан келиб чиқиб, хориждаги юқори технологияли ускуна ва жиҳозлар ишлаб чиқариш заводида маҳаллий мутахассисларни импорт ўрнини босувчи хизматлар кўрсатишга тайёрлаш (ўқитиш, ўргатиш) ва уларнинг малакасини оширишни ташкил этиш бўйича Ўзбекистон Республикаси Президентининг «Ташқи савдо ва ҳудудий саноатни ривожлантиришда тадбиркорлар бирлашмаларининг ролини янада ошириш чора-тадбирлари тўғрисида» 2024 йил 14 мартдаги ПҚ–126-сон қарорига 3-иловада белгиланган тармоқ уюшмасига (кейинги ўринларда — тармоқ уюшмаси) буюртманома тақдим этилади.

5. Тармоқ уюшмаси маҳаллий корхонанинг буюртманомасига кўра хориждаги юқори технологияли ускуна ва жиҳозлар ишлаб чиқариш заводи билан маҳаллий мутахассисларни импорт ўрнини босувчи хизматлар кўрсатишга тайёрлаш (ўқитиш, ўргатиш) ва уларнинг малакасини оширишни ташкил этиш бўйича томонлар иштирокида музокаралар ўтказишни ташкиллаштиради.

6. Музокаралар натижаси бўйича ўзаро келишувга мувофиқ маҳаллий корхона ҳамда хориждаги юқори технологияли ускуна ва жиҳозлар ишлаб чиқариш заводи ўртасида импорт ўрнини босувчи хизматлар кўрсатиш бўйича маҳаллий мутахассисларнинг малакасини ошириш мақсадида шартнома тузилади.

7. Маҳаллий корхона ҳамда хориждаги юқори технологияли ускуна ва жиҳозлар ишлаб чиқариш заводи билан ҳамкорликда малака ошириш дастури ишлаб чиқилади ва икки томонлама тасдиқланади.

8. Малака оширишга юбориладиган маҳаллий мутахассисларнинг маҳаллий корхона олдидаги ҳуқуқ ва мажбуриятлари амалдаги меҳнат қонунчилигига мувофиқ томонларнинг розилиги билан тузилган, шунингдек, меҳнат қонунчилигига зид бўлмаган муайян шартлар, шу жумладан, импорт ўрнини босувчи хизматлар кўрсатиш мажбурияти кабиларни ўз ичига олган меҳнат шартномасида белгиланади.

9. Малака оширишга юбориладиган маҳаллий мутахассислар хорижий тилларни бошланғич даражада билиш ва амалиётдан сўнг ўзи ишлаётган корхонада келгусида камида 2 йил ишлаб бериш шarti билан юборилади.

10. Тармоқ уюшмалари хорижда малака ошириб келган мутахассислар иштирокида ўз мутахассислиги бўйича «устоз-шогирд» анъаналари асосида маҳаллий корхоналарда ўқув курсларини ташкил этади.

3-боб. Маҳаллий корхоналарга хориждаги юқори технологияли ускуна ва жиҳозлар ишлаб чиқариш заводларида малака оширган маҳаллий мутахассисларнинг малака ошириш харажатларини қоплаб бериш тартиби

11. Маҳаллий корхона томонидан маҳаллий мутахассиснинг малака оши-

риш харажатларини қоплаб бериш тўғрисида тегишли тармоқ уюшмасига қуйидаги тасдиқловчи ҳужжатлар билан мурожаат қилинади:

маҳаллий корхона ва маҳаллий мутахассис ўртасида тузилган меҳнат шартномаси;

маҳаллий корхона ва хориждаги ишлаб чиқариш заводи билан импорт ўрнини босувчи хизматлар кўрсатиш бўйича маҳаллий мутахассисларнинг малакасини ошириш мақсадида тузилган шартнома;

тўлов амалга оширилганлиги, хизматлар кўрсатилганлигини тасдиқловчи ҳужжатлар.

12. Тармоқ уюшмалари томонидан маҳаллий корхоналарнинг маҳаллий мутахассиси малакасини ошириш харажатларини қоплаб бериш тўғрисидаги мурожаатлари умумлаштирилиб, Ўзбекистон Республикаси Савдо-саноат палатаси (кейинги ўринларда — Савдо-саноат палатаси) орқали Жамғармага талабнома тақдим этилади.

13. Жамғарманинг ижро этувчи органи томонидан тармоқ уюшмалари тақдим этган талабнома келиб тушган кундан бошлаб 2 иш куни ичида Ўзбекистон Республикаси Иқтисодиёт ва молия вазирлиги ҳузуридаги Ҳазначилик хизмати қўмитасига (кейинги ўринларда — Ҳазначилик хизмати қўмитаси) тўлов топшириқномаси тақдим этилади.

14. Тармоқ уюшмалари Жамғарманинг даромадлар ва харажатлар сметасида кўзда тутилмаган «ўқув жараёни билан боғлиқ бўлмаган» маблағларни ажратиш учун талабнома тақдим этган тақдирда, Жамғарма ижро этувчи органи томонидан талабнома рад этилади.

15. Талабнома рад этилган тақдирда, бу ҳақида шу куннинг ўзида тегишли тармоқ уюшмасига асосланган хабарнома юборилади.

16. Ҳазначилик хизмати қўмитаси томонидан Жамғарманинг ижрочи органи тақдим қилган тўлов топшириқномасига асосан Жамғарманинг шахсий ғазна ҳисобварағидан тегишли тармоқ уюшмаси ҳисобварағига белгиланган муддатда маблағ ўтказиб берилади.

4-боб. Хориждаги юқори технологияли ускуна ва жиҳозлар ишлаб чиқариш заводларида малака ошириб қайтган маҳаллий мутахассислар томонидан кўрсатиладиган импорт ўрнини босувчи хизматларнинг иқтисодий самарасини баҳолаш

17. Тармоқ уюшмалари томонидан хориждаги юқори технологияли ускуна ва жиҳозлар ишлаб чиқариш заводларида малака ошириб қайтган маҳаллий мутахассислар томонидан кўрсатиладиган импорт ўрнини босувчи хизматларнинг иқтисодий самараси қуйидаги мезонлар асосида баҳоланади:

маҳаллий мутахассис томонидан кўрсатилган хизматлар нархининг хорижий давлатдаги (қоида тариқасида маҳаллий мутахассис малака оширган давлат) мутахассис томонидан кўрсатиладиган худди шу турдаги хизматлар нархи билан солиштирма далолатномаси;

маҳаллий мутахассис томонидан ўрнатилган, созлаб ишга туширилган ёки таъмирланган юқори технологияли ускуна ва жиҳозларнинг ишлаш муддатининг узлуксизлиги даври;

корхонада маҳаллий мутахассис фаолият юритаётганда алоҳида шартнома асосида юқори технологияли ускуна ва жиҳозларни ўрнатиш, сошлаш, ишга тушириш ҳамда таъмирлаш сервис хизматлари импорти амалга оширилмаганлиги;

маҳаллий мутахассис томонидан тайёрланган шогирд мутахассислар сони ҳамда уларнинг юқори технологияли ускуна ва жиҳозларни ўрнатиш, сошлаш, ишга тушириш ҳамда таъмирлаш сервис хизматлари кўрсатишни ўзлаштирганлиги;

маҳаллий мутахассис томонидан кўрсатилган хизматларнинг иқтисодий самараси эътироф этилган муносабатлар (корхона томонидан моддий-маънавий рағбатлантиришлар, ташаккурнома ва бошқалар).

18. Тармоқ уюшмалари томонидан ушбу Низомда белгиланган мезонлар асосида баҳолаш натижалари йиллик мониторинги юритилади.

19. Тармоқ уюшмалари томонидан йиллик мониторинг натижасида малака ошириш харажатлари қоплаб берилган маҳаллий мутахассислар фаолиятининг самарадорлиги тўғрисида таҳлилий маълумотлар тайёрланади ва Савдо-саноат палатасига тақдим қилиб борилади.

20. Тармоқ уюшмалари томонидан йиллик мониторинг натижасида маҳаллий мутахассислар фаолиятининг самарадорлиги тўғрисида қабул қилинган хулоса қуйидагилар учун асос бўлиб хизмат қилади:

келгусида хориждаги юқори технологияли ускуна ва жиҳозлар ишлаб чиқариш заводларида маҳаллий мутахассисларни тайёрлаш (ўқитиш, ўргатиш) ҳамда уларнинг малакасини оширишни самарали ташкил этишда;

келгусида малака оширишга юбориладиган маҳаллий мутахассисларни танлашда;

малака ошириш дастурларини ишлаб чиқишда;

ходим билан тузилган меҳнат шартномаси шартларини қайта кўриб чиқишда.

5-боб. Яқунловчи қоидалар

21. Ушбу Низомдан фойдаланишда келиб чиқадиган низолар қонунчилик ҳужжатларида белгиланган тартибда ҳал этилади.

22. Ушбу Низом талаблари бузилишида айбдор бўлган шахслар қонунчилик ҳужжатларига мувофиқ жавоб берадилар.

БЕШИНЧИ БЎЛИМ**ЎЗБЕКИСТОН РЕСПУБЛИКАСИ
ҚИШЛОҚ ХЎЖАЛИГИ ВАЗИРИНИНГ
БУЙРУҒИ****189 Тупроқ бонитировкаси ишларини ўтказиш ва ҳужжатларини тасдиқлаш тартиби тўғрисидаги низомга ўзгартиришлар киритиш ҳақида***

*Ўзбекистон Республикаси Адлия вазирлиги томонидан 2025 йил
21 апрелда рўйхатдан ўтказилди, рўйхат рақами 2521-4*

Ўзбекистон Республикаси Президентининг 2025 йил 14 февралдаги ПФ–22-сон «Томорқа ер эгалари ва деҳқон хўжаликлари фаолиятида замонавий ташкилий тизимни жорий қилиш ва молиявий қўллаб-қувватлашнинг қўшимча чора-тадбирлари тўғрисида»ги Фармониға мувофиқ **буюраман:**

1. Ўзбекистон Республикаси Ер ресурслари, геодезия, картография ва давлат кадастри давлат қўмитасининг 2013 йил 30 октябрдаги 21-сон қарори (рўйхат рақами 2521, 2013 йил 7 ноябрь) (Ўзбекистон Республикаси қонун ҳужжатлари тўплами, 2013 й., 45-сон, 596-модда) билан тасдиқланган Тупроқ бонитировкаси ишларини ўтказиш ва ҳужжатларини тасдиқлаш тартиби тўғрисидаги низомға иловаға мувофиқ ўзгартиришлар киритилсин.

2. Мазкур буйруқ Ўзбекистон фермерлари кенгаши билан келишилган.

3. Мазкур буйруқ расмий эълон қилинган кундан эътиборан кучға кирази.

Вазир**И. АБДУРАХМОНОВ**

Тошкент ш.,
2025 йил 16 апрель,
30-сон

Келишилди:

**Ўзбекистон фермерлари
кенгаш раиси**

А. ХАИТОВ

2025 йил 9 апрель

* Ушбу буйруқ «Қонунчилик маълумотлари миллий базаси»да 2025 йил 21 апрелда эълон қилинган.

Ўзбекистон Республикаси
қишлоқ хўжалиги вазирининг 2025 йил
16 апрелдаги 30-сон буйруғига
ИЛОВА

**Тупроқ бонитировкаси ишларини ўтказиш ва ҳужжатларини
тасдиқлаш тартиби тўғрисидаги низомга киритилаётган
ўзгартиришлар**

1. 7-банддаги «туман фермер, деҳқон хўжаликлари ва томорқа ер эгалари кенгашининг» деган сўзлар «туман (шаҳар) фермерлар кенгашининг» деган сўзлар билан алмаштирилсин.

2. 10-банддаги «туман фермер, деҳқон хўжаликлари ва томорқа ер эгалари кенгаши» деган сўзлар «туман (шаҳар) фермерлар кенгаши» деган сўзлар билан алмаштирилсин.

3. 25-банддаги «туман фермер, деҳқон хўжаликлари ва томорқа ер эгалари кенгашининг» деган сўзлар «туман (шаҳар) фермерлар кенгашининг» деган сўзлар билан алмаштирилсин.

O'ZBEKISTON RESPUBLIKASI
MARKAZIY BANKI BOSHQARUVINING
QARORI

190 Tijorat banklari kapitalining monandligiga qo'yiladigan talablar to'g'risidagi nizomga o'zgartirish va qo'shimchalar kiritish haqida*

*O'zbekiston Respublikasi Adliya vazirligi tomonidan 2025-yil
21-aprelda ro'yxatdan o'tkazildi, ro'yxat raqami 2693-13*

O'zbekiston Respublikasining "O'zbekiston Respublikasining Markaziy banki to'g'risida"gi va "Banklar va bank faoliyati to'g'risida"gi qonunlariga muvofiq O'zbekiston Respublikasi Markaziy banki boshqaruvi **qaror qiladi**:

1. O'zbekiston Respublikasi Markaziy banki boshqaruvining 2015-yil 13-iyundagi 14/3-son qarori (ro'yxat raqami 2693, 2015-yil 6-iyul) (O'zbekiston Respublikasi qonun hujjatlari to'plami, 2015-yil., 27-son, 360-modda) bilan tasdiqlangan Tijorat banklari kapitalining monandligiga qo'yiladigan talablar to'g'risidagi nizomga ilovaga muvofiq o'zgartirish va qo'shimchalar kiritilsin.

2. Mazkur qaror rasmiy e'lon qilingan kundan e'tiboran bir oydan keyin kuchga kiradi.

Rais

T. ISHMETOV

Toshkent sh.,
2025-yil 1-aprel,
7/6-son

* Ushbu qaror «Qonunchilik ma'lumotlari milliy bazasi»da 2025-yil 22-aprelda e'lon qilingan.

O'zbekiston Respublikasi
Markaziy banki boshqaruvining 2025-yil
1-apreldagi 7/6-son qaroriga
ILOVA

**Tijorat banklari kapitalining monandligiga qo'yiladigan talablar
to'g'risidagi nizomga kiritilayotgan o'zgartirish va qo'shimchalar**

1. 9-band quyidagi tahrirda bayon etilsin:

“9. I darajali kapital regulyativ kapitalning 50 foizidan kam bo'lmashligi lozim. II darajali kapital miqdori I darajali kapital miqdorining 100 foizidan oshib ketsa, oshgan summa regulyativ kapital tarkibiga kiritilmaydi.”.

2. 12-band quyidagi tahrirda bayon etilsin:

“12. I darajali qo'shimcha kapital o'z ichiga quyidagilarni oladi:

a) mazkur Nizom 12-1-bandida belgilangan talablarga javob beruvchi to'liq to'langan nokumulyativ muddatsiz imtiyozli aksiyalar va (yoki) boshqa nokumulyativ muddatsiz kapital vositalari;

b) qo'shilgan kapital — nokumulyativ muddatsiz imtiyozli aksiyalar va (yoki) boshqa nokumulyativ muddatsiz kapital vositalarini birinchi marta joylashtirilishida ularning nominal narxidan yuqori to'langan summa;

v) I darajali qo'shimcha kapitalga qo'shilish shartlariga javob beruvchi shu'ba korxonalari tomonidan chiqarilgan va uchinchi shaxslar ixtiyorida bo'lgan kapitalga tenglashtirilgan vositalar, shuningdek mazkur Nizomning 11-bandi “g” kichik bandiga kiritilmagan ozchilik ulush egalarining bank yig'ma balansiga birlashadigan korxonalaridagi ulushlari.”.

3. Quyidagi mazmundagi 12-1-band bilan to'ldirilsin:

“12-1. I darajali qo'shimcha kapitalga kiritilgan to'liq to'langan nokumulyativ muddatsiz imtiyozli aksiyalar va (yoki) boshqa nokumulyativ muddatsiz kapital vositalari quyidagi shartlarni qanoatlantirishi lozim:

muayyan sotib olish sanasi yoki shartlariga ega bo'lmashligi;

bank tugatilganda ularga doir talablar bank depozitorlari, kreditorlari va subordinar qarzlari bo'yicha talablari bajarilgandan so'ng qondirilishi;

emitent yoki unga aloqador shaxslar tomonidan kafolatlanmagan va ta'minlanmagan bo'lishi;

ular chiqarilgan sanadan kamida besh yildan so'ng emitent tashabbusi bilan qaytarib sotib olinishi mumkinligi, bunda Markaziy bankning e'tirozi mavjud bo'lmashligi, shuningdek o'xshash turdagi muddatsiz imtiyozli aksiyalar va (yoki) boshqa nokumulyativ muddatsiz kapital vositalariga yoxud boshqa ulardan yuqoriroq turiga almashtirilishi yoki qaytarib sotib olinishi natijasida bank I darajali kapitalining monandlik koeffitsiyenti mazkur Nizom talablariga muvofiq o'rnatilgan minimal talabdan kamida ikki foiz bandga yuqori bo'lishi;

bank aksiyadorlari umumiy yig'ilishi qaroriga muvofiq ularga doir dividendlar (foizlar) to'lanmasligi mumkinligi;

ular bo'yicha to'lanmagan yoki to'liq to'lanmagan dividendlar (foizlar) jamg'arib borilmasligi va keyinchalik to'lanmasligi;

ular bo'yicha dividendlar (foizlar) to'lanmaganligi bank tomonidan

majburiyatlarning bajarilmasligi (toʻlovga qobiliyatsizlik) holati deb baholanmasligi;

ular boʻyicha toʻlanmagan dividendlar (foizlar) hisobidan shakllangan mablagʻlardan bank hech qanday cheklovlersiz foydalanish huquqiga egaligi;

ular boʻyicha dividendlar (foizlar) toʻlanmasligi bank uchun hech qanday cheklovlarni keltirib chiqarmasligi;

ular boʻyicha dividendlar (foizlar) miqdorlari (stavkalari) bankning moliyaviy holati va (yoki) kredit reytingi oʻzgarishi natijasida oʻzgarmasligi;

bank ular qaytarib sotib olinishiga oid shartlarni shakllantirmasligi, shu jumladan shartnoma shartlariga bunday shartlarni kiritilmasligi;

bank toʻlovga qobiliyatsizlikka uchraganini baholashda bankning majburiyatlari uning aktivlaridan ortib ketish holatiga olib kelmasligi;

buxgalteriya hisobi maqsadlarida majburiyat sifatida tasniflangan kapital vositalari bank I darajali asosiy kapitalining monandlik koeffitsiyentini kamida mazkur nizomga muvofiq talabdan (kapitalning konservatsiya buferi hisobga olinmagan holda) bir foiz bandga balandroq darajaga yetkazish maqsadida bankning oddiy aksiyalariga toʻliq miqdorda yoki qisman konvertatsiya qilinishi va (yoki) hisobdan chiqarilishi;

bankni qayta kapitallashtirishga toʻsquinlik qiluvchi shartlar, shu jumladan kelgusida ushbu kapital vositalari avvalgilari nisbatan pastroq narxda chiqarilganda avval joylashtirilgan kapital vositalariga egalik qiluvchi shaxslarga kompensatsiya toʻlanishini nazarda tutuvchi shartlarning mavjud emasligi.”.

4. 13-band oʻz kuchini yoʻqotgan deb topilsin.

5. 1-ilovada:

a) 10-2 va 10-3-pozitsiyalardagi “2024-yil 1-apreldan boshlab” degan soʻzlar “2024-yil 1-apreldan boshlab 2025-yil 1-iyunga qadar” degan soʻzlar bilan almashtirilsin;

b) quyidagi mazmundagi 10-4 va 10-5-pozitsiyalar bilan toʻldirilsin:

“

10 ⁴ .	2025-yil 1-iyundan boshlab doimiy daromadga ega boʻlgan yoki kamida oxirgi uzluksiz olti oy davomida har oy bank hisobvaragʻida, shu jumladan bank kartasida mablagʻlar aylanmasiga ega boʻlgan hamda qarz yuki koʻrsatkichi 50 foiz va undan past boʻlgan oʻzini oʻzi band qilgan shaxslarga ajratilgan 300 million soʻm va undan kam miqdordagi kreditlar, bundan oilaviy tadbirkorlikni rivojlantirish dasturlari doirasida ajratilgan kreditlar mustasno. Bunda: doimiy daromadga ega boʻlgan yoki kamida oxirgi uzluksiz olti oy davomida har oy bank hisobvaragʻida, shu jumladan bank kartasida mablagʻlar aylanmasiga ega boʻlgan hamda qarz yuki koʻrsatkichi 50 foiz va undan past boʻlgan oʻzini oʻzi band qilgan shaxslarga ajratilgan 300 million soʻmdan oshadigan kreditlar yillik foiz stavkasidan kelib chiqib, Markaziy bank tomonidan oʻrnatiladigan tavakkalchilik darajalari asosida tavakkalchilikka tortiladi;	75%
-------------------	---	-----

	o'zini o'zi band qilgan shaxslar doimiy daromadga ega bo'lmagan yoki kamida oxirgi uzluksiz olti oy davomida har oy bank hisobvarag'ida, shu jumladan bank kartasida mablag'lar aylanmasiga ega bo'lmagan yoki qarz yuki ko'rsatkichi 50 foizdan oshgan bo'lsa yoxud mazkur ko'rsatkichni aniqlash imkoni bo'lmagan bo'lsa, mazkur qarz oluvchilarga ajratilgan kreditlar ushbu ilovaning 13-2-pozitsiyasiga muvofiq tavakkalchilikka tortiladi.	
10 ⁵ .	2025-yil 1-iyundan boshlab kichik tadbirkorlik subyektlariga ajratilgan jami qoldiq summasi bank regulyativ kapitalining 0,2 foizidan oshmagan, biroq eng ko'pi bilan 15 mlrd. so'mgacha kreditlar, bundan oilaviy tadbirkorlikni rivojlantirish dasturlari doirasida ajratilgan kreditlar mustasno. Bunda, kichik tadbirkorlik subyektlariga ajratilgan jami qoldiq summasi bank regulyativ kapitalining 0,2 foizidan yoki 15 mlrd. so'mdan oshgan kreditlar yillik foiz stavkasidan kelib chiqib, Markaziy bank tomonidan o'rnatiladigan tavakkalchilik darajalari asosida tavakkalchilikka tortiladi.	75%

”

O'ZBEKISTON RESPUBLIKASI
MARKAZIY BANKI BOSHQARUVINING
QARORI

191 Tijorat banklarining likvidliligini boshqarishga
qo'yiladigan talablar to'g'risidagi nizomga qo'shimcha va
o'zgartirishlar kiritish haqida*

*O'zbekiston Respublikasi Adliya vazirligi tomonidan 2025-yil
21-aprelda ro'yxatdan o'tkazildi, ro'yxat raqami 2709-7*

O'zbekiston Respublikasining "O'zbekiston Respublikasining Markaziy banki to'g'risida"gi va "Banklar va bank faoliyati to'g'risida"gi qonunlariga muvofiq O'zbekiston Respublikasi Markaziy banki boshqaruvi **qaror qiladi**:

1. O'zbekiston Respublikasi Markaziy banki boshqaruvining 2015-yil 22-iyuldagi 19/1 4-son qarori (ro'yxat raqami 2709, 2015-yil 13-avgust) (O'zbekiston Respublikasi qonun hujjatlari to'plami, 2015-yil, 32-son) bilan tasdiqlangan Tijorat banklarining likvidliligini boshqarishga qo'yiladigan talablar to'g'risidagi nizomga ilovaga muvofiq qo'shimcha va o'zgartirishlar kiritilsin.

2. Mazkur qaror rasmiy e'lon qilingan kundan e'tiboran bir oydan keyin kuchga kiradi.

Rais

T. ISHMETOV

Toshkent sh.,
2025-yil 1-aprel,
7/5-son

* Ushbu qaror «Qonunchilik ma'lumotlari milliy bazasi»da 2025-yil 22-aprelda e'lon qilingan.

O'zbekiston Respublikasi
Markaziy banki boshqaruvining 2025-yil
1-apreldagi 7/5-son qaroriga
ILOVA

**Tijorat banklarining likvidliligini boshqarishga qo'yiladigan
talablar to'g'risidagi nizomga qo'shimcha va o'zgartirishlar kiritish
haqida**

1. 1-bandda:

quyidagi mazmundagi o'n birinchi xatboshi bilan to'ldirilsin:

“moliyaviy tashkilot — kredit tashkilotlari, sug'urta tashkilotlari, lizing tashkilotlari, qimmatli qog'ozlar bozorining professional ishtirokchilari, kliring tashkilotlari va moliyaviy xizmatlar ko'rsatuvchi boshqa tashkilotlar;”;

o'n birinchi xatboshi o'n ikkinchi xatboshi deb hisoblansin.

2. 2-bandda:

sakkizinchi xatboshi quyidagi tahrirda bayon etilsin:

“kapital monandligi hisob-kitobida tavakkalchilik darajasi 50 foizgacha bo'lgan xorijiy davlatlarning hukumatlari, markaziy banklari va davlat sektori tashkilotlari tomonidan chiqarilgan qimmatli qog'ozlarga qilingan investitsiyalar va ularga nisbatan boshqa moliyaviy talablar;”;

quyidagi mazmundagi to'qqizinchi — o'n birinchi xatboshilar bilan to'ldirilsin:

“kapital monandligi hisob-kitobida tavakkalchilik darajasi 50 foizgacha bo'lgan xalqaro moliya tashkilotlari tomonidan chiqarilgan qimmatli qog'ozlar;

ipotekani qayta moliyalashtirish tashkilotlari tomonidan chiqarilgan ta'minlangan qarz munosabatlarini tasdiqlovchi qimmatli qog'ozlar hamda korporativ obligatsiyalar;

kapital monandligi hisob-kitobida tavakkalchilik darajasi 50 foizgacha bo'lgan bankka aloqador bo'lmagan hamda moliyaviy bo'lmagan tashkilotlar tomonidan chiqarilgan qimmatli qog'ozlar;”;

to'qqizinchi xatboshi o'n ikkinchi xatboshi deb hisoblansin.

3. Quyidagi mazmundagi 2¹-band bilan to'ldirilsin:

“2¹. Yuqori likvidli aktivlar 1-darajali yuqori likvidli aktivlar va 2-darajali yuqori likvidli aktivlar yig'indisidan iborat.

Bunda, yuqori likvidli aktivlar hisob-kitobida garovga qo'yilgan yuqori likvidli aktivlar hisobga olinmaydi.”.

4. 3-bandda:

birinchi xatboshidagi “Yuqori likvidli” degan so'zlar “1-darajali yuqori likvidli” degan so'zlar bilan almashtirilsin;

beshinchi xatboshi quyidagi tahrirda bayon etilsin:

“kapital monandligi hisob-kitobida tavakkalchilik darajasi 0 foiz bo'lgan xorijiy davlatlarning hukumatlari, markaziy banklari va davlat sektori tashkilotlari tomonidan chiqarilgan qimmatli qog'ozlarga qilingan investitsiyalar va ularga nisbatan boshqa moliyaviy talablar;”;

sakkizinchi xatboshi quyidagi tahrirda bayon etilsin:

“kapital monandligi hisob-kitobida tavakkalchilik darajasi 0 foiz bo'lgan

xalqaro moliya tashkilotlari, shu jumladan Xalqaro valyuta jamg'armasi va Jahon banki guruhi (Xalqaro tiklanish va taraqqiyot banki, Xalqaro moliya korporatsiyasi, Xalqaro investitsiyalarni kafolatlash agentligi, Xalqaro taraqqiyot assotsiatsiyasi) hamda Osiyo taraqqiyot banki, Osiyo infrastruktura investitsiya banki, Yevropa tiklanish va taraqqiyot banki, Yevropa investitsiya banki, Yevropa Kengashining taraqqiyot banki, Islom taraqqiyot banki, Amerikalararo taraqqiyot banki, Skandinaviya investitsiya banki va Afrika taraqqiyot banki tomonidan chiqarilgan qimmatli qog'ozlarga qilingan investitsiyalar va ularga nisbatan boshqa moliyaviy talablar;”;

to'qqizinchi xatboshidagi “qog'ozlar;” degan so'z “qog'ozlar.” degan so'z bilan almashtirilsin;

o'ninchi xatboshi chiqarib tashlansin.

5. Quyidagi mazmundagi 3¹ — 3³-bandlar bilan to'ldirilsin:

“3¹. 2-darajali yuqori likvidli aktivlar 2A darajali va 2B darajali yuqori likvidli aktivlarni o'z ichiga oladi.

Bunda, yuqori likvidli aktivlar hisob-kitobida: 2-darajali yuqori likvidli aktivlar summasi yuqori likvidli aktivlar summasining 40 foizidan;

2B darajali yuqori likvidli aktivlar summasi jami yuqori likvidli aktivlar summasining 15 foizidan oshmasligi lozim.

3². 2A darajali yuqori likvidli aktivlarga quyidagilar kiradi:

kapital monandligi hisob-kitobida tavakkalchilik darajasi 20 foiz bo'lgan xorijiy davlatlarning hukumatlari, markaziy banklari va davlat sektori tashkilotlari hamda xalqaro moliya tashkilotlari tomonidan chiqarilgan qimmatli qog'ozlarga qilingan investitsiyalar va ularga nisbatan boshqa moliyaviy talablarning 85 foizi;

reyting bahosi “AA” (Standard & Poor's, Fitch Ratings) va (yoki) “Aa3” (Moody's Investors Service) darajasidan past bo'lmagan hamda bankka aloqador hisoblanmagan moliyaviy bo'lmagan tashkilotlar tomonidan chiqarilgan ta'minlangan qarz munosabatlarini tasdiqlovchi qimmatli qog'ozlar hamda korporativ obligatsiyalarning 85 foizi;

ipotekani qayta moliyalashtirish tashkilotlari tomonidan chiqarilgan korporativ obligatsiyalarning 85 foizi.

3³. 2B-darajali yuqori likvidli aktivlarga quyidagilar kiradi:

reyting bahosi “A+” dan “A-” gacha (Standard & Poor's, Fitch Ratings) va (yoki) “A1” dan “A3” gacha (Moody's Investors Service) bo'lgan hamda bankka aloqador hisoblanmagan moliyaviy bo'lmagan tashkilotlar tomonidan chiqarilgan ta'minlangan qarz munosabatlarini tasdiqlovchi qimmatli qog'ozlar hamda korporativ obligatsiyalarning 50 foizi;

kapital monandligi hisob-kitobida tavakkalchilik darajasi 50 foiz bo'lgan xorijiy davlatlarning hukumatlari, markaziy banklari va davlat sektori tashkilotlariga hamda xalqaro moliya tashkilotlari tomonidan chiqarilgan qimmatli qog'ozlarga qilingan investitsiyalar va ularga nisbatan boshqa moliyaviy talablarning 50 foizi.”.

6. 52-bandda uchinchi xatboshi quyidagi tahrirda bayon etilsin:

“Keyingi 30 kun ichidagi kirim va chiqim elementlari va ularga nisbatan qo'llaniladigan koeffitsiyentlar Markaziy bank tomonidan o'rnatiladi.”.

7. 53-bandda:

birinchi xatboshidan “SBMMK hisoblash namunasi mazkur Nizomning 2-ilovasida ko‘rsatilgan.” degan so‘zlar chiqarib tashlansin;

quyidagi mazmundagi ikkinchi xatboshi bilan to‘ldirilsin:

“Barqaror moliyalashtirishning mavjud summasi va barqaror moliyalashtirishning zarur summasi elementlari va ularga nisbatan qo‘llaniladigan koeffitsiyentlar Markaziy bank tomonidan o‘rnatiladi.”;

ikkinchi — oltinchi xatboshilar tegishli ravishda uchinchi — yettinchi xatboshilar deb hisoblansin;

uchinchi xatboshidan “2019-yil 1-sentabrdan boshlab” degan so‘zlar chiqarib tashlansin.

8. 54 va 55-bandlar o‘z kuchini yo‘qotgan deb topilsin.

9. 2-ilova o‘z kuchini yo‘qotgan deb topilsin.

O'ZBEKISTON RESPUBLIKASI
MARKAZIY BANKI BOSHQARUVINING
QARORI

192 “Qarz oluvchi jismoniy shaxslarning qarz yukini tartibga solish to‘g‘risidagi nizomni tasdiqlash haqida”gi qarorga o‘zgartirish va qo‘shimchalar kiritish to‘g‘risida*

*O‘zbekiston Respublikasi Adliya vazirligi tomonidan 2025-yil
21-aprelda ro‘yxatdan o‘tkazildi, ro‘yxat raqami 3205-4*

O‘zbekiston Respublikasining “O‘zbekiston Respublikasining Markaziy banki to‘g‘risida”gi Qonuniga muvofiq O‘zbekiston Respublikasi Markaziy banki boshqaruvi **qaror qiladi:**

1. O‘zbekiston Respublikasi Markaziy banki boshqaruvining 2019-yil 28-sentabrdagi 24/5-son “Qarz oluvchi jismoniy shaxslarning qarz yukini tartibga solish to‘g‘risidagi nizomni tasdiqlash haqida”gi qaroriga (ro‘yxat raqami 3205, 2019-yil 19-dekabr) (Qonun hujjatlari ma’lumotlari milliy bazasi, 2019-y., 10/19/3205/4177-son) ilovaga muvofiq o‘zgartirish va qo‘shimchalar kiritilsin.

2. Mazkur qaror O‘zbekiston Respublikasi Savdo-sanoat palatasi bilan kelishilgan.

3. Mazkur qaror rasmiy e‘lon qilingan kundan e‘tiboran uch oydan keyin kuchga kiradi.

Rais

T. ISHMETOV

Toshkent sh.,
2025-yil 8-aprel,
7/4-son

Kelishildi:

Savdo-sanoat palatasi raisi

D. VAXABOV

2025-yil 2-aprel

* Ushbu qaror «Qonunchilik ma’lumotlari milliy bazasi»da 2025-yil 23-aprelda e‘lon qilingan.

O'zbekiston Respublikasi
Markaziy banki boshqaruvining 2025-yil
8-apreldagi 7/4-son qaroriga
ILOVA

“Qarz oluvchi jismoniy shaxslarning qarz yukini tartibga solish to'g'risidagi nizomni tasdiqlash haqida”gi qarorga kiritilayotgan o'zgartirish va qo'shimchalar

1. Qarorda:

a) nomi quyidagi tahrirda bayon etilsin:

“Mikromoliya tashkiloti va lombard tomonidan beriladigan kreditlar (mikroqarzlar) bo'yicha qarz oluvchi jismoniy shaxslarning qarz yukini tartibga solish to'g'risidagi nizomni tasdiqlash haqida”;

b) 1-band quyidagi tahrirda bayon etilsin:

“1. Mikromoliya tashkiloti va lombard tomonidan beriladigan kreditlar (mikroqarzlar) bo'yicha qarz oluvchi jismoniy shaxslarning qarz yukini tartibga solish to'g'risidagi nizom ilovaga muvofiq tasdiqlansin.”.

2. Nizomda:

a) nomi quyidagi tahrirda bayon etilsin:

“Mikromoliya tashkiloti va lombard tomonidan beriladigan kreditlar (mikroqarzlar) bo'yicha qarz oluvchi jismoniy shaxslarning qarz yukini tartibga solish to'g'risidagi NIZOM”;

b) muqaddima quyidagi tahrirda bayon etilsin:

“Mazkur Nizom mikromoliya tashkiloti va lombard (bundan buyon matnda nobank kredit tashkiloti deb yuritiladi) tomonidan qarz oluvchi jismoniy shaxslarga kreditlar (mikroqarzlar) ajratilayotganda qarz yuki ko'rsatkichini hisoblash tartibi va uning ruxsat etilgan miqdorini, shuningdek nobank kredit tashkiloti tomonidan jismoniy shaxslarga ajratiladigan kredit (mikroqarz) bo'yicha kunlik eng yuqori foiz stavkalarini belgilaydi.”;

d) 1-bandda:

ikkinchi xatboshi “kredit tashkilotiga” degan so'zlardan oldin “nobank” degan so'z bilan to'ldirilsin;

to'rtinchi xatboshi quyidagi tahrirda bayon etilsin:

“qarz beruvchi — bank, nobank kredit tashkiloti, mikromoliya tashkiloti faoliyatini amalga oshiruvchi to'lov tashkiloti va tovar iste'mol kreditlarini beruvchi tashkilot;”;

oltinchi xatboshi quyidagi tahrirda bayon etilsin:

“o'rtacha oylik to'lovlar miqdori — qarz oluvchining kredit (mikroqarz) ajratish to'g'risida qarz beruvchi tomonidan ko'rib chiqilayotgan murojaati (murojaatlari) hamda uning barcha qarz beruvchilar bilan tuzilgan kredit

(mikroqarz) shartnomalari, shuningdek qarz oluvchi kafil va/yoki birgalikda qarz oluvchi sifatida ishtirok etadigan kredit (mikroqarz) shartnomalari bo'yicha to'lovlarning o'rtacha oylik qiymati;"

quyidagi mazmundagi sakkizinchi xatboshi bilan to'ldirilsin:

"kreditni qayta moliyalashtirish — qarz oluvchining boshqa qarz beruvchilardan olgan kreditini (mikroqarzini) so'ndirish maqsadida nobank kredit tashkiloti tomonidan maqbul shartlar asosida kredit (mikroqarz) berilishi;"

sakkizinchi xatboshi to'qqizinchi xatboshi deb hisoblansin;

to'qqizinchi xatboshidagi "shaxslar" degan so'z "shaxs" degan so'z bilan almashtirilsin;

e) 2-bandda:

birinchi xatboshi chiqarib tashlansin;

ikkinchi — oltinchi xatboshilar tegishli ravishda birinchi — beshinchi xatboshilar deb hisoblansin;

birinchi xatboshi quyidagi tahrirda bayon etilsin:

"Qarz yuki ko'rsatkichi har bir qarz oluvchiga nobank kredit tashkiloti tomonidan kredit (mikroqarz) ajratishda, shu jumladan mazkur kredit (mikroqarz) bo'yicha o'rtacha oylik to'lovlar miqdorini oshirish (bundan shartnomada belgilangan o'zgaruvchan foiz stavkasi oshishi munosabati bilan to'lovlar miqdorining oshirilishi holatlari mustasno), kreditlash limitini oshirish hamda muddatni uzaytirish va boshqa qarz beruvchining kreditga (mikroqarzga) doir huquqlarini (talablarini) sotib olish yoki kreditni qayta moliyalashtirishga oid qaror qabul qilinganda (bundan buyon matnda kredit (mikroqarz) ajratish deb yuritiladi) hisoblanishi lozim.";

uchinchi xatboshi chiqarib tashlansin;

to'rtinchi va beshinchi xatboshilar tegishli ravishda uchinchi va to'rtinchi xatboshilar deb hisoblansin;

uchinchi xatboshidagi "mikromoliya tashkiloti va lombard" degan so'zlar "nobank kredit tashkiloti" degan so'zlar bilan almashtirilsin;

f) 3-band quyidagi tahrirda bayon etilsin:

"3. Nobank kredit tashkiloti tomonidan boshqa qarz beruvchining kreditga (mikroqarzga) doir huquqlari (talablari) sotib olinayotganda yoki kredit qayta moliyalashtirilayotganda, qarz yuki ko'rsatkichi hisob-kitobida qarz oluvchining mazkur kredit (mikroqarz) bo'yicha to'lovlari takroran hisobga olinmaydi.";

g) 4-bandda:

uchinchi xatboshidagi "qarz beruvchi" va "kreditorlar" degan so'zlar tegishli ravishda "nobank kredit tashkiloti" hamda "qarz beruvchilar" degan so'zlar bilan almashtirilsin;

to'rtinchi xatboshi "amalda bo'lgan" degan so'zlardan keyin "barcha" degan so'z bilan to'ldirilsin;

h) 4¹-band quyidagi tahrirda bayon etilsin:

"4¹. Kredit (mikroqarz) shartnomasiga asosan uni so'ndirish muddati 36 oydan oshgan taqdirda, qarz yuki bo'yicha o'rtacha oylik to'lovlar miqdori hisob-kitobida kredit (mikroqarz) bo'yicha barcha to'lovlar 36 oyga teng miqdorda taqsimlanadi.";

i) 5-band quyidagi tahrirda bayon etilsin:

“5. Nobank kredit tashkiloti o‘rtacha oylik to‘lovlarni kredit byurosi tomonidan taqdim etiladigan kredit hisobotidagi va nobank kredit tashkiloti boshqa rasmiy manbalardan olgan ma‘lumotlaridan foydalangan holda hisoblab chiqadi.”;

j) 6-banddagi “bir kalendar oydan” degan so‘zlar “10 kalendar kundan” degan so‘zlar bilan almashtirilsin;

k) 7-bandning ikkinchi xatboshisidagi, 8-banddagi va 11-bandning birinchi xatboshisidagi “Qarz beruvchi” degan so‘zlar “Nobank kredit tashkiloti” degan so‘zlar bilan almashtirilsin;

l) 9-bandda:

birinchi xatboshidagi “Qarz beruvchi” degan so‘zlar “Nobank kredit tashkiloti” degan so‘zlar bilan almashtirilsin;

sakkizinchi xatboshi quyidagi tahrirda bayon etilsin:

“Bunda, nobank kredit tashkiloti mazkur bandning ikkinchi — yettinchi xatboshilarida keltirilgan hujjatlar bilan cheklanmasdan boshqa ma‘lumotlardan foydalanishi mumkin.”;

to‘qqizinchi va o‘ninchi xatboshilar chiqarib tashlansin;

m) 10-band quyidagi tahrirda bayon etilsin:

“10. Nobank kredit tashkiloti tomonidan kredit (mikroqarz) ajratishda jismoniy shaxsning qarz yuki ko‘rsatkichi 50 foizdan oshmasligi kerak, bundan mazkur Nizomning 2-bandi uchinchi va to‘rtinchi xatboshilarida ko‘rsatilgan hollar mustasno.”;

n) ilovaning ilova belgisi quyidagi tahrirda bayon etilsin:

“Mikromoliya tashkiloti va lombard tomonidan beriladigan kreditlar (mikroqarzarlar) bo‘yicha qarz oluvchi jismoniy shaxslarning qarz yukini tartibga solish to‘g‘risidagi nizomga ILOVA”.

O'ZBEKISTON RESPUBLIKASI
MAKTABGACHA VA MAKTAB TA'LIMI VAZIRINING
BUYRUG'I

**193 Umumiy o'rta ta'lim oluvchilarning yakuniy davlat
attestatsiyasi to'g'risidagi nizomga o'zgartirishlar va
qo'shimcha kiritish haqida***

*O'zbekiston Respublikasi Adliya vazirligi tomonidan 2025-yil
22-aprelda ro'yxatdan o'tkazildi, ro'yxat raqami 1778-4*

O'zbekiston Respublikasi Prezidentining 2022-yil 21-dekabrdagi PF-269-son “Yangi O'zbekiston ma'muriy islohotlarini amalga oshirish chora-tadbirlari to'g'risida”gi va 2023-yil 26-maydagi PF-79-son “Maktabgacha va maktab ta'limi vazirligi hamda uning tizimidagi tashkilotlar faoliyatini samarali tashkil etish chora-tadbirlari to'g'risida”gi farmonlariga muvofiq **buyuraman:**

1. O'zbekiston Respublikasi xalq ta'limi vazirining 2008-yil 4-martdagi 56-son buyrug'i (ro'yxat raqami 1778, 2008-yil 20-mart) (O'zbekiston Respublikasi qonun hujjatlari to'plami, 2008-y., 12-13-son, 78-modda; 2015-y., 3-son, 36-modda) bilan tasdiqlangan Umumiy o'rta ta'lim oluvchilarning yakuniy davlat attestatsiyasi to'g'risidagi nizomga ilovaga muvofiq o'zgartirishlar va qo'shimcha kiritilsin.

2. Mazkur buyruq rasmiy e'lon qilingan kundan e'tiboran kuchga kiradi.

Vazir

X. UMAROVA

Toshkent sh.,
2025-yil 9-aprel,
2-mh-son

* Ushbu buyruq «Qonunchilik ma'lumotlari milliy bazasi»da 2025-yil 22-aprelda e'lon qilingan.

O'zbekiston Respublikasi
maktabgacha va maktab ta'limi vazirining
2025-yil 9-apreldagi 2-mh-son buyrug'iga
ILOVA

**Umumiy o'rta ta'lim oluvchilarning yakuniy davlat
attestatsiyasi to'g'risidagi nizomga kiritilayotgan
o'zgartirishlar va qo'shimcha**

1. Nizom muqaddimasi quyidagi tahrirda bayon etilsin:

“Mazkur Nizom umumiy o'rta ta'lim oluvchilarning yakuniy davlat attestatsiyasini (bundan buyon matnda yakuniy attestatsiya deb yuritiladi) o'tkazish jarayonini tartibga soladi.”.

2. 6-band quyidagi tahrirda bayon etilsin:

“6. Bitiruvchi sinflarda yakuniy attestatsiya o'tkaziladigan fanlar ro'yxati, shakli va muddatlari har o'quv yilida O'zbekiston Respublikasi Maktabgacha va maktab ta'limi vazirligi tomonidan tasdiqlanadi.

Bunda, ushbu ro'yxatga ta'lim tili o'zbek tili bo'lmagan maktablar uchun davlat tili majburiy fanlar blokiga kiritiladi.

Yakuniy davlat attestatsiyasi doirasida 11-sinf bitiruvchilari majburiy hamda tanlov fanlari bo'yicha yakuniy attestatsiyadan o'tkaziladi. Bunda, tanlov fanlari ro'yxatidan bitiruvchi oliy ta'lim tashkilotiga kirish imtihonidagi o'zi tanlagan yo'nalishga mos fanlarni tanlashi mumkin.”.

3. 7-bandning birinchi xatboshisi quyidagi tahrirda bayon etilsin:

“7. Bitiruvchi sinflar uchun yakuniy attestatsiya materiallari (yozma ish yoki insho mavzulari, matematika bo'yicha topshiriqlar, og'zaki imtihon biletlari, test topshiriqlari) O'zbekiston Respublikasi Maktabgacha va maktab ta'limi vazirligining Ixtisoslashtirilgan ta'lim muassasalari agentligi huzuridagi Pedagogik mahorat va xalqaro baholash ilmiy-amaliy markazi tomonidan tayyorlanib, ekspertizadan o'tkazilib, O'zbekiston Respublikasi Maktabgacha va maktab ta'limi vazirligi qoshidagi Respublika ta'lim markazi tomonidan tasdiqlanadi.”.

4. 10-bandda:

1) birinchi xatboshidagi “keyingi o'rinlarda” degan so'zlar “bundan buyon matnda” degan so'zlar bilan almashtirilsin;

2) yettinchi xatboshi quyidagi tahrirda bayon etilsin:

“Yakuniy attestatsiyada kuzatuv kengashi hamda fuqarolarning o'zini o'zi boshqarish organlari vakillari jamoatchilik asosida kuzatuvchi sifatida qatnashishlari mumkin.”.

5. 11-banddan “Ushbu jarayonda O'zbekiston Respublikasi Oliy ta'lim, fan va innovatsiyalar vazirligi huzuridagi Bilim va malakalarni baholash agentligi vakillari ishtirok etishlari mumkin.” degan so'zlar chiqarib tashlansin.

6. 17-banddagi “bayon”, “Bayon” degan so'z tegishli ravishda “yozma ish”, “Yozma ish” degan so'zlar bilan almashtirilsin.

7. 18-bandning birinchi xatboshisidagi “bayon” degan so'z tegishli ravishda “yozma ish” degan so'zlar bilan almashtirilsin.

8. 21-bandning ikkinchi xatboshisidagi “bayonlari” degan soʻz “yozma ishlari” degan soʻzlar bilan almashtirilsin.

9. 22 va 25-bandning birinchi xatboshilaridagi “bayon” degan soʻz tegishli ravishda “yozma ish” degan soʻzlar bilan almashtirilsin.

10. 32-bandning birinchi va ikkinchi xatboshilaridagi hamda 33-banddagi “xalq taʼlimi” degan soʻzlar “maktabgacha va maktab taʼlimi” degan soʻzlar bilan almashtirilsin.

11. 37-bandda:

1) birinchi xatboshidagi “xalq taʼlimi” degan soʻzlar “maktabgacha va maktab taʼlimi” degan soʻzlar bilan almashtirilsin;

2) quyidagi mazmundagi toʻrtinchi xatboshi bilan toʻldirilsin:

“Xorijiy tillar hamda umumtaʼlim fanlari boʻyicha milliy yoki xalqaro tan olingan sertifikatga ega boʻlgan oʻquvchi yakuniy attestatsiya topshiriladigan fandan ozod etiladi. Bunda, xorijiy tillar hamda umumtaʼlim fanlari boʻyicha milliy va xalqaro tan olingan sertifikatlar roʻyxati Maktabgacha va maktab taʼlimi vazirligi tomonidan tasdiqlanadi”.

12. 38-bandning birinchi xatboshisidagi “xalq taʼlimi” degan soʻzlar “maktabgacha va maktab taʼlimi” degan soʻzlar bilan almashtirilsin.

13. 39-bandning ikkinchi xatboshisidagi “Xalq taʼlimi vazirligi” degan soʻzlar “Maktabgacha va maktab taʼlimi vazirligi” degan soʻzlar bilan almashtirilsin.

O'ZBEKISTON RESPUBLIKASI
MARKAZIY BANKI BOSHQARUVINING
QARORI

194 Banklarga o'rnatiladigan makroprudensial normativlar hamda ular tomonidan beriladigan kreditlar (mikroqarzlar) bo'yicha to'lovlarning eng yuqori qiymatlariga doir talablar to'g'risidagi nizomni tasdiqlash haqida*

*O'zbekiston Respublikasi Adliya vazirligi tomonidan 2025-yil
22-aprelda ro'yxatdan o'tkazildi, ro'yxat raqami 3618*

O'zbekiston Respublikasining "O'zbekiston Respublikasining Markaziy banki to'g'risida"gi va "Banklar va bank faoliyati to'g'risida"gi qonunlariga muvofiq O'zbekiston Respublikasi Markaziy banki boshqaruvi **qaror qiladi:**

1. Banklarga o'rnatiladigan makroprudensial normativlar hamda ular tomonidan beriladigan kreditlar (mikroqarzlar) bo'yicha to'lovlarning eng yuqori qiymatlariga doir talablar to'g'risidagi nizom ilovaga muvofiq tasdiqlansin.

2. Mazkur qaror rasmiy e'lon qilingan kundan e'tiboran uch oydan keyin kuchga kiradi.

Rais

T. ISHMETOV

Toshkent sh.,
2025-yil 8-aprel,
7/3-son

* Ushbu qaror «Qonunchilik ma'lumotlari milliy bazasi»da 2025-yil 23-aprelda e'lon qilingan.

O'zbekiston Respublikasi
Markaziy banki boshqaruvining 2025-yil
8-apreldagi 7/3-son qaroriga
ILOVA

Banklarga o'rnatiladigan makroprudensial normativlar hamda ular tomonidan beriladigan kreditlar (mikroqarzarlar) bo'yicha to'lovlarning eng yuqori qiymatlariga doir talablar to'g'risidagi NIZOM

Mazkur Nizom banklarga, shu jumladan mikromoliya banklariga (bundan buyon matnda bank deb yuritiladi) qo'yiladigan makroprudensial normativlar hamda ular tomonidan jismoniy shaxslarga beriladigan kreditlar (mikroqarzarlar) bo'yicha to'lovlarning eng yuqori qiymatlariga doir talablarni belgilaydi.

1-bob. Umumiy qoidalar

1. Banklarga o'rnatiladigan makroprudensial normativlarga quyidagilar kiradi: qarz yuki ko'rsatkichi;

kreditning garovga nisbati ko'rsatkichi;

kreditlar (mikroqarzarlar) kesimida to'planish (konsentratsiya) koeffitsiyentlari.

2. Ushbu Nizomda quyidagi asosiy tushunchalardan foydalaniladi:

qarz beruvchi — bank, mikromoliya tashkiloti, lombard, mikromoliya tashkiloti faoliyatini amalga oshiruvchi to'lov tashkiloti, tovar iste'mol kreditlarini beruvchi tashkilot;

qarz oluvchi — bankka kredit (mikroqarz) olish uchun murojaat qilgan jismoniy shaxs, shu jumladan o'zini o'zi band qilgan shaxs;

kredit (mikroqarz) — bank tomonidan qarz oluvchiga to'lovlilik, muddatlilik, qaytarish, shuningdek shartnomada nazarda tutilgan hollarda muayyan maqsadlar uchun foydalanish shartlari asosida beriladigan pul mablag'lari, shu jumladan qayta tiklanadigan kredit liniyasi va kredit karta (overdraft);

qayta tiklanadigan kredit liniyasi — qarz oluvchining bank bilan tuzilgan kredit shartnomasining amal qilish muddati davomida qarzdorlik to'langanda shartnomada belgilangan limit tiklanishi natijasida undan ko'p marotaba foydalanish imkonini beruvchi kredit (mikroqarz) turi;

kredit karta (overdraft) — qayta tiklanadigan kredit liniyasi shaklida qarz oluvchiga bank kartalari orqali beriladigan kredit (mikroqarz) turi;

kreditni qayta moliyalashtirish — qarz oluvchining boshqa qarz beruvchilardan olgan kreditini (mikroqarzini) so'ndirish maqsadida bank tomonidan maqbul shartlar asosida kredit (mikroqarz) berilishi;

qarz yuki ko'rsatkichi — qarz oluvchining kredit (mikroqarzlari) bo'yicha o'rtacha oylik to'lovlari miqdorining uning o'rtacha oylik daromadi miqdoriga bo'lgan nisbati;

kredit (mikroqarz) shartnomasi bo'yicha to'lovlar — kreditning (mikroqarzning) asosiy qarzi, foizlar, shartnomani tuzish vaqtida ma'lum bo'lgan

boshqa to'lovlar, shu jumladan uchinchi shaxs foydasiga to'lanadigan to'lovlar, agar bunday to'lovlar shartnoma shartlaridan kelib chiqadigan bo'lsa;

o'rtacha oylik to'lovlar miqdori — qarz oluvchining kredit (mikroqarz) berish to'g'risida bank va boshqa qarz beruvchilar tomonidan ko'rib chiqilayotgan murojaati (murojaatlari) hamda uning barcha qarz beruvchilar bilan tuzilgan kredit (mikroqarz) shartnomalari, shuningdek qarz oluvchi kafil va/yoki birgalikda qarz oluvchi sifatida ishtirok etadigan kredit (mikroqarz) shartnomalari bo'yicha to'lovlarning o'rtacha oylik qiymati;

o'rtacha oylik daromadlar miqdori — qarz oluvchining mehnatga haq to'lash tarzidagi, shuningdek pensiya va boshqa daromadlarining o'rtacha oylik miqdori;

birgalikda qarz oluvchi — qarz oluvchi bilan kredit (mikroqarz) va uning foizlari bo'yicha oylik to'lovlarda qatnashuvchi, shuningdek kredit (mikroqarz) bo'yicha solidar javob beruvchi shaxs.

2-bob. Banklar tomonidan qarz oluvchilarga beriladigan kreditlar (mikroqarzarlar) bo'yicha ularning qarz yuki ko'rsatkichiga oid talablar

1-§. Qarz yuki ko'rsatkichiga doir talablar

3. Bank tomonidan qarz oluvchiga (birgalikda qarz oluvchilarga) kredit (mikroqarz) berilishida uning (ularning) qarz yuki ko'rsatkichi 50 foizdan oshmasligi lozim, bundan mazkur bandning uchinchi va to'rtinchi xatboshilarida ko'rsatilgan holatlar mustasno.

Bank tomonidan qarz oluvchilarga berilgan, biroq so'ndirilmagan barcha kreditlar (mikroqarzarlar) sonining:

eng ko'pi bilan 15 foizigacha bank tomonidan qarz oluvchilarga (bundan o'zini o'zi band qilgan shaxs sifatida birinchi marta ro'yxatdan o'tganiga bankka murojaat qilgan sanadan oldingi olti oydan oshmagan qarz oluvchilar mustasno) kreditlar (mikroqarzarlar) berishda ularning qarz yuki ko'rsatkichi 100 foizgacha bo'lishi mumkin;

eng ko'pi bilan 15 foizigacha o'zini o'zi band qilgan shaxs sifatida birinchi marta ro'yxatdan o'tganiga bankka murojaat qilgan sanadan oldingi olti oydan oshmagan qarz oluvchilarga daromad olishga yo'naltirilgan faoliyati uchun kreditlar (mikroqarzarlar) berishda ularning qarz yuki ko'rsatkichi inobatga olinmasligi va (yoki) hisoblanmasligi mumkin.

Bunda, mazkur Nizomning 4-bandida ko'rsatilgan kreditlar bank tomonidan qarz oluvchilarga berilgan, biroq so'ndirilmagan barcha kreditlarning (mikroqarzarlarning) sonini aniqlashda inobatga olinmaydi.

4. Qarz yuki ko'rsatkichiga doir talablar quyidagi kreditlarni berishda tatbiq etilmaydi:

yakka tartibdagi tadbirkorlarga beriladigan kreditlar;

oilaviy tadbirkorlikni rivojlantirish dasturlari doirasida beriladigan kreditlar; ta'lim kreditlari.

5. Qarz yuki ko'rsatkichi har bir qarz oluvchiga bank tomonidan:

kredit (mikroqarz) berishga yoki kredit (mikroqarz) limitini oshirishga (bundan buyon matnda kredit (mikroqarz) berish deb yuritiladi);

mazkur bank tomonidan avval berilgan kredit (mikroqarz) bo'yicha o'rtacha oylik to'lovlar miqdorini oshirishga (bundan shartnomada belgilangan o'zgaruvchan foiz stavkasi oshishi munosabati bilan to'lovlar miqdorining oshirilishi holatlari mustasno) hamda muddatni uzaytirishga;

boshqa qarz beruvchining kreditga (mikroqarzga) doir huquqlarini (talablarini) sotib olish yoki kreditni qayta moliyalashtirishga doir qaror qabul qilinganda hisoblanishi lozim, bundan mazkur Nizomning 3-bandi to'rtinchi xatboshisida ko'rsatilgan holat mustasno.

6. Bank tomonidan boshqa qarz beruvchining kreditga (mikroqarzga) doir huquqlari (talablari) sotib olinayotganda yoki kredit qayta moliyalashtirilayotganda, qarz yuki ko'rsatkichi hisob-kitobida qarz oluvchining amaldagi kredit (mikroqarz) bo'yicha o'rtacha oylik to'lovlari takroran hisobga olinmaydi.

2-§. Qarz oluvchining o'rtacha oylik to'lovlari miqdorini aniqlash

7. O'rtacha oylik to'lovlar miqdori hisob-kitobiga quyidagi to'lovlar kiritiladi: bank va boshqa qarz beruvchilar tomonidan kredit (mikroqarz) berish to'g'risida ko'rib chiqilayotgan murojaat bo'yicha o'rtacha oylik to'lovlar;

qarz yuki ko'rsatkichini hisoblash sanasida qarz oluvchining barcha qarz beruvchilar bilan tuzilgan kredit (mikroqarz) shartnomasi, shu jumladan mazkur Nizomning 4-bandida nazarda tutilgan kredit shartnomasi, shuningdek qarz oluvchi birgalikda qarz oluvchi sifatida ishtirok etgan taqdirda, har bir kredit (mikroqarz) shartnomasi bo'yicha o'rtacha oylik to'lovlar;

bank tomonidan kredit (mikroqarz) berish yoki mazkur bank tomonidan avval berilgan kredit (mikroqarz) bo'yicha o'rtacha oylik to'lovlar miqdorini oshirish hamma muddatni uzaytirish to'g'risida ko'rib chiqilayotgan murojaatda birgalikda qarz oluvchi nazarda tutilgan taqdirda, qarz yuki ko'rsatkichini hisoblash sanasida birgalikda qarz oluvchining barcha qarz beruvchilar bilan tuzilgan hamda amalda bo'lgan har bir kredit (mikroqarz) shartnomasi bo'yicha o'rtacha oylik to'lovlar;

qarz oluvchi kafillik shartnomasiga muvofiq kafil sifatida ishtirok etgan har bir kredit (mikroqarz) shartnomasi bo'yicha o'rtacha oylik to'lovlar, agar qarz yuki ko'rsatkichini hisoblash sanasida ular bo'yicha 30 kundan ortiq muddati o'tgan to'lovlari mavjud bo'lsa.

8. O'rtacha oylik to'lovlar miqdorini aniqlashda berilayotgan kredit (mikroqarz) shartnomasiga asosan uni so'ndirish muddati:

mikroqarz bo'yicha 36 oydan oshgan taqdirda, mazkur mikroqarz bo'yicha barcha to'lovlar 36 oyga teng miqdorda;

ipoteka krediti (bundan O'zbekiston Respublikasi Iqtisodiyot va moliya vazirligi (bundan buyon matnda Iqtisodiyot va moliya vazirligi deb yuritiladi) mablag'lari hisobidan qayta moliyalashtiriladigan ipoteka kreditlari mustasno) bo'yicha 180 oydan oshgan taqdirda, mazkur kredit bo'yicha barcha to'lovlar 180 oyga teng miqdorda;

mazkur bandning ikkinchi va uchinchi xatboshilarida belgilangan kreditdan

(mikroqarzdан) boshqa turdagi kredit (bundan qayta tiklanadigan kredit liniyasi va kredit karta (overdraft) mustasno) bo'yicha 60 oydan oshgan taqdirda, ushbu kredit bo'yicha barcha to'lovlar 60 oyga teng miqdorda taqsimlanadi.

Bunda, mazkur bandning ikkinchi — to'rtinchi xatboshilarida ko'rsatilgan kredit (mikroqarz) shartnomalariga asosan ularni so'ndirish muddati mos ravishda 36, 180 va 60 oyga teng yoki undan kam bo'lsa, qarz yuki hisob-kitobida o'rtacha oylik to'lovlar miqdorini aniqlashda ular bo'yicha barcha to'lovlar mos ravishda shartnomada belgilangan oylar soniga teng miqdorda taqsimlanadi.

9. Bank tomonidan qarz oluvchiga qayta tiklanadigan kredit liniyasi va kredit karta (overdraft) berish to'g'risida murojaat ko'rib chiqilayotganda o'rtacha oylik to'lovlar miqdorini aniqlashda qayta tiklanadigan kredit liniyasi va kredit karta (overdraft) limitining 8 foizi olinadi.

10. Mazkur Nizomning 7-bandida ko'rsatilgan kredit (mikroqarz) shartnomasi (shartnomalari) bo'yicha (bundan qayta tiklanadigan kredit liniyasi va kredit karta (overdraft) mustasno) o'rtacha oylik to'lovlar quyidagilarning yig'indisini o'z ichiga oladi:

asosiy qarzning qoldiq summasi va unga hisoblanadigan foizlar, vositachilik haqi va boshqa to'lovlar yig'indisining shartnoma (shartnomalar) amal qilishi tugashiga qadar qolgan oylar soniga nisbati;

muddati o'tgan qarzdorliklar (muddati o'tgan asosiy qarz va foizlar), shu jumladan hisoblangan va muddati uzaytirilgan foizlar, hisoblangan penya (mavjud bo'lsa) va hisobdan chiqarilgan kreditlar (mikroqarzlار).

Bunda, qarz oluvchi barcha qarz beruvchilardan olgan va amalda bo'lgan qayta tiklanadigan kredit liniyasi va kredit karta (overdraft) bo'yicha o'rtacha oylik to'lovlar hisob-kitobi quyidagilarning yig'indisini o'z ichiga oladi:

qarz yuki ko'rsatkichini hisoblash sanasida qayta tiklanadigan kredit liniyasi va kredit karta (overdraft) limitining 8 foizi;

muddati o'tgan qarzdorliklar va hisoblangan penya (mavjud bo'lsa).

11. Bank o'rtacha oylik to'lovlar miqdorini o'zining axborot tizimlari, kredit byurosi tomonidan taqdim etiladigan kredit hisobotidan va boshqa rasmiy manbalardan olgan ma'lumotlardan foydalangan holda hisoblab chiqadi.

12. Qarz yuki ko'rsatkichini hisoblash va kredit (mikroqarz) berilishi o'rtasidagi vaqt oralig'i 3 ish kunidan oshmasligi kerak.

3-§. Qarz oluvchining o'rtacha oylik daromadlari miqdorini aniqlash

13. Qarz oluvchining o'rtacha oylik daromadlari miqdorini hisoblash maqsadida bank qarz oluvchi bankka murojaat qilgan sanadan oldingi kamida uzluksiz 6 oy, biroq 12 oydan oshmagan muddat uchun oylik daromadlarining o'rtacha arifmetik qiymatini aniqlaydi (bundan mazkur Nizomning 17-bandi birinchi xatboshisida belgilangan holatlar mustasno).

Bunda, bank tomonidan o'rtacha oylik daromadlar miqdorini hisoblash maqsadida:

12 oy va undan ortiq muddat ichida daromadga ega qarz oluvchilar uchun

— qarz yuki hisob-kitob qilinayotgan oydan oldingi 12 oy ichida olingan barcha daromadlarning o'n ikkidan bir qismi;

tegishli ravishda 6 oy va undan ortiq, biroq 11 oydan oshmagan muddat ichida daromadga ega qarz oluvchilar uchun — qarz yuki hisob-kitob qilinayotgan oydan oldingi 6 va undan ortiq oylar uchun olingan daromadlarning oltidan bir qismi (tegishli ravishda yettidan bir qismi, sakkizdan bir qismi, to'qqizdan bir qismi, o'ndan bir qismi, o'n birdan bir qismi) olinadi.

14. Bank qarz oluvchining ushbu davr uchun oylik daromadlarining mediana qiymatini aniqlash orqali qarz oluvchining o'rtacha oylik daromadlar miqdorini hisoblashi mumkin. Bunda, mazkur qiymat ushbu Nizomning 13-bandida belgilangan arifmetik qiymatdan kichikroq bo'lsa, bank uni qarz yuki ko'rsatkichi hisob-kitobida qarz oluvchining o'rtacha oylik daromadlari miqdori sifatida hisobga olishi mumkin.

15. Bank tomonidan ko'rib chiqilayotgan kredit (mikroqarz) berish haqidagi murojaatda birgalikda qarz oluvchi nazarda tutilgan bo'lsa, uning daromadlari ham o'rtacha oylik daromad hisob-kitobiga kiritilishi mumkin.

16. Qarz yuki hisob-kitobida mehnat to'g'risidagi qonunchilik va boshqa tegishli qonunchilik hujjatlariga muvofiq ish beruvchi tomonidan ish o'rni (lavozimi) saqlangan davr, jumladan mehnat ta'tili davri daromad olingan davr (daromadda uzilish bo'lmagan davr) sifatida inobatga olinadi.

17. Mehnat qonunchiligiga muvofiq mavsumiy ishlarni bajaradigan qarz oluvchilarning o'rtacha oylik daromadlari miqdorini hisoblashda bank ushbu qarz oluvchilar tomonidan so'nggi 6 oy ichida kamida 3 oyi uchun uzluksiz olingan daromadlarining oltidan bir qismini aniqlaydi.

Mavsumiy ishlarni bajaradigan qarz oluvchilarning 6 oy va undan ortiq, biroq 12 oydan oshmagan muddat uchun daromadlarining o'rtacha miqdori mazkur Nizomning 13-bandi uchinchi va to'rtinchi xatboshilariga muvofiq aniqlanadi.

18. Bank qarz oluvchi va birgalikda qarz oluvchining o'rtacha oylik daromadlarini aniqlashda mazkur Nizomning 19-bandida belgilangan hujjat va ma'lumotlar bilan tasdiqlangan daromadlarni hamda mazkur qarz oluvchi va birgalikda qarz oluvchining bank hisobvaraqlariga tushgan tushumlarini inobatga oladi. Bunda, qarz oluvchining bir manbadan olgan daromadlari takroran hisobga olinmaydi.

19. Bank qarz oluvchining va (yoki) birgalikda qarz oluvchining daromadlarini aniqlashda quyidagi tasdiqlovchi hujjat va ma'lumotlardan foydalanadi:

ish haqi to'g'risidagi tasdiqlangan ma'lumotlar;

pensiya miqdori to'g'risidagi ma'lumotlar;

fuqarolarning jamg'arib boriladigan pensiya badallari to'g'risidagi ma'lumotlar;

to'langan soliqlar to'g'risidagi ma'lumotlar;

foizlar, dividendlar, mol-mulkni ijaraga berishdan olingan daromadlar to'g'risidagi ma'lumotlar.

Bunda, qarz oluvchining daromadlari soliqlar chegirilib tashlangan holda hisobga olinadi.

20. Mazkur Nizomning 18-bandiga muvofiq qarz oluvchining o'rtacha oylik daromadlarini aniqlash imkoniyati mavjud bo'lmasa, bank mazkur qarz oluvchi

bankka murojaat qilgan sanadan oldingi kamida uzluksiz 6 oy, biroq 12 oydan oshmagan muddat ichida amaldagi kredit (mikroqarz) bo'yicha to'lovlari (bundan qayta tiklanadigan liniya bo'yicha to'lovlar mustasno) to'g'risidagi ma'lumotlardan foydalanishi mumkin.

Bunda, qarz yuki ko'rsatkichi hisob-kitobida qarz oluvchining o'rtacha oylik daromadi sifatida qarz oluvchining kredit (mikroqarz) bo'yicha o'rtacha oylik to'lovlari miqdorining 50 foizi olinadi.

21. Bank tomonidan Iqtisodiyot va moliya vazirligi mablag'lari hisobidan qayta moliyalashtiriladigan ipoteka kreditlarini berishda mazkur Nizomning 18-bandiga muvofiq qarz oluvchining o'rtacha oylik daromadlarini aniqlash imkoniyati mavjud bo'lmasa, qarz oluvchining o'rtacha oylik daromadlarini aniqlashda bank boshqa ma'lumotlardan foydalanishi mumkin. Bunda, bank mazkur ma'lumotlarning haqqoniyligini tekshirish choralari ko'rish lozim.

22. Bank qarz oluvchining o'rtacha oylik daromadlarini aniqlashda qarz oluvchi tomonidan taqdim etilgan va/yoki o'zining axborot tizimlari, kredit byurosi tomonidan taqdim etiladigan axborotlar va boshqa rasmiy manbalardan olgan ma'lumotlardan foydalanadi.

4-§. Qarz yuki o'sishini cheklash me'yori

23. Bank tomonidan qarz oluvchiga beriladigan kredit (mikroqarz) bo'yicha foiz to'lovlari hamda boshqa to'lovlar (bundan asosiy qarz to'lovlari, shartnoma shartlarini bajarmaganlik uchun qo'llaniladigan javobgarlik choralari mustasno) yig'indisi kreditning (mikroqarzning) asosiy qarz qoldig'iga nisbatan kunlik 0,25 foizdan oshmasligi lozim.

Bunda, mazkur bandning birinchi xatboshisida nazarda tutilgan boshqa to'lovlar qaysi davr uchun undiriladigan bo'lsa, kunlik foiz hisob-kitobida shu davrdagi kunlarga teng miqdorda taqsimlanadi.

24. Kredit (mikroqarz) bo'yicha asosiy qarzdin tashqari barcha to'lovlar, shu jumladan foizlar, vositachilik haqlari, neustoyka (jarima, penya), javobgarlikning boshqa choralari yig'indisi yiliga qarz miqdorining 50 foizidan ko'pini tashkil etishi mumkin emas.

Bunda, qarz miqdori deganda:

kredit (mikroqarz) (bundan qayta tiklanadigan kredit liniyasi va kredit karta (overdraft) mustasno) shartnomasining muddati 12 oyga teng yoki undan kam bo'lganda shartnoma bo'yicha berilgan kreditning (mikroqarzning) miqdori;

qayta tiklanadigan kredit liniyasi yoki kredit karta (overdraft) limitidan 12 oyga teng bo'lgan davrda haqiqatda foydalanilgan summa shartnomada belgilangan limitdan oshmagan taqdirda, mazkur haqiqatda foydalanilgan summa;

qayta tiklanadigan kredit liniyasi yoki kredit karta (overdraft) limitidan 12 oyga teng bo'lgan davrda haqiqatda foydalanilgan summalar yig'indisi shartnomada belgilangan limitdan oshgan taqdirda, shartnomada belgilangan limit;

kredit (mikroqarz) (bundan qayta tiklanadigan kredit liniyasi va kredit karta (overdraft) mustasno) shartnomasining muddati 12 oydan ko'p bo'lganda 12 oyga teng bo'lgan davrning boshidagi kredit (mikroqarz) asosiy qarzdin qoldig'i;

12 oyga teng bo'lgan davr ichida kreditning (mikroqarzning) asosiy qarz miqdori oshganda, ushbu miqdor oshgan sanadan boshlab keyingi davr uchun oshgan kredit (mikroqarz) asosiy qarzining qoldig'i tushuniladi.

Mazkur bandning birinchi xatboshisida nazarda tutilgan cheklov quyidagi tartibda hisob-kitob qilinadi:

$$\sum \text{to'lovlar} \leq \sum \text{qoldiq}_i \times \frac{\text{kunlar_soni}_i}{\text{muddat}} \times 50 \%$$

Bunda,

qoldiq_i — i davr uchun kredit (mikroqarz) asosiy qismining oshmay turgan qoldig'i;

kunlar_soni_i — i davrdagi kredit (mikroqarz) asosiy qismining qoldig'i oshmay turgan kunlar soni;

i davr — kredit (mikroqarz) qoldig'i oshmay turgan muddat;

to'lovlar — kredit (mikroqarz) bo'yicha asosiy qarzdan tashqari barcha to'lovlar, shu jumladan foizlar, vositachilik haqi, neustoyka (jarima, penya), javobgarlikning boshqa choralari;

muddat — 365 (366) kun yoki kredit (mikroqarz) shartnomasi muddati 12 oydan kam bo'lganda uning muddati kun hisobida.

Kredit (mikroqarz) shartnomasi bo'yicha kreditning (mikroqarzning) asosiy qarzidan tashqari to'lanadigan barcha to'lovlarni hisoblashda mazkur Nizomning ilovasida* keltirilgan misollardan foydalaniladi.

3-bob. Kreditning garovga nisbati ko'rsatkichiga qo'yiladigan talablar

25. Bank tomonidan qarz oluvchiga avtomobil sotib olish uchun kredit (bundan buyon matnda avtokredit deb yuritiladi) va ipoteka krediti berilishida kreditning garovga nisbati ko'rsatkichi hisoblanishi lozim.

26. Kreditning garovga nisbati ko'rsatkichi kredit summasining garovning qiymatiga nisbati orqali hisob-kitob qilinadi, bunda:

kredit summasi — kreditning so'ndirilmagan qoldig'i va qarzidor tomonidan kreditning foydalanilmagan qismini o'z ichiga oladi. Bunda, kredit summasi ushbu kredit bo'yicha yaratilgan zaxiralar chegirilmasdan, mazkur kredit bo'yicha ta'minot sifatida qarz beruvchi bankda shakllantirilgan, shuningdek shartnoma shartlari o'z vaqtida bajarilmaganda hech qanday shartlarsiz kreditni so'ndirishga yo'naltirilishi mumkin bo'lgan depozitlar chegirilgan holda hisoblanadi;

garov qiymati — kelajakdagi yo'qotishlarni o'z ichiga olgan holda bozor narxlari asosida shakllangan va bozor narxidan oshib ketmagan hamda baholash tashkiloti tomonidan baholangan yoki qonunchilikda taqiqlanmagan boshqa tartibda aniqlangan holda ta'minot sifatida rasmiylashtirilgan garov shartnomasida ko'rsatilgan mulk narxidir.

27. Kreditning garovga nisbati ko'rsatkichi hisob-kitobida garov qiymati

* Ilova «Qonunchilik ma'lumotlari milliy bazasi»da e'lon qilingan.

bank tomonidan dastlabki kelishilgan garov qiymatidan oshmagan miqdorda aks ettiriladi.

Bunda, kreditning garovga nisbati ko'rsatkichi hisob-kitobida garov qiymatining dastlabki baholangan qiymati:

kamaytirish yuzasidan O'zbekiston Respublikasi Markaziy bankining talabi mavjud bo'lganda;

doimiy ravishda pasayishiga olib kelgan favqulodda holatlar va/yoki kutilmagan hodisalar yuz berganda;

shubhasiz o'zgarishiga olib keladigan holatlar yuzaga kelganda o'zgartirilishi mumkin.

28. Kredit bo'yicha garov predmetini baholash va qayta baholash O'zbekiston Respublikasining "Baholash faoliyati to'g'risida"gi Qonuni hamda boshqa qonunchilik hujjatlarida belgilangan tartibda amalga oshiriladi.

29. Kreditning garovga nisbati ko'rsatkichi hisob-kitobida:

avtokredit bo'yicha — kredit hisobiga sotib olingan va uning ta'minoti sifatida garovga olingan avtomobilning garov qiymati;

ipoteka krediti bo'yicha — kredit hisobiga sotib olingan va uning ta'minoti sifatida garovga olingan ko'chmas mulk garov qiymati olinadi.

30. Bank tomonidan qarz oluvchiga avtokredit bo'yicha kreditning garovga nisbati ko'rsatkichi 75 foizdan oshmasligi lozim.

Bank tomonidan qarz oluvchiga beriladigan ipoteka krediti (bundan mazkur bandning uchinchi xatboshisida ko'rsatilgan ipoteka kreditlari mustasno) bo'yicha kreditning garovga nisbati ko'rsatkichi 80 foizdan oshmasligi lozim.

Mazkur Nizomning 18-bandiga muvofiq qarz oluvchining o'rtacha oylik daromadlarini aniqlash imkoniyati mavjud bo'lsa, bank tomonidan ushbu qarz oluvchiga Iqtisodiyot va moliya vazirligining mablag'lari hisobidan qayta moliyalashtiriladigan ipoteka krediti bo'yicha kreditning garovga nisbati 85 foizdan oshmasligi lozim.

Bank tomonidan qarz oluvchiga:

avtokredit berishda mazkur bank tomonidan qarz oluvchilarga berilgan, biroq so'ndirilmagan barcha avtokreditlar sonining eng ko'pi bilan 15 foizigacha bo'lgan miqdorida kreditning garovga nisbati ko'rsatkichi 75 foizdan;

ipoteka kreditini berishda mazkur bank tomonidan qarz oluvchilarga berilgan, biroq so'ndirilmagan barcha ipoteka kreditlari sonining eng ko'pi bilan 15 foizigacha bo'lgan miqdorida kreditning garovga nisbati ko'rsatkichi 80 foizdan ortishi mumkin, bundan mazkur Nizomning 17-bandiga muvofiq qarz oluvchining o'rtacha oylik daromadlarini aniqlash imkoniyati mavjud bo'lmagan holda beriladigan ipoteka kreditlari mustasno.

4-bob. Kreditlar (mikroqarzarlar) kesimida to'planish (konsentratsiya) koeffitsiyentlariga doir talablar

31. Bank tomonidan (bundan mikromoliya banki mustasno) qarz oluvchilarga berilgan, biroq so'ndirilmagan:

mikroqarzar ulushi (bundan mazkur bandning uchinchi xatboshida

ko'rsatilgan kredit karta (overdraft) mustasno) bankning jami kredit portfelining 25 foizidan;

overdraftlar hamda mazkur Nizomning 32-bandida ko'rsatilgan xususiyatlarga mos bo'lgan kredit kartalar ulushi bankning jami kredit portfelining 25 foizidan; avtokreditlar ulushi bankning jami kredit portfelining 25 foizidan oshmasligi lozim.

32. Mazkur Nizom maqsadlarida kredit kartasi quyidagi xususiyatlarga javob berishi lozim:

qarzdorlikni so'ndirish bo'yicha to'lovlar jadvali qat'iy o'rnatilmaganligi;

qarzdorlik 45 kundan oshgan muddat ichida so'ndirilganda unga foizlar hisoblanmasligi (imtiyozli davr);

olingan mablag'lar hisobiga bank kartasidan boshqa bank kartalariga (bank hisobvarag'iga yoki elektron hamyonga) pul o'tkazmalarini amalga oshirish hamda naqd pul yechib olish uchun qo'shimcha haq undirilishi;

olingan mablag'lar hisobiga naqd pul yechib olinganda, mazkur yechilgan summa bo'yicha imtiyozli davr to'xtatilishi;

qarzdorlikni so'ndirishda minimal oylik to'lov mavjudligi.

33. Mazkur Nizomning 31-bandi ikkinchi va uchinchi xatboshilarida ko'rsatilgan talablarga muvofiq bo'lmagan banklar 2029-yilning 1-yanvariga qadar O'zbekiston Respublikasi Markaziy banki bilan kelishilgan muddatlarda bosqichma-bosqich ushbu belgilangan me'yor talablarga muvofiqlashtirishi lozim.

5-bob. Yakuniy qoida

34. Mazkur Nizom talablarining buzilishida aybdor bo'lgan shaxslar qonunchilik hujjatlarida belgilangan tartibda javobgar bo'ladi.

O'ZBEKISTON RESPUBLIKASI
MARKAZIY BANKI BOSHQARUVINING
QARORI

**195 Kredit byurolarini ro'yxatga olish va ularning faoliyatini
litsenziyalash tartibi to'g'risidagi nizomga qo'shimcha va
o'zgartirishlar kiritish haqida***

*O'zbekiston Respublikasi Adliya vazirligi tomonidan 2025-yil
23-aprelda ro'yxatdan o'tkazildi, ro'yxat raqami 3042-5*

O'zbekiston Respublikasining "O'zbekiston Respublikasining Markaziy banki to'g'risida"gi va 2025-yil 4-martdagi O'RQ-1043-son "Kredit axboroti almashinuvi to'g'risida"gi O'zbekiston Respublikasi Qonuniga kredit sohasidagi munosabatlarni yanada takomillashtirishga qaratilgan o'zgartirish va qo'shimchalar kiritish haqida"gi qonunlariga muvofiq O'zbekiston Respublikasi Markaziy banki boshqaruvi **qaror qiladi:**

1. O'zbekiston Respublikasi Markaziy banki boshqaruvining 2018-yil 28-apreldagi 16/23-son qarori (ro'yxat raqami 3042, 2018-yil 25-iyul) (Qonun hujjatlari ma'lumotlari milliy bazasi, 25.07.2018-y., 10/18/3042/1573-son) bilan tasdiqlangan Kredit byurolarini ro'yxatga olish va ularning faoliyatini litsenziyalash tartibi to'g'risidagi nizomga ilovaga muvofiq qo'shimcha va o'zgartirishlar kiritilsin.

2. Mazkur qaror O'zbekiston Respublikasi Raqamli texnologiyalar vazirligi hamda O'zbekiston Respublikasi Savdo-sanoat palatasi bilan kelishilgan.

3. Mazkur qaror rasmiy e'lon qilingan kundan e'tiboran uch oydan keyin kuchga kiradi.

Rais

T. ISHMETOV

Toshkent sh.,
2025-yil 11-aprel,
9/3-son

Kelishildi:

**Raqamli texnologiyalar vazirining
birinchi o'rinbosari**

O. UMAROV

2025-yil 2-aprel

**O'zbekiston Savdo-sanoat
palatasi raisi**

D. VAXABOV

2025-yil 28-mart

* Ushbu qaror «Qonunchilik ma'lumotlari milliy bazasi»da 2025-yil 25-aprelda e'lon qilingan.

O'zbekiston Respublikasi
Markaziy banki boshqaruvining 2025-yil
11-apreldagi 9/3-son qaroriga
ILOVA

**Kredit byuolarini ro'yxatga olish va ularning faoliyatini
litsenziyalash tartibi to'g'risidagi nizomga kiritilayotgan
qo'shimcha va o'zgartirishlar**

1. 5, 6 va 21-bandlar “muassislari” degan so'zdan keyin “(muassisi)” degan so'z bilan to'ldirilsin.

2. Quyidagi mazmundagi 61-band bilan to'ldirilsin:

“61. Kredit byurosi ustav fondining (ustav kapitalining) eng kam miqdori ikki milliard so'mni tashkil etishi kerak.”.

3. 19-bandda:

ikkinchi xatboshi quyidagi tahrirda bayon etilsin:

“muassislar umumiy yig'ilishining kredit byurosini tashkil etish to'g'risidagi bayonnomasi yoki yagona muassisning kredit byurosini tashkil etish haqidagi qarori;”;

to'rtinchi xatboshi “muassislari” degan so'zdan keyin “(muassisi)” degan so'z bilan to'ldirilsin;

oltinchi xatboshi “ustav fondi” degan so'zlardan keyin “(ustav kapitali)” degan so'zlar bilan to'ldirilsin;

yettinchi xatboshi quyidagi tahrirda bayon etilsin:

“Arizada muassislarning (muassisning) elektron pochta manzili ko'rsatilishi mumkin. Arizada elektron pochta manzilining ko'rsatilishi ushbu ariza bo'yicha qabul qilingan qaror haqida xabarnomani axborot tizimi orqali elektron shaklda olishga rozilik hisoblanadi.”.

ЎЗБЕКИСТОН РЕСПУБЛИКАСИ
КОРРУПЦИЯГА ҚАРШИ КУРАШИШ
АГЕНТЛИГИ ДИРЕКТОРИНИНГ
БҲЙРУҒИ

196 Ўзбекистон Республикаси Коррупцияга қарши курашиш
агентлигининг айрим идоравий норматив-ҳуқуқий ҳуж-
жатларига ўзгартиришлар киритиш ҳақида

*Ўзбекистон Республикаси Адлия вазирлиги томонидан 2025 йил
23 апрелда рўйхатдан ўтказилди, рўйхат рақами 3619*

Ўзбекистон Республикасининг 2025 йил 7 февралдаги ЎРҚ–1025-сон «Корпоратив муносабатларнинг ҳуқуқий асослари янада такомиллаштирилиши муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида»ги Қонунига мувофиқ **буюраман**:

1. Ўзбекистон Республикаси Коррупцияга қарши курашиш агентлигининг айрим идоравий норматив-ҳуқуқий ҳужжатларига иловага мувофиқ ўзгартиришлар киритилсин.

2. Мазкур буйруқ Ўзбекистон Республикаси Президенти ҳузуридаги Давлат хизматини ривожлантириш агентлиги, Ўзбекистон касаба уюшмалари Федерацияси Кенгаши ва Ўзбекистон Республикаси Камбағалликни қисқартириш ва бандлик вазирлиги билан келишилган.

3. Мазкур буйруқ 2025 йил 8 майдан эътиборан кучга киради.

Директор

А. БУРХАНОВ

Тошкент ш.,
2025 йил 11 апрель,
69-сон

Келишилди:

**Давлат хизматини ривожлантириш
агентлиги директорнинг
биринчи ўринбосари**

А. МУСАЕВ

2025 йил 2 апрель

**Ўзбекистон касаба уюшмалари
Федерацияси Кенгаши раиси**

К. РАФИКОВ

2025 йил 2 апрель

*Камбағалликни қисқартириш ва
бандлик вазири ўринбосари*

Б. ЗАХИДОВ

2025 йил 4 апрель

Ўзбекистон Республикаси
Коррупцияга қарши курашиш агентлиги ди-
ректорининг 2025 йил 11 апрелдаги
69-сон буйруғига
ИЛОВА

**Ўзбекистон Республикаси Коррупцияга қарши курашиш
агентлигининг айрим идоравий норматив-ҳуқуқий ҳужжатларига
киритилаётган ўзгартиришлар**

1. Ўзбекистон Республикаси Коррупцияга қарши курашиш агентли-
ги директорининг 2021 йил 6 сентябрдаги 27-сон буйруғи (рўйхат рақами
3319, 2021 йил 8 сентябрь) (Қонунчилик маълумотлари миллий базаси,
08.09.2021 й., 10/21/3319/0856-сон) билан тасдиқланган Коррупцияга қар-
ши ички назорат тузилмалари фаолияти тўғрисидаги намунавий низомнинг
1-бандидан «унитар корхоналари ва» деган сўзлар чиқариб ташлансин.

2. Ўзбекистон Республикаси Коррупцияга қарши курашиш агентлиги ди-
ректорининг 2024 йил 21 октябрдаги 65-сон буйруғи (рўйхат рақами 3569,
2024 йил 5 ноябрь) (Қонунчилик маълумотлари миллий базаси, 05.11.2024 й.,
10/24/3566/0888-сон) билан тасдиқланган Мавжуд манфаатлар тўқнашуви
тўғрисидаги хабарнома, эҳтимолий манфаатлар тўқнашуви тўғрисидаги дек-
ларациялар ва манфаатлар тўқнашувини ҳисобга олиш реестрининг намуна-
вий шакллариининг матнидан «давлат унитар корхоналарида,» деган сўзлар
чиқариб ташлансин.

O'ZBEKISTON RESPUBLIKASI
MARKAZIY BANKI BOSHQARUVINING
QARORI

197 Bank faoliyatiga ruxsat berish tartibi va shartlari
to'g'risidagi nizomga o'zgartirish va qo'shimchalar kiritish
haqida*

*O'zbekiston Respublikasi Adliya vazirligi tomonidan 2025-yil
24-aprelda ro'yxatdan o'tkazildi, ro'yxat raqami 3252-5*

O'zbekiston Respublikasining "O'zbekiston Respublikasining Markaziy banki to'g'risida"gi, "Banklar va bank faoliyati to'g'risida"gi hamda "Mikromoliyalashtirish faoliyati takomillashtirilishi munosabati bilan O'zbekiston Respublikasining ayrim qonun hujjatlariga qo'shimcha va o'zgartirishlar kiritish to'g'risida"gi qonunlariga muvofiq O'zbekiston Respublikasi Markaziy banki boshqaruvi **qaror qiladi:**

1. O'zbekiston Respublikasi Markaziy banki boshqaruvining 2020-yil 25-maydagi 12/1-son qarori (ro'yxat raqami 3252, 2020-yil 30-iyun) (Qonun hujjatlari ma'lumotlari milliy bazasi, 30.06.2020-y., 10/20/3252/1098-son) bilan tasdiqlangan Bank faoliyatiga ruxsat berish tartibi va shartlari to'g'risidagi nizomga ilovaga muvofiq o'zgartirish va qo'shimchalar kiritilsin.

2. Mazkur qaror rasmiy e'lon qilingan kundan e'tiboran kuchga kiradi.

Rais

T. ISHMETOV

Toshkent sh.,
2025-yil 11-aprel,
9/1-son

* Ushbu qaror «Qonunchilik ma'lumotlari milliy bazasi»da 2025-yil 25-aprelda e'lon qilingan.

O'zbekiston Respublikasi
Markaziy banki boshqaruvining 2025-yil
11-apreldagi 9/1-son qaroriga
ILOVA

**Bank faoliyatiga ruxsat berish tartibi va shartlari to'g'risidagi
nizomga kiritilayotgan o'zgartirish va qo'shimchalar**

1. Muqaddima quyidagi tahrirda bayon etilsin:

“Mazkur Nizom bank faoliyatiga ruxsat berish, banklarning kuzatuv kengashi va boshqaruvi a'zolarini, shuningdek muhim ahamiyatga ega xodimlarini baholash va lavozimiga kirishishidan oldin kelishib olish, alohida bo'linmalarini ochish va yopish, ustaviga kiritilgan o'zgartirish va qo'shimchalarni ro'yxatdan o'tkazish hamda ularni qayta tashkil etish va tugatish tartibi hamda shartlarini belgilaydi.”.

2. 1-bo'limning 1-bobidagi 1-paragrafning nomi quyidagi tahrirda bayon etilsin:

**“1-§. Mazkur Nizomning qo'llanilishi hamda O'zbekiston
Respublikasi Markaziy bankiga taqdim etiladigan hujjatlarga
qo'yilgan talablar”.**

3. 1 va 2-bandlar quyidagi tahrirda bayon etilsin:

“1. Mazkur Nizomning banklarga nisbatan belgilangan qoidalari, agar ularda boshqacha qoida belgilanmagan bo'lsa, mikromoliya banklariga nisbatan ham tatbiq etiladi.

2. O'zbekiston Respublikasining Markaziy bankiga (bundan buyon matnda Markaziy bank deb yuritiladi) mazkur Nizomga muvofiq taqdim etiladigan ariza va boshqa hujjatlar qog'oz shaklida yoki elektron raqamli imzo bilan tasdiqlangan holda axborot-kommunikatsiya tizimi orqali elektron shaklda taqdim etiladi.

Bunda, qog'oz shaklida taqdim etiladigan va hajmi bir varaqdan ortiq bo'lgan hujjatlar varaqma-varaq tavsiflangan, tikilgan, raqamlangan va imzolangan bo'lishi lozim. Yillik moliyaviy hisobotlar (sharhlarni o'z ichiga olgan jamlanma balans, foyda va zararlar to'g'risidagi hisobot va moliyaviy hisobotning boshqa shakllari), shuningdek moliyaviy hisobotlarning to'g'riligini tasdiqlovchi auditorlik xulosasi bosmaxona usulida bosilgan broshyuralar ko'rinishida taqdim etilishi mumkin.

Markaziy bankning talabiga asosan alohida hujjatlar elektron shaklda taqdim etilishi lozim.

Elektron shaklda taqdim etilgan ariza yuzasidan qabul qilingan qaror to'g'risidagi xabarnoma ariza beruvchiga axborot-kommunikatsiya tizimi orqali elektron shaklda yuboriladi.

Chet ellik ariza beruvchilar tomonidan mazkur Nizomga muvofiq taqdim etiladigan hujjatlar ariza beruvchi ro'yxatga olingan yerda joylashgan O'zbekiston Respublikasining konsullik muassasasi yoki boshqa konsullik muassasalari tomonidan tasdiqlanadi, bundan mazkur Nizomning 20-bandi 1 — 5, 8 va 10 — 13-kichik bandlarida ko'rsatilgan hujjatlar mustasno.

Markaziy bankka mazkur Nizomga muvofiq ariza bilan murojaat qilgan shaxs ariza beruvchi hisoblanadi.”.

4. 15-bandning beshinchi xatboshisi quyidagi tahrirda bayon etilsin:

“Bank aksiyadorlarining tarkibi, holati yoki ulushi o‘zgarishi oqibatida ushbu band talablari bajarilmayotgan bo‘lsa, bank mazkur holat vujudga kelgan kundan boshlab 6 oydan kechiktirmay firma nomini o‘zgartirishi va bank ustaviga kiritilgan tegishli o‘zgartirishlarni ro‘yxatdan o‘tkazish uchun hujjatlarni mazkur Nizomning V bo‘limi 4-bobida belgilangan tartibda Markaziy bankka taqdim etishi lozim.”.

5. 16-band quyidagi tahrirda bayon etilsin:

“16. Bank ikki va undan ortiq shaxslar tomonidan tashkil etilayotganda muassislar ta‘sis yig‘ilishini o‘tkazadi va o‘zaro ta‘sis shartnomasini imzolaydi. Bank bir muassis tomonidan ta‘sis etilgan taqdirda bankni ta‘sis etish haqidagi qaror shu muassis tomonidan yakka tartibda qabul qilinadi.

Ushbu harakatlar muassislar (muassis) tomonidan banklar va bank faoliyati to‘g‘risidagi qonunchilik hujjatlari va aksiyadorlik jamiyatlari faoliyatini tartibga soluvchi boshqa qonunchilik hujjatlari talablariga rioya etgan holda amalga oshiriladi.”.

6. 20-bandda:

birinchi xatboshidagi “mazkur bandning 1-kichik bandida ko‘rsatilgan hujjat imzolanganidan keyin” degan so‘zlar “bankni tashkil etish to‘g‘risida qaror qabul qilinganidan keyin” degan so‘zlar bilan almashtirilsin;

1 va 2-kichik bandlar quyidagi tahrirda bayon etilsin:

“1) bank ikki va undan ortiq shaxslar tomonidan tashkil etilganda ta‘sis shartnomasini;

2) bankni tashkil etish to‘g‘risidagi qarorni. Bank ikki va undan ortiq muassislar tomonidan ta‘sis etilgan hollarda ta‘sis yig‘ilishi bayonnomasining bank kuzatuv kengashi raisi tomonidan tasdiqlangan nusxasi taqdim etiladi;”;

6-kichik bandning birinchi jumlasidagi “bevosita va bilvosita muassislar, shu jumladan oxirgi benefitsiar mulkdorlar” degan so‘zlar “har bir bevosita va bilvosita muassis, shu jumladan oxirgi benefitsiar mulkdor” degan so‘zlar bilan almashtirilsin;

8-kichik banddagi “kiritilgan” degan so‘z “kiritiladigan” degan so‘z bilan almashtirilsin.

7. 21-band “ariza beruvchidan” degan so‘zlardan keyin “ushbu qarorni qabul qilish uchun zarur bo‘lgan” degan so‘zlar bilan to‘ldirilsin.

8. 26-banddagi “16-moddasida” degan so‘zlar “16 va 19-moddalarida” degan so‘zlar bilan almashtirilsin.

9. 27-band quyidagi mazmundagi xatboshi bilan to‘ldirilsin:

“Markaziy bank ushbu holatlarni bankning ustav kapitalidagi mazkur Nizomning 39-bandni to‘rtinchi xatboshisida nazarda tutilgan miqdordagi ulushni olishga doir dastlabki ruxsatnomani berish to‘g‘risidagi arizani ko‘rib chiqish chog‘ida ham inobatga oladi.”.

10. 28-bandning oltinchi xatboshisi quyidagi tahrirda bayon etilsin:

“mazkur Nizomning 20 — 24-bandlari hamda ushbu bandning ikkinchi —

beshinchí xatboshilariga muvofiq taqdim etilgan hujjatlarning elektron shakldagi ko'chirma nusxalari.”.

11. 29-banddagi “20-moddasida” degan so'zlar “20 va 21-moddalarida” degan so'zlar bilan almashtirilsin.

12. 34-band quyidagi tahrirda bayon etilsin:

“34. Litsenziya berilganligi uchun tegishincha bank yoki mikromoliya banki ustav kapitali eng kam miqdorining 0,1 foizi miqdorida davlat boji undiriladi.”.

13. 73-band “muassislarni” degan so'zdan keyin “, bevosita va bilvosita egalik qiluvchilarni, shu jumladan oxirgi benefitsiar mulkdorlarni” degan so'zlar bilan to'ldirilsin.

14. 141-band quyidagi tahrirda bayon etilsin:

“141. Banklar, bundan mikromoliya banklari mustasno, Markaziy bankning ruxsatnomasi bilan O'zbekiston Respublikasi “Banklar va bank faoliyati to'g'risida”gi Qonunining 31-moddasida belgilangan hollarda chet elda shu'ba banklar ochishi va filiallar tashkil etishi, banklarning kapitalida ishtirok etishi, shu jumladan chet el banklarini tashkil etishda ishtirok etishi mumkin.

Mikromoliya banklariga chet elda banklar, vakolatxonalar ochish va filiallar tashkil etish, chet el banklarining kapitalida, shu jumladan chet el banklarini tashkil etishda ishtirok etish taqiqlanadi.”.

15. 149-band quyidagi tahrirda bayon etilsin:

“149. Bank xizmatlari ofisi bankning tarkibiy bo'linmasi hisoblanadi va bank yoki uning filiali bilan yagona bo'lgan bank (filial) balansi va kodiga ega bo'ladi.”.

ЎЗБЕКИСТОН РЕСПУБЛИКАСИ АДЛИЯ ВАЗИРИНИНГ
БУЙРУҒИ**198** Норматив-ҳуқуқий ҳужжатлар лойиҳаларини илмий экспертизадан ўтказиш бўйича намунавий услубиётни тасдиқлаш тўғрисида*

*Ўзбекистон Республикаси Адлия вазирлиги томонидан 2025 йил
25 апрелда рўйхатдан ўтказилди, рўйхат рақами 3620*

Ўзбекистон Республикасининг «Норматив-ҳуқуқий ҳужжатлар тўғрисида»ги Қонуни, Ўзбекистон Республикаси Президентининг 2024 йил 16 августдаги ПФ–111-сон «Ижтимоий муносабатларни ҳуқуқий тартибга солишнинг барқарорлигини таъминлаш, сифати ва самарадорлигини ошириш чора-тадбирлари тўғрисида»ги Фармони ва Ўзбекистон Республикаси Вазирлар Маҳкамасининг 2025 йил 22 январдаги 29-сон «Норматив-ҳуқуқий ҳужжатлар лойиҳаларининг илмий асосланганлик даражасини ошириш чора-тадбирлари тўғрисида»ги қарорига мувофиқ **буюраман:**

1. Норматив-ҳуқуқий ҳужжатлар лойиҳаларини илмий экспертизадан ўтказиш бўйича намунавий услубиёт иловага мувофиқ тасдиқлансин.
2. Мазкур буйруқ расмий эълон қилинган кундан эътиборан кучга кирази.

Вазир**А. ТАШКУЛОВ**

Тошкент ш.,
2025 йил 24 апрель,
8-мҳ-сон

* Ушбу буйруқ «Қонунчилик маълумотлари миллий базаси»да 2025 йил 26 апрелда эълон қилинган.

Ўзбекистон Республикаси
адлия вазирининг 2025 йил 24 апрелдаги
8-мх-сон буйруғига
ИЛОВА

**Норматив-ҳуқуқий ҳужжатлар лойиҳаларини илмий
экспертизадан ўтказиш бўйича
НАМУНАВИЙ УСЛУБИЁТ**

Мазкур Намунавий услубиёт норматив-ҳуқуқий ҳужжатлар лойиҳаларини илмий экспертизадан ўтказишни ташкил этиш, унда фойдаланиладиган тадқиқот усуллари ҳамда илмий экспертиза натижалари бўйича хулосани тузиш ва расмийлаштириш тартибини белгилайди.

1-боб. Умумий қоидалар

1. Мазкур Намунавий услубиётда қуйидаги асосий тушунчалардан фойдаланилади:

илмий экспертиза — илмий экспертизани ўтказувчи ташкилот томонидан мазкур Намунавий услубиётнинг 2-бандида белгиланган мақсадларда ўтказиладиган экспертиза тури;

илмий экспертизани ўтказувчи ташкилот — илмий экспертизадан ўтказувчи ташкилотларнинг электрон реестрига киритилган ва норматив-ҳуқуқий ҳужжатлар лойиҳаларини (бундан буён матнда лойиҳа деб юритилади) илмий экспертизадан ўтказувчи давлат экспертлик илмий-тадқиқот муассасалари, давлат илмий-тадқиқот муассасалари ҳамда давлат олий таълим муассасалари;

илмий экспертиза натижалари бўйича хулоса (бундан буён матнда экспертиза хулосаси деб юритилади) — қонунчилик ҳужжатлари ва ушбу Намунавий услубиёт талабларига мувофиқ расмийлаштирилган ҳамда ўтказилган илмий экспертиза натижаларини акс эттирувчи ҳужжат;

ишлаб чиқувчи — лойиҳаларни ишлаб чиқувчи ёки тайёрлашни амалга оширувчи орган (ташкилот);

илмий экспертиза усуллари — экспертиза предметига кирадиган тегишли элементларни тадқиқ этиш (билиш)нинг илмий усуллари ва воситалари;

илмий экспертизани ўтказувчи ташкилотларнинг электрон реестри (бундан буён матнда Реестр деб юритилади) — Ўзбекистон Республикаси Адлия вазирлиги томонидан лойиҳаларни илмий экспертизадан ўтказувчи ташкилотларнинг электрон реестри.

2. Илмий экспертизанинг мақсадлари қуйидагилардан иборат:

ижтимоий муносабатларни белгилашга, ўзгартиришга ёки бекор қилишга қаратилган нормаларни норматив-ҳуқуқий ҳужжатда белгилаш зарурати, унинг самарадорлиги, тадбиркорлик фаолияти, атроф-муҳит, инсон ҳаёти, ҳуқуқ ва эркинликларига таъсирини замонавий илм-фан ютуқлари нуқтаи назаридан илмий асосланганлигини ўрганиш;

ижтимоий муносабатлардан келиб чиқаётган муаммоларга лойиҳада таклиф этилаётган ечимлар шаклан ва мазмунан илмий услубларга мувофиқ ишлаб чиқилганлигини атрофлича баҳолаш;

қонун ижодкорлиги, ҳуқуқни қўллаш амалиёти, ислоҳотларни ҳуқуқий таъминлаш жараёнларининг самарадорлигини ошириш ва илмий жиҳатдан асосланганлигини таъминлаш.

2-боб. Илмий экспертизани ташкил этиш

3. Илмий экспертиза илмий экспертизани ўтказувчи ташкилотнинг ма-лакали ходимлари (бундан буён матнда эксперт деб юритилади) томонидан ўтказилади.

Катта ҳажмга ёки соҳалараро хусусиятга эга бўлган лойиҳалар бир неча экспертлардан иборат таркибдаги эксперт комиссияси томонидан илмий экс-пертизадан ўтказилиши мумкин. Бунда, илмий экспертизани ўтказувчи таш-килот раҳбарининг буйруғи билан эксперт комиссияси тузилади.

4. Заруратга қўра, илмий экспертизани ўтказувчи ташкилот илмий экс-пертизани ўтказиш учун бошқа илмий-тадқиқот ташкилотлари ва муассаса-ларидан экспертларни, шунингдек зарур билим ва малакага эга бўлган хори-жий мутахассисларни жалб этиши мумкин.

Илмий-тадқиқот ташкилотлари ва муассасаларидан экспертлар жалб этилганда, улар олдида аниқ вазифалар қўйилиши ва ўз хулосасини бериши лозим бўлган масалалар белгиланиши лозим.

5. Лойиҳани турли илм-фан соҳалари бўйича тадқиқ этишга зарурат мавжуд бўлса, лойиҳа комплекс илмий экспертизадан ўтказилиши мумкин.

Комплекс илмий экспертиза, қоида тариқасида, турли соҳалардаги экс-пертларни (экспертлар гуруҳларини) ўз ичига олган ва ушбу Намунавий услубиётнинг 3-бандида белгиланган тартибда шакллантириладиган эксперт комиссияси томонидан ўтказилади.

6. Лойиҳа илмий экспертизани ўтказувчи ташкилотга келиб тушган кун-дан бошлаб етти кун ичида илмий экспертизадан ўтказилади ҳамда эксперти-за хулосаси ишлаб чиқувчига электрон тизим орқали тақдим этилади.

3-боб. Илмий экспертизани ўтказишда фойдаланиладиган тадқиқот усуллари

7. Илмий экспертиза қуйидаги тадқиқот усулларида фойдаланган ҳолда ўтказилиши мумкин:

- қийёсий-ҳуқуқий таҳлил;
- лингвистик таҳлил;
- тарихий таҳлил;
- моделлаштириш ва вазиятли таҳлил;
- интервью олиш;
- «ақлий ҳужум»;
- давра суҳбати;
- сўровнома ўтказиш.

Лойиҳани илмий экспертизадан ўтказишда бошқа тадқиқот усуллари ҳам фойдаланилиши мумкин.

8. Қиёсий-ҳуқуқий таҳлил усули лойиҳани қонунчиликнинг ўхшаш ёки умумий хусусиятга эга бўлган ҳуқуқий нормалари билан таққослаган ҳолда таҳлил қилишни назарда тутати.

Лойиҳани қиёсий-ҳуқуқий таҳлил усули билан тадқиқ этиш ягона ҳуқуқ ижодкорлиги ва ҳуқуқни қўллаш амалиётини таъминлашга йўналтирилган бўлиб, нафақат таққосланаётган ҳуқуқ нормалари, балки улардаги баён қилиш усуллари, тамойиллари ва атамалар туркумларини ҳам қамраб олади.

9. Лингвистик таҳлил усули лойиҳанинг матни давлат тили қоидалари ва талабларига, шунингдек расмий тилнинг талабларига ва баён этиш услубиётига мувофиқлигини текширишга қаратилган тадқиқотни назарда тутати.

10. Тарихий таҳлил усули лойиҳаларни тегишли масала бўйича қонунчиликнинг ривожланиши ва ўзгаришини сиёсий, иқтисодий ёки ижтимоий вазиятнинг ўзгариши билан, ислохотларга ёхуд тегишли нормаларнинг ишлаб чиқилиши ёки уларга ўзгартиришлар киритилишига эҳтиёжни келтириб чиқарган бошқа ҳолатлар билан ўзаро боғлиқликда ўрганишни назарда тутати.

Лойиҳани тадқиқ этишда унинг ретроспектив (тарихий-тадрижий) таҳлили амалга оширилади. Бунда кўриб чиқиладиган лойиҳадан олдин қабул қилинган норматив-ҳуқуқий ҳужжатлар ва уларнинг кўриб чиқиладиган лойиҳа мазмунига қай даражада таъсир кўрсатганлигини, шунингдек лойиҳада қўлланиладиган аввалги ҳуқуқий воситалар ҳозирги вазиятга ва жамиятнинг долзарб эҳтиёжларига қай даража мос келиш-келмаслигини ўрганиш муҳим аҳамият касб этади.

11. Моделлаштириш ва вазиятли таҳлил усули норматив-ҳуқуқий ҳужжатни муайян вазиятларга қўлланила олишини тадқиқ қилиш ҳамда нормаларнинг тегишли ижтимоий жараёнлар билан қай даражада ўзаро боғлана олишининг истиқболларини аниқлаш имконини берадиган таҳлилий ёндашувни назарда тутиб, муайян муносабатлар тизимини ва вазият ривожланишининг турлича сценарийларини яратишга қаратилган.

Лойиҳани ушбу усул билан тадқиқ этиш гипотетик моделларни ва турли сценарийларни қуриш орқали ҳуқуқни қўллаш амалиётидаги эҳтимолий муаммоларни тартибга солинадиган ижтимоий муносабатлар ҳамда бошқа норматив-ҳуқуқий ҳужжатларда бўлиши мумкин бўлган зиддиятлар билан ўзаро алоқадорлигини аниқлаш ва таҳлил қилишни, шунингдек жорий этиладиган ҳуқуқ нормаларининг амалда қўлланила олишини ва самарадорлигини баҳолашни назарда тутати.

12. Интервью олиш усули илмий экспертиза мақсадлари учун зарур бўлган маълумотларни тўплаш ва сифатли ахборотни (миқдорий кўрсаткичлар билан ўлчаб бўлмайдиган маълумотларни) олишни назарда тутати.

Лойиҳани ушбу усул билан тадқиқ этишда нафақат тегишли соҳада билим ва тажрибага эга бўлган олимлар, мутахассислар ва амалиётчилар, балки лойиҳанинг тартибга солиш таъсири қаратилган манфаатдор томонлар ва субъектлар интервью берувчи сифатида иштирок этиши мумкин.

Ушбу усул интервью берувчи билан бевосита мулоқот қилиш орқали лойиҳанинг муаммоли жиҳатларини аниқлаш, оқибатларини баҳолаш, шунингдек малакали мутахассислар ва манфаатдор томонларнинг қарашлари, фикрлари ва тажрибалари билан танишиш имконини беради.

13. «Ақлий ҳужум» усули чекланган вақт доирасида энг сифатли ва тезкор ечим топиш учун маълум бир муаммони жамоавий муҳокама қилиш орқали ғоялар (фикрлар) яратишни назарда тутди.

«Ақлий ҳужум» иштирокчилари сифатида илмий экспертизани ўтказувчи ташкилот экспертлари ёки бошқа мутахассислар иштирок этишлари мумкин, бунда улар билан аниқ бир масала бўйича ўзаро қарама-қарши ечим ва фикрлар алмашилиди.

14. Давра суҳбати усули лойиҳани, ундаги муаммолар ва ноаниқликларни, шунингдек юзага келиши мумкин бўлган оқибатларни ҳар томонлама ва чуқурроқ баҳолаш мақсадида мутахассислар, юристлар ва давлат органлари, бизнес, жамоат ташкилотлари вакиллари ҳамда бошқа манфаатдор томонлар иштирокида муҳокама қилишдан иборат.

Давра суҳбати семинар, учрашув, форум, конференция шаклида ёки иштирокчиларнинг билдирилган мавзу бўйича олдиндан тайёрланган маъруза билан чиқишларини ҳамда муҳокама якунлари бўйича тегишли хулоса ва тавсияларни шакллантиришни назарда тутувчи бошқа шаклларда ўтказилади.

15. Сўровнома ўтказиш усули лойиҳанинг муҳим жиҳатларига оид саволлар ёрдамида ва илмий асосланган усуллар асосида маълумотлар йиғишни назарда тутди.

Сўровнома ўтказишда респондентлар доираси, уларга киритиладиган саволлар моҳияти ва сони тадқиқот натижаларининг ишончлилигини ва объективлилигини таъминлаш заруратидан келиб чиқиб белгиланади.

4-боб. Экспертиза хулосасини тузиш ва расмийлаштириш

16. Илмий экспертиза натижалари бўйича мазкур Намунавий услубиётнинг иловасига мувофиқ шаклда экспертиза хулосаси тузилади.

17. Экспертиза хулосаси тавсиявий хусусиятга эга бўлиб, хулоса ишлаб чиқувчи томонидан кўриб чиқилади.

18. Экспертиза хулосасида қуйидагилар кўрсатилиши керак:

1) экспертиза хулосасининг санаси ва рақами;

2) ишлаб чиқувчининг тўлиқ номи;

3) лойиҳани илмий экспертизадан ўтказиш учун юборилган хатнинг санаси ва рақами;

4) илмий экспертизани ўтказган, шу жумладан қўшимча жалб этилган экспертлар тўғрисидаги маълумотлар (экспертларнинг фамилияси, исми, отасининг исми, илмий даражаси (агар мавжуд бўлса), илмий унвони (агар мавжуд бўлса), лавозими);

5) лойиҳа тўғрисидаги ахборот, жумладан:

норматив-ҳуқуқий ҳужжатнинг тури;

лоyiҳанинг тўлиқ номи;

лойиҳанинг таркибий тузилиши, шу жумладан қисмлар, бўлимлар, боблар, параграфлар, моддалар, бандлар ва иловалар сони тўғрисидаги маълумот;

лойиҳа илмий экспертизадан ўтказиш учун юборилганда, унга илова қилинган ҳужжатлар ва таҳлилий материаллар рўйхати;

6) илмий экспертизани ўтказишда қўлланилган тадқиқот усули (усуллари);

7) хулоса беришда фойдаланилган манбалар;

8) лойиҳанинг тартибга солиш предмети, шу жумладан лойиҳа билан ҳал этилиши лозим бўлган муаммоли масалаларнинг тавсифи;

9) норматив-ҳуқуқий ҳужжат қабул қилиш орқали муаммоли масалаларни ҳал этиш бўйича маълум бўлган ва самарали ҳисобланган, шу жумладан турли тарихий босқичларда ёки хорижий амалиётда қўлланилган усуллар, механизмлар ва ёндашувларнинг тавсифи;

10) лойиҳа матнининг давлат тили қодалари ва талабларига, шунингдек расмий тилнинг талабларига мувофиқлиги;

11) қуйидагиларни баҳолаш натижалари:

норматив-ҳуқуқий ҳужжат қабул қилинишининг илмий асосланганлиги, шу жумладан тартибга солиш усулининг норматив-ҳуқуқий ҳужжат қабул қилиш орқали ҳал этилаётган муаммоларга ечим ва ёндашув сифатида тўғри танланганлиги ва мақбуллиги (адекватлиги), шунингдек ҳуқуқий тартибга солиш шаклининг тўғри танланганлиги;

лойиҳанинг Ўзбекистон Республикаси ҳуқуқий тизимидаги бўлажак ўрнини, унинг табиати, тамойиллари ва тартибга солиш механизмларига мувофиқлиги, шунингдек лойиҳада назарда тутилаётган масалаларнинг тегишли соҳада мамлакатни ривожлантириш концепция ва стратегиялари, замонавий ёндашувларга мослиги;

қонун лойиҳасининг тўғридан-тўғри амал қилиши имкониятлари;

12) қуйидагиларни таҳлил қилиш натижалари:

тегишли соҳада қонунчиликнинг тарихий ривожланишини ва бунини лойиҳа мазмунига таъсири, шунингдек лойиҳада қўлланилаётган ҳуқуқий воситалар ҳозирги вазиятга ва жамиятнинг долзарб эҳтиёжларига қай даража мос келиши;

лойиҳа матнининг мантикий-мазмунан тўқислиги, шу жумладан фойдаланилган сўзлар, тузилмавий бирликлар ва жумлаларнинг аниқлиги, бир маънолилиги ва мазмунан тушунарлилиги;

13) лойиҳани, шунингдек лойиҳа билан тартибга солинадиган соҳадаги қонунчиликни такомиллаштириш бўйича таклифлар;

14) илмий экспертизани ўтказиш давомида аниқланган, норматив-ҳуқуқий ҳужжатни қабул қилиш натижасида юзага келиши мумкин бўлган бошқа масалалар таҳлили;

15) илмий экспертизадан ўтказиш натижалари бўйича хулоса (илмий асосланган, етарли даражада илмий асосланмаган, илмий асосланмаган).

19. Экспертиза хулосаси аниқ ва лўнда баён этилиши лозим.

Экспертиза хулосасида баён этиладиган маълумотлар катта ҳажмда бўл-

са, улар экспертиза хулосасининг ажралмас қисми ҳисобланган иловада келтирилиши мумкин.

Экспертиза хулосасига асослантирилмаган фикр ва мулоҳазалар, шунингдек назарий (мураккаб) мулоҳазалар ҳамда лойиҳани тартибга солиш предмети доирасидан четга чиқадиган мулоҳазалардан фойдаланишга йўл қўйилмайди.

Хулосалар ва тавсиялар, қоида тариқасида, умумийдан (концептуалдан) хусусийга қараб кетма-кетликда, шунингдек лойиҳа матни баён этилишининг кетма-кетлигидан келиб чиқиб баён этилади.

20. Илмий экспертиза натижаларига кўра эксперт томонидан қуйидаги хулосалардан бири берилади:

лойиҳа илмий асосланган;

лойиҳа етарли даражада илмий асосланмаган;

лойиҳа илмий асосланмаган.

21. Илмий экспертиза натижаларига кўра қуйидагидан бири аниқланган тақдирда, лойиҳа илмий асосланмаган деб топилади:

1) норматив-ҳуқуқий ҳужжатни қабул қилиш зарурати илмий асосланмаган, шу жумладан норматив-ҳуқуқий тартибга солиш механизми норматив-ҳуқуқий ҳужжат қабул қилиш орқали ҳал этилаётган муаммоларга ечим ёки ёндашув сифатида нотўғри танланган ёки номақбул бўлса, шунингдек ҳуқуқий тартибга солиш шакли нотўғри танланган бўлса;

2) лойиҳа ёки унинг айрим нормалари ҳуқуқнинг умумий асосларига, инсоннинг умумэтироф этилган ҳуқуқ ва эркинликларини таъминлаш кафолатларига ва ҳуқуқ-тартибот асосларига мувофиқ келмаса;

3) лойиҳа ёки унинг айрим нормалари Ўзбекистон Республикасининг ҳуқуқий тизимига (унинг асослари ва тартибга солиш механизмларига) мувофиқ келмаса ва унга жорий этилиши (интеграция қилиниши) мумкин бўлмаса ёхуд лойиҳа ёки унинг айрим нормалари ўзи мансуб бўлган ҳуқуқ соҳасининг асослари, тамойиллари, атамалар туркуми ва тартибга солиш механизмларига мувофиқ бўлмаса;

4) лойиҳа ёки унинг айрим нормалари Ўзбекистон Республикаси қонунчилигини ва ҳуқуқни қўллаш амалиётини ривожланиши тенденцияларига мувофиқ келмаса, башарти ушбу номувофиқликни экспертиза хулосаси тавсияларига мувофиқ бартараф этилиши норматив-ҳуқуқий ҳужжатни қабул қилиш заруратининг йўқолишига ёки лойиҳанинг концептуал ўзгаришига олиб келса;

5) лойиҳанинг қабул қилиниши ва амалга оширилиши у тартибга соладиган ижтимоий муносабатларда салбий оқибатларга олиб келса, бундан муаммони бошқача йўл билан ҳал этиш имкони бўлмаган ва бунда лойиҳада таклиф этилаётган ҳуқуқий тартибга солиш чораларининг афзалликлари кутилаётган салбий оқибатлардан устунлиги ишлаб чиқувчи томонидан асосланган ва ҳар бир салбий таъсирни камайитириш ёки юмшатиш бўйича етарли чора-тадбирлар ишлаб чиқилган ҳолатлар мустасно;

6) лойиҳада янги ҳуқуқий нормаларни жорий этиш заруратини асослантиришга ёки лойиҳа орқали ҳал этилаётган муаммо ва таклиф этилаётган

ҳуқуқий тартибга солиш чораси ўртасидаги ўзаро сабаб-оқибат боғланиш-ни аниқлашга имкон бермайдиган бошқа камчиликлар мавжуд бўлса ёхуд ишлаб чиқувчи томонидан жорий этиш таклиф этилаётган янги нормалар давлат ва жамият ривожланишининг умумий қонуниятларига зид бўлиб, илмий жиҳатдан асослантирилиши мумкин бўлмаса.

22. Агар ушбу Намунавий услубиётнинг 18-бандида назарда тутилган барча ҳолатларни текшириш, баҳолаш ва таҳлил қилиш натижалари бўйича эксперт ижобий хулосага келса ҳамда мазкур Намунавий услубиётнинг 21-бандида назарда тутилган ҳолатлар аниқланмаса, лойиҳа илмий асосланган деб топилади.

23. Агар ушбу Намунавий услубиётнинг 18-бандида назарда тутилган ҳолатлардан ҳеч бўлмаганда биттасини текшириш, баҳолаш ва таҳлил қилиш натижаларига кўра эксперт ижобий хулосага келмаса ёки Намунавий услубиётнинг 21-бандида назарда тутилган ҳолатлардан бири мавжудлиги аниқланса, башарти лойиҳани илмий асосланмаган деб топиш учун мазкур Намунавий услубиётнинг 21-бандида назарда тутилган асослар мавжуд бўлмаса, лойиҳа етарли даражада илмий асосланмаган деб топилади.

5-боб. Якуний қоида

24. Ўзбекистон Республикаси Адлия вазирлиги вазирлик ва идораларнинг лойиҳаларни илмий экспертизадан ўтказиш фаолиятини Ўзбекистон Республикаси Вазирлар Маҳкамасининг 2025 йил 22 январдаги 29-сон «Норматив-ҳуқуқий ҳужжатлар лойиҳаларининг илмий асосланганлик даражасини ошириш чора-тадбирлари тўғрисида»ги қарори ва ушбу Намунавий услубиётга асосан мувофиқлаштириб боради.

Норматив-ҳуқуқий ҳужжатлар
лойиҳаларини илмий экспертизадан ўтказиш
бўйича намунавий услубиётга
ИЛОВА

(Илмий экспертизадан ўтказган ташкилот номи)

**ИЛМИЙ ЭКСПЕРТИЗА НАТИЖАЛАРИ БЎЙИЧА
ЭКСПЕРТ ХУЛОСАСИ**

« ____ » йил « ____ » _____ даги
« ____ »-сон

**1. Норматив-ҳуқуқий ҳужжат лойиҳасини ишлаб чиқувчининг
тўлиқ номи:**

2. Норматив-ҳуқуқий ҳужжат лойиҳаси тўғрисидаги ахборот:

**3. Норматив-ҳуқуқий ҳужжат лойиҳасини илмий экспертизадан
ўтказиш учун юборилган хатнинг санаси ва рақами:**

**4. Илмий экспертизани ўтказган, шу жумладан қўшимча жалб
этилган экспертлар тўғрисидаги маълумотлар (экспертларнинг
фамилияси, исми, отасининг исми, илмий даражаси (агар мавжуд
бўлса), илмий унвони (агар мавжуд бўлса), лавозими):**

5. Норматив-ҳуқуқий ҳужжат лойиҳаси тўғрисидаги ахборот:

**6. Илмий экспертизани ўтказишда қўлланилган тадқиқот усули
(усуллари):**

7. Хулоса беришда фойдаланилган манбалар:

**8. Норматив-ҳуқуқий ҳужжат лойиҳасининг тартибга солиш
предмети, шу жумладан лойиҳа билан ҳал этилиши лозим бўлган
муаммоли масалаларнинг тавсифи:**

**9. Норматив-ҳуқуқий ҳужжат қабул қилиш орқали муаммоли
масалаларни ҳал этиш бўйича маълум бўлган ва самарали ҳисоб-
ланган, шу жумладан турли тарихий босқичларда ёки хорижий
амалиётда қўлланилган усуллар, механизмлар ва ёндашувларнинг
тавсифи:**

10. Норматив-ҳуқуқий ҳужжат лойиҳаси матнининг давлат тили

қоидалари ва талабларига, шунингдек расмий тилнинг талабларига мувофиқлиги:

11. Норматив-ҳуқуқий ҳужжат лойиҳасини баҳолаш натижалари:

12. Норматив-ҳуқуқий ҳужжат лойиҳасини таҳлил қилиш натижалари:

13. Норматив-ҳуқуқий ҳужжат лойиҳасини такомиллаштириш бўйича таклифлар:

14. Бошқа масалалар таҳлили:

15. Илмий экспертизадан ўтказиш натижалари бўйича хулоса (илмий асосланган, етарли даражада илмий асосланмаган, илмий асосланмаган):

Экспертлар:

(лавозими, илмий даражаси)

(Ф.И.О.)

Раҳбар:

(лавозими, илмий даражаси)

(Ф.И.О.)

**Ўзбекистон Республикаси Адлия вазирлигининг
вазирликлар, давлат қўмиталари ва идораларнинг
норматив-ҳуқуқий ҳужжатларини давлат рўйхатидан
ўтказиш ҳолати тўғрисида
МАЪЛУМОТИ**

I. Давлат рўйхатидан ўтказилди:

1. Ўзбекистон Республикаси қишлоқ хўжалиги вазирининг 2025 йил 16 апрелдаги 30-сон “Тупроқ бонитировкаси ишларини ўтказиш ва ҳужжатларини тасдиқлаш тартиби тўғрисидаги низомга ўзгартиришлар киритиш ҳақида”ги буйруғи.

2025 йил 21 апрелда рўйхатдан ўтказилди, рўйхат рақами 2521-4.

2. O‘zbekiston Respublikasi Markaziy banki boshqaruvining 2025-yil 1-apreldagi 7/6-son “Tijorat banklari kapitalining monandligiga qo‘yiladigan talablar to‘g‘risidagi nizomga o‘zgartirish va qo‘shimchalar kiritish haqida”gi qarori.

2025-yil 21-aprelda ro‘yxatdan o‘tkazildi, ro‘yxat raqami 2693-13.

3. O‘zbekiston Respublikasi Markaziy banki boshqaruvining 2025-yil 1-apreldagi 7/5-son “Tijorat banklarining likvidligini boshqarishga qo‘yiladigan talablar to‘g‘risidagi nizomga qo‘shimcha va o‘zgartirishlar kiritish haqida”gi qarori.

2025-yil 21-aprelda ro‘yxatdan o‘tkazildi, ro‘yxat raqami 2709-7.

4. O‘zbekiston Respublikasi Markaziy banki boshqaruvining 2025-yil 8-apreldagi 7/4-son “Qarz oluvchi jismoniy shaxslarning qarz yukini tartibga solish to‘g‘risidagi nizomni tasdiqlash haqida”gi qarorga o‘zgartirish va qo‘shimchalar kiritish to‘g‘risida”gi qarori.

2025-yil 21-aprelda ro‘yxatdan o‘tkazildi, ro‘yxat raqami 3205-4.

5. O‘zbekiston Respublikasi maktabgacha va maktab ta’limi vazirining 2025-yil 9-apreldagi 2-mh-son “Umumiy o‘rta ta’lim oluvchilarning yakuniy davlat attestatsiyasi to‘g‘risidagi nizomga o‘zgartirishlar va qo‘shimcha kiritish haqida”gi buyrug‘i.

2025-yil 22-aprelda ro‘yxatdan o‘tkazildi, ro‘yxat raqami 1778-4.

6. O‘zbekiston Respublikasi Markaziy banki boshqaruvining 2025-yil 8-apreldagi 7/3-son “Banklarga o‘rnatiladigan makroprudensial normativlar hamda ular tomonidan beriladigan kreditlar (mikroqarzlar) bo‘yicha to‘lovlarning eng yuqori qiymatlariga doir talablar to‘g‘risidagi nizomni tasdiqlash haqida”gi qarori.

2025-yil 22-aprelda ro‘yxatdan o‘tkazildi, ro‘yxat raqami 3618.

7. O‘zbekiston Respublikasi Markaziy banki boshqaruvining 2025-yil

11-apreldagi 9/3-son “Kredit byurolarini ro‘yxatga olish va ularning faoliyatini litsenziyalash tartibi to‘g‘risidagi nizomga qo‘shimcha va o‘zgartirishlar kiritish haqida”gi qarori.

2025-yil 23-aprelda ro‘yxatdan o‘tkazildi, ro‘yxat raqami 3042-5.

8. Ўзбекистон Республикаси Коррупцияга қарши курашиш агентлиги директорининг 2025 йил 11 апрелдаги 69-сон “Ўзбекистон Республикаси Коррупцияга қарши курашиш агентлигининг айрим идоравий норматив-ҳуқуқий ҳужжатларига ўзгартиришлар киритиш ҳақида”ги буйруғи.

2025 йил 23 апрелда рўйхатдан ўтказилди, рўйхат рақами 3619.

9. O‘zbekiston Respublikasi Markaziy banki boshqaruvining 2025-yil 11-apreldagi 9/1-son “Bank faoliyatiga ruxsat berish tartibi va shartlari to‘g‘risidagi nizomga o‘zgartirish va qo‘shimchalar kiritish haqida”gi qarori.

2025-yil 24-aprelda ro‘yxatdan o‘tkazildi, ro‘yxat raqami 3252-5.

10. Ўзбекистон Республикаси адлия вазирининг 2025 йил 24 апрелдаги 8-мх-сон “Норматив-ҳуқуқий ҳужжатлар лойиҳаларини илмий экспертизадан ўтказиш бўйича намунавий услубиётни тасдиқлаш тўғрисида”ги буйруғи.

2025 йил 25 апрелда рўйхатдан ўтказилди, рўйхат рақами 3620.